

ভুবনপুরের হাট

ঊৎসর্গ

শ্রীযুক্ত শত্ৰুনাথ বন্দ্যোপাধ্যায়

শ্রীচরণেযু,

আপনি সত্যবান, আপনাকে প্রণাম

তারাকর

এক

সারালের হাট যাবা ?

আমার ঝিনঝিনি রোগ

নিরে যাবা ?

একটা গ্রাম্য ছড়া। কাটোরার কাছে 'সারাল'—লোকের জিভের ডগায় কিভাবে 'সারাল' হয়ে গেছে তা পণ্ডিতেরা বলতে পারেন। কিন্তু লোক সারাল বলে—এবং সারালের হাট বড় হাট প্রাচীন হাট; কাকুর ঝিনঝিনি রোগ হলে লোকে বলে, সারালের হাটে গিয়ে বিকিকিনি করলে—বিশেষ করে বিক্রী করবার যদি কিছু থাকে তবে তার সঙ্গে নিজেকে থেকে 'কাউ' দিরা, 'কাউয়ের' সঙ্গে তোমার ঝিনঝিনি রোগ সেরে যাবে। কিনবার বেলায় যদি ছুঁপয়সা শ্রাব্য দামের উপর একটা পরস্যা বেশী গুঁজে দিতে পার তবে ঝিনঝিনি তার সঙ্গে দেওয়া হয়ে যাবে। সারালের হাটুয়েরা নাকি খুব সাবধান হয়ে জিনিস বিক্রী করে, কখনও এক পরস্যা ঠকিয়ে নেয় না, নিলেই ঝিনঝিনি রোগ নেওয়া হয়ে যায়।

ভুবনপুরের হাট খুব পুরনো হাট। ভুবনপুর অনেকগুলো এ অঞ্চলে; গঙ্গার ধারে গঙ্গাভুবনপুর, ক্রোশ কল্লক পশ্চিমে বিপ্রভুবনপুর, তার ওধারে ছোটভুবনপুর। মাঠান অঞ্চলে শ্রীভুবনপুরের জমি বাংলাদেশের মধ্যে উর্বর, বিঘেতে বারো-চৌদ্দ মণ—ষোল মণ খানও কলে। এক বিঘে জমির দাম ওখানে অনেক, আড়াই হাজার টাকাতো বিক্রী হয়েচে, উৎকৃষ্ট কনকচূড় খান কলে তাতে। এ জমির কনকচূড়ে খই হয় নিটোল বড় মুক্তার মত। খানে যখন শীষ বের হয় তখন স্নানর গন্ধে বেশ খানিকটা জায়গা ভরে যায়। কিন্তু হাটের ভুবনপুর শুধু ভুবনপুর, ভুবনেশ্বর অনাদিলিজ আছেন—তার নামে ভুবনপুর। বাইরের লোকে বলে শিবভুবনপুর, কিন্তু এখানকার লোকে বলে শুধু ভুবনপুর—আদি ভুবনপুর—বিশেষ্বরের কানী, তারকনাথের তারকেশ্বর, বৈতনাতের দেবঘর, ভুবনেশ্বরের ভুবনপুর। শিবের সঙ্গে দুর্গার ঝগড়া হয়েছিল; দুর্গা গয়না চেয়েছিলেন, কাপড় চেয়েছিলেন, শেষ শাঁখা চেয়েছিলেন। শিব বলেছিলেন—আমি ভিক্ষে করে খাই ওগব কোথায় পাব ? এতে একবার দুর্গা রাগ করে বাপের বাড়ী গিয়েছিলেন। তারপর শিব শাঁখারী সঙ্গে শাঁখা পরাতে গিয়ে দুর্গার মান ভাঙিয়েছিলেন। কিন্তু এ ঝগড়া তো মিটবার নয়, দুর্গারও গয়নার সাধ, শিবও ভিক্ষে ছাড়া কাজ করবেন না। কিরোবারের ঝগড়ার নাকি শিব বলেছিলেন—বাপু তোমাকেই তো লোকে দেবতাতে মৈত্যাতে সকলে বলে তিনভুবনের মালিক। তা নিজেই নিজের ব্যবস্থা তো করতে পার। আমাকে ছাড়ান দাও—আমি আপনায় ভিখ মেগে শ্মশানে-মশানে চিভের চুলোর রোঁধে বেড়ে খেয়ে গাছতগার পড়ে থাকব। দুর্গা শিবকে শিক্ষা দিতে বিশ্বকর্মা কে বললেন—তুই ওই মণিকর্ণিকার শ্মশানে শিব যেখানে ত্রিশূল গেড়ে বসেছে—ওইখানেই একরাতে আমার রাজধানী তৈরী কর। বিশ্বকর্মা তাই করলেন; দুর্গা সেখানে এসে রাজরাজেশ্বরী অন্নপূর্ণা হয়ে বসে তিনভুবনের অন্ন হরণ করে কানীতে অন্নকুট আনের পাহাড় তৈরী করে বললেন—যে হাত পাওবে, পাত পাড়বে সেই খেতে পাবে। শিব বিশ্ব-

অন্ধাও ঘুরে ভিক্ষে না পেয়ে কালীতে এসে অন্নপূর্ণার কাছে ভিক্ষের অন্ন খেয়ে বাচলেন। কিন্তু মনের দুঃখ ভোগে গেল না। মনে মনে ভেবেচিন্তে একদিন নন্দীকে ডেকে বললেন— নন্দী, আমিও এক রাজধানী তৈরী করব। নন্দী বললে—খুব ভালো হয় দেবতা—মাটির ওই দুটো ঝি জয়া আর বিজয়ার মুখনাড়া আর সহ হয় না।

—কিন্তু গড়বে কে? বিশ্বকর্মা বেটার মুরদ তো কাশী গড়া। ওর থেকে ভাল তো বেটা জানে না। আমার যে কাশী থেকে ভাল হওয়া চাই।

নন্দী বললে—ভাবনা কি দরামর। তোমার ভূতেরা রয়েছে। কত বেটা মন্দির-গড়িয়ে, কেল্লা-গড়িয়ে, রাজপ্রাসাদ-গড়িয়ে মরে জুত হয়ে তোমার দরবারে রয়েছে। খাচ্ছেদাচ্ছে আর নাচছে তোমার ডব্বরর তালে হরিনামের সঙ্গে। তাদের বলুন—দেবে বানিয়ে। বিশ্বকর্মা একরাত্রে বানিয়েছে, এরা এক প্রহরে বানিয়ে দেবে।

স্বপ্নি ভূতেরা শুনে খুব খুশী। বিশ্বকর্মা কে হারিয়ে দেবে। তারা বললে—ঠিক আছে জুতভাবন আশুতোষ। দিচ্ছি বানিয়ে। শুধু গাঁজার হুকুম হয়ে যাক।

শিব বললেন—নন্দী, পাঁচশো মণ গাঁজা দাও বেটাদের। আর শোন—কাশীর সঙ্গে কিচ্ছুর মিল থাকবে না। নদীর ধারে নয়, ডাক্তার; পাথরকাতর নয়, মণিমানিক স্ফটিক মর্ষর কিছু না। স্নেহ মাটি! আর আমার বাড়ীটা করবি, মাটির ভিত, বাতাসের দেওয়াল, আকাশের ছাদ! আর তোদের অন্তে মস্ত কেল্লা। বেলগাছ ব্যারাক, বটগাছ ব্যারাক, শ্রীগুড়াগাছ ব্যারাক। লোকদের জন্তে বাড়ি, মস্ত দিবী জলের জন্তে আর একটা বাজার।

ভূবনপুরের লোকে বলে—ক্যাপা শিবের ক্যাপা খেয়াল, ভূতের দলের ভুতুড়ে কাণ্ড, একপ্রহর নাই যেতে তেপাস্তরের মাঠের উপর জলটলোমলো সরোবর ঘিরে গড়ে উঠল ভূবনপুর। সরোবরের ঘাটের উপর মড়ার খুলির চিপি মাটি দিয়ে ঢেকে তারপর গড়ে উঠল ভূবনেশ্বরের আটন। আজও বিশটা সিঁড়ি ভেঙ্গে উপরে উঠতে হয়। বাতাসের দেওয়াল আকাশের ছাদ সে লোকে দেখে না—দেবতার দেখে। আর ভূতে দেখে। চারিপাশ ঘিরে বাবার ভূত-বাহিনীর কেল্লা বেল-মহল, বট-মহল, তারই মধ্যে মধ্যে শ্রীগুড়া-মহল। বেলবাগানে ঐক্যদৈত্য সেনাপতির দল, বটবাগানে ভূতবাহিনী এবং শ্রীগুড়াগাছ-মহলে প্রেতিনীবাহিনী বাসা নিলে। নন্দী ঢাক পিটিয়ে শিঙা বাজিয়ে মাটির ভূবনের মাহুঘদের জানিয়ে দিলে—ভূবনেশ্বরের ভূবনপুরে যারা বাস করবে তাদের ভূতের ভয় থাকবে না, প্রেতিনীদের নজর লাগবে না।

লোকেরা দলে দলে এল—মাহুঘে মাহুঘে গুরে গেল ভূবনপুর। কিন্তু বিপদ হল, খাবে কি? অন্নপূর্ণা তাঁর সঙ্গে লক্ষ্মী কালীতে, ভূবনপুরের দিকে পিছন ফিরে বসে আছেন। তখন শিব ডাকলেন গন্ধেশ্বরীকে। বললেন—গন্ধেশ্বরী, ভূবনপুরের মা হতে হবে তোমাকে। অন্নপূর্ণা আর লক্ষ্মীর অহঙ্কার ভাঙতে হবে। গন্ধেশ্বরী বললেন—বেশ! বসলাম আমি বাজারে আটন পেতে। মুগ মসুর ছোলা লক্ষা তার সঙ্গে মসলা এ এই ভূবনেশ্বরের হাট ছাড়া মিলবে না। অন্নপূর্ণা কালীতে থাকুন চাল আর ধান নিয়ে।

ভূবনেশ্বর বললেন—আর এই কথা রইল, শিববাক্য—ভূবনেশ্বরে বা আসবে বিক্রীর অন্তে

তা বিক্রী হবেই, কিনে যাবে না। কুবেরের উপর আদেশ রইল সে কিনে নেবে সব।

ভাই হল। ভুবনেশ্বরের হাট জমজমাট হয়ে উঠল। কুবেরের অহুচরেরা মন্থকাম্য নিয়ে ভুবনপুরে গদি খুলে বসল। ধ্বস্তরীর শিষ্য এসে বসল কবিরাজ হয়ে, যোগ নিয়ে এলে এখানেই ভাল হবে। না হলে ভুবনেশ্বরের মাটি আছে চরণোদক আছে।

দিকদিগন্তর থেকে লোক আসে। খবর আসে কাশীতে অন্নপূর্ণা নাকি জাবিত হয়েছেন। ভুবনেশ্বর বললেন—আমি যাচ্ছি না।

দেবতার। এলেন—প্রভু, কাশী কিনে চলুন। এ কি ক্যাপামি করছেন!

ভুবনেশ্বর বললেন—কক্ষনো না। ব্রহ্মা বিষ্ণু এলেও না। আমি গন্ধেশ্বরীকে নিয়েই রাজত্ব করব এখানে!

দেবতার। হত্যাশ হয়ে ফিরে গেলেন। কয়েকদিন পরে গন্ধেশ্বরী কুবের দুজনে এসে শিবকে বললেন—মহা বিপদ!

—কি বিপদ?

—একটি সুল্লরী যুবতী এসেছে একটি কাঁপি নিয়ে। তার ভিতরে এনেছে তার মনের দুঃখ। কিন্তু সে কে কিনবে? আমরা কিনতে গেলাম, কিনে না হয় জলে ভাসিয়ে দেব। কিন্তু দাম শুনে পিছিয়েছি। সে দাম তো আমাদের কাছে নেই।

শিব বললেন—কি দাম চাইছে সে? রাজ্য? স্বর্গরাজ্য? মণিমানিক্য?

—না দেবতা। বলে এক কাঁপি সূখ নিয়ে এক কাঁপি দুঃখ বেচবে।

—এই কথা! এর আর কি? চল, দিবে আসি এক কাঁপি সূখ। বিধ গলার আছে দুঃখটা নয় বুকে রাখব, চল।

শিব এসে দাঁড়ালেন। দাঁড়ালেন তো মেয়ের রূপ দেখে হতবাক। একটু সামলে নিয়ে বললেন—দাঁও তোমার দুখের কাঁপি!

—মাগে ঠাকুর সূখের কাঁপি দাঁও।

—ওহে কুবের আনো, একটা কাঁপি আনো!

কাঁপি নিয়ে বললেন—এই কাঁপি আমার বরে তোমার মনের সূখে ভরে যাক। দাঁও এবার তোমার দুখের কাঁপি।

মেয়ে সূখের কাঁপি নিয়ে দুখের কাঁপি দিয়ে শিবের জয় জয় ধ্বনি দিয়ে চলল—বললে—শিববাক্য সত্যি করতে শিবদুত্তরা কোথায় আছে—আমার পালানো স্বামীকে বেঁধে নিয়ে আমার ধরে পৌঁছে দিয়ে এস। স্বামীকে না পেলে মেয়েলোকের মনের সূখ কোথায়? হনহন করে চলতে লাগলেন কস্তে। এদিকে বেলগাছ শিমুলগাছ বটগাছ থেকে শিব-সৈন্তরা, পুরোভাগে অরং নন্দী ছুটে এল, দড়ি নিয়ে দড়া নিয়ে শিবকে বাঁধতে লাগল।

—একি? একি? একি? ওরে বেটারা ডুডেরা করিস কি? শিব রাগে টেটিয়ে উঠলেন।

নন্দী বললে—চীৎকার করো না দেবতা! মুখ বুজে চূপ করে থাক। নিজে বর দিবেছ—তার সঙ্গে তুমিই কুম্ব দিবেছ তোমাকে বাঁধতে। এখন সার চোঁচালে হবে কি!

বাধ ভূতমা, ক্যাপা বাবাকে কৰে টেনে বাধ। দেখিস যেন খুলে না পালায়। না হেঁড়ে।
শিব ৱেগে চীংকাৰ কৰলেন—নন্দী!

নন্দী হাত জোড় কৰে বললে—দেবতা, তোমাৰ চেয়ে তোমাৰ বৰ বড়ো, বাৰ্ণিক্য বড়ো,
কি কৰব বল! চিনতে পাৱছ না ও মেয়েকে? ও যে মা, মা দুৰ্গা!

শিব দীৰ্ঘনিশ্বাস ফেলে বললেন—নে তবে চল নিয়ে। না বাবা একটু দাঁড়া। বলে
ডাকলেন—দুৰ্গা, আমি হেৱেছি, হাৰ মানছি। চিনতে পাৰি নি তোমাকে, সকালে বেশা
বড় কড়া হৱে গিছিল। চোখে দেখতেই পাচ্ছিলাম না। তা বেশ। হেৱেছি যখন তখন
নিজেই বাব আমি। কিন্তু আমাৰ শখ কৰে ভৈৱী ভুবনপুৰ, এৱ একটা বাবস্থা কৰে বাও।
স্বামীৰ কীৰ্তি এটা—নষ্ট হলে বদনাম তোমাৰই হবে!

দুৰ্গা হেলে বললেন—বেশ। আমি বৰ দিলাম—তোমাৰ এতটুকুৰ অংশ এখানে থাকবে
ভুবনেখৰ শিব-হৱে, আমি থাকব গন্ধেশ্বৰী হৱে, আৱ এই হাট থাকবে। এই হাটে অবিজি
কিছু থাকবে না। সূৰেৰ দামে দুখ বিকোবে। হুৰেৰ দামে সুখ। তবে আমাৰ মতন
পৱানেৰ স্মৰ্তি থাকা চাই। বিশ্বাস থাকা চাই। দোনা মোনা, দেব কি দেব-না ভাব মনেৰ
কোণে থাকলে হবে না। হুৰেৰ বোঝা বেচতে এসে দিগুণ হবে। সূৰেৰ বদলে দুখ পাবে
না, সুখ বাড়িয়ে ধৰ কিয়বে। এবাৰ খুশী?

শিব বললেন—খুশী।

—তা হলে চল।

—চল। বাধন খুলতে বল।

দুৰ্গা শিবকে বললেন—বাধন খুলবে, কিন্তু নন্দীৰ কাঁধে চেপে আসতে হবে। নইলে
তোমাৰ চৰিত্ৰ জানি, কোথাৰ কোন কেঁচুনী পাড়ায় কোন কহকে দেখে ভাগবে। নইলে
চাঁড়াল পাড়ায় গাঁজাৰ গন্ধে সেখানে গিয়ে জমে যাবে।

শিব চড়লেন নন্দীৰ কাঁধে, বাঁড়টাকে সিংহেৰ লেজে বেঁধে দেওৱা হল, মা দুৰ্গা সিংহতে
চড়ে কিৱলেন কানী।

এই এখানকাৰ লোকপ্ৰবাদ। বাংলাদেশে শিব দুৰ্গাৰ অনেক বিচিত্ৰ কাহিনী। এটাও
একটা। শিব বাংলাদেশে চাৰ কৰেন, মা দুৰ্গা শাঁখা পৰৱাৰ পয়গাৰ অভাবে ৱাগ কৰে
বাপেৰ বাড়ী যান। শিবেৰ চৰিত্ৰ পৰীক্ষা কৰতে মা দুৰ্গা কেঁচুনী মেয়ে সাজেন, মাছ
ধৱেন। শিব তাঁৰ ৰূপে ভুলে, কেঁচুনী পাড়ায় এসে ঘোৱাক্ৰেৰা কৰেন, মাছ ধৱেন কেঁচুনে
পাড়ায় কাদা ঘেঁটে মাছ-ধৰা পুৰুষদেৱ সজে। ভুবনপুৰে ভুবনেখৰ ভৈৱব আজও হাটেৰ
দিনে অদ্ভুত খেকে হাটেৰ বেচা-কেনাৰ তৰিৱ কৰেন। গন্ধেশ্বৰী পূজাৰ সময় বেলা হয়, সে
সময়ে শিব পূৰ্ণ হৱে ভুবনেখৰেৰ মধ্যে অধিষ্ঠান হন।

ইদানীংকালে ১৩৩৫ সালে, আবাৰ স্বাধীনতাৰ পৰ ইংৱেজী চুৱাৰ-পকাৰ সালে
সেটেলমেণ্ট হৱেছে—তাতে সৱকাৰী তদন্তে ধৰা পড়েছে ও সৰ গালগল, কোন গাঁজাখোৰ
পুৰুষ-টুকুতদেৱ ভৈৱী, নেহাৎ কৰে ভুবনপুৰে ওই বেলে অশধ স্তাওড়া গাছেৰ আখা জমল বেৱা
তিপির উপৰ একটা পাথৰ পুঁতে বাজী জমাতে এই কাহিনীৰ সৃষ্টি কৰেছিল। মুসলমান

আমলে ভুবনপুরের পাশের গ্রাম, সেটা গুরুবশিক-প্রধান গ্রাম—সেই গ্রামে কাটোরা অঞ্চল থেকে কোঁজদারের কোপদৃষ্টিতে পড়ে পালিয়ে এসেছিলেন এই গ্রামে তাঁর আত্মীয় স্বজ্ঞাতীদের কাছে। এবং নিপুণ ব্যবসায়বুদ্ধিশালী এই নবীন দে নামক ব্যক্তিটি ওই গ্রামে ব্যবসায় করতে গিয়ে আত্মীয়স্বজনদের সঙ্গে কোন বিরোধিতা না করে দেখে শুনে ক্রোশ দুই দূরবর্তী এই পতিত প্রান্তর বন্দোবস্ত নিয়েছিলেন। তখন এই পাঁচ ক্রোশ লম্বা লাল মাটি আর পাথর ভরা মাঠের নাম ছিল তিনভুবনের মাঠ। ঠিক মাঝখান দিয়ে চলে গেছে সেকালের সড়ক, সড়কের পাশে উত্তরের তিন ক্রোশ দক্ষিণে দু ক্রোশ দূরে ছুখানি গ্রাম। এই বট বেল অশথের জল ছিল ডাকাত ঠ্যাঙাড়েদের আড্ডা। আর এই পাঁচ ক্রোশের মধ্যে কোন ভাল জলাশয় ছিল না। প্রান্তরটা বন্দোবস্ত নিয়ে নবীন দে এখানে কাটিয়েছিলেন একটি ছোট জলাশয় আর এই ডাকাত ঠ্যাঙাড়েদের সঙ্গে রক্ষা করে তাদের কিছু কিছু জমি দিয়ে বসত করিয়ে প্রজা বানিয়েছিলেন। তারপর খুলেছিলেন একটি চটি। এই ডাকাতেরাই ছিল এখানকার পাহারাদার। ক্রমে চটি থেকে করেছিলেন ধান চাল কেনার আড়ত। তারপর ছোট পুকুর কাটিয়ে বড় করে করেছিলেন সরোবর দিঘী। জল হয়েছিল বড় নির্মল; ভলা থেকে জল উঠত। রাত অঞ্চলে খোয়াই প্রান্তরে হাত কয়েক খুঁড়লেই যেমন ঝরনা ওঠে তেমনি ঝরনা পেয়েছিলেন দে তাঁর ভাগ্যক্রমে। ক্রমে চটি আড়ত জমে উঠল। বসবাসের বাড়ি করলেন দে। কয়েক ঘর আপন জন বসল আশেপাশে। তাঁর গুরু এলে বাস করলেন এখানে; দে তাঁর বাড়ি করে দিলেন—জমিও কিছু দিলেন। এই গুরু এই টিপিটির উপর এসে বসন্তেন সন্ধ্যা সকাল। অনেক দূর দেখা যায়। নির্জন রাজ্যে কিছু জগতপও করতেন। হঠাৎ তিনি একদিন স্বপ্ন দেখলেন। এই স্বপ্ন। এবং একদিন শিব সত্যই উঠলেন মাটি ফেটে। লোক ভেঙে পড়ল দেখতে। গুরু তখন বললেন—আগামী পূর্ণিমা—বৈশাখী পূর্ণিমা—নবীন, তুমি গন্ধেশ্বরীর পূজা আনো। আর এখানকার সকল লোককে বললেন—ওই সরোবর থেকে শিবের মাথার জল ঢালতে হবে; এক হাজার আট বড়া জলে বাবার স্নান হবে।

দিঘীর নাম হল ভুবনদিঘী। তিনভুবনের মাঠের নাম হল ভুবনপুর। বাবার নাম ভুবনেশ্বর। লোক সমাগম হলেই দোকানদানি আসে, আপনিই এসেছিল। সেখানে বিকিকিনি হল খুব। দিঘীর পাড়ে ওই প্রবাদে হাটের পত্তন হল। শিববাক্য রক্ষা করতে নবীন দে হাটের সমস্ত অবিজ্ঞীত জিনিস কিনে নিতেন। সে সব জিনিস গাড়ি করে পরের দিন মঙ্গলবারে পাঁচ ক্রোশ দূরের গোপালগঞ্জের হাটে পাঠাতেন। লোকসান হলেও সে লোকসান ব্যবসারী নবীন দে সঙ্গে নিতেন। সোম গুরু শিবের বার, সেই বারে বাবা ভুবনেশ্বরের হাট; শিবের পূজাও হত, তাতে প্রণামীও পড়ত। আবার হাটে ভোলাও উঠত। প্রণামী এবং ভোলা ছিল ছুভাগ। প্রণামীর বারো আনা সেবারেও গুরু, চার আনা দে মশাইয়ের এবং ভোলার বারো আনা দে মশাইয়ের চার আনা গুরু। পরে ১৯০৩ সালে এ নিয়ে সেবারেও গুরুবংশের সঙ্গে শিষ্ট এবং ভূখানী দে বংশের মামলা হয়; শিবেরা ভুবনেশ্বর টিপি উঠবার মুখে একটা বাজ করেছিলেন এবং লোকজনদের ওখানেই দর্শনী দিতে বলেছিলেন। ওই দর্শনীতে পুকুর সংস্কার, ঘাট বাঁধানো ভিত্তিতে উঠবার পাকা সিঁড়ি এবং উপরে পাকা চব্বরে

মারবেল দেবার ব্যবস্থা হবে। এই মামলার এই সব কথা প্রকাশ পায়। মামলার সোলেনামা ছ ঘরেই আছে। সোলেনামা নথিপত্র বের হয়েছিল সেটেল্‌মেন্টের সময়। তাতে আরও বিচিত্র কথা প্রকাশ পেয়েছে। শিগুরা আপত্তি জানিয়েছিল হাটের ভোলায়। হাটের ভোলা ভুবনেশ্বরের সেবারেত বা পাণ্ডা পাবে কেন? ঐ হাটের জমি শিবের দেবজ্ঞ নয়। সেটা দে বংশের খাস।

গুরু বংশের বৃদ্ধ ত্রিপুরাচরণ মিশ্র জ্বাবে বলেছিলেন—হাট শিবের জন্ত চলে, শিববার সোমবারে হাট বসে; শিবপূজার জন্ত যারা আসে তারা হাট করে। তা ছাড়া ব্যবসায় শূন্য বখরাদার হিসেবে এই মিশ্র বংশ চিরকাল পরিশ্রম করে এসেছে। নজিরস্বরূপ বলেছে—এক সময়ে এখানে মিথিলাভূমের অল্পকরণে শিবরাত্রির সময় বিবাহ সঙ্ঘর্ষ পাঁকা করবার প্রথা চালু করতে চেয়েছিলেন তাঁরা। তাঁরা নিজে মৈথিলী ব্রাহ্মণ। মিথিলায় মেলা আছে—যে মেলায় পাত্রপক্ষ কস্তাপক্ষের অভিভাবকেরা আসেন, দেব দর্শন করেন এবং পরম্পরের পুত্রকস্তার বিবাহ সঙ্ঘর্ষ স্থির করেন। ঐ মেলা এখনও মিথিলায় আছে। ভুবনপুরের হাটে শিবের বরে সূত্র ছুঁখ বিকিকিনি হয়, সূত্রনাং কস্তাদাও ছুঁখ, পুত্রের বিবাহ সূত্র বিনিময় শিব সাক্ষী করে করলে বিবাহ আনন্দের হবে এই বিশ্বাসের উপর ভরসা করেছিলেন। রামকেলির মেলায় বৈষ্ণবেরা বৈষ্ণবী খোঁজেন, বৈষ্ণবীরা বৈষ্ণব খোঁজেন, মালা বদল করেন। এখানেও তেমনি কিছু করার পরামর্শ গুরুর দেওয়া। শিগুরা তা নিয়েছিল। বিবাহ পিছু সওয়া পাঁচ আনা শিবপ্রণামী চার আনা হাটের কর হলে আর অনেক হওয়ার কথা। চেষ্টা হয়েছিল। কিছুদিন চলেছিল। তারপর উঠে যায়। ১৮৮০-৮১ সালের কথা। ত্রিপুরাচরণ তখন যুবক। তাঁর মনে আছে। দে বংশের প্রবীণ পুরুষ শোভারাম দে দেখেছেন, তিনি বলুন। ওই প্রথাটা উঠে গেলেও এখনও লোকে বিয়ের সময় বাবার স্থানের সিঁদুর আর এই হাটের লাটাই কুলো কিনে নিয়ে যায়; তাতে নাকি বিয়ে সুখের হয়।

তখন ওই মামলার একটা আপোলে সোলেনামা হয়। তাতে শিবের আর গুরুর হয়, হাটের আর শিগুর হয়। তবে একটা তরকারির তোলা গুরুর প্রাপ্য হয়। এক মুড়ি তরকারি। সে শিগুরই তুলে দিয়ে পাঠাত। কিছু তরকারি শিবের দরবারেও পড়ে। তার মধ্যে কচুর ভাঁটি ওল উচ্ছে; নিমের সময় হোক বা না হোক—নিম, এই সবই বেশী। মধ্যে মধ্যে মিষ্টি, দুধ এবং সুগন্ধি আতপ আসে, মধুও আসে।

একটা ছড়া আছে এখানে—ভুবনপুরের হাট গেলে মাটি দিয়ে সরা মেলে, ভিত্তো দিলে মিঠা মেলে, খুদ দিলে চাল পায়, অঘলের রোগ যায়, ছুঁ দিয়ে সুখ পাবে—মন হারালে মন পাবে; এমনিভর অনেক বড় ছড়া। কচুর ভাঁটি, কলমীপাতা, শাকের নাম পাতা চোড়া—যা নিয়ে যাবে তাই বিকোবে। দৈব ওষুধে শাক অঘল শুড় মুড়ি প্রায় বারণ থাকে—এখানে বাবার ওষুধ খেলে শাক, সে এই হাটের শাক খেতেই হয়। খানিকটা দূরে ময়ূরাক্ষীর একটা বিল আছে সেখানে প্রচুর কচুর শাক আর কলমী শুধুনে জন্মায়। বিলটা দে মশারদের। শাক খাওয়ার বিধানটা সেবারেত মিশ্র মশারদের।

এ সব ছোট কথা। বড় কথা ভুবনপুরের গঙ্গটা, হাটখানার পাশেই ওই সড়কটার

ছুপাশে একসময় মত্ত গজ জমে উঠেছিল। এখনও ছোট নয় তবে ভাঙুটা পড়েছে। ওই শিব মাহাত্ম্যে আর হাট মাহাত্ম্যে আর ওই দিঘীর জলের জন্তে ধান চাল কলাই মুগ লতা মসুরির গাড়ি এখানেই আঁট দিতো। ভুবনপুরের ছ ক্রোশ দূরে গোপালপুর গন্ধবণিক-প্রধান সমাজ। যেখানে নবীন দে এসে প্রথম আশ্রয় নিয়েছিলেন সেইটেই ছিল পুরনো কালে বড় আড়তদারির গঞ্জ। আর উন্টো দিকে তিন ক্রোশ দূরে ছিল ছোট একটা বাজার ; এই ছটোকেই কানা করে দিয়ে জমে উঠেছিল ভুবনপুরের হাট এবং আড়তদারির গঞ্জ। বছর চল্লিশেক আগে ভুবনপুর থেকে ক্রোশ তিনেক দূর দিয়ে পড়ল একটা লাইট রেলওয়ে। ওই গোপালপুর থেকে এক ক্রোশ তফাতে। তখন থেকে ভুবনপুরের হাটের বিশেষ ক্ষতি না হলেও আড়তদারী ব্যবসায় কিছু ভাঙন ধরল। গোপালপুরে বণিকেরা রেল স্টেশনের মুখে একটা গঞ্জ জমাবার চেষ্টা করলে এবং কিছুটা পেরেও উঠল। বৌল বছর আগে দেশ স্বাধীন হল। তার পর বছর দশকের মধ্যে আবার দান গুণ্টালো। এই সড়কটাকে সরকার করলে পিচ-দেওয়া পাকা রাস্তা। তার ওপর চলতে লাগল বাস লরী ট্রাক। একজন মরোয়াড়ী এসে করলে একটা রাইস্ মিল। তারপর ষাট মাসে অজুতপূর্ব কাণ্ড ঘটল। এই রাস্তার ধারে ধারে লোহার খুঁটির সারি। একসারি ডেলিগ্রাফের, তারপর সারি বসল, সে সব বড় বড় লোহার খুঁটির সারি ; বসল ছিন্ন মাঝে মাঝে, তার উপর তিনটে মোটা তার চলে গেল, খুঁটিগুলোর গোড়াতে কাঁটা তার বেড়ে দিয়ে লাগ রঙে মড়ার খুলি-আঁকা ছোট বোর্ড টাঙিয়ে দেওয়া হল। তাতে লেখা থাকল—সাবধান। এ যে কল্লনার অতীত ব্যাপার। ইলেকট্রিক আলো জ্বলবে!

ভুবনপুরের আড়তের এলাকার গ্রামে ইলেকট্রিক আলো জ্বলল। জ্বলল গোপালপুরেও, ওই স্টেশন এলাকাতোও। এ ইলেকট্রিক লাইন আসছে। মাইথন থেকে দুর্গাপুর হয়ে গোটা দেশে এদিক ওদিক নানান দিকে, বলতে গেলে দেশময়। এখন অবিশ্রি বড় বড় গাঁয়েই জ্বলছে, ছোট গাঁয়ে কিন্তু ভিতরের দিকে যাচ্ছে না। তবে পরে নাকি যাবে। ভুবনপুরের হাটের ঠিক মাঝখানে একটা উঁচু খুঁটির মাথাতেও একটা আলো বুলে গেল।

হাট বসে বেলা তিনটে থেকে। ভাঙতে সন্ধ্যা হয়ে যায়। বা সন্ধ্যা হলেই ভাঙতে হয়। আলো জ্বলেও অবিশ্রি সোমের হাটুটা চলে ; কেউ হেজাক জ্বালে, কেউ লঠন, কেউ কেরোসিনের ছুমুখো কুপি। কিন্তু বড়ে বা বাতাসে অসুবিধে ঘটে, এবার সে অসুবিধে ঘটল।

সব থেকে খুশী হল টিক্লির মায়ের গুটি। আর ঠ্যাংকাটা চুনারিয়ার বাবা। আর শিবে জমাদার। সব থেকে অসুখী এবং অখুশী হল বুড়ো হেঁপো রাখাল। হেঁপো রাখাল গাঁজা ধায়, ভিক্কে করে, তার অসুখী হওয়ার কারণ আলো চোখে লাগলে তার ঘুম আসে না। বন্ধ ঘরে সে শুতে পারে না। ঘরদোরও নেই, পড়ে থাকে গুঁইদের কাপড়ের দোকানের বারান্দায়। তার থেকেও অসুখী মানে অত্যন্ত বিরক্ত হল চুনারিয়ার। রাজে তার বাপকে ফাঁকি দিয়ে কোন গাছের আড়ে দাঁড়িয়ে কেউ ডাকলে সে উঠে বেতে পারবে না। টিক্লির চুনারিয়ার মত বাবার ভয় নেই, ওর মা সব জানে, সে সব থেকে বেশী খুশী হল—রাজের

খরিকদার এলে দূর থেকেই দেখতে পাবে ; চুনারিয়া খন্দের ভাঙিয়ে নিলে সে ঝগড়া করতে পারবে ।

এরা, হাটের আবর্জনা যেমন একপাশে জঁই হয়ে থাকে, তেমনি এই হাটেই এরা জমে আছে । এখানেই ওদের জন্ম এখানেই ওদের মৃত্যু । এর মধ্যে আর বিশেষ যানে বিয়েটায়ের খুব কড়াকড়ি নেই । হঠাৎ একদিন টিক্লির সিঁথিতে সিঁছুর চড়ে গেল, কে দিলে কেউ খোঁজ করলে না ।

হঠাৎ এই ভুবনপুরের হাটে এল রূপসী মেয়ে মালতী । ভরা যৌবন । উনিশ কুড়ি বছরের অবিবাহিতা মেয়ে । আশ্চর্য মেয়ে । গায়ে সাদা সেমিজ, পরনে টকটকে রঙা পাড় শাড়ি, কাঁধে একটা চ্যাডারি আর একটা আধবুড়ী মেয়ের মাথায় একটা বড় বুদ্ধি চাপিয়ে হাটে এসে ঢুকে, তত্ত্বাবহদের চালার সামনে এসে বললে—ধরনী দাস, সুরভি গায়ের ধরনী দাস, তাঁতের কাপড় বেচেন, তাঁর চালা কোন্টো বলতে পারেন ?

হাটে তখন লোকজন কম, সব পসারীরা আসছে । খন্দের সমাগম হয় নি । তবুও যে কিছু লোকজন এসেছিল সবার মুখ ঘুরে গেল ওই চালার দিকে । একটা ছোঁড়া কোমরে একটা লম্বা লাঠির গায়ে আড়াআড়ি ক্রেশের মত আর একটা খাটো বাঁশের লাঠি বেঁধে—তাতে কার, চাবকী, ফিতে, তার সঙ্গে চুলের কাঁটা হেয়ার ক্লীপ বিক্রি করে আর হাঁকে—হু-হু আনা, চাবকী ফিতে কার লম্বায় হাত চার । চুল বাঁধলে খুলবে না, চলে গেলে মিলবে না । জামাই বাঁধলে ছিঁড়বে না । জামাই বাঁধা কার, চুল বাঁধা ফিতে । হু-হু আনা ! হু-হু আনা,—সেই ছোঁড়াটা চেষ্টিয়ে হেঁকে উঠল—কুমকুমের টিপ তরল আলতা !

কথাটা তার বৃথা গেল না—মেয়েটা অগ্নিবর্ষী দৃষ্টি হেনে বারেকের অন্তে তাকিয়েই আবার মুখ ঘুরিয়ে নিলে ।

তাঁতের কাপড়ের ওই ব্যবসারীটাই ধরনী দাস । সে প্রবীণ লোক । মালতীর মুখের দিকে সন্দিষ্ট দৃষ্টিতে তাকিয়ে বললে—কি কাজ তোমার বাঁচা ? ধরনী দাসের সঙ্গে ?

—আপনিই । আমি চিনেছিলাম । তবু জিজ্ঞাসা করলাম । আমাকে চিনতে পারছেন না ? আমার বাবা—

—তুমি শ্রীমন্ত দাসের কন্তে ?

—হ্যাঁ আমি মালতী ।

—তুমি ? তুমি—কথাটা যেন বলতে পারছিল না ধরনী দাস ।

মালতী বলল—আমি সাত দিন হল খালাস পেয়েছি ।

ধরনী দাস বললে—আমি বাপের তুল্য মা—কিছু মনে করো না, জেলখানাতে তা হলে ধারাপ ছিলে না তো ! বড় সুন্দর হয়েছ তো দেখতে !

মালতী হাসলে, বললে—হ্যাঁ বাড়ীর চেয়ে অনেক ভাল ছিলাম । বাড়ীতে থাকলে কিগিরি করতে হত নয়তো ঝণ্ডরবাড়ি গিয়ে বাকী খাটতে হত ।

—তোমার তো চার বছর মেসাদ হয়েছিল ।

—হ্যাঁ । কিন্তু সাড়ে তিন বছরেই খালাস পেয়েছি ।

আবার সে ছোঁড়াটা হেঁকে উঠল—কুমকুম তরল আলতা পাউজার স্নো সাবান, সস্তার যার। সস্তার যার।

আলুওয়ালো—সেও প্রবীণ লোক, সে উঠে দেখতে গিয়েছিল মালতীকে। সে ফিরে এসে তার চ্যাটাইয়ে বসতে বসতে বললে—রসিক নাগর, ও মেয়ে সোজা মেয়ে নয়, খুনে মেয়ে! বুকে-সুজে সস্তার বেচতে যেয়ো!

—খুনে? আঁতকে উঠল ছোঁড়াটা।

দুই

(ক)

শ্রীমন্ত বৈরাগী ভুবনপুরের হাটে মাথায় চ্যাঙারি করে মনিহারীর দোকান আনত। এবং অল্প অল্প দিন এ-গ্রাম ও-গ্রাম মাথায় বয়ে ফিরি করে বেড়াতে। মনিহারী বলতে সস্তা ডেল সিঁদুর চাবকী মালা ফিতে, কার, হেয়ার ক্রিপ হেয়ার পিন, তাল চাবি, পেঙ্গিল রবার একসারসাইজ বুক, চিনে মাটির পুতুল, প্লেট, প্লেটপেঙ্গিল। প্রথম ভাগ দ্বিতীয় ভাগ ধারাপাত, কাপড়ের সাবান, গায়ের সাবান, খুব সস্তা সেন্ট—এই। এর সঙ্গে ছিল শ্রীমন্তের আসল মাছ ধরার সরঞ্জাম। দু'চারটে হুইল, তার সঙ্গে বিভিন্ন আকারের বঁড়শি, মুগার সূতো আর তগী মায় তগীর সূতো। এই সূতো ছিল শ্রীমন্ত দাসের নিজের হাতের পাকানো। আর ছিল ওর বন্ধু গোলক কামারের কাটা বঁড়শি। শ্রীমন্ত বলত স্পেশাল বঁড়শি। এই সূতো দিয়ে আধমণ বাটখারা ঝুলিয়ে রাখত একটা। তগীর বঁড়শি এবং সূতোতে ময়ূরাক্ষীর বিলে দু-দুটো মেছো কুমীর ধরা পড়েছে। একটার ছাল-চামড়া শ্রীমন্ত দাসের ঘরেই ছিল। ছুন দিয়ে চামড়াটা শুকিয়ে নিয়ে তার ভিতরে খড় পুরে একটা ট্যারা-ব্যাঁকা কুমীর শ্রীমন্তের ঘরের দেওয়ালে টাঙানো ছিল। নিজে ছিল পাকা মেছুড়ে। যে দিন ফিরিতে বেরত না সে দিন বিলে যেত মাছ ধরতে। এবং রাত্রে গ্রামে সম্পন্ন গৃহস্থের পুকুর থেকে মাছ ধরত। সে মাছ-ধরা সাংঘাতিক মাছ-ধরা। সাত আট দিন ধরে ভাল মাছের পুকুরে চুপিচুপি গিয়ে একসময় একই জায়গায় চার ঝাইয়ে আসত। তারপর একদিন একটা কঞ্চির মাঝামাঝি জায়গায় কাপড়ে মোটা পরিমাণে চার বেঁধে সেটাকে পুঁতে দিত, জলের উপর বেরিয়ে থাকত আঙুল চারেক কঞ্চি। ওই মাথায় দু'তিনটে শামুকের খোলা সূতোর গঁথে বেঁধে দিত। এতে আটদিন একই জায়গায় গন্ধভরা খাওয়ার সন্ধান পেয়ে মাছেরা এসে জমত। ঘুরত। কঞ্চিতে বাঁধা কাপড়ের ভিতরের খাওয়ার জন্ত ওটাতে ঠোকর মারত, তাতে জলের উপরে শামুকের খোলা-গুলো পরস্পরের সঙ্গে ঠোকর মেয়ে খুট-খুট-খুট-খুট-খুট-খুট শব্দ তুলত। তখন একদিন শ্রীমন্ত যেত রণসঙ্কার সেজে। রাত্রে গিয়ে একটা মোটা খাটো ছিপে মোটা তগীর সূতো পরিয়ে বড় বড় দুটো তিনটে বঁড়শি গঁথে বঁড়শিগুলিকে ওই চারের খলির সঙ্গে সূতো দিয়ে বেঁধে দিত। এবং নিজে এককোমর জলে ঝাঁড়িয়ে পেটের নিচেই কাপড়ের খাজের উপর

ছিপটা রেখে এবং কোমরের সঙ্গে বেঁধে দু'হাতে শক্ত করে ধরে থাকত। বেশীক্ষণ লাগত না। প্রলুক্ক মাছগুলো ভই বঁড়শি পরানোর সময় সরে গেলেও মাছখটা উঠে গেলেই আবার ছুটে আসত এবং চারের খলিতে ঠোকরাতে আরম্ভ করত। শামুকগুলো খুটুখুটু শব্দে বাজত।

এইখানেই শিকারীর কেৰামতি। বাঘ শিকারী রাজে মড়ির হাড় চিবানোর শব্দে যেমন অন্ধকারে মাচার বসে বুঝতে পারে এ শব্দ শেয়ালের, এ শব্দ নেকড়ের, এ শব্দ বড় ডোরাদাঁরের—মাছ শিকারী শ্রীমন্তও তেমনি শব্দ থেকে বুঝতে পারত, এটা আড়াইসেরী এটা পাঁচসেরী এটা দশ এটা পনেরসেরী কই বা কাভলা বা মুগেল। অপেক্ষা করত সে এবং যেই পনেরসেরী রোহিতের ঠোকরে খটো খটো, খটো-খটো খটো-খটো—খটো খটো খটো খটো খটো শব্দ উঠেছে অমনি দুই হাতের প্রবল ঝাঁকি দিয়ে মাথার পিছন দিকে মারত ঘাই।

সবল সাহসী মরদ ছিল শ্রীমন্ত। সেই ঘাইয়ে পনেরসের রোহিত বঁড়শিতে গেঁথে তার মাথার উপর দিয়ে শৃঙ্খলগুলে উৎক্লিপ্ত হয়ে একেবারে পিছনে পাড়ের উপর ডাকায় গিয়ে পড়ত। এ সহজ কথা নয়, এ প্রায় মাটির উপর দাঁড়িয়ে বাঘ শিকার, বাঘকে লাফের সঙ্গেই পেড়ে ফেলার মত কঠিন। কোমরে বাঁধা ছিপটার ঘাইয়ে যদি মাছটা পিছনের দিকে মাথা পেরিয়ে পড়ল তে শিকারীর ক্ষিত; যদি না পড়ল—মাছ যদি জলে থাকল বা একটু উঠে সঙ্গে সঙ্গেই জলে পড়ল তবে কোমরে থাকি খেয়ে শিকারীকে জলে পড়তে হয় উপুড় হয়ে—এবং পনের বিশ সেরী মাছের জলের ভিতরে টানে ডুবতে হয় মরতে হয়। তবে মরে কমই। এ ক্ষেত্রে ঠিক মাটিতে দাঁড়িয়ে বাঘ শিকারের সঙ্গে অনেক তফাত, কারণ বাঘ শিকারে এ রকম শিকারী অনেক বেশী মরে।

শ্রীমন্ত দাস এ শিকারে স্ননিপুণ এবং দেহের দিক থেকেও সত্যিকারের মর্দানা পুরুষ। শুধু মর্দানা পুরুষই নয় স্পুরুষ ছিল শ্রীমন্ত।

ওই গোপালপুরের ভিক্রাজীবী বৈরাগীর ছেলে বাচ্চা বয়স থেকে এই ভুবনপুরের দে মশায়দের বাড়ীতে খানসামাগিরিতে ভর্তি হয়েছিল। দে মশায়দের বাড়ীতে এং জগৎপুরের বাজারে নৃতন হাওরা লেগেছে। প্রথম যুদ্ধের পর, ১২২৬।২৭ সাল; একদিকে বন্দেমাতরম—অন্যদিকে মোটর গাড়ির আমদানি, একদিকে বিদেশে বিলেতে মাস্ত্রবের আকাশে ওড়ার খবর—অন্যদিকে জাত জন্ম উঠে যাওয়ার খুরো তোলার মধ্যে দেশের সব কিছু এলোমেলো উল্টেপাল্টে দেবার গাওনার গৌরচন্দ্র শুরু হয়েছে। দে মশায়রা ১২২৪ সালে মোটর বাস এনে সার্বিস খুলেছিলেন—বাসখানার নাম ছিল 'জয় গন্ধেশ্বরী'। দে বাড়ির ছেলেরা ক্লাব করেছিল জগৎপুরে। ওদের দেওয়া চ্যারিটেবল ডিসপেনসারিতে জুতো জামা ঘেরাটোপ খাঁচের কাপড় এবং চশমা পরা মিডওয়াইক এসেছিল।

আলখান্না-পরা, দাড়ি গৌক চুলগলা, করতাল-বাজিরে টহল-দেওয়া অবধূত বৈরাগী ছিল শ্রীমন্তের বাপ; অন্ন-বয়সী দল তখন তাকে অদভূত বলে ডাকতে শুরু করেছে। এই সব নানান কারণে শ্রীমন্ত বৈরাগী বাপ দাদার ধারা ছেড়ে অল্পরকম হয়ে গেল। বাবুদের মাছ ধরার শখ ছিল। সুতো বানানো ওখানেই শিখেছিল। মাছের নেশা ধরেছিল,

ওখানেই নেশা ধরেছিল। বৈরাগীর ছেলে হয়ে বোতল থেকে চুমুক দিতেও শিখেছিল। হঠাৎ তার নবযৌবনে ভুবনপুরের বাবুদের খানসামা শ্রীমন্ত, মালতীর মা, বিমলার প্রেমে পাগল হয়ে তাকে নিয়ে পালাল। তখন ২৭২৮ সাল। বিমলা কোড়াদের মেয়ে, বালবিধবা এবং রূপসী। চরিত্র তার মন্দই ছিল। বাপের বাড়ি ভুবনপুর থেকে দেড় ক্রোশ দূরে ওই বিলের ধারে। শ্বশুরবাড়িতে নানা দুর্নাম রটাই নয় আরও বেশী ঘটেছিল; দুই বদমাইশের দল জোর করে ওকে রাজে তুলে নিয়ে গিয়ে মাঠে ফেলে দিয়ে গিয়েছিল। শ্বশুরেরা ওকে বাপের বাড়িতে ফিরে দিয়ে গিয়েছিল; বাপ মা নিরুপায়—কেলতে পারে নি। দিয়ে গিয়েছিল বাবা ভুবনেশ্বরের সেবাইয়েত্ত মিশ্র মশায়দের চরণতলে,—দুটো খেতে পরতে দেবেন, বাবার খানের আগুনে বাঁটা দেবে, বাসন মাজবে। তখনও তাদের বিশ্বাস ছিল বাবার স্থানে সেবা করলে মেয়ের পরকাল হবে, এবং জাগ্রত বাবা ভুবনেশ্বরের পরিচারিকার অঙ্গে আর কেউ হাত দিতে পারবে না। কিন্তু কালকালে বিশেষ করে ইংরোপে প্রথম যুদ্ধের পর বাবা যে ঘুমিয়ে পড়েছেন সমুদ্রমহানের বিবের মত যুদ্ধের বিবে। পেট্রোল বারুদের ধোঁয়া, গ্যাস বোমার গ্যাস, কামান বন্দুকের আগওয়াজ থেকে বাঁচবার জন্ত নাকে কানে তুলো গুঁজে না ঘুমিয়ে উপায় ছিল না তাঁর। ফলে এমন একটি স্মন্দরী এবং লাশ্রময়ী দেবতার দাসীর দিকে অনেক হাত প্রসারিত হল নির্ভয়ে।

ধরণী দাসও তখন জোয়ান। তাঁর শাড়ি বেচে। তার মনে আছে যে দিন বিমলা কাঁথালে ঝুড়ি নিয়ে বাবার তোলা নিতে হাটে ঢুকেছিল ঠিক আজকের মালতীর মত সে দিনের কথা। বাবার খানের শেষ সিঁড়িতে ঘেঁষে ঝুড়ি কাঁখে ঈষৎ বক্রিষ্ঠামে হেলে বিমলা দাঁড়িয়েছিল অমনি গোটা হাটের মুখটা ফিরে গিয়েছিল বাবার খানের দিকে। অথচ এপাশে সড়কটা থাকার হাটের মুখটা, তা দশ পনের বছরেরও বেশী হবে, বাবার দিকটা পিছনে ফেলে সড়কের দিকেই ঘুরে গেছে। বিমলা যখন মিশ্রটাকুরের পিছনে পিছনে ঝুড়ি কাঁখে তার চালার সামনে দাঁড়িয়েছিল একটা পরসার (তোলার বদলে) জন্ত তখন ধরণী পরসারটা মিশ্র মশায়কে দিয়ে আজকের ওই কারওয়ালা ছোঁড়ার মতই আচমকা হাঁক মেরে উঠেছিল—মনমোহিনী লাগ গামছা—পাকা রঙ—নিয়ে যাও। পাশের সকলে খিলখিল করে হেসেছিল। বিমলা ঘাড় ঘুরিয়ে মুখ মুচকে কটাক্ষ হেনে বলেছিল—ফড়িংথেকে গিরগিটির শব্দ দেখ—ময়না ধরে থাকে! হাটের এইখানটিতে হাসির ছট্ররোল পড়ে গিয়েছিল। ধরণীর মান বাঁচিয়েছিল বাবা ভুবনেশ্বর। হঠাৎ সকলের নজর পড়েছিল শ্রীমন্তের মনিব শৌধিন দেবাবু কৌচানো কাপড় গিলেকরা পাঞ্জাবী পরে বাবা ভুবনেশ্বরের সিঁড়ির উপর ছাতা মাথায় দাঁড়িয়ে একদৃষ্টে বিমলাকে দেখছেন। ধরণী বলে উঠেছিল—গাছের শিরডগালে বাজপাখী! ময়না গেল। মনিবের পিছনে শ্রীমন্ত। তার গায়ে বাবুর পুরনো শৌধিন গেঞ্জি—পরনে শৌধিন পাড় মুতি। সেও তাকিয়ে আছে বিমলার দিকে।

এর এক মাসের মধ্যেই শ্রীমন্ত বিমলা উধাও। পালাল পালাল ওই গন্ধেশ্বরী বাসে চড়েই পালাল। না-হলে হয়তো বাবার দাসী নিয়ে পালানো সম্ভবপর হত না—ওদের দুজনের

একজন হত খোঁড়া একজন হত কানা। পথেই আটকে যেত।

তিন বছর পর শ্রীমন্ত ফিরেছিল—বাবুর মৃত্যুর পর। সিঁথিতে সিঁছরপরা বিমলা এবং শ্রীমন্তের সঙ্গে ছোট একটা মনিহারীর দোকান।

দোকান নিয়ে হাটে কিছুদিন আসেনি শ্রীমন্ত। তারপর এল হাটে। বিজ্ঞাপন একটা করেছিল। ওই সূতোর গাঁথা বঁড়শিতে ঝোলানো একটা আধমণি বাটখারা, তার সঙ্গে গাঁথা একটা শোলার মস্ত বড় মাছ। ধরনী দাসের সঙ্গে শ্রীমন্তের আগে থেকেই সখ ছিল। সে এসে ধরনীকে বলেছিল—তোমার চালায় একটু জায়গা দেবে একপাশে? দোকানটা খুলি!

ধরনী তা দিয়েছিল। শ্রীমন্ত রুতজ্ঞতাৰশে ধরনীকে নিজের বাড়ি নিয়ে গিয়ে বিমলার হাতের ভাজা ভালের বড়া এবং দোকানের মিষ্টি খাইয়েছিল। বিমলা একটু হেসে পুরস্কৃত করেছিল—সে শ্রীমন্তের সাগনেই।

শ্রীমন্ত মধ্যে মধ্যে মাছও খাওয়াতো তাকে। অধিকাংশ দিন সে এই মাছ ধরার ব্যাপারে একটু চতুরতার আবরণ দিয়ে মাছ ধরত। পুকুরে চার খাওয়াতো রাজে। কাঠি শুঁজত রাজে। বিল থেকে মাছ ধরে ফেরবার পথে। এবং মাছ যেদিন ধরত সে দিনও ওই বিল থেকে ফেরার পথে মাছ মেরে গাংছায় বেঁধে নিয়ে ফিরত। অবিশ্বাস করবার জো ছিল না। কেউ অবিশ্বাস করতও না। তার আগেই সে বিলে মেছো কুমীর মেরে কিন্তু মাত করে রেখেছিল।

মাছ মেরে নিজেরা খেতো—বন্ধুদের বিলুতো, বিক্রিও করত। ব্যবসায় ভালই চলছিল। অনেক জায়গার অনেক লোক এসে বঁড়শি সূতো তুগী তুগীর সূতো কিনে নিয়ে যেতো। কিন্তু যে শ্রীমন্ত অবধূত বৈরাগীর ভেলে থেকে বাবুদের খাস খানসামা—তারপর সেই খানসামাগিরি কলে বাবুর শিকার আত্মসাৎ করে পালায় এবং আবার ফিরে আসে (সে-বাবুর মৃত্যুর পর হলেও) সে শ্রীমন্ত সহজ জীব নয়। ধরনী দাস বলে, সহজ জীব, কৃষ্ণের জীব কৃষ্ণের দয়ার বাঁচে। শ্রীমন্ত কারুর দয়ার বাঁচে না। ও কামড় খায় না, আগে-ভাগেই কামড়ায়। শ্রীমন্ত সত্যই ওই বিমলাকে নিয়ে ভেগে গিয়ে যে সাহসে যে বুকের পাটায় আবার ফিরে আসে মাথা উচু করে, তার সঙ্গে সঙ্গতি রেখে যে সব বাক্য বলত তা খন্দেরের পক্ষে হজম করা কঠিন ছিল।

সূতো নিয়ে বেশী টানাটানির পরখ করলেই শ্রীমন্ত একটা বঁড়শি সূতোর বেঁধে বলত—নাও বাবা হাঁ কর দেখি, সোনা!

—হাঁ করব?

—হ্যাঁ! কয়েবে বিধে দি—তুমি টানো—ছিঁড়ে বেরিয়ে যাও। দেখো ছেঁড়া বার কিনা! এর চেয়ে ভাল পরখ তো হয় না। না হয় রাখো। রেখে বাড়ি যাও।

একদিন তার পুরনো মনিবের এক মোসাহেব বন্ধু—শহরে আমমোক্তারি কি টাউন্টের কাজ করে—সে দে মশায়দের বাড়ি এসেছিল আদালতের কাজে। সেদিন ছিল হাট। হাটে এসে বন্ধুর পুরনো খানসামা শ্রীমন্তকে দেখে হয় যেহ নয় করণা নয় একটা কিছু উথলে উঠেছিল, সবিস্ময়ে সে বলেছিল—আরে শ্রীমন্ত যে! এঁ্যা!

শ্রীমন্ত উত্তর দেয় নি।

সে কের ডেকেছিল—এই ব্যাটা শ্রীমন্তে।

শ্রীমন্ত মুখ ভুলে গম্ভীরভাবে বলেছিল—কি রে ব্যাটা কি বলছিস ?

—আরে!

—আরে কি ? আরে ? ই্যা রে আমি তোর ব্যাটা ? না আমি তোর বাবার চাকর ? ব্যাটা!

আমমোক্তারবাবু রাগ করে বাবুদের বাড়ি গিয়েছিলেন নাশিশ করতে। শ্রীমন্ত গিয়েছিল সেকালে কংগ্রেস আপিসে। কিন্তু একদিন বেকায়দা হয়ে গিয়েছিল। হঠাৎ কিল মেয়ে বসেছিল দারোগার নাকে। থানা আগে ছিল গোপালপুরে, পরে সেটা ভুবনপুরে উঠে এসেছে। দারোগা ছিল শিবেন চাটুজ্জ; এক নঘরের লম্পট আর ঘুষখোর। নজর দিয়েছিল বিমলার উপর। এখানে সঙ্গী জুটিয়েছিল শ্রীমন্তের পুরনো মনিবের খুড়তুতো ভাইকে। বিমলা এককালে যা ছিল তা ছিল কিন্তু শ্রীমন্তের কাছে সে ছিল সতী স্ত্রী। বিমলা বলে দিয়েছিল কথাটা। শিবেন দারোগা শেষ পর্যন্ত ওয় নামে চুরির মাল সামলানোর চার্জ এনে বাড়ি তল্লাস করতে এসেছিল। এসে চাল ডাল এক করে তচনচ করে দিয়েছিল সব, কিন্তু চোরাই মাল কিছু মেলেনি। আর সামলাতে পারে নি নিজেকে শ্রীমন্ত, হঠাৎ দারোগার নাকে মেরেছিল একটা কিল। দারোগার নাক ভাঙেনি কিন্তু রক্তে সব ভেসে গিয়েছিল, এবং ফুলেও ছিল বেশ কয়েক দিন। আর বাবুর গালে মেরেছিল চড়। এবং হুমানের মত লাক দিয়ে পাঁচিল ডিঙিয়ে হয়েছিল ফেরার। কিন্তু ফেরার কদিন থাকা যায়; ধরা পড়েছিল শ্রীমন্ত এবং জেলও হয়েছিল তার ছ মাস। তবে শিবেন দারোগাও থানা থেকে বদলী হয়েছিল, ওদিকে বাবুও সাবধান হয়েছিল। শ্রীমন্ত বলে গিয়েছিল—কিছু ভাবিসনে বিমলি, জেল হচ্ছে, শূলি ফাঁসি নয়, ছ মাস পর ফিরব, ফিরে যদি শুনি যে কেউ তোকে চোখের পাতার ইশেরা করেছে তবে তার চোখ উপড়ে নেব। তাতে মরি তো ফাঁসি যাব।

এই শ্রীমন্ত, এই শ্রীমন্তের মেয়ে মালতী। ওর বাবা ছেলেবেলার ডাকত 'মালা' বলে।

মালতী খুন করেছে, করে চার বছর জেল খেটেছে। সেও শ্রীমন্তের ওই মাছ ধরার জন্তে।

প্রথমবার জেল থেকে ফিরে শ্রীমন্ত কিছুটা ঠাণ্ডা হয়েছিল। মেজাজটাকেও সংযম শৃঙ্খলার জুতো-পরা পায়ের মত, জামা-পরা শরীরের মত নরম আর ফরসা করে ভদ্র করে তুলেছিল। তারপর হল মেয়েটা। শ্রীমন্ত আরও হিসেবী হয়ে সংসারী হল। বছর তিনেকের মেয়েটাকে রেখে বিমলা গেল মারা। শ্রীমন্ত বেশ কিছুদিন বিয়ে করলে না। মেয়েটাকে সঙ্গে নিয়েই ফিরত। হাটে আসত, মেয়েকে নিয়ে আসত। শ্রীমন্ত দোকান করত জিনিস বেচত, ফুটফুটে মেয়েটা ঘুরে বেড়াত হাটে। রূপ তার তখন থেকেই। কখনও বাপের পাশে বসে ছবির বই দেখত নয় একটা পুতুল নিয়ে খেলা করত। বিলে শ্রীমন্ত মাছ ধরতে যেতো যেহে যেহে সঙ্গ, চার মাখাতো, চৌপ ঘাঁটতো গাঁখতো। বছর চারেক পর শ্রীমন্তের কি হল, কোথেকে নিয়ে এল এক নতুন বধু মী। অল্পবয়সী নয়, পরিণত সুবতী! নিয়ে এল

আটচল্লিশ সালে। সে এক পূর্ববন্ধের মেয়ে। নব্ব্বীপ গিয়ে তাকে নিয়ে এল কঞ্জীবদল করে। যেহেটি দেখতে শুনতে ভাল, স্বভাবটা কিন্তু ভাল ছিল না। প্রথম দোষ ছিল হাসি, যেমন তেমন কোন একটা স্তূড়স্তূড়ির মত কথা হলেই হি হি করে হেসে সারা হত। কথা-বার্তাতেও বেশ হিসেব ছিল না। বুড়ো বললে শ্রীমন্ত রাগত কিন্তু চাঁপা ওকে বুড়ো বলবেই। কথার কথার বলত, মরণ বুড়ার। কিংবা বলত, রকম দেখ বুড়ার। কিংবা বলত, হবে নি, বুড়া বয়সে এত ভাল? শ্রীমন্ত গর্জন করত। কিন্তু গর্জনে ধামত না চাঁপা। শ্রীমন্ত তখন কিল বসাতো পিঠে।

চাঁপা কিছুক্ষণ কাঁদত তারপর গুম হয়ে বসে থাকত—তারপর হাসত, বলত, যার যেমন নেকন—আমার নেকনে সারা জীবনটাই ভাদর মাস। পাকা ভাল ছুপদাপ পড়ছেই পড়ছেই। ভাদরেরও সংক্রান্তি নাই গাছের তালেরও শেষ নাই। মাঝে মাঝে পালাত ভালতলা খেঁক অর্থাৎ বাড়ি থেকে। প্রথম ছুবার মার খেয়েই রাগ করে পালিয়েছিল নব্ব্বীপ। শ্রীমন্ত গিয়ে ধরে এনেছিল। তারপর না বলে গজ্ঞান দশহরার, এখান ওখানকার মেলায়, দু তিন দিন পর ফিরত। যেত পাড়ার লোকের সঙ্গে। সঙ্গে ঠিক নয় পিছন ধরে যেতো। এক আধবার একলাও গেছে। লোকে কিন্তু মন্দ বলত। তবু শ্রীমন্ত ওকে ত্যাগ করতে পারেনি। সম্ভবতঃ বেশী বয়সের মোহ। আর ওই মেয়ে মালতীর জন্ত। মালতীকে চাঁপা বন্দ করে ফেলেছিল এবং ভালও বাসত। মালতীর সঙ্গে পুতুল খেলত। বাড়ির উঠোনে কুমীর মাহুয় খেলত। মালতীর জন্তে খেলত তা নয়, নিজের জন্তেও খেলত। পালিয়ে গিয়ে নিজেই কিরত চাঁপা; মালতীর জন্ত কিছু না কিছু, কাঠের পুতুল, মাটির ঘোড়া কিংবা লোহার হাতা বেড়ি হাঁড়ি খালা খেলনা যা হোক নিয়ে ফিরত। ফিরত সময় বুঝে, সম্ভবতঃ বাড়ি ঢুকত যে সময়টা শ্রীমন্ত থাকত না সেই সময়ে। এবং মালতীর সঙ্গে খেলাঘর পেতে খেলতে বসত। শ্রীমন্ত বাড়ি ঢুকেই বলত—হঁ—এই যে!

চাঁপা আড়চোখে চেয়ে দেখেই আপন মনেই বলত—পিঠের ফুলাটা পুরানো হয়েছে, কিল মার। মার আস্তে মার!

কিংবা বলত—মালা আর তো রে মা—পিঠে চাপ তো! কিন্তু কুলো পুরনোই হোক আর মালতীই পিঠে চাপুক কিল যা মারবার সে শ্রীমন্ত মারতই।

মধ্যে মধ্যে কিল না মেয়ে শ্রীমন্ত চাঁপাকে ঘর থেকে বের করে দিত। চাঁপা দরজার বসে কাঁদত এবং বলত—দোর খুল গো, পারে পড়ি। কিল তোমার যত খুলী মার, দোর খুল।

দু'একবার শ্রীমন্ত রাগ করে নিজের চুল ছিঁড়েছে, খেদ করেছে—এ কি করলাম! এ কি পাপ ঢুকোলাম ঘরে! হে ভগবান!

চাঁপা এলে বলেছে—পারে পড়ি এমন করে না। আমারে মার! যত খুলী মার! পিঠ আমার স্তূড়স্তূড় করছে।

এরই মধ্যে, অর্থাৎ সংমা চাঁপা এবং বাপ শ্রীমন্ত দুজনের ঝগড়ার মধ্যে প্রায় আপন মনে বেড়ে উঠেছিল মালতী। চাঁপাকে বধন ঘরে আনে শ্রীমন্ত, তখন মালতীর বয়স ছিল বছর

ছব্বক। চাঁপার স্বভাবচরিত্রে যেমনই হোক ওর মধ্যে বিব বা কাঁটা এ দুটোর একটাও ছিল না। স্বভাবটা ছিল মিষ্ট। পালাতো ফিরে আসতো মার খেতো, সবের মধ্যেই সে হাসত এবং বেশ একটি রসিকতার অধিকারিণী ছিল সে। চাঁপার বরস তখন বিশ থেকে পচিশের যে কোনটা হতে পারত। সে মালতীকে বাড়িতে দেখে মুখ ভারও করে নি আবার মায়ের স্নেহেও গ্রহণ করে নি। হেসেই সারা হয়েছিল মুখে কাপড় চাঁপা দিয়ে—মরণ, এত বড় মেয়ের মা হতে পারি নাকি ?

শ্রীমন্ত রাগ করেছিল। চাঁপা বলেছিল—রাগ কইরো না। ওর সাথে তোমার সখ্যকটা ডবল কইরা দিব। বাবারে মেসো কইবে আজ থেকে। আমি অর মা হইতে পারব নি মাসি হব।

মালতীর চিবুক ধরে বলেছিল—আমারে মাসী কইয়ো। হ্যা সোন।

মালতী হেসে বলেছিল—আমি সোনা নই, আমি মালা। মালতী।

—হঁ। তুমি আমার সোনার মালতী গ! বেহলার গান জান ?—“জলে ভেসে যায় গ সোনার মালতী।”

মালতী বলেছিল—তুমি তো বেশ ভাল গান কর মাসী!

—শুধু গান? নাচতে পারি সোন। ঘরের মধ্যে দরজা বন্ধ কইরা দেখাব তোমারে!

চাঁপার স্নেহ-মমতা চাঁপা তাকে আপনার মত করে দিল, শ্রীমন্ত সেও তার স্নেহ দিত আপনার মত করে—তার মধ্যে স্নেহ অকৃত্রিম এবং অনেক হলেও যত রক্ষণাবেক্ষণ যথেষ্ট ছিল না। সে বেড়ে উঠেছিল আপনার প্রাণশক্তিতে ইচ্ছামত ক্রটির মধ্য দিয়ে। গাছে চড়ত, সাঁতার দিত, পাড়ার মেয়েছেলেদের সঙ্গে দাঁপাদাঁপি করত। হি হি করে হাসত। রাগলে চিংকার করে গাল দিত। ফল ফুল চুরি করত। কারুর বাগানে ভাল গাছ দেখলে সেটা কোন সময়ে ঢুকে উপড়ে ফেলে দিত। ডর তার ছিল না। বাপের কাছ থেকে পেয়েছিল সাহস।

ভোরবেলাতেই ওই ছ বছরের মেয়ে একগাছি পাঁচন লাঠি হাতে বের হত গ্রামের পথে। গাইটাকে খুঁজতে যেত। ওদের একটা গাই ছিল; সেটার স্বভাব ছিল বিচিত্র; সন্ধ্যাবেলা গোয়ালে পুরতে গেলেই হঠাৎ কাঁপ দিয়ে উঠে অভ্যন্তরে হাত ছাড়িয়ে নিয়ে ছুটে বেরিয়ে যেত। সারাটা রাত্রি কারুর বাগানে গাছ খেয়ে, কারুর খামারে খড় খেয়ে, কারুর ক্ষেতে ফসল খেয়ে পেট ভরিয়ে সকালের আলো ফুটলেই নিরীহের মত কোন গাছতলার গুয়ে রোমন্থন করত। মালতী ভোরবেলা যেত সেই গাই খুঁজতে। খুঁজে তাকে বাড়ি ফিরিয়ে আনত। তারপর বেলা লাড়ে দশটার সময় গাইটার সঙ্গে আর ছুটো গরুকে খুলে গ্রামের পথে পথে ওদের ‘ডাকিয়ে’ অর্থাৎ তাড়িয়ে নিয়ে প্রায় গ্রাম পার করে কোন পুকুরপাড়ে বা ঘাসভরা জমিতে লম্বা দড়ি বেঁধে খুঁটোর সঙ্গে বেঁধে দিয়ে আসত। আবার বিকেলে গিয়ে নিয়ে আসত। সন্ধ্যার মুখে এক একদিন বের হত ছাগলের সন্ধানে। ছাগলগুলোকে সকালেই ছেড়ে দিত—ভারা গ্রামের ভিতর ঘুরে খেয়েদেয়ে সন্ধ্যায় আপনিই বাড়ি ফিরত। যেদিন ফিরত না সেদিন মালতী বের হত এবং পথে বেতে বেতে এক এক জায়গায় থমকে দাঁড়িয়ে

ডাকত—এ বৃ বৃ—আ—। এ বৃ বৃ বৃ!

সেদিন চাঁপা পুকুরপাড়ে দাঁড়িয়ে হাঁসগুলোকে ঘরে ঢোকাতো।—কোর—কোর—
কোর—তি—তি—তি। কোর—কোর—কোর।

অল্পদিন মালতীই ডাকত।

চাঁপা আসবার আগে পাঁচ বছর বয়স থেকে এসব দারিত্র্য মালতী মিজেরই নিয়েছিল
নিজের ঘাড়ে। চাঁপা এসে ওর কাজ বাড়িয়ে দিল কিছু। শ্রীমন্তকে বললে—মাইয়ারে
ইছুলে দাও না ক্যানো।

—কি করবে? সবিস্ময়ে জিজ্ঞাসা করেছিল শ্রীমন্ত।

—ল্যাখাপড়া শিখবে!

—নিরে?

—নিয়া আবার কি? আশ স্বাধীন হইছে। মাইয়ারা চাকরি করছে। করছে না?
ওই তোমাদের গেরামের স্বরকারদের মাইয়াটা বিধবা হইয়া ল্যাখাপড়া শিখছিল বইলা চাকরি
করছে ইছুলে। না শিখলে কি করত? কিগিরি।

কথাটা শ্রীমন্তের মন্দ লাগে নি। ফ্রি প্রাইমারি বালিকা বিদ্যালয়ে ভরতি করে দিয়েছিল
মালতীকে।

যেদিন ছাগল হারাতো সেদিন মালতী জানতো তার কপালে আজ লাঞ্ছনা আছে।
ছাগল যখন কেরে নি তখন সর্বনাশী কারু বাগানে ঢুকে গাছ খেয়েছে কিংবা কারুর উঠানে
ঢুকে বোদ্ধুরে দেওয়া ছোলা মসুর খেয়েছে এবং ধরা পড়ে হয় বাড়িতে বাঁধা আছে নয় গেছে
হাফিজ মিসার খোঁরাড়ে। বাড়িতে বাঁধা থাকলে কপালে বকুনি আছে, খেতে হবে। খোঁরাড়ে
গেলে কাল সকাল ভিন্ন পাওয়া যাবে না এবং পরস লাগবে। সে যেত শ্রীমন্ত। ছাড়িয়ে
নিরে ছাগলটাকে পিটতে পিটতে বাড়ি আনত, এবং বলত, পালাতে যদি না পারবি তো
পরের বেড়া ভেঙে ঢুকলি কেন? বকুনি যা খাবার সে খেতো মালতী।

মুখ বুজেই দাঁড়িয়ে থাকত। ক্রমে তারা ক্রান্ত হয়ে ছেড়ে দিত।—যা নিরে যা! কিন্তু
বকুনি অসহ্য হলে অকস্মাৎ মালতী সাপের মত কণা তুলত। বলত—খেয়েছে অবোলা জীব,
বুদ্ধি নাই—তোমাদের লোকসান হয়েছে, ধরেছ বেশ করেছ কিন্তু খোঁরাড়ে দাও নাই কেন?
কোন আইনে বেঁধে রেখেছ? ছেড়ে দেবে তো দাও নইলে বাবাকে বলছি সে খানায় যাবে।
বেঁধে রাখবার আইন নাই!

এ সব শিখিয়েছিল তাকে শ্রীমন্ত।

চাঁপা এসে তাকে অল্প শিক্ষা দিয়েছিল।

(খ)

চাঁপা এসে তাকে শিখিয়েছিল—মিষ্টি কথা বইলা, কিছুটা তোষামদ কইরা মন ভিজাইয়া
কথা কইলি পর দেখবা কোন কষ্ট পাবা না। বড়া কথা নাই বা বললা মাসী!

সেদিন মায় খেয়ে এসেছিল মালতী।

ছাগলটা গিয়ে ঢুকেছিল ভুবনপুরের শিবের পাণ্ডাদের এক শরিকের বাগানে। বাগান ওদের ছিল পুজোর ফুলের জন্ত। সেই বাগানে ওরা সেবার নতুন করে শীতকালে মরসুমী ফুল লাগিয়েছিল। শখ, বাড়ির একমাত্র ছেলে এবং সেই বাড়ির মালিক ভখন, বাপের অকালমৃত্যুর পর। তার মামার বাড়ি বর্ধমান শহরে, সেখান থেকে মরসুমী ফুলের চারা এনে লাগিয়েছিল। ফুলও হরেক রকম ফুটেছিল। ছেলেটির বয়স বছর বারো হলেও বেশ পোক্ত ছেলে এবং পাকা ছেলে। বাগানের মধ্যে চৌকি পেতে বসে থাকে, গান গায়। গলাটি ভাল। দেখতেও সুন্দর। বাড়িতে পিসিমা আছে—তার আদরের নিধি। বাপও ছিল ভাল গায়ক।

ছাগলটা তাদের বাগানে ঢুকে ফুল সমেত গাছগুলোর একটা দিক প্রায় মুড়িয়ে খেয়ে দিয়েছিল। ধরে তারা ছাগলটাকে বেঁধে রেখেছিল। মালতী খুঁজতে খুঁজতে পথ চলছিল আর ডাকছিল—এ—বু—বু—বু। এ—বু—বু!

ছাগলটার অভ্যাস ছিল মালতীর ডাক শুনেই সাজা দেওয়া, সে দে'দের বাড়ির ভেতর থেকে ম্যা ম্যা শব্দে সাজা দিয়েছিল। মালতী সেদিন ঘুরেছিল অনেক। তাদের বাড়ি দেগঞ্জ, সে গ্রামের শেষ প্রান্তে ভুবনপুরের শিবের সেবায়ত্তদের পাড়াটা যেখানে এখন এক-রকম মিলে গেছে ততদূর চলে গেছে লক্ষ্মীছাড়ি হতচ্ছাড়ি ছাগলটা! দেগঞ্জে না পেয়ে মালতী ভাবছিল হয়তো খোঁজাড়ে গেছে কিংবা পাইকারেরা পথে পেয়ে নিজেদের পালে মিশিয়ে নিয়ে চলে গেছে কিংবা গেছে শেয়ালের পেটে। ছাগলটার আওয়াজ পেয়েই বাড়িতে ঢুকে সে আবার ডেকেছিল—এ—বু—বু এ—বু—বু!

ছাগলটাও সাজা দিয়েছিল—সঙ্গে সঙ্গে মাহুষের গলায় কে ভেড়িয়েছিল—এ—বু—বু।—এস! তোমার ছাগল!

মালতী দেখেছিল দশ বারো বছরের দ্বিবি কান্তিকের মত একটা টেরিকাটা ছেলে! একগাছা কঞ্চি হাতে বেরিয়ে এসে বলেছিল—তোমার পিঠে ভাওব!

ধতমত খেয়ে চূপ হরে গিয়েছিল মালতী।

—এগিরে আয়। এদিকে আয়!

মালতী বলেছিল—ছাগল ছেড়ে দাও। বেঁধে রেখেছ কেন?

—দেব। আগে পিঠের চামড়া তুলব তোর তারপর দেব। পাঠা হলে কেটে খেতাম। মাদী ছাগল। ধাবার জো নেই। তোর পিঠ ভাওব।

—কি করেছে আমার ছাগল?

—দেখ্ কি করেছে! ওই দেখ্!

দেখে মালতীর সত্যিই আপসোস হয়েছিল—এক পাশটা ফুলে ভরা, অস্ত পাশটায় এক-বারে মাটি বের করে গাছ খেয়ে দিয়েছে। তবে খুব বেশী নয়।

—কি, চূপ করে কেন?

এবার মালতী বলেছিল—ওই তো এতটুকু জায়গা! ওই তো বাকী সবটাই রয়েছে।

—এতটুকু জায়গা? বেশ তোর মাধার চুল তো দেখি অনেক—আর এক গোছা চুল কেটে নি।

—কড়ি করবার আয়গা পাও নি! ছেড়ে দাও ছাগল। খেয়েছে তো খোঁরাড়ে দাও নি কেন? বেঁধে রেখেছ কোন্ আইনে? ছেড়ে দাও নইলে থানায় যাব!

—থানায় যাবি? আইন? যা—ছাড়ব না!

মালতীর আর সহ হয় নি—সে জোর করে ছাগল খুলতে গিয়েছিল। ছেলেটা তার চুলের মুঠো ধরে টেনে ঘর থেকে বের করে দিয়েছিল।

মালতী বাড়ি এসেছিল কান্ডতে কান্ডতে। বাপ শ্রীমন্ত শুনে রাগ করেই তার সঙ্গে গিয়েছিল সেই বাড়ি পর্যন্ত। তখন ভিতর থেকে চমৎকার গলায় ভাঙা তান ভেসে আসছিল। কেউ—কে আবার হবে সেই ছেলে—তখন বাগানে চৌকি পেড়ে বসে আ-আ-আ-আ-আ-আ তোম না—তোম না—ভেরি তোমনা জ্যোম না করে তান তাঁজছিল।

শ্রীমন্ত মেরেকে হেসে বলেছিল—এই বাড়ি?

—হ্যাঁ।

—এ তো খাসা গান গাইছে! খাসা গলা।

সে কথা মালতীরও মনে হয়েছিল কিন্তু মুখে কিছু বলে নি। বাপ বেটীতে বাড়ী ঢুকে দেখেছিল ওই ছেলেটিই বসে পাকা ওস্তাদের মত গালে বাঁ হাত রেখে ডান হাত নেড়ে নেড়ে তেরে তোম—জ্যোম না জ্রিম—জ্রিম লাগিয়ে দিয়েই মধ্যে মধ্যে গিঁঠকিরি ঝাড়ছে—আ-আ-আ। হা-হা-হা। সে যেন নদীর বুকে বর্ষার বাতাসের ঝাপটার অসংখ্য ছোট চেউয়ের হিল্লোল খেলে যাচ্ছে। ওরা ঘরে ঢুকেও কিছু বলতে পারে নি, অমন গানের মাঝখানে কথা ভুলে বাধা দিতে ইচ্ছে হয় নি। চূপ করে দাঁড়িয়ে শুনেছিল। একবার বরং মালতী বলেছিল—আমাদের ছাগল নিতে এসেছি—

শ্রীমন্ত বাধা দিয়েছিল—চূপ কর।

বেশ কিছুক্ষণ পর হা-হা, হা শব্দে গানে ছেদ টেনে থেমে ছোকরা বলেছিল—কি? ছাগল?

—হ্যাঁ। আমরা নিয়ে যাব!

—পুলিস কই?

—পুলিস? শ্রীমন্ত প্রশ্ন করেছিল।

—হ্যাঁ। তোমার কে হয়? মেয়ে? তুমি তো শ্রীমন্ত, হাতে মনিহারীর দোকান কর?

—হ্যাঁ। আমার মেরেকে মেরেছেন কেন?

—তোমার মেয়ে জ্বরদন্তি ছাগলটা খুলে নিয়ে যাচ্ছিল কেন? পুলিসের হুকুমি দেখায় কেন? দেখ তো কি করেছে গাঁহগুলোকে খেয়ে! আবার মুখের উপর উত্তর কত! অভ্যস্ত মুখের ঝগড়াটে মেয়ে!

শ্রীমন্তের মেজাজটা কিছুতেই গরম হয়ে ওঠে নি। আশ্চর্য! শুধু তাই নয়, মালতীরও মায় খাওয়ার জন্ত সে কোড়টুকুও আর ছিল না। বরং লজ্জাই হচ্ছিল ওর।

শ্রীমন্ত বলেছিল—তা মেরেটা একটুকু ইয়ে বটে! লে ঠাকুরকে প্রণাম কর।

মালতী কিন্তু তা করে নি। এবার গোঁ ধরে দাঁড়িয়েছিল।

ছেলেটি বলেছিল—নিয়ে যাও ছাগল। বেঁধে রেখো।

ঠিক দুদিন পর আবার। ওই যে সেদিন বিলিভী ফুলের রস পেয়ে লুক হয়েছিল সে আর ভুলতে পারে নি। আবার ছাগলটা গিয়ে ওদের বাড়ির বাগানে ঢুকেছিল। এবং বাঁধাও পড়েছিল।

সেদিন মালতী খবরটা শুনেছিল মাঝপথেই। শুনেছিল—ওই সেবারেতদের বাড়িতেই আবার বাঁধা পড়েছে। গ্রামের মধ্যে না পেয়ে এ অমুমান মালতীরও হয়েছিল। কিন্তু সেদিন আর তার পা গুঠে নি। মাঝপথ থেকে বাড়ি ফিরে এসে বলেছিল—আমি পারব না। আবার হতভাগী সেই বাড়িতে গিয়ে ফুলসুদ্ধ গাছ মুড়িয়ে খেয়ে ফেলেছে। বাবা যাক। আমি যাব না।

চাপা বলেছিল—যাও না মাসী। বাপ তো তোমার মাছ ধরনে গেছে গিয়া। ফিরতি রাত পহর গড়াবে। যাও গিয়া মিষ্টি কইরা বইলা দেখ। মিষ্টি কথা বইলা কিছুটা তোবামদ কইরা কথা কইলি পর দেখবা কোন কষ্ট পাবা না! কড়া কথা নাই বা বললা মাসী।

—তুমি যাও না।

—আমি! অরে বাপ! বউমামুষ না। দাঁকের বেলা, বেটাছেলে—।

—বারো বছরের বেটাছেলে? বড় তো নয়।

—সেই তো।

—সেই তো কি?

হেসে ফেলেছিল চাপা। বলেছিল—বড় হলি সমঝাবা মাসী। ছাওয়াল তো। বারো বছর বয়স। আমি তার সাথে কি কথা বলব? তুমি যাও। তুমি কইলি পর তার মন ভিজবে। বুঝলা।

কথাটা গন্ধে গন্ধে যেন কিছুটা বুঝেছিল মালতী। পাড়াগাঁয়ের মেয়ে—তার উপর শ্রীমস্তের মেয়ে চাপার ভালবাসার সৎমেয়ে। চাপা ছপুরে খরে খিল দিবে গান গায় নাচে—মালতীকে শেখায়। শ্রীমস্তের সঙ্গে চাপার কথাবার্তা হয়—সে তারা মেয়েকে গ্রাহ্য করে রেখে ঢেকে বলে না। তার অর্থ মালতী অক্ষরে অক্ষরে না বুঝলেও কিছু কিছু বোঝে।

সেই বুঝেই মালতী কথাটার উত্তরে মুখ মচকে হেসে বলেছিল—যাঃ! তুমি বড় কাঁজিল! চাপা গান গেয়েছিল আন্তে আন্তে—

ফাজিল হইরা রহিলাম সখি

কাউ দিলেও কেউ নয় না।

কাজলামি উছলাইরা পড়ে

যেবন আলা যে নয় না।

বলে হিহি করে হেসে উঠেছিল। তারপর বলেছিল—চল, আমি বহঃ সাথে যাই। আমি সান কাইড়া দাঁড়াইরা থাকব—তুমি কথা বলবা।

—কি বলব? বলব হাতঝোড় করছি পারে ধরছি ছেড়ে দাও।

—মোবড়া কি? বাসনের ছেলে। তদর জন—

—না—পারব না।

—বেশ। বলবা না পারে ধরি হাতজোড় করি—কাজ নাই বল্যা।

—তবে ?

—বলবা—ঠাকুর অবোলা ছাগলের দোষ ধইরা কি করবা ? রাগ করতি নাই সোনা।

খিলখিল করে হেসে উঠেছিল মালতী—রাগ করতি নাই সোনা ?

—না বললি উপায় কি ? কচি বাচ্চা দুটা ঘরে রইছে। দুখ না খাইরা মরবে ?—চল চল।

অগত্যা গিয়েছিল মালতী। পিছন পিছন টাপাও গিয়েছিল। সেদিনও খোকাঠাকুরটি বসে গান করছিল। সেদিন তান নয়, গান।

—ওই নীল উজ্জল তারাটি।

কিবা সলাজ মাধুরী মাখানো অধরে

অমির মাখানো হাসিটি।

বাড়ির বাইরেই ওরা দুজনে থমকে দাঁড়িয়েছিল। মালতী হাত ইশারা করে জানিয়েছিল—ওই শোন। আজ তার আরও ভাল লেগেছিল কারণ গানটা আজ তেরে না—তেনা না-না-না নয়। কথা রয়েছে। এবং কথাগুলি কী সুন্দর! আকাশে সন্ধ্যাবেলা পশ্চিমমুখে যে নীল ধকধকে তারাটা ওঠে সেই তারাটির কথাটা মনে পড়েছিল। ভোরবেলা মধ্যে মধ্যে দেখা পূব আকাশের ভূঙ্কো তারাটিকে মনে পড়েছিল। গানটাও যাত্রাদলে শুনেছে গন্ধেশ্বরীতলার তাও মনে পড়ল।

টাপা বলেছিল—অ বুনঝি এ তো বেশ গ! নীল উজ্জল তারাটি।

মালতী বলেছিল—হ্যা! কী সুন্দর গাইছে!

—তোমার অই তারাটি হইতে সাধ হইতেছে না মাসী ?

—দ্যেৎ! তারপর বলেছিল—ওসব বলবে তো বাবাকে বলে দেব।

—তোমার বাবার যে আমি ওই তারা গ!

—চুপ কর—কে দাঁড়িয়ে আছে।

সত্যিই আর একজন কেউ ওদের বাড়ী ঢুকবার ভাঙা আগড়ের দরজাটার বেন দাঁড়িয়েছিল। সেও চুপচাপ গান শুনেছে।

টাপা বললে—মাল্লখটা মরদ মাল্লখ বুনঝি।

—হ্যা!

গাইরে কিন্তু খুব মত্ত হয়ে গান করছে। সেই মত্তভাবে সন্ধ্যাটাকেই বেন মাতিয়ে দিয়েছে! গান শেষ হতেই সামনের লোকটা এগিয়ে গেল বাড়ীর ভিতরে। টাপা বললে—চল চল বুনঝি, মাল্লখটা গেছে ভিতরে, আমরাও যাই। এই সময় কিছু বলতি পারবে না। হাজার হক মানুষের ছামনে ত।

বাড়ীর ভিতরে তারাও গিয়ে ঢুকেছিল। ঢুকেই দেখে সে এক কাণ্ড। যে লোকটি দাঁড়িয়ে গান শুনেছিল সে বাড়ীর মধ্যে ঢুকে খোকাঠাকুরের সামনে দাঁড়িয়েছে অ্যর

খোকাঠাকুর বেন বোকা ঠাকুর সেজে গেছে। লোকটি হাত বাড়িয়ে খোকাঠাকুরের হুই কান ধরে বললে, নীল উজল তারিটি! ইস্থলে যাও না কেন? এঁয়া?

মালতী খিল খিল করে হেসে উঠল। সেই হাসিতে খোকাঠাকুরের বোকাষি বোধ হয় কেটে সে বলে উঠল—কান ধরবেন না শূদ্র হরে। আমি মস্তুর নিয়েছি! গুরুর কান। ছেড়ে দেন।

—গুরুর কান? ভাল—চুল—চুল কার? খামটি কেটে লোকটি চুলের মুঠো ধরলে।

—ছেড়ে দেন।

—দেব। দিচ্ছি। ইস্থল বাস না কেন?

—জর হইছিল মাস্টারবাবু। আজ ভাত খাইছে। উ কি করছেন? ছাড়েন ছাড়েন। চাপা ঘোমটা-টা দৈবৎ সরিয়ে বলে উঠল।

মাস্টার একটু খতমত খেয়ে গেল। কিন্তু চুল ছাড়লে না।—জর? এই চকচকে চেহারায় জর? বললে সে। তুমি কে? সাক্ষী দিচ্ছ?

চাপা বললে—আমি পাটকাম করি—আসি যাই বাড়ি। আজ ক'দিন থেকা জর। আজ ভাত খাইছে। মাথাভা কাগের বাসা হইয়া গেছিল গিরা। তাই ত্যাল দিছে। মায়ের ক্যানো?

মাস্টার এবার ছেড়ে দিলে। বললে—জর তো এই শীতের মন্বোত্তে খোলায় হিমে বসে নীল উজল তারিটি করছে কেন?

খোকাঠাকুর এবার যা করলে তা কল্পনাভীত। চট করে বাগানের একটা পড়ে থাকা বাঁশের খুঁটি কুড়িয়ে নিয়ে সেটাকে বাগিয়ে ধরে বললে—বেশ করছি রে ব্যাটা বেশ করছি। তোর মুখে, তোদের ইস্থলের ছাদতে কেতন করছি। এখন বাবি না বাঁশের বাড়ী খাবি?

মাস্টার আর কথা বলে নাই, সে নীরবে পিছন কিরে চলে গিয়েছিল, বাড়ী চুকবার দরজার মুখে দাঁড়িয়ে বলেছিল—তোকে রাস্টিকেট করব।

—আমার কচু হবে। আমি বাবা ভুবনেশ্বরের মাথায় বেলপাতা চড়িয়ে খাই, মা গজেশ্বরীর আটনে ফুল দি, মা সরস্বতীকে ডাকলে আসে। তোদের ইস্থল আমি ছেড়ে দিলাম। যা!

মাস্টার তবু দাঁড়িয়ে ছিল। বোধ হয় এই মেয়েদুটির সামনে এই অপমান তার সহ্য হচ্ছিল না। সে বলেছিল—বেটা বাপকে খেয়েছে, যাকে খেয়েছে, বুড়ী পিলীমার আদম্বে বখে গিয়েছে। শেষ পর্যন্ত গাঁজা মদ খাবি, যা পাণ্ডারা চিরকাল করেছে।

খোকাঠাকুর বলেছিল—বাবি—না তোকে ওই ছাগলটার মত বেঁধে রাখব বিনা হকুমে ঘরে ঢুকছিস বলে? আমি আইন জানি।

মাস্টার এবার চলে গিয়েছিল।

খোকাঠাকুর এবার বাঁশটা ফেলে দিয়ে পৈতে ধরে বলেছিল—আমি শাপ দিলাম তোর অশলশূল হবে।

তারপর বাঁশটা বেলে দিয়ে রক্ষণ করে বলে উঠল—কি? আজ কের ছাগল ছেড়ে দিবেছ

তোমরা। এই ঘেরেটা। আজ সত্যিই তোকে মারব।

—আগে শুনেন—কথাটা শুনেন সোনাঠাকুর।

—সোনাঠাকুর কি? এঁ্যা—? খোকাঠাকুরও এবার হকচকিরে গেল।

চাঁপা বলেছিল—সোনার পারা দেহের বরণ, বাণীর মতন গলার সুর। তুমি ঠাকুর সোনার গোর। তাই কইছি সোনাঠাকুর।

—ও বললে হবে না। রোজ রোজ ছাগলে গাছ খাবে আমি ছাড়ব না। বেঁধে রাখ না কেন?

—তাই তো কই সোনাঠাকুর কথাটা শুনেন। আমার বুনঝি গিয়া কইল—মাসী তুমি শুনলা না, সে কী গান! যেন বাণী! কদম্বমূগের বাণী! রাতে মাইয়া ঘুমায় না। আজ বললাম—যাও না গান শুইনা আসো, তা কয়, কী বইলা যাব। তো কইলাম—বুনঝি ছাগলডারে ছাইড়া দাও, ও ঠিক বাইবে গিন্না ওই ফুলের গাছের লোভে লোভে—ধরাও পড়বে, ওখন তুমি যাইবে। তা অর সাথে আমিও আসলাম। কান জুড়াইয়া গেল সোনাঠাকুর তোমার গান শুইনা। তা অখন ছাগলডারে ছাইড়া দাও, বাড়িতে দুইটা বাঁচ্চা কাইদা সারা হইল।

সোনাঠাকুর সত্যিই ছেড়ে দিয়েছিল ছাগলটাকে বিনা বাধ্যব্যয়ে।

চাঁপা মাসী পথে বলেছিল—বস' বুনঝি হৈস্তা লই।

সত্যিই সে খুব হেসেছিল। সঙ্গে সঙ্গে মালতীও হেসেছিল। তার কাছে আজ সন্ধ্যাবেলার সবটাই অপক্লম উপভোগ্য হয়ে রয়েছে। ওই গানখানা কী ভালই লেগেছে! গান শুনেছে আর আকাশের দিকে তাকিয়ে খুঁজছে নীল তারাটিকে। কিন্তু পশ্চিম দিকটা শিবঠাকুরের সেবায়তদের বাড়ির চাল আর গাছপালায় ঢাকা পড়ে আছে। দেখা যায় নি। আকাশে তারা আজ বেশী নেই। বা আছে সব যেন মিটমিটে হয়ে গেছে জ্যোৎস্নায়। আজ পূর্ণিমা কিংবা শুক্লপক্ষের চতুর্দশী। শীতও বেশ পড়েছে। কিন্তু শীতের কথা মনে হয়নি। কী সুন্দর গান খোকাঠাকুরের! তারপরই খোকাঠাকুরের সঙ্গে মাস্টারের কী কাণ্ড! খোকাঠাকুর বেশ। বলে—শুক্লর কান! খবরদার ধরবে না। মনে পড়লেই হাসি পাচ্ছে। তারপর বাঁশের খুঁটি নিয়ে ঠাকুর একেবারে পুঁচকে ভীমের মত কাণ্ড বাধিয়ে দিলে। মাস্টার স্নড়স্নড় করে লেজ গুটিয়ে পালাল। মাস্টারের যে অজ্ঞার। এমন সুন্দর গলা, এমন সুন্দর গাইতে পারে, সে আপন বাড়িতে বাগানে বসে গায় গেয়েছে তাতে আর দোষটা কি হল? ইচ্ছল যায় না। তা পড়তে ওর ভাল লাগবে কেন? আর পড়ার দরকারটাই বা কি? যাজ্ঞদলে চলে যাবে। গন্ধেশ্বরীওলায় কলকাতার বড় বড় দল আসে—তাদের দলের ছেলেদের গানও তো শুনেছে মালতী! তাদের ক'জনের এমন গলা! বেশ বলেছে—শিবঠাকুরের মাথায় বেলপাতা চড়িয়ে ধাই, মা গন্ধেশ্বরীর পূজো করি, মা সরস্বতী আপনি আসে। তারপর চাঁপা মাসী! চাঁপা মাসী—খুব! খুব তুমি চাঁপা মাসী। খুব জাঁহাঁবাজ, খুব ফাঁজিল খুব ফকড়। কেমন না হেলে বেশ বিনিরে বিনিরে বললে—তোমার গান শুনেবে—তা আসবার তো একটা ছুতো চাই। তাই ছাগলটা ছেড়ে দিয়েছে। আর কেমন ইনিরে বিনিরে বললে—সোনার

গৌরের মত চেছারা তোমার, বাণীর মত গলা—তুমি সোনাঠাকুর। সব মিলিয়ে ভারী মজার ব্যাপার মনে হয়েছিল মাংগার। কিন্তু ঠাপা মাসীর জিত—তাতে তার সন্দেহ ছিল না।

কথাগুলি ধরনী দাসকে শ্রীমন্ত বলেছিল পরের দিন শুক্রবারের হাটে। শ্রীমন্তকে কথাটা ঠাপা মাসী বলেছিল। সে বেশ হাত পা নেড়ে ভদ্রি করে হেসে প্রায় উলটে পড়তে পড়তে বলেছিল।

শ্রীমন্ত প্রথম একবার চটে উঠে বলেছিল—ক্যাকফ্যাক করে হাসে দেখ্ !

ঠাপা আরও হেসে উঠেছিল। শ্রীমন্ত বলেছিল—নোড়া দিয়ে দাঁতগুলো তোর ভাঙব আমি।

ঠাপা বলেছিল—তুমি ঠকবা। স্ত্রায়ম্যাব আবার বাধাইয়া দিবা। তুমি এত চট ক্যানো গো কর্তা। তোমার দাঁত তো ভাংগে নাই।

শ্রীমন্ত বলেছিল—মালা, বল তো হাসির এত কি হল ?

মালা বলেছিল—আমি পারব না। হাসি আসছে।

—তোরও হাসি আসছে ?

—ও মানিক, তুমি যদি খোকাঠাকুরের বাশের খেঁটে নিয়া গুরুমশার তাড়ানটা দেখতা। তা হলে তুমিও ভূঁয়ে পইড়া হাঁসতা।

না দেখেও কানে শুনে, ভূঁয়ে পড়ে না হলেও, যথেষ্ট হেসেছিল শ্রীমন্ত। কোন রকমে ঠাপাই কথাগুলি বলে শেষ করেছিল।

পরদিন খোকাঠাকুর হাটে এসেছিল পাণ্ডা সেজে। এর আগে পর্যন্ত ওর পিসীই আসত, বাবা ভুবনেশ্বরতলার দাঁড়াত, হাটবাজী ও খানের যাজীদের পুস্প দিত। অম্বলের ওষুধের গুঁড়ো দিত। পরলা নিত। বাবার স্থানের প্রশামীর টাকার ছপয়সা ভাগ নিত। দেবদের পাঠানো ভোলায় নিরম ছিল। ভোলা পাবে পালিয়ার, তবুও একটা বেগুন ছুটো মুলা চারটে আলু সে ঝাঁচলে ডরে নিয়ে যেত জোর করে। বলত—নাবালক ছেলে। পাবে কোথা ? বড় হলে নেবে না।

এ কথাতেও কেউ প্রতিবাদ করলে বলত—দেখ বাবা বকো না। আমার ভাইপো বড় হলে পাণ্ডাগিরি করতে আসবে না। এ দেখে নিয়ো।

পিসী ওকে অনেক সাধ আশা করে পড়তে দিয়েছিল, ছেলে চাকরি করবে। না হলে বড় ওস্তাদ হবে। নবু, অর্থাৎ খোকাঠাকুরের নাম নবগোপাল, নবগোপালের বাবাও ওস্তাদি করে বেড়াত। নামও ছিল এ অঞ্চলে। তখন দেশে গানের বেশ চলতি হয়েছিল, বিশেষ করে ভক্তবরের মেয়েদের বিয়ের জন্তে। মেয়েরা এখানকার ইচ্ছলে মাইনর পর্যন্ত পড়ত, কেউ পাস করত কেউ করত না। কিন্তু ওভেই লেখাপড়ানানা বলে চলে যেত। কিন্তু শুধু লেখাপড়ায় বিয়ে হত না, বিয়ের সঞ্চয় হলে পাণ্ডপক্ষ জিজ্ঞেস করত—গানটান জানে ?

করত ঠিক নয়, শহরবাজারে এ জিজ্ঞাসা করে স্তব্ধতা এখানেও করবে এ প্রত্যাশাতেও বটে, আবার শহরের পাণ্ডের সঙ্গে বিয়ে দেব মেয়ের এই গোপন ইচ্ছাতেও বটে রেওয়াজটা

উঠেছিল। নবুর বাবা নিত্যগোপাল মিশ্রেরও গলা খুব ভাল ছিল, গান তারও ছিল জন্মগত সম্পত্তি—শিখেওছিল সে ভাল ওস্তাদের কাছে। ওস্তাদের কাছে গানও শিখেছিল নেশাও শিখেছিল। নেশা অবিভক্তি শিবঠাকুরের পাণ্ডারা করে। তারপর ওস্তাদি করে বেড়াতে। গ্রাম অঞ্চলে তখন থিয়েটারেরও চলন হয়েছে—থিয়েটারেও বৈভালিক সঙ্গে গান গাইত—রোজগার কিছু হত। এই সময়েই গীয়ে এসেছিল নতুন ডাক্তার নিশিবাবু। ডাক্তারখানার চাকরি নিয়ে এসেছিল—সঙ্গে স্ত্রী আর দুই মেয়ে। মেয়েদের ইচ্ছুলে ভয়তি করেই ডাক্তার কর্তব্য শেষ করে নি—প্রাইভেট মাস্টার রেখেছিল; বড় মেয়ে তখন মাইনর ক্লাসে পড়া শেষ করেছে। তার সঙ্গে নিত্যগোপালকেও রেখেছিল গান শেখাবার জন্তে। তারপর দেখা-দেখি দে বাবুদের বাড়িতেও রেওরাজ ঢুকেছিল।

নিত্যগোপাল হঠাৎ মারা গিয়েছিল তিরিশ বছর বয়সে। তখন স্ত্রীর কোলে নবগোপাল তিন বছরের ছেলে। নবগোপালের আগে দুটি সন্তান হয়ে মারা গেছে। নবগোপালের পাঁচ বছর বয়সে মারা গেল মা। পিসী ছিল বাড়িতে—মকু বা মোকদ্দা ঠাকরন—সেই মাহুয করেছিল ভাইপোকে। এবং ছেলেবেলাতেই বাপ মা ধাওয়াতে প্রত্যাশা করেছিল ভাইপো মত লোক হবে।

নবগোপালের জন্তে প্রাইভেট মাস্টারও রেখেছিল। কিন্তু নবগোপাল ইচ্ছুলে ফেল করলেই মাস্টার বদলাতো। এই কানধরা মাস্টার এবারকার বরখাস্তকরা মাস্টার।

নবগোপাল কাল সন্ধ্যাতেই পিসীকে বলে দিয়েছে—ও পড়াগুলো আমার ষারা হবে না। কাল থেকে আমি বাবার খানে যাব। কুলকন্ন করব।

পিসী বাধপ্রতিবাদ করেছে কান্নাকাটি করেছে কিন্তু নবগোপাল অনড়। বারো বছর বয়সে সে বাইশ বছরের মত আইন শিখেছে; সে বলেছে—তুমি আমার গার্জেন লও। সংসারে বাপ মলে মা গার্জেন হয় ষার বাপ মা দুই মরে তার কাঁকা টাকা গার্জেন হয়। তুমি পিসী, ভিন্ন গোত্র—তুমি গার্জেন হতেই পার না। আমি নিজেই আমার গার্জেন।

সে আজ স্নান করে পাটের কাপড় পরেছে, কপালে ছাইয়ের একটা লম্বা ডিলক কেটেছে, হাতে বেতের একগাছা ছড়ি নিয়ে দস্তুরমত পাণ্ডা সেজে হাটের এবং ভুবনেখরের চিপির মুখটাতে দাঁড়িয়েছে।

শুক্রবারের হাট বড় হাট নয়। সোমবারের হাট বড়। সোমবারে চার দিনের অর্ধাৎ সোম মঙ্গল বুধ বৃহস্পতির হাট পড়ে, শুক্রবারে তিন দিনের—শুক শনি রবি; এ ছাড়া সোম-বারটা শিবের পূজার প্রশস্ত বার। তবে শুক্রবারে লোকে বাবার খানে ঢেলা বীথতে আসে। ভুবনেখরের খানের ওপাশে যেখানে এককালে বট অশখ শিমুল বেলা গাছে বাবার ভুত-বাহিনীর কেলা ছিল সেখানকার কয়েকটা প্রাচীন বটগাছ আজও আছে—সেগুলো থেকে অসংখ্য ঝুরি নামে, লোকে এসে পুহুরে ভুবনদ্বীতে স্নান করে গোপন মনস্কামনা বাবাকে জানিয়ে ভিজে চুলে ভিজে কাপড়ে ওই ঝুরিতে একটি পাখর কি ঘুটি কি ইটের টুকরো বেধে দিয়ে ষার। এতে নাকি মনস্কামনা পূর্ণ হতেই হয়। যখন হয় তখন লোকে আবার এসে

বাবাকে প্রণামী দিয়ে প্রণাম করে চেলাটি খুলে দিয়ে যায়। কারুর কারুর চেলা আপনিই খসে যায়। কেউ কেউ এসে খানিকটা চুন গাছের গায়ে লেপে দেয়। এটার মধ্যে নিহিত অর্ধ বা মনের অস্তিত্বের বুঝতে কারুর বাকী থাকে না—লোকে বুঝতে পারে কারুর উপর বিশেষ আক্রোশ করে চুন লেপেছে—এর ফলে যার উপর আক্রোশ তার গায়ে এমনি সাদা দাগ খেতি রোগ হয়ে ছুটে বেড়াবে। শুক্রবারে চুহুরীরা চুন নিয়ে আসে—একেবারে বাবার ধানের কাছটাতেই বসে।

কাউকে চেলা বাঁধতে বা চুন লেপতে দেখলেই পাণ্ডারা গিয়ে কাঁচে দাঁড়ায়, বলে—সংকল্প করে বাঁধতে হয় বাবা। সংকল্প কর। বল—অন্ত পৌষ মাসে কুম্ভপক্ষে দ্বিতীয়া তিথিতে আমি—বল, নাম বল নিজে—হ্যাঁ তারপর মনে মনে বল, সংকল্পের কথা বল—হ্যাঁ সংকল্প—দারিদ্র্যমোচন চাও তাই বল—মকদ্দমার জয় চাও তাই বল—কাউকে যদি ভালবাস তাই বল—বল অমুককে—ব্রাহ্মণ হলে দেবী বল শূদ্র হলে দাসী বল—ভক্ত মনপ্রাপ্তি হেতু অগ্নমহং গোষ্ঠবন্ধনং করিষ্যে। বাবা ভুবনেশ্বর সত্য হলে পূর্ণ হবে। তবে মনকে ষাটাই কর বাবা এ কামনা সত্য না মিথ্যা। হ্যাঁ! বাঁধ বেশ ভাল করে বাঁধ। হ্যাঁ। এখন এস—চরপোদক খাও আর পুষ্প নিয়ে যাও—রেখে দিয়ে যাও করে। দক্ষিণে ছু পরসী পাঁচ পরসী বাইছে দাঁও। এক পরসায় দক্ষিণে হয় না। কাঞ্চনমূল্য কিনা! বাবাকে প্রণামী এক পরসী দিতে পার। ভুবনেশ্বরের হাট—মা গজেশ্বরীর দরবার, এখানে ছুখ দিয়ে সুখ পায়, রোগ দিয়ে আরোগ্য পায়, সোনার হরিণের মত পালানো মন জালে পড়ে; খোদ বাবার বর আছে।

কথার শেষে হেঁকে ওঠে—হর হর বোম্ হর হর বোম্। বোম্ ভুবনেশ্বর বিশ্বনাথ।

বিকেলবেলা হাট—হাটুরেরা অধিকাংশই আসে বারোটা থেকে দুটোর মধ্যে। গাড়িতে আসে মাল—ভারে আসে মাল—মাথার বুদ্ধিতে আসে মাল। আপন আপন বাঁধা জারগায় বড় বড় চ্যাটাই বিছিরে মাল ঢেলে সাজায়। শীতকালে তরকারির মরসুম। নানান তরকারি। বেগুন, মূলা, নতুন আলু, কাঁচা কুমড়া, লঙ্কা, নতুন পেঁয়াজ, এমন কি কপি মটর-সুটিও আজকাল আসে। ফুলকপিটা কম—বাঁধাকপি একটু দেরিতে হলেও প্রচুর আসে—আর সে সব কপি খুব বড় বড়। ওই ভুবনপুরের যে বিলটার শ্রীমন্ত মাছ ধরত সেই বিলের ধারের অমিতে এবং মধুরাকীর চরে খুব বড় রকম কপির চাষ হচ্ছে। কপি তো কপি এখন দুটো চারটে হাঁস আসে মুরগী আসে। মুরগীর হাঁসের ডিম আসে। মাছ এখানে বড় আসে না, মেছুনীরা ভালার করে পাড়ার পাড়ার নিত্য বেড়ায়। তবে বড়সড় মাছ পেলে হাটে এনে বসে। নিয়মিত মাছ আসে কাঁঠ মাছ। কই মাছের জাটা। ‘উরো’ হাড়ির পেশা হল ওই গ’ড়েতে ভোঁবাতে বিলে লোপা দিয়ে কাঁঠ মাছ ধরা। মাছ ধরে এনে বাড়িতে বড় হাড়িতে জিইয়ে রাখে, হাটের দিন উরোর বউ খালুই ভরতি করে এনে হাটে বসে। বসে ঠিক কুমোরদের মাটির জিনিসের পাশে, তার পাশে বসে যত ভালপাতা খেজুরপাতার তালাই ও চ্যাটাই; তার পাশে বসে মাছ ধরা পলুই বাঁশের মোড়া ডালা কুলো বুদ্ধি এবং মাখালীওয়ারা। ছ’চারটে কুলের সাঁজিও থাকে। খেজুরপাতার কাজ করে বীরবন্দীরা তার পাশেই বসে হাঁস ও হাঁসের

ভিমওয়ালী ছুনো গাঁয়ের কইদাসদের মেয়ে ছুজন। সব গলায় হাঁকে—হাঁস লেবা গো ? হাঁস। ভিম লেবা গো ? ডি—ম হাঁ—স।

বেশ বলার চঙটি। প্রথম ঠাণ্ডা গলায় বলে—হাঁস লেবা গো ? তারপর চেঁচিয়ে ওঠে—হাঁ—স। তারপর সমান জোরে বলে—ভিম লেবা গো—? তারপর গলা নামতে থাকে—ডি—ম। হাঁ—স। মধ্যে মধ্যে হাঁসটার বুক বা পাঁজরার আঙুল দিয়ে টিপে দেয়—সেটাও ডেকে ওঠে প্যা—ক প্যাক শব্দ করে।

ওসমান পাইকার দড়ি বেঁধে একটা খাসি ও ছাগল নিয়ে দাঁড়িয়ে হাঁকে—খাছি—খাছি ছাগল—গরুর মতন ছুখ। বলে হাঁকে। ওর পাশে পায়ের পায়ের বাঁধা কয়েকটা মুরগী থাকে। ওসমান পাইকারের খন্দের সব বাঁধা আছে। দে বাবুদের ছোকরারা। সাব্বেরজিহ্মীর। দারোগা। দু'-একজন ইন্সুলমাস্টারও আছে। হাটের কলরব কোলাহল ছাপিয়ে ওসমানের গলা শুনলেই তারা আসে খাসি ছাগলের দর করতে এবং মুরগী কিনে থলের মধ্যে পুরে নিয়ে যায়। ওসমানের পাশে বসে হামিদন চাচী। সে হাঁকে—মুরগীর এণ্ডা। মুরগীর এণ্ডা।

এরা সব বসে হাটের পিছন দিকটার একপাশে।

সামনে বসে ফলওয়ালারা। ফল আর কি ? গ্রীষ্মকালে আম জাম কাঁঠাল জুটি আসে। ময়ূরানীর ধানের ভরমুজও আসে। শীতের সময় শাকআলু, নারকুলে কুল আসে—কিছুদিন থেকে কমলালেবু আসছে। ডাব এখানে কম। তবে ছ'চারটে থাকে। আর বারোমাস হিন্দুহানী সাহানীরা নিয়ে আসে কাগজে মোড়া খেজুর, শুকনো বেদানা, বাস্ববন্দী দাগিধরা আঙুর কিসমিস আর অল্পখল্প বাঁদাম পেস্তা।

এ একেবারে বাবার থানের সামনে। তার পাশেই ধরনী দাসের একখানি চালা। কাপড় মশারি গামছা। তারই আধখানার শ্রীমস্তের মনিহারী আর মাছ ধরার সরঞ্জাম। তার পাশে গোবিন্দ বণিকের কাপড় জামা ফ্রকের দোকানের চালা। চালার সারি চলে গেছে দু'পাশে। মিষ্টির দোকান। তেলভাজার দোকান। আরও কতকগুলো মনিহারীর দোকান। এ ছাড়াও ভুবনেশ্বরের থানের সিঁড়ির মুখ থেকে রাত্তার দু'ধারে চ্যাটাই পেতে অনেক দোকান বসে। তার মধ্যে কুস্তকারদের মাটির ঘোড়ার দোকান অনেক পুহনো। বাবার থানে ঘোড়া কিনে দিয়ে যায়।

প্রবাদ বিশ্বেশ্বরের ওখানে ষাঁড় বাঁধা আছে, এখানে ভুবনেশ্বর তাই ঘোড়ার চড়ে। তবে ঘোড়াগুলির একটা পা ছোট। অর্থাৎ খোঁড়া। জান ঠ্যাংটি লটরপটর বা ঠ্যাংটি খোঁড়া বাবা ভুবনেশ্বরের ঘোড়া। ওই ঘোড়ার চড়ে নাকি বাবা রাজে মা গন্ধেশ্বরীর আটন পৰ্বন্ত যান।

টিক্লির মা এখানে এসেছিল যখন ভরতি যুবতী। এসেছিল গজারামের সঙ্গে। টিক্লিই এখন প্রায় যুবতী হয়ে উঠেছে। টিক্লির মা বলে সে ঘোড়ার পায়ের শব্দ শুনেছে।

চুন্যারিয়ার বাবা সেও বৃড়ো—সেও বলে শুনেছে।

কমাদারেরা এখানকার তিন পুরুষের ঝাড়ুদার—তারা বলে তারা বাপ দাদার কাছে শুনেছে।

এ ছাড়া আর আছে খানছুরেক বইয়ের দোকান। লক্ষ্মীর পাঁচালী কৃষ্ণের শতনাম থেকে সুরধ-উদ্ধার গীতাভিনয়—সচিত্র প্রেমপত্র—তার সঙ্গে গুম খুন বন্দীকরণ-বিভা কামরূপভঙ্গ—তার সঙ্গে প্রথম ভাগ ধার্মাপাত পর্যন্ত।

এই কোলাহলের মধ্যে, মধ্যে মধ্যে পাণ্ডাদের ওই জ্ঞোর হাঁক শোনা যায়—হর হর বোম্। বো—ম ভুবনেশ্বর।

সেদিন শীতের দিনটি বেশ মৌজের শীতের দিন ছিল। আগের রাতে শীতটি জমাট হয়ে উঠেছিল। কিন্তু বেলা দুটো নাগাদ রোদটি চড়ে ভারী মিঠে লাগছিল। এরই মধ্যে হঠাৎ সুমিষ্ট কিশোর কণ্ঠে ধোকাঠাকুর নবু হৈকে উঠেছিল—

বাবা ভুবনেশ্বরো মনের বাঞ্ছা পূর্ণ করো!

হর হর বোম্। হর হর বোম্। বো—ম ভুবনেশ্বর।

ধরনী দাস সবিস্ময়ে ডাকিয়ে বলেছিল—নিভাঠাকুরের ছেলে! ও তো ইন্সুলে পড়ত! এর পিসী বলত নবু হাকিম হবে। তা—

হেসে উঠেছিল মালতী। হি-হি-হি-হি-হি!

শ্রীমন্ত ও না-হেসে পারেনি। শীতের দিনে মাছের সরঞ্জামের বিক্রী কম। তার জন্তে মেজাজ শ্রীমন্তের ভাল থাকে না। তবু শ্রীমন্ত হেসেছিল।

ধরনী বলেছিল—হাসলে যে!

শ্রীমন্ত বলেছিল—ঠাকুর আচ্ছা ঠাকুর। কাল—

মালতী আবার খিলখিল করে হেসে উঠেছিল।

শ্রীমন্ত সবিস্ময়ে বলেছিল আগের দিনের সন্ধ্যার বিবরণ। ধরনী দাসও খুব হেসেছিল। বলেছিল—এ ছেলে যে আঁটি হে। পুঁড়লে গাছ হয়। এঁ্যা?

—যে-সে আঁটি নয়। ম্যাজিক আঁটি। ফাং গজারামের ম্যাজিক আঁটি মনে পড়ে?

গজারাম বলে একজন বাউণ্ডলে ভেলকিবাজিওলা কিছুদিন ভুবনপুরের হাটের বটডলার বাসা নিয়েছিল। সে সাপ ধরত। সাপের বিষ গেলে গাঁজার সঙ্গে মিশিয়ে খেতো। এসেছিল ওই টিক্লির মাকে নিয়ে। তখন টিক্লির মা যুবতী। সেই গজারাম খেলা দেখাত ম্যাজিক আঁটির। একটা শুকনো আঁটি মাটিতে পুঁতে জল ছিটিয়ে ঝুড়ি ঢাকা দিত। তারপর ঝুড়ি তুললেই গাছ দেখা যেত।

ধরনী দাস বলেছিল—ঠিক বলেছ। তাই বটে। মাস্টারকে বাশের খেটে নিয়ে—। বলতে বলতে একটা কৌক শব্দ করে হেসে উঠেছিল হা-হা শব্দে।

মনে আছে ধরণীর ঠিক এই সময়টিতেই একটা হৈ হৈ শব্দ উঠেছিল বাকুলের চাবী হরিদাসের বেগনের ওখানে।

—মার—মার—মার!

—কি হল? ঝড় তুলেছিল ধরনী দাস।

—আবার কি? চুরি। শ্রীমন্ত বলেছিল।

মালতী দুটে দেখতে গিয়েছিল। চুরিই বটে। মরি বাউড়িনী দর করতে বলে কখন

একটা বেগুন আঁচলে পুরেছিল দেখতে পার নি হরিদাস। মরে বলল না বলে যেই মরি উঠেছে অমনি নজরে পড়েছে হরিদাসের। সঙ্গে সঙ্গে সে ধরেছে তার হাত চেপে। হাত চেপে ধরতেই বেগুনটা পড়েছে মাটিতে। ওদিকে হরিদাসের কিল পড়তে শুরু করেছে মরির পিঠে। শুধু হরিদাসের নয়, আরও অনেকের। আরও অনেক কিলই পড়ত মরির পিঠে। কিন্তু ওই খোকাঠাকুর এসে দুই হাতে ভিড় সরিয়ে ধমক দিয়ে ভিতরে ঢুকে পড়ল এবং সব খামিয়ে দিলে। ছেলেটির জোর আর কতটুকু, কিন্তু হঠ বাও হঠ বাও বলে এমন চীৎকার করলে এবং চীৎকারের মধ্যে এমন একটা ভেজ ছিল যে সকলেই হঠে গিয়ে জায়গা দিলে তাকে ভিতরে ঢুকতে। তারপর সে দু'হাত তুলে বলল—খাম সব খাম।

কপালে ছাইয়ের ভিলক, গলায় পৈতে, ধবধবে রঙ, স্নানর চেহারা খোকাঠাকুর যেন ভেলকি লাগিয়ে দিলে। এমন একটি মাহুষকে তারা অমান্য করতে পারলে না। খোকাঠাকুর বয়সে বাচ্চা হলেও তার ভেতর থেকে যেন অস্ত্র একটা মাহুষ বেরিয়ে এল। এবং বিচারও সে করলে। মরি বাউড়িনীর চুল খুলে গিয়েছিল—ছিঁড়েও গিয়েছিল অনেকগুলো, গায়ের কাপড়ও খুলে গিয়েছিল—ছিঁড়েও গিয়েছিল—ধুলো লেগেছিল সর্বদেহে কিন্তু সে এতক্ষণ ঠিক কাঁদে নি, শুধু চীৎকার করছিল। প্রতিটি কিল চড়ের সঙ্গে চেঁচাচ্ছিল—ওরে বাবারে! বাবারে! আর মেরো না। বাবারে! মারে বলে। এবার কিল চড় খেমে যেতেই সে পরিজ্ঞাতা খোকাঠাকুরের চরণ ধরে ছাউমাউ করে চেঁচিয়ে উঠল—ওগো ঠাকুর গো—মরে গিয়েছি—বাবাগো! আর মেরো না—বাঁচাও গো! তোমার পায়ে ধরি বাবাগো!

লোকেরা হেসে উঠল হো-হো করে।

ঠাকুর বললে—খাম! খাম!

খেমে গেল সকলে। ঠাকুর জিজ্ঞাসা করলে—বেগুন চুরি করেছিলি ক্যানে?

—দোষ হইছে বাবাগো! নাক মলছি কান মলছি—আর কখনও করব না গো! বেশী লিই নাই—একটো লিয়েছিলাম বাবাগো। তার তরে কিল খেয়েছি বিশ গণ্ডা—আর মেরো না বাবাগো!

খোকাঠাকুর বললে—কেউ বাও তো চুমুরীদের কাছ থেকে চুন নিয়ে এস। যাও। মুখে লেপে দাও হারামজাদীর।

লোকে উৎসাহিত হয়ে উঠল। বুঝেছে সকলে মরির মুখে চুনের হিজিবিজি একে দেবে। মরি তারস্বরে চীৎকার করতে লাগল—ওগো ঠাকুর গো, একটো বেগুনের তরে চুন দিয়ো না বাবাগো! ফুল হয়ে ফুটে উঠবে গো! বাবা শিবের ধান গো!

কিন্তু ছাড়লে না ঠাকুর। মরির দুই গালে কপালে চুনের দাগ দিয়ে বললে—বা!

মরি উঠেই কোন রকমে হাট থেকে বেরিয়ে ছুটে পালাল। খানিকটা দূর গিয়ে তার চেহারা পাল্টাল—কোমরে কাপড় জড়িয়ে মাথার এলোমেলো চুলগুলো হাতে জড়িয়ে নোটন বঁধতে বঁধতে চেঁচাতে লাগল—যত দোষ মরির। মরি মরা কিনা বুড়ী কিনা তাই। ওই যে টিক্‌লি কাঁটা লক্ষা নেবু মূঠো মূঠো তুলে এক-কোঁচড়ে করেছে, আলু নিয়েছে—তার

বেলাতে ? ওই চুনারীরা, উ যে কমলানেবু লিয়েছে ! এঁ্যা ! ওই যি বাবুরা লক্ষা নেবু দেখতে গিয়ে পকেটে ভরেছে—দেখুক পকেট দেখি ! উ ! চুনে আমার কিছু হবে না। ধুরে দিলে উঠে যাবে। একটো বেগুনের লেগে বিশ গুণা কিং !

হাট তখন আবার বিকিকিনিতে কারবারে মগ্ন হয়ে গেছে। হরিদাস হাঁকছে—এই বেগুন বাকুলের বেগুন। মাখন মাখন ! মাখন ফেলে খেতে হয়।

—নতুন আলু। নতুন আলু।

—চার হাত কার ! চাবকী ফিতে।

ধরনী দাসও হেঁকে উঠল—ভাঁড়ের শাড়ি ! নকশীপাড় ! চৌখুপী ডুরে ! লাল গামছা ! ছুটি রসিকা বেশ-বিলাসিনী মেয়ে ওর দোকানের সামনে দিলে যাচ্ছিল। ধরনী দাস হেঁকে তাদের আহ্বান করলে—এস !

শ্রীমন্ত হাঁকলে—ভরল আলতা ! গন্ধতেল !

মেয়ে ছুটি থমকে দাঁড়িয়ে এ ওর গা টিপে হেসে ইঙ্গিত করে দাঁড়িয়ে গেল। একজন বললে—সত্য না আক্রা ?

মালতী কখন ফিরে এসে বাবার পাশে বসেছিল। সে বললে—বাবা খোকাঠাকুর !

খোকাঠাকুরই বটে। সে মেয়ে ছটোকে বললে—এই সর ! শুনছিন ?

—ও বাবা—ভেঁকা ঠাকুর !

‘ভেঁকা’র মানে কেউটে গোখরোর বাচ্চা ! তার সরে দাঁড়াল !

নবু ধরনী দাসের দোকানে দাঁড়িয়ে সেদিন চেয়েছিল গামছা।—বেশ বড় আর মোটা খাপি গামছা আছে ? ও লাল গামছা নয়। সাদা জমি। আছে ?

—আছে বইকি ! কি করবেন ?

—কি করে গামছা নিয়ে ?

ধরনী দাস অপ্রস্তুত হর নি—বলছিল—গামছার গা মোছে আবার গারে দিলে ঘুরেও তো বেড়ান গো আপনারা !

মালতী বলে উঠেছিল—পাতারা গামছা পূজোও করে। বামুনের কাপড়ের ওপর জড়িয়ে ভাত রাঁধে পরিবেশন করে।

—উ ! সেই মেয়েটা। বলে ছাগলের জন্তে পুলিশে খবর দোঁব। ভারী মুখরা।

—আর তুমি যে বাঁশের খেঁটে নিয়ে মাস্টারকে মারতে যাও !

—বেটা আমার গুফর কান ধরলে, কানে ?

একথানা বড় গামছা বের করে ফেলে দিলে ধরনী দাস বললে—এই আছে। পছন্দ না হলে, তোয়ালের মত বুন একরকম সাড়ে তিন হাত গামছা উঠেছে—সাঁইভের হাট থেকে এনে দোঁব সোমবারে।

—ঠিক দেবে তো ? আমি সেই রকম খুঁজছি।

—আমি না বাই শ্রীমন্ত বাবেই। ও এনে দেবে।

—কি শ্রীমন্ত ?

—হ্যাঁ হ্যাঁ আমি দোব ।

—হ্যাঁ—না হলে এবার তোমার ছাগল আমি ছাড়ব না ।

—আমরা বেঁধে রেখে দোব । আর বাবেই না ।

মালতী বলে উঠেছিল ।

—মস্তুরের চোটে আমি নিয়ে আসব ছাগল ।

মালতীর মুখ শুকিয়েছিল ।

শ্রীমন্ত বলেছিল—আমি ঠিক এনে দোব—দেখবেন আপনি ।

বেতে গিরে ধমকে দাঁড়িয়ে নবু বলেছিল—তুমি সাঁইতে প্রতি হাতে বাও ?

—প্রতি হাতে বাই না । রবিবার বড় হাট—রবিবারে যাই ।

—আমার আর একটি কাজ করে দেবে ?

—কি বলুন ?

—আমার বাবার ডুগি তবলা আর পাখোয়াজ ছিড়ে পড়ে আছে । সাঁইতের হাতে তনেছি বারেনরা আসে—তারি খুব ভাল ছাওয়ার । গুলো ছাইয়ে এনে দিতে পার ?

—হ্যাঁ হ্যাঁ । আমাদের নামসংকীর্ণনের দলের খোল ওরাই ছাইয়ে দেয় । আলাপ আছে আমার সঙ্গে । দেবেন । মুশকিল নিয়ে বাওয়ার আনার ।

—তা একটা মূনিখের দাম আমি দোব ।

—আর কি দেবে বাবাকে মজুরি ?

মালতী আবার বলে উঠেছিল ।

—তুই হলে কচুপোড়া দিতাম । শ্রীমন্তকে আশীর্বাদ করব ।

—উহঁ । আমাদের বাড়িতে এসে একদিন গান শোনাতে হবে ।

—তা শোনাব ।

বলে চলে গিয়েছিল নবুঠাকুর । ধরনী দাস শ্রীমন্ত মালতী ওর যাবার পথের দিকেই তাকিয়েছিল । হাট তখন জমে উঠেছে—প্রায় চারটে সওয়া চারটে বাজে । লোক জমজম গমগম করছে । শীতের কাল, ধান উঠেছে—পরমা আছে লোকের হাতে ; তা ছাড়া গরম নেই । খারাপের মধ্যে শুধু ধুলো । ওদিকে গন্ধেশ্বরীভলার গদিতে গদিতে ধানের গাড়ি লেগেছে । ওদিকে গঙ্গার ধার থেকে এসেছে শাঁকআলু রাঙাআলু, লকা মস্তুর ছোলা । কেনাবেচার দারুণ মরশুম । জমাট ভিড়ের মধ্যে মাথার খাটো বাচ্চা ঠাকুর মিশে গেল । ধরনী দাস বললে—পাকা পাণ্ডা হবে ঠাকুর ।

—কই গো লাল গায়ছা ডুরে শাড়ি ? কই দেখাও ? কই তোমারই বা তরল আলতা কই ?

মেয়ে দুটো আবার কিরে এসেছে । ধরনী বললে—এস । এস বস ভাল করে । দাঁড়িয়ে কি দেখা হয় ?

শ্রীমন্ত বললে—বা তো মালি ঠাকুরকে বলে আর আজই যেন ডুগি তবলা পাখোয়াজ পাঠিয়ে দেয় ।

মালাকে ইচ্ছে করে তাড়ালে শ্রীমন্ত। মেয়ে ছোটো রসিকার ওপরে কিছু। ওদের নিয়ে ধানিকটা ভগমগ রসের কথাই খেল খেলবে।

মালা ঠাকুরকে ভিড়ের মধ্যে গেলে না। সে গিয়ে বাবার খানের গাছতলায় দাঁড়িয়ে রইল। লোকে পাথর বাঁধছিল সেখানে। সেও একটা পাথর বাঁধবে ঠিক করলে—তার বেন ওই ঠাকুরের মত বর হয়। খুব আড়ালে গিয়ে কিন্তু বাঁধতে গিয়েও বাঁধলে না। ছি। আর—ঠাকুর যে বামুন।

তিন

(ক)

কথা ভো আজকের নয় অনেক দিনের—।

মালতী হাটে ধরনী দাসের চালায় বসে মনে মনে হিসেব করে দেখলে সে প্রায় ন' বছর আগের কথা। সেদিনও সে বাবার পাতা দোকানের পাশে এইখানেই বাঁধের খুঁটিতে ঠেস দিয়ে বসেছিল। এই খুঁটিটাই বোধ হয়।

মালতী জিজ্ঞাসাও করলে—জেঠা, সেই খুঁটিগুলোই আছে? রঙ করেছে—নয়?

ধরনী দাস বললে—না মা। নতুন খুঁটি। দেখছ না হাটের উন্নতি। এখন কি আর পুরনোতে চলে? যেমন কাল তেমনি চাল। হাট জাঁকল। গুঁইরা দালান-বাড়ি করলে। শ্রীমতীর মিস্তির দোকানের সামনে পাকা বারান্দা টানলে। সত্যও তাই করলে। ওই দেখ সরকারদের ছেলে কাঠের কারবার করেছে—চেন্নার টেবিল বানাচ্ছে। ওই দেখ পশ্চিম পাশে ইট চলেছে—এই পাশের ফুকুলা পাকা করবে চালা—ইলেকট্রি লেবে সব। আমি মশারি বেচি মোটা কাপড় বেচি—আমি পাকা করব কি করে—আমি ভোগপুর থেকে ওই বাঁধ আনলাম। দেখছ না কেমন সোজা আর মোটা বাঁধ। সরল। তাতে রঙ লাগালাম। আর কি করব? ইচ্ছে ছিল থাম করে টিন দি। আছে ইচ্ছে। তা তোমরা ভাগ না ছাড়লে তো পারছি না। তোমার বাবা আমাকে দুশো টাকা নগদ দিয়ে চালার অর্ধেক কিনেছিল। জোর করে কি না-জানিয়ে পাকা না হয় কবে করে নিতে পারতাম—তা ধনকে জবাব দোব কি?

মালতী চূপ করে রইল। সে ভাবছিল।

ধরনী দাস বললে—আমি মা বলেছিলাম তোমার বাবাকে। বলেছিলাম—শ্রীমন্ত, সব বেচে মাছব ধার তাই, ধন বেচে ধায় না। তু ওই বামুনের ছেলের সম্পত্তি—সম্পত্তি আর কি, পুহুরের অংশ আর পাঁচ বিঘে ডাঙা জমি—ও নিয়ে তু ভাল করলি না।

একটু থামল সে। মালতীও চূপ করে রইল। দুজনের কাছে এবার হাটের শোরগোলটা প্রত্যক্ষ হয়ে উঠল। বেন পিছন দিক থেকে ঘুরে চোখের সামনে এসে দাঁড়াল হাটটা। উঃ কত লোক। আগের কালেও লোক অনেক হত, কিন্তু এত নয়। একটু উপর দিকে চাইলে শু দু মাথা মাথা আর মাথা। ঘোমটার কাপড়ও আর দেখা যায় না। একটু নীচে তাকালে

আমার ছিট আর খালি গা। মেয়েদের গায়ের কাপড়ের নানান রঙ। আর কোলাহল। কত জল্পলোক। হাল ক্যাশানের মেয়ে, চোখে চশমা পায়ে জুতো একদল। ওই সামনে ওপাশে কে একজন বেশ একটা বড় সাদা রঙের মোরগকে ডানার ধরে মাথার উপরে তুলে ধরেছে—মুরগীটা টেঁচাচ্ছে ক্যা ক্যা ক্যা শব্দে। কোন বহুশা পাচ্ছে। ওঃ তখন মুরগী কিনত লোকে বেশ লুকিয়ে ; এখন হাতে তুলে ধরে লোকটা হাঁকছে—বিলিভী মুরগী! বিলিভী মুরগী!

হুজন খন্দের এসে দাঁড়াল।—মশারি, বেশ ভাল খাপি, আছে ?

—আছে বইকি, এস। বস। ক'হাত ?

—বেশ বড় চাই। ছেলেপিলে নিয়ে শোবে, পাঁচজন ছাঁজন।

—চার হাত পাঁচ হাত দিই ?

—দাও।

ধরনী দাস মশারি বের করে কেলে দিলে সামনে।—দেখ। দেখ বুনন দেখ। স্তভে দেখ। খুলে দেখ—মাপো। হ্যা। জিনিস লেবে বাবা দেখে লেবে! দেখ—

সে উঠে দাঁড়াল—এই দেখ আঠারো ইঞ্চি দাগা গজকাঠি। তোমার হাত বড়—এক ইঞ্চি বড়। লাও মাপো!

মালভীর চোখের সামনে থেকে হাটটা আবার সরে যাচ্ছে। হাটটা যাচ্ছে না তার চোখের দৃষ্টি যাচ্ছে। মনের ভিতরের দিকে যাচ্ছে।—হ্যা, নব্বুঠাকুর খোকাঠাকুরকে তার বাবা ঠকিয়ে নিরেছিল। ঠকিয়ে নয়, ভুলিয়ে। ওই ডুগি ভবলা পাখোয়াজ ছাইয়ে এনে দেওয়া নিয়ে খোকাঠাকুরের সঙ্গে আলাপ শুরু। ডুগি ভবলা পাখোয়াজ তার বাবাকে দিয়ে গিয়েছিল ঠাকুর। পরসাত দিয়েছিল, একটা মজুরের দাম, সাঁইতে নিয়ে যাবার অস্ত্র।

মনে আছে মাসী বলেছিল—তা সোনাঠাকুর আমাগো মজুরিতা ?

খোকাঠাকুর বলেছিল—হার তো পরসাত আনি নাই। ত্রীমস্ত তো চায় নাই।

—আমার কপাল! নিজের মালারে বলেছ—দিব।

মালা বলে উঠেছিল—গান শোনাবে বলেছ।

—অ! তা গান কি যখন তখন হয় ?

ত্রীমস্ত বলেছিল—যেমন তেমন গান যখন তখন হয়। ছান না গেয়ে।

খোকাঠাকুর বেশ আসন করে বসেছিল। তারপর একটু গুন গুন করে সুর ভাঁজতে শুরু করেছিল। ত্রীমস্ত বলেছিল—দাঁড়ান দাঁড়ান খোলটা আনি। সে খোল পেড়ে এনে ডান হাতে টাটি এবং বাঁ হাতে গুব্ শব্দ তুলে বলেছিল—নেন।

খোকাঠাকুর বলেছিল—না। রেখে দাও। বাঁধা নাই। ঢাব-ঢাব করছে। ছ'হাত কপালে ঠেকিয়ে বলেছিল—গানের অপমান হয় ওতে। রাখ। বলে সে গান গেয়েছিল। গানটার ক'টা কলি আজও মনে আছে।

এ ফুল খুঁজে নিতে হয় এ ফুল খুঁজে নিতে হয়,
ছনিয়ার কোন বনে সে কোন কোণে সে

কোন মনেতে ফুটে রয় ।

এ ফুল করতে আহরণ কত চাই নিশি জাগরণ—

আর মনে নেই। সুন্দর সুর ছিল। ভারী সুন্দর। গানটা একবার নয় দুবার গাইরেছিল চাঁপা মাসী। তারপরও মধ্যে মধ্যে বলত—সেই গানটি গাও ঠাকুর! তারিফ করত—যেমন সোনাঠাকুর তেমনি সোনা গান!

বাড়িতে যখন তারা দুজনে শুধু থাকত তখন চাঁপা মাসী এই গান গাইত। নাচত। বলত, তুমিও গাও মাসী। এস দুজনায় নাচি। নাচের গান। একলা হয় না!

সেও গাইত—সেও নাচত। চাঁপা বলত—এ ফুল পেলায় মালা গেথে পরায় যমুনার কাঁপ খাইতাম মাসী। জান ?

সে প্রথম প্রথম ভাবত স্বর্গের পারিজাত। একদিন বলেছিল—পাবে কোথা? স্বর্গের পারিজাত—

চাঁপা মুখ হাত নেড়ে বলেছিল—না গো মাসী না। এই পিখিমীতেই ফোটে। তার কানের কাছে মুখ এনে বলেছিল—প্র্যামের ফুল গো কল্পে—প্র্যামের ফুল!

প্র্যামের ফুল! লজ্জা হয়েছিল মালতীর। প্রেম কি সঠিক জানত না তখন কিন্তু লজ্জা-মাখানো মিষ্টি মিষ্টি গন্ধ পেতে আরম্ভ করেছে। এবং এটাও জেনেছিল প্রেম হয় পুরুষে মেয়েতে। বিয়ের সঙ্গে কাছাকাছি। প্রেম হলে বিয়ে হয়, বিয়ে হলে প্রেম হয়। চাঁপার কথায় লজ্জা পেয়ে সে বলেছিল—ধেব্ব-র।

চাঁপা বলেছিল—ই গ। বুঝবা পরে! বলেই গেয়েছিল—এ ফুল করতে আহরণ কত চাই নিশি জাগরণ। কল্পে, রাত জাইগা প্র্যামের কথা কইতি নিশি ভোর হইয়া যায়। ফুটেবে—তোমারও ফুটেবে গ। তা সবার তো ফুটে না। বিয়া সাদী হইলেও না। ফুটলে পাগলিনী হয় রাখার মত।

কত কথাই মনে পড়ছে।

বাবার তার অস্ত্রার হয়েছিল—সেই দিনই খোকাঠাকুরকে গাঁজা খাইয়েছিল। না কোন বদ মতলব করে খাওয়ার নি। তখনও কোন বদ মতলব তার ছিল না। তার বাপ বটম মাছ, বটমের ধর্ম পালন করবার মধ্যে মাংস খেতো না, চৈতন রেখেছিল, গলার কণ্ঠি নিয়েছিল আর গাঁজা খেতো। গাঁজা ধরনী জেঠাও খেতো। এখনও নিশ্চয় খায়। সেদিন খোকা-ঠাকুর যখন গান গাইছিল তখনই সে গাঁজা টিপছিল। খাওয়ার সময় তখন তার। খোকা-ঠাকুর গান শেষ করবার পর উঠে দাঁড়িয়ে শ্রীমন্তের গাঁজার সরঞ্জামগজ দেখে বলেছিল—বাঃ এ তো তোমার অনেক তরিবত হে! চলনের গন্ধ উঠেছে!

—তরিবত না করলে খেয়ে সুখ হয় ঠাকুর ?

তার বাবা তখন খেতচন্দনের কাঠিটা থেকে ধারালো ছুরি দিয়ে হালকা হাতে চেঁচে তার গুড়ো বের করছিল যেভাবে বলে।

খোকাঠাকুর বলেছিল—তা বটে। তা নইলে শিব থাকে ক্যানে? এ্যা!

শ্রীমন্ত বলেছিল—তুমি খাও না ঠাকুর? শিবঠাকুরের পাণ্ডা তুমি!

—উহঁ ! গলা খারাপ হয়ে যাবে !

—গলা খারাপ হবে ? কে বললে তোমাকে ? অত বড় ওস্তাদ শরৎ মুখুজে—বাবা, গাঁজা না খেলে গলাই খোলে না ! বলে ধ্যান আসবে কিসে ? ধ্যান না হলে গান হয় ?

—তা বটে । ধ্যান না হলে গান হয় না ।

—দেখ না খেয়ে ।

—উহঁ—মাথা ঘুরবে ! সিক্তি খাই । তাতেই যে নেশা !

—সিক্তির নেশা পাজী নেশা । চিত্তিসাপের বিষ ! ও খেও না !

—সত্যি শরৎ ওস্তাদ খায় ?

—এই গাঁজার কলকে ছুঁয়ে বলছি । ভুবনেশ্বরের দিব্যি !

—শরৎ ওস্তাদের কাছে একদিন নিয়ে যাবে আমাকে ?

—যেতে হবে ক্যান—বল তুমি আমি নিয়ে আসছি তোমার বাড়ীতে ! গোটা পনের টাকা দিয়ে গাঁজা দিয়ে । ভাল করে খাইরো ! মুখুজে মশায় তাতেই খুশী !

—যদি মাসে দু দিন করে গান শিখি ? তবে কত নেবে ?

—ক্রিঙ্কাসা করব । তবে তোমার মত শিষ্য পেলে তো আহ্লাদ করে শেখাবে গো ! তোমার বাবার সঙ্গে ভাল পোড়ি ছিল । গাঁজা মদ দুজনে অনেক খেয়েছে, আনন্দ করেছে ! বলর ?

—বলো !

—বলব । এই কালই বলব । সাঁইতের ওদিকে অনেক শিষ্য ভো । পেরায়ই দেখা হয় । আমার হাতের গাঁজা খেতে খুব পছন্দ ! বলে—এমন তারটি কাকুর টেপাতে আসে না শ্রীমন্ত ।

তখন টিকের আঙুনটি আলগোছে হাতে তুলে কলকের ওপর চড়িয়েছে তার বাবা । চড়িয়ে কলকেটি এগিয়ে বললে—দাঁও পেনাদ করে দাঁও । মনে মনে বাবা ভুবনেশ্বরকে ডেকে বল—খাও বাবা । তার পরেতে দাঁও আমার হাতে দাঁও, আমি ছেঁদে ধরি, ধরতে ঠিক পারবে না । আন্তে আন্তে ফুসফুস করে টান, উড়িয়ে দাঁও । হ্যা আন্তে আন্তে । এইবার জ্বোরে জ্বোরে ওড়াও । লাও এইবার একটান দম লাও ! ফেলো না ফেলো না । ধরে রাখ । তা বেশ পড়ে গেল, ভাল হল—পেরথম দিন কম নেশা হবে ।

কম নয়, ওতেই বেশ নেশা হয়েছিল খোকাঠাকুরের । বাবা যখন টেনে বাচ্ছিল তখন খোকাঠাকুর বশেই ছিল—ভায় হয়ে বসে ছিল । একটি কথা বলেনি । মনে আছে মাগতী একটু দূরে বসে অবাক হয়ে দেখছিল । এইটুকু ছেলে—! ঠাকুরের মুখখানা দেখতে দেখতে কেমন বোকা বোকা হয়ে বাচ্ছিল । চোখ লাল হয়ে উঠেছিল । কেমন ক্যালক্যাল করে তাকাচ্ছিল ।

তার বাবা টানা শেষ করে কলকেটা ঠাকুরের দিকে বাড়িয়ে বেঁটা গিলে দম ধরে বসেছিল—কথা বলবার জো ছিল না—বলতে গেলেও বেঁটা বেয়িয়ে যাবে । কিন্তু ঠাকুরের

সেদিকে লক্ষ্যই ছিল না। তার বাবা বা হাতে ঠেলা দিয়েছিল। ঠাকুর এতকণে বলেছিল—উ ?

বাবা হস্ করে ধোঁরা আকাশের দিকে ছুঁড়ে শেব করে বলেছিল—শাও, আর এক দম।

ঠাকুর জড়ানো গলায় বলেছিল—না। তারপর কথা-বার্তা নেই সটান হাত ছড়িয়ে পা ছড়িয়ে সেই দাওয়ার উপর শুয়ে পড়েছিল।

—এই দেখ—ওলে যে।

ঠাকুর কি বলতে গিয়েছিল কিন্তু পারেনি, কৌক কৌক শব্দ করে হেঁচকি তুলতে শুরু করেছিল। তারপর বলেছিল—জল খাব।

চাপা গ্রাসে করে জল এনেছিল ভাড়াভাড়ি। এক গ্রাস জল ঢকঢক করে খেয়েছিল ঠাকুর। তার বাবা একটা ঘটতে জল এনে মাথায় দিয়েছিল খপখপ করে, মুখ চোখেও বুলিয়ে দিয়েছিল।

চাপা বলেছিল—কর কি ? শীতের দিন—

হেসে শ্রীমন্ত বলেছিল—কিছু হবে না। ঠাকুর এখন ডুব সাঁতার কেটে ভুবনদিঘী পেরিয়ে যাবে।

ঠাকুর সত্যিই বলেছিল—আরও খানিকটা মাথায় দাও।

সেদিন তার বাবা ঠাকুরকে সঙ্গে করে তার বাড়ী পৌঁছে দিয়ে এসেছিল। আশ্চর্য, পরদিন ঠাকুর নিজেই এসেছিল তাদের বাড়ী।—শ্রীমন্ত !

চাপা হেসে উঠেছিল। তার খিলখিল হাসি আর খামে না। মালতী অজ্ঞানতা করেছিল—হাসছ ক্যানো ? তার রাগ হচ্ছিল।

চাপা বলেছিল—মাসী মাছটা কাতলা গ।

—মাছ ?

—ওই ঠাকুর। চার খাইতে আসছে। গাঁজা—গাঁজা।

ঠাকুর ঘরে ঢুকে বলেছিল—কই শ্রীমন্ত ?

চাপার হাসি বেড়ে গিয়েছিল। মালতী বলেছিল—বাবা তো সাঁইতে গিয়েছে।

—অ। ফেরে নি ?

—না ফিরুক—ভূমি বইল। আমি তোমারে খাওয়ার গ। বলে ঘরে গিয়ে একটা পুন্নিয়া এনে ঠাকুরকে দিয়ে বলেছিল—ওঁড়া কইরা বিড়ির ভিতর দিয়া খাও। বিড়িটা খুলে ফেলাও। হ্যা।

বিড়ি খেয়ে ঠাকুর বলেছিল—এ ভাল। স্বাদাম নাই। আর কালকের মত মাথা ঘোরে না। না একটু একটু ঘুরছে।

তারপর হুপ করে গিয়েছিল। ওদিকে চাপা খিলখিল করে হেসেই চলেছিল। একটু পর ঠাকুরও হাসতে লেগেছিল। তাদের সঙ্গে মালতীও হাসতে শুরু করেছিল। কিছুক্ষণ পর মাসী তাকে বাতাসা জল খাইয়ে পান গাইতে বলেছিল—ঠাকুর গেয়েছিল একখানা নয়, ডিন চারখানা। মাসী তার আগে লোর বন্ধ করেছিল। নইলে পান—এমন সুন্দর পান ওনে

পড়শীরা তো না-এসে থাকবে না।

এরপর তার বাবা জুটিয়ে দিয়েছিল ওস্তাদ শরৎ মুখুজ্জেকে। শরৎ মুখুজ্জে খুব খুশী হয়েছিল ঠাকুরের গলা শুনে। বলেছিল—খুব বড় ওস্তাদ হবে হে তুমি।

মুখুজ্জের আসর পড়েছিল নবুঠাকুরের বাড়িতে। মাসে দু'দিন আসতেন, থাকতেন তিন চার দিন করে। খোকাঠাকুরের বাড়িতে ছোট ছোট ভোজ হত। ঠাকুরের পিসী চীৎকার করত। কিন্তু নবু বলত—চেষ্টা তো যেখানে যাবে যাও। এ বাড়িতে চেষ্টা তো না। আমার গুরু।

পিসী বলত—আসবে কোথেকে রে? ওরে ও হারামজাদা! পুঁজি তো পাঁচ বিঘে জমি আর দে পুকুরের বারো আনা অংশ। বাবার খানে বছরে ষোল দিন পালি।

ঠাকুর বলত—আকাশ থেকে আসবে, মাটি ফুঁড়ে আসবে—তোমাকে ভাবতে হবে না।

আসত তাই। নবু ধার করে আনত। দিত তার বাবা।

এই টাকা দিতে গিরেই মালতী এক দিন নয় দু'দিন দিন পিসী ভাইপোর ঝগড়া শুনে এসেছিল। ঠাকুর ওখন বিকেলে তাদের বাড়িতেই একবার নয়, মুখুজ্জের সঙ্গে সকাল বিকেল রাত্রি তিনবার চারবার গাঁজা খাচ্ছে। বিকেলে আসরটা তাদের বাড়িতেই বসত। মুখুজ্জে আসতেন, খোকাঠাকুর আসত, মুখুজ্জে মশায়ের দুজন তিনজন শিষ্য আসত। গাঁজা খেতেন।

মুখুজ্জে মশায়ই মালাকে ইকুলে দিতে বলেছিলেন শ্রীমন্তকে। বলেছিলেন—হ্যারে বাবা শ্রীমন্ত, মেয়ের বয়স কত হল রে?

—আট বছর হবে মুখুজ্জে মশায়।

—ছেলেবয়সে বিয়ে দিবি নাকি?

—না না না। সে কাল আছে নাকি?

—তবে? ইকুলে দিস না কেন রে? এ্যা! মেয়েরা হাকিম হচ্ছে রে। ভোটে দাঁড়াচ্ছে। জুতো পারে দিচ্ছে। স্বাধীন দেশ! ইকুলে দিস। না হয় গলা থাকে তো গান শেখা। রেডিয়োতে গ্রামোফোনে গান গাইবে রে।

শ্রীমন্ত বলেছিল—গলা টলা নাই। তা বলেছেন ভাল। ইকুলেই দোব।

—হ্যা! দিবে দিস। দিদিমণিতেই তো পড়ায়? নাকি?

—হ্যা! তিনজন দিদিমণি আছে।

—তা হলে তো ভাল রে। দে ভরতি করে দে। তুই একটু দেখিয়ে দিস প্রথম ভাগ দ্বিতীয় ভাগ—তার পর ও ঠিক পড়বে। এখানে পাস করলে দিবি সাঁইভেতে। ওও দিদিমণি হয়ে যাবে। ভোর বাবা ছিল অবধূত—ভিক্ত করত। তুই খানসামাগিরি আরস্ত করেছিলি, এখন দোকানদার হয়েছিস। ভোর মেয়ে তো আর তেলক কেটে চূড়া বেঁধে খঞ্জনি বাজিয়ে গান করে বেড়াবে না! ও দিদিমণি হবে। আমার ছেলেটাকে দেখ না ইকুলে দিয়েছি—বলেছি গান শিখিস তো রেডিয়ো গ্রামোফোনের গান শেখ। তা শিখেছে। আবার পড়ছেও। আবার হিন্দু মহাসভা করে। গান গাইতে পারে তো! ওপনিং সং গায়।

শ্রীমন্ত বলেছিল—ছেলে আপনার খুব মুখোল চোখোল।

—হ্যাঁ রে। নইলে লীজার হবে কি করে? পড়েও মন্দ নয়। তা তোর মেয়ে তো খুব চটপটে। মুখ চোখও বেশ ভাল—রংও মাজা মাজা। চুলও এক পিঠ—বেশ দিদিমনি হবে রে! তা দিদিমনিগুলো দেখতে কেমন রে?

—কালোকালোই বটে তবে সেজেগুজে থাকে তো! নে নে সেজে ফেল্। ও—নবু সাজছ। নাও নাও। দেরি হয়ে যাচ্ছে। নাও। সূঁঘি ডুবব ডুবব করছে। বশেই হুঁ-হুঁ করে তান ভাঁজতে শুরু করেছিলেন।

এরপর থেকেই সে ইস্কুলে যেতে শুরু করেছিল। প্রথম ভাগ পড়া ছিল। কিন্তু প্রথম ভাগের ক্লাস থেকেই শুরু করেছিল। সকালবেলা ওই পাগান হুড়কো গরুটাকে খুঁজে দড়ি দিয়ে বেঁধে বাড়িতে এনে দিয়ে প্লেট বই বগলে ইস্কুলে যেত।

ইস্কুলটা ছিল নবঠাকুরদের বাড়ির সামনে। একটা পুকুরের এপাড় আর ওপাড়। নব-ঠাকুর সকালবেলা থেকেই তানপুরাতে গ্যাও-গ্যাও সুর তুলে কেবলই করত আ-আ-আ। আ-আ-আ। আ-আ-আ। আ-আ-আ-আ-আ-আ-আ-আ-। চড়িয়ে চড়িয়ে যেত। আবার নামাতো—আ-আ-আ-আ-আ-আ-আ-আ।

আর ওপাড়ে পুকুরের ঘাটে বসে ঠাকুরের পিসী কোন দিন নেকনক গাল দিত। কোন দিন মরা ভাই ঠাকুরের বাপের জন্তু কাঁদত। ঠাকুর ওকে ভের করে দিয়েছিল। পিসী দে বাবুদের বাড়ি ভাতরান্নার কাজ নিয়েছিল।

মেয়েরা ঠাকুরকে ভেড়াতো—গ্যা—গ্যা—গ্যা। দে বাবুদের মেয়ে সে আবার বলত—ব্যা—ব্যা—ব্যা। ছাগল ডাক! ঘণ্টা পড়ত—ওরা ইস্কুলে ঢুকত। ওদের ক্লাসে আট দশটা মেয়ে একসঙ্গে শুরু করত—ঐ কয়ে য-ফলা ঐ ক্যা—ঐ কয়ে য-ফলা ঐ ক্যা। অল্প ক্লাসে এক-সঙ্গে মেয়েরা পড়ত—হুগলী জেলায় মহম্মদ মহসীন নামে এক মহাত্মা মুসলমান ছিলেন। হুগলী জেলায়—।

কোন ক্লাসে দিদিমনি বলতেন—এক লক্ষ পাঁচ হাজার তিনশো পঁচিশ। লেখ এক লক্ষ পাঁচ হাজার—।

এর মধ্যে ঠাকুরের গলা মধ্যে মধ্যে শোনা যেত—মধ্যে মধ্যে শোনা যেত না। টিফিনের ঘণ্টা বাজলেই মেয়েরা সব বেরিয়ে এসে নামত পুকুরঘাটে। পরিষ্কার স্নানকড়ার বাঁধা মুড়ি কাকুর মুড়কি—জলে ডুবিয়ে নিয়ে বারান্দায় বসে থাকে। ওপাড়ে তখন বিপন জেলেরা বাপ বেটা বসে তামাক খেতো আর জাল কেলবার জন্তে হাতের উপর জাল সাজাতো। ঠাকুর দাঁড়িয়ে থাকত। মাছ ধরবে। ওস্তাদ আছেন শিষ্য আছেন—মাছ চাই। বড় মাছ শেষ হয়েছে—এখন চুনো মাছে দাঁড়িয়েছে। পুকুরটা ঠাকুরের। জেলেরদের কাছে ভাগে দেওয়া ছিল। ওই বিপনের কাছে। মাছ ধরিয়ে ঠাকুর চান করত এই পুকুরেই। সময় ঠিক বাঁধা ছিল। ওদের ছুটি হাত দশটার। ঘণ্টা বাজলে মেয়েরা কলরব করে বের হত—তখন পুকুরে একগলা জলে দাঁড়িয়ে ঠাকুর সেই তান ছাড়ত—আ-আ-আ।

মেয়েরা হেসে সারা হুড। সেও হাসত। একগলা জলে দাঁড়িয়ে—!

মালতীর মারা লাগত। বেশ তো নিজেই গাইছ ঠাকুর। কি সুন্দর গলা! কি সুন্দর

গান।—এ ফুল খুঁজে নিতে হয়। সে সব ছেড়ে গলাটাকে ইচ্ছে করে মোটা করে কি যে আ-আ-আ করছে ঠাকুর। শরৎ মুখুঞ্জের ওস্তাদ না মাথা। বলবার জো নাই। ওর বাবা শ্রীমন্ত এই বয়েসে মুখুঞ্জের কাছে বাজনা শিখছে।

কত দিন বলি বলি করেও বলতে পারে নি মালতী। ঠাকুর স্বান সেরে উঠে চলে যেত। ভুবনেশ্বরভলা যাবে। পাণ্ডাগিরি আছে। সিঁহুরের ফোঁটা পরবে, আজকাল আবার বাবার রুজ্জাক-মালাটা গলার খুলাচ্ছে।

কত দিন হাত মুখ ধোবার অছিলা করে সে এপাড়ের ঘাটে নেমেছে। জল হুলিয়েছে হাত দিয়ে পা দিয়ে। কিন্তু ঠাকুর আপন মনেই হয় 'আ-আ' করত, না হয় স্বান সেরে জর শিব শঙ্কর, জয় ভুবনেশ্বর, হর হর হর ব্যোম বলতে বলতে উঠে চলে যেত।

এই পুকুরটা।

এরই কথা বলেছে ধরনী জেঠা। এইটেই নিয়েছিল তার বাবা ঠাকুরের কাছে। এই পুকুর থেকেই—।

হঠাৎ একটা উচ্চরোলের হাসি হাটের সব গোলমাল ঢেকে দিয়ে সব মাহুঘের চুল ধরে কাঁকি দিয়ে টানলে - বললে—ফিরে তাকাও!

কি হল?

একটা জায়গার লোকজন ভরে যেন পালাতে চাচ্ছে? মেয়েরা চোঁচাচ্ছে—ই বাবারে! ও যারে! ই—! ই! ই!

পুকুরেরা ধমক মারছে—এই— এই!

কতকগুলো সাঁপুতাল মেয়ে হাততালি দিয়ে হি-হি করে হাসছে। দূরে পুকুরেরা হো-হো শব্দে হাসছে।

কি হল?

হঠাৎ ওই জনতার মধ্য থেকে একটা মুখ-পোড়া বীর হুমুমান লাফ দিয়ে উঠে একজনের ষাড়ে চড়ে বসল। সঙ্গে সঙ্গে উল শব্দ করে আবার লাফ দিল। এবার মাটিতে। হুমুমানটার এক হাতে একটা লাউ। সেখান থেকে লাফ দিয়ে হাট পার হয়ে উঠল গিয়ে সরকারদের কাঠের কারখানার চালে—সেখান থেকে কাছের বটগাছটার।

একজন রসিক হেঁকে উঠল—জয় রাম!

(খ)

ধরনী দাস বললে—বড় উপদ্রব করছে বেটায়া! একটা সরোসীর দলের বাসা হয়েছে ওই পল্টনবাগানে। পল্টনবাগান ওই অশথ বট বেলগাছের আধা জঙ্গলটা। যেখানে শিবের ভূতবাহিনী থাকত। সেটেলমেন্টে বলে এই রাস্তাটা ছিল মুরশিদাবাদ থেকে নবাবী সড়ক। এ পথে পল্টন চলত। বর্ষা হাঙ্গামার সময় এখানে ছাউনি পড়েছিল। পাছগুলো তখনকার। পল্টন থেকেই বট অশথের ডাল পুঁতেছিল। বেড়া দিয়েছিল।

মালতী বললে—মন্ত্ৰ বড় হচ্ছমান।

—সব পুরুষ। বললাম তো সন্ন্যাসীর দল। সেদিন ভাড়া খেয়ে একটা আমার চালায় ঢুকে সব উছনছ ক'রে দিয়েছে।

খন্দের একটি ছিল—সে তাঁতের শাড়ি দেখছিল। যারা মশারি কিনতে এসেছিল তারা কখন চলে গেছে মালতীর খেয়াল হয়নি। সে সেই সব পুরানো কথাই ভাবছিল। খন্দেরটি বললে—আর কিছু কম করেন।

—আর কম হয়? তৈরী খরচ উঠবে না! আর হবে না। ওই দশ টাকাই লাগবে। আনা পরসাদা ছেড়ে দিলাম। যান। বাজারে দোকানে গেলে সাড়ে বারের কম পান তো আমার কাছে আসবেন আমি অমনি দোব। বলছেন মেয়েকে দেবেন। যান, নিয়ে যান। আমরাও কস্তুর পিতা।

—দেন।

লোকটি টাকা দিয়ে কাপড়খানা নিয়ে চলে গেল। হাটের হাসি খেমে গেছে—আবার সব যেন জমাট বেঁধে গেছে মাটিতে পড়া মিশ্রির উপর পিশড়ের চাপের মত। না। বড় বুনো মৌমাছির চাকে কাপরাধা মৌমাছির মত। ভন-ভন-ভন-ভন শব্দ উঠছে। মৌমাছির গায়ে গায়ে লাগিয়ে সরছে নড়ছে চলছে। মধ্যে মধ্যে একটা ছুটো ধেমন পাখার শব্দ ক'রে ওড়ে তেমনিভাবে চোঁচাচ্ছে, কমল, আলুর দর কমল! কেউ একটা হাতখটা নেড়ে দিচ্ছে। একজন ফিরিওলা চোঙা মুখে লাগিয়ে হাঁকছে। একজন কে শাঁখের মত কি বাজাচ্ছে।

কারা সার্কাসের ঢাকের মত ড্রাম বাজিয়ে ঢুকছে—টেরা টাম—টেরা টাম—টেরে—টের—টেরে—। সঙ্গে একটা বাখারির মাখার একটা চৌকো বোর্ডে রঙীন ছবি। একজনের পরনে পাঞ্জামা—একটা ছিটের কামিজ—উস্কাখুস্কা চুল—দে একটা চোঁড়া মুখে তুলে বলতে লাগল—ভুবনপুর টকী—। নতুন ছবি। নতুন ছবি! প্রেমের পিদিম। প্রেমের পিদিম। ঐষ্ঠাংশে স্নেনেত্রা বক্রণ। আর হুঁদিন মাত্র। একজন কাগজ বিলুচ্ছে।

খন্দেরের দেওয়া নোটটা মুড়ে গেললেতে পুরতে পুরতে ধরনী বললে—বাবশা আর করা লয় মা। এ আর চলবে না। বুঝেছ! চুরিচামারি না করতে পারলে, খন্দেরের গলা কাটতে না পারলে লোকমান। এই তো বিক্রি করলাম চল্লিশ টাকার ওপর—চারটে টাকাও থাকবে না। তাঁত নিয়ে বসে আছি। স্নতো নাই। আছে স্নতো—বেলাকের দাম দিতে হবে। ইন্দিকে বাজারে আঙুন লেগেছে। গবরমেষ্টার হুঁটো হয়ে বসে আছে। করছে অনেক। রাত্তা ঘাট হাসপাতাল ইঙ্কল—

ধরনীর কথার বাধা দিয়ে মালতী বললে—পাণ্ডাদের চলতি এখন কেমন জেঠা?

—ওদের ভাল মা। ভাল চলছে। এই তো হুঁতিন বছরের মধ্যে কজনাই ঘরে টিন দিলে। লোকের হাতে নগদ পরসাদা আসছে যাচ্ছে তো বেশী। মানও ঢেলা বাধা এসব বেড়েছে। গিরেছিলে বাবার খানে?

—না।

—গেলেই দেখতে পাবে। দে মশায়রা পাকা চন্দর করেছিল বাবার—তার চারিদিকে

সব নাম নিকে নিকে মার্বেলের ট্যাবলেট বসিয়েছে। শুনছি ওই মিলওলা মাড়োয়ারী নাকি এবার লাভ করেছে খুব, এসে মানত করেছিল। সে বাবার ধানের চারিপাশে গোলধাম করে তার ওপর গম্বুজ করবে। ঢেলা বাঁধা তো রাশি রাশি! দেখে এস ক্যানে নিজের চোখে।

মালতীর মনে পড়ল তারও বাঁধা একটা ঢেলা আছে। সেও বেঁধেছিল। খুব ছেলেবরসে একদিন বাঁধতে গিয়ে লজ্জা করে বাঁধে নি। পরে বেঁধেছিল। বর কামনা করেই বেঁধেছিল। কিন্তু খোকাঠাকুর নয়। খোকাঠাকুর তখন দেশ ছেড়ে নিকুদেশ। বেঁধেছিল বসন্ত—শরৎ মুখুজ্জর, ওস্তাদের ছেলের জন্তে। তার বরস তখন এগারো। বসন্তের বয়স পনের বোল। বসন্ত সেবার ভোটাভুটির সময় এই ভুবনপুরে আদি চাটুজ্জেকে ভোট দাও করে বেড়াতে। আদি চাটুজ্জে হিন্দু মহাসভার লোক। বসন্ত গান গাইত—

দ্রৌপদী কঁাদে চুশাসনেরা রজস্বলার টানে বসন—

পাণ্ডব নত মস্তকে বসি—জাগো নর নারায়ণ!

তারপর বক্তৃতা করত। বলত—কংগ্রেস জুয়ো খেলতে গিয়ে আজ হাত পা বাঁধা দাসে পরিণত হয়েছে। পাকিস্তানে মেয়েদের ইজ্জত যাচ্ছে—চীৎকার করে কঁাদছে তারা। দাসেরা কিছু বলবে না। বলবার ক্ষমতা নাই। দাস। ক্লীব। এখন মানুষকে উঠে দাঁড়াতে হবে। নরের বুকে নারায়ণের বাস। ঘুমুচ্ছেন তিনি। তিনি জাগুন।

গায়ে কাঁটা দিয়ে উঠত শুনে।

বসন্ত থাকত ভুবনপুরে। ওই খোকাঠাকুরের বাড়িতে আড্ডা করেছিল। গ্রামের কতকগুলো ছেলে জুটরেছিল। শরৎ মুখুজ্জর শিগুরা প্রায় সবাই তার কথায় সায় দিত। শরৎ ওস্তাদ নিজে বলে দিয়েছিলেন। বসন্ত মাইনে পেত আদি চাটুজ্জের কাছে, শরৎ ওস্তাদ বাড়িটার দস্ত ভাড়া নিত। খোকাঠাকুরের বাড়িটা তখন শরৎ ওস্তাদ দখল করতেন। বলতেন—নবু আমাকে দিয়ে গিয়েছে।

খোকাঠাকুরের পিসী তার এক বছর আগে মারা গেছে। নবুঠাকুর কেঁজুলীর মেলায় গিয়েছিল। সেই মেলা থেকে আর ফেরে নি। সঙ্গে শরৎ ওস্তাদ তার বাবা শ্রীমন্ত ধরনী ভেঁটা এরাও গিয়েছিল। ফিরে এসে বলেছিল—বাউলদের সঙ্গে সে চলে গিয়েছে। বাবার সময় দেবার দারে শ্রীমন্তকে পুকুর আর জমি বিক্রি করে গিয়েছে। বাড়িটা শরৎ ওস্তাদকে দিয়ে গিয়েছে। আর ভুবনেশ্বরের পাণ্ডাগিরির পালা ছেড়ে দিয়েছে শরিকদের। পাণ্ডাগিরির দান বিক্রি চলে কেবল পাণ্ডাদের মধ্যে। সে বাউল হয়ে গিয়েছে—তার জাতও গিয়েছে; বিক্রি করতে দান করতে চাইলেও নাকি তা হত না।

খোকাঠাকুরের জন্তে কঁাদে নি কেউ। ছিলই না কেউ। জাতিরা খুশী হয়েছিল, পালা বেড়েছিল তাদের। শরৎ ওস্তাদও না। বলেছিল, তাদের বাড়িতেই বলেছিল—ওর ওই নিরতি। বুকলি শ্রীমন্ত। প্রথম যখন আমার কাছে জাড়া বাঁধে, শিষ্ট হয় তখন ওর গলা শুনে আর দু'একখানা গান শুনে ভেবেছিলাম খাঁটি মাল হবে। কিন্তু তার পরে দিন যত পেল তত দেখলাম বাজে ফুসি মাল। তিন চার বছর ওর সারগমই হল না। ঐন্দ্র ধামার

ওর হবে না। কোন কালে হবে না।

চাঁপা মাসী শুধু দুঃখ পেয়েছিল। চোখ দিয়ে তার জল পড়া সে দেখেছে। দুঃখ'সেও পেয়েছিল। কিন্তু চাঁপা মাসীর মত না। খোকাঠাকুরের এমন ধর্ম ধর্ম বাত্বিক হয়েছিল আর গাজা খেয়ে খেয়ে এমন বোকা বোকা চোয়াড়ে চেহারা হয়েছিল যে কেমন খারাপ লাগত।

চাঁপা মাসী সেদিন ওস্তাদকে বলেছিল—তা কইবেন না ওস্তাদ। গান সে ভাল গাইত। আপনি অরে শেখান নি। অই আপনারে আনল, সেবা করল আর আপনি ছাশের বাড়ির বড়লোক সাকরেদ পাইয়া অবে ছাখলেন না, তুচ্ছ করলেন।

শরৎ ওস্তাদ বলেছিল—এই—এই—এ মেয়েটা বলে কি? ও শ্রীমন্ত, তোর পরিবার বলে কি? এঁ্যা? জোদের মেয়ে ইঙ্কলে পড়ছে। ফেল হল ক্যানে? এঁ্যা? শিখলে শিখতে পারার বিস্তে চাই। না কি? তুলো পাকিয়ে শলতেতে তেল টানে—পিদিম জলে, কাপাস গাছের কাঠি কি ছাল দিয়ে শলতে করলে ধরে, না জলে? মাথা নাই। যা ছিল তা—

বলতে দেয় নি চাঁপা মাসী—সে বলেছিল—সিটি কইবেন না ওস্তাদ! মাথা তার ছিল না, সিটি লয়। সি আমারে বলত—বলত—বৈরাগী বউ, ওস্তাদ আমারে শিখার না। আমারে মনে মনে তুচ্ছ করে। গরীব বইলা তুচ্ছ করে। মুখা বলে—বোকা বলে। এখন বড়লোক শিখ জুটছে তো! আপনি তারে তুট তুই করতেন—কড়া কথা কইতেন—কথায় কথায় বলতেন গাড়োল তুই একটা। আর বাবুদের ছেল্যাদের বলতেন—বাবু আপনি। হাজার ভুল তারা করলেও কত মিঠা কথা বইলা বার বার দেখাইয়া দিতেন—

—এই—এই—এই! এ মেয়ে বলে কি? আরে বাবুদের ছেলে আর নিগা পাণ্ডার বেটা নবা-গেঞ্জেল কি সমান নাকি? এঁ্যা—

—আপনি গুরু, শিষ্য তো সবাই সমান—

—না। এ মেয়েটা ওঠালে আমাকে।

তার বাবা শ্রীমন্ত ছিল না সেখানে তখন। উঠে গিয়েছিল ধরের মধ্যে। কেন্দুলী মেলা থেকে আতর এনেছিল গাঁজার মেশাবে বলে, ধর থেকে তাই আনতে গিয়েছিল—এই মুহুর্তে বাইরে এসে ধমক দিয়ে বলেছিল—মারব তোকে একথাগলড়। উঠে যা বলছি, এখান থেকে উঠে যা।

হেসেছিল মাসী অভ্যাসমত। কিন্তু সেদিন খিলখিল করে হাসে নি। একটু কেমন ভিজ্জে ভিজ্জে হেসে বলেছিল—তা মার না ক্যানে। মার খাইবার তরেই তো আমার পিঠখানু বিখাতা গড়ন কইরাছিল। আর সহিতেও পারি। তবে হক কথা কইব। তুমি তারে ঠকাইয়া পুকুর জমি লইয়া লিলে—

আরও জোরে ধমক দিয়েছিল শ্রীমন্ত।—ঠকিরে নিরেছি?

—লও নাই? বুকে হাত দিয়া কও।

এবার চুলের মুঠো ধরেছিল শ্রীমন্ত।—টাকা দিই নি ডাকে দকার দকার? পাঁচ দশ বিশ? হিসেব করে দলিল করে দিয়ে গেছে সে। তোর যে টান খুব দেখি।

ওস্তাদ বলেছিল—এই এই। ছাড়, ছাড় শ্রীমন্ত। মেয়েদের চুল ধরতে নেই ধরতে

নেই। ছাড়। বলছে ও বলুক—বলতে দে। তুই এত চটছিলি ক্যানে, তোর তো দলিল আছে। সে তো লিখে দিয়েছে।

মালতী সেদিন দাঁড়ায় একপাশে একটা খুঁটি ধরে দাঁড়িয়েছিল সারাঙ্গণ।

শ্রীমন্ত চেড়ে দিয়েছিল চাঁপার চুলের মুঠো।

চাঁপা কিন্তু তবু চূপ করেনি। সে বলেছিল—দলিল কইরা দিছে—তোমার হাতে দলিল রইছে—সেটার কথা আমি কই নাই। হিসাবের কথা কইছি। সে তো হিসাব রাখে নাই।

—আবার!

চাঁপা তখনও বলেছিল—আর ওস্তাদ গুরু বেরাঙ্গণ। গুরুর কাছে আপন পোলা আর শিখে তফাৎ নাই। আপনকার পোলা আইসা তার ধরে বইসা তারে কি মারটা মারল। গালে পাঁচ পাঁচটা আঙুলের দাগ দড়ার মত হইয়া উঠল। কিছু কইলেন না আপনি?

—এই। আরে কি বলব? তাতে আমি কি বলব? বসন্ত ইসুলে সেকেন ক্লাসে পড়ে। ভাল ছেলে। তার সঙ্গে মুখ্য পাণ্ডার ছেলে তক্ক লাগিয়ে দিলে। সে দিন ভূমিকম্প হয়েছিল রাতে—তা সকালে বসন্ত বলেছিল ঋষি ছুতোরকে ভূমিকম্প কি করে হয়। মুখ্যর ডিম অঙ্ক মুখ্য—গাঁজা সাজছিল—একেবারে বিজ্ঞ পণ্ডিতের মত মাথা নেড়ে বললে—কিছু জান না ভূমি! ভূমিকম্প হয় বাসুকী মাথা নাড়লে। বাসুকী নাগ হাজার কণার উপর পৃথিবীকে ধরে রাখে তো, তা মধ্যে মধ্যে একথা থেকে যখন ও-কণায় নেয় তখন ভূমিকম্প হয়—আর যখন পাপ বেশী হয় তখন মাথা নাড়ে। তখনই ধর দেয় ভাঙে। মাতুষ মরে। এই তর্ক। তা গাঁজাল তো! বসন্ত বলেছিল গাঁজাপোয়ের আর কত বুদ্ধি হবে। তা বেটা বলে কি—তোমার বাবাও তো—মানে আমি—আরে বেটা আমি তোর গুরু, বলে তোমার বাবাও তো গাঁজা খায়। এই বসন্ত বসিয়ে দিয়েছিল চড়। দেবে না!

চাঁপা মাসী বলেছিল—আপনি কথাটা সত্য কইলেন না ওস্তাদ। তারে আপনার পোলা শুধু গাঁজাল কয় নাই, কইছিল গাঁজালের ব্যাটা গাঁজাল তোর বুদ্ধি আর কত। তখন সে কইছিল—তোমার বাপও তো গাঁজা খায়। তা চিল মারণে ত' পাটকেলটি খাইতেই হবে।

—হবে? খাইতেই হবে? বাঙাল কিনা! আরে বসন্তের বাবা তোর গুরু, তোর বাবা তো বসন্তের গুরু নয়! বসন্ত বলতে পারে। কিন্তু ও বলে কি করে?

কথাটা শুইখানেই চাঁপা পড়েছিল বিপন জেলে আসায় সেদিন। বিপনের সঙ্গে এসেছিল সুরেন সাহা। বিপন এসে বলেছিল—দাসজী, আমি যে এলাম আপনকার কাছে। সুনলাম আপনাকে ঠাকুরমশায় পুকুর লিখে দিয়ে গিয়েছে দেনার দায়ে। তা আমার যে ভাগে মাছ ফেলা আছে।

শ্রীমন্ত বলেছিল—হ্যাঁ! পুকুর আমি কিনেছি বিপন।

—দলিলটো একবার—

—তা দেখ না। তা দেখ না। আমি সাক্ষী! সই করেছি। তা দেখা রে শ্রীমন্ত—দেখিয়ে দে, দেখিয়ে দে দলিল। ইস্ট্যাম্পের ওপর। দেখা! কে দেখবে? অ সুরেন। এস। এস দেখ।

তার বাপ দলিল বের করে এনে দেখিয়েছিল।

মালতী এবার এগিয়ে এসে উঁকি মেরে দলিলটা দেখেছিল। দেখেছিল খোকাঠাকুরের সইটা। লেখাটা তারই মতন বাঁকা বাঁকা গোটা গোটা।

তার বাবা পরের দিনই পুকুরের মাছ ধরিয়ে বিপনের ভাগ দিয়ে পুকুর নিষ্কাশ করেছিল।

(গ)

মালতীর কপাল কঁচকে উঠল। যনে পড়ল একটু আগে ধরনী জ্যাঠা বলেছে সে তার বাবাকে বলেছিল সব বেচে মানুষ খায় শ্রীমস্ত, খন্ন বেচে খায় না। বামূনের ছেলের পুকুরটা জমিটা নিয়ে তুই ভাল করলি না!

ওই পুকুর নিয়েই তাদের সর্বনাশ হয়েছে, তাকে খুনের দায়ে পড়তে হয়েছে এটা সত্যি। কিন্তু অধর্ম কোথায় করেছে তার বাপ! দলিলের সইটা তো এখনও সে চোখে দেখতে পাচ্ছে!

মালতী ভুবনেশ্বরের উচু আটনটার দিক থেকে দৃষ্টি ফিরিয়ে ধরণীর দিকে তাকালে। ধরণী জ্যাঠা চশমা চোখে খাতা নিয়ে বোধ হয় আজকের হিসেব টুকছে। তাকে ভুবনেশ্বরের আটনের দিকে তাকিয়ে চিন্তামগ্ন দেখে আর কথা বলে নি। আপন কাজ করছে। বেলা পড়ে এসেছে। সূর্যের আলো ভুবনেশ্বরের পশ্চিমে বট অশখ বেলাগাছের মাথার উপরে উঠেছে। হাটে এর মধ্যেই কখন ধবধবে জামা-কাপড়পরা বাবুদের আমদানি হয়েছে। একদল কিশোরী মেয়ে—সকলেই শহরের মেয়ের মত ঝকঝকে—ভারা এসে ঘুরছে। মিল থেকে এসেছে সাঁওতাল মেয়েরা। এরা আর আগেকার সাঁওতাল নয়। মেঝেনরা সব জামা পরেছে, রঙীন শাড়ী পরেছে। চোখের দৃষ্টিতে বোঝা যাচ্ছে একটুকু আগের হাট ক্ষণে ক্ষণে পালটে পালটে অনেক পালটে গেছে। কিন্তু শব্দ সেই এক। সেই একটা বড় বুনো মৌমাছির চাকের চারিপাশে যে গুন-গুন ভন-ভন শব্দ ওঠে সেই শব্দ।

ইস্থল আগিস সব বন্ধ হয়ে গেছে। চারটে বেজে গেছে হয়তো আধঘণ্টার উপর। ইস্থলের ছেলেরা, ইস্থলের মেয়েরা, মাস্টারেরা, আপিসের বাবুরা এসেছে হাটে। চেহারা পালটেছে হাটের।

মুরগীওয়ালারা জোরে হাঁকছে—মুরগী ডিম হাঁসের ডিম হাঁসের ডিম—মুরগী ভাল মুরগী! কারওয়ালাগুলো উৎসাহিত হয়ে উঠেছে ইস্থলের মেয়েদের দেখে। ভারাও স্তর করে জোর গলায় গাইছে—চার হাত কার, চার হাত ফিতে—লছা লছা—শক্ত শক্ত। চুল বাঁধলে খুলবে না। মন বাঁধলে ছিঁড়বে না!

—ওরে শব্দ, ডেল বাতি কর আলোতে। চিমনি ভাল করে মোছ। ধরণী দাস হেঁকে বললে শব্দকে। শব্দ ধরণী দাসের কাপড়ের মোট বয়ে নিয়ে যায়। ধরণী দাস নিজের পিঠেও একটা মোট বেঁধে নেয়। সন্ধ্যার পরও হাট আজকাল চলে কিছুক্ষণ। আলো জ্বালতে হয়। তরকারির ফড়েরা কেউ লম্পা জ্বালে, কেউ হারিকেন। বিনোদিনীর দোকানে ওইদের দোকানে জলে হেজাক আলো।

মালতী ঘুরে বসে জিজ্ঞাসা করে বলল—আচ্ছা জেঠা, তুমি বললে ওই পুকুরটার কথা।

—ওইটেই তো অনর্থের মূল মা। বল বটে কিনা। ওর জন্তেই তো তোমার দণ্ড। কী করতে কী হয়ে গেল!

—তা গেল। কিন্তু বাবা তো ঠিকিরে নেয় নি। তুমি অদম্ব বললে। বাবাকে বলেছিলে বলছ। কিন্তু আমি তো দাঁল দেবেছি!

ধরণী দাস তার মুখের দিকে চাইলে মাথাটা হেঁট করে চশমার ফাঁক দিয়ে। একটুকুণ পর বললে—মা, দলিলের সময়ে আমি ছিলাম, আমিও কেন্দুলী গিয়েছিলাম। তা ছাড়া কত টাকা সে নিয়েছিল তাও জানতাম। টাকা তো সব শ্রীমন্তুও দেয় নাই, আমার কাছে থেকে নিয়ে দিয়েছে। সব ওই ওস্তাদের জন্তে। এ তো দেখেছ—ওস্তাদ আসত, সঙ্গে কোনবার দুজন কোনবার তিনজন শিষ্য আসত। তা ছাড়া এখানকার দুজন তিনজন, দিনে না-থলেও রাতে খেত। ওস্তাদ লুচি খেত। গাঁজা খেত বলে ক্ষীরের মত ছুখ খেত। তা ছাড়া বিকেলে মিষ্টি। সে অনেক কাণ্ড। খোকাঠাকুর মাছঘটা তো আধপাগল। প্রথম প্রথম খুব উৎসাহ করে করেছিল। শেষ নগদ শ তিন চার যা ছিল পূঁজি ফুরোল। পিসী গাল দিতে লাগল। পিসীকে ভের করে দিলে। ষটি বাটি বাঁধা আরম্ভ হল প্রথম। তোমার বাবাই এনে দিত। নিজে অনেক বাসন নিয়েছে। আমাদেরও দিয়েছে মা। ওদের বাড়িতে একটা বড় গাণ্ডা ছিল, বড় বড় কড়াই ছিল, সেগুলো গন্ধবেনেরা নিয়েছে। তার পরে ধার—কোন দিন পাঁচ কোন দিন সাত। কোন দিন দশ। এই করে শ তিনেক টাকা হয়েছিল। আমি বলেছিলাম শ্রীমন্তুকে—দেখিস—নিবি কি করে? আর ওই হতভাগা হেলেটার দোষ তো কিছু নাই। ওকে বেঁধে করবি কি? শ্রীমন্তু বলেছিল মা, এই কাপড়ের পাটে বসে বলছি—সকো হয়ে এল—মিথো বলি তো ভগবান দেখবেন; বলেছিল—ও মরবে তো আমি কি করব বল? ও তো মরবেই। আমার বাপু পুকুরটা চাই। কেন্দুলীতে যখন ঠাকুর বললে—আমি চললাম, বাড়ি আর যাব না। সে একবারে গিরিগুড়া কাপড় বাউলদের মত পরে। এখন তোমার বাবা বললে—যাবে তো? আমার টাকা? আমার টাকা কে দেবে? কম টাকা নয়! পাঁচ ছ শো! তা ঠাকুর বললে—টাকা তো আমার নাই। তা আমার জমি আছে নিস। দিলাম তোকে। শ্রীমন্তু বললে—জমি তো ডাকা জমি। মাপে কম। পাঁচশো ছশোর বেশী হবে টাকা—শোধ হবে ক্যানে? তোমার পুকুরটা সমেত দিতে হবে। ঠাকুর বললে—তাঁই দিলাম—এখন দশ বিঘা টাকা আর থাকে তো দে। জিকে শিথতে সময় লাগবে তো! শ্রীমন্তু বললে—দশ টাকা দোব। কিন্তু ইস্ট্যাম্প কিনে আনি, লিখে দিতে হবে। বললে—হান।—দিলে সই করে। ওস্তাদ বললে—তোর বাড়িটা কি করবি? আমাদের দে ক্যানে? বললে—তা নিরেন, বাস করেন। ওস্তাদ বললে—কত দাম নিবি? বললে—শুক আপনি—আমাকে গালগন্ধ বাই করুন—শুক। দাম আর আপনার কাছে নোব না। ওস্তাদ বললে—তা হলে লিখে দে। তাও লিখে দিলে।

শঙ্কু হারিকেন জেলে এনে চালার ঝোলানো দড়িতে টাঙিয়ে দিলে। ধরণী দাস হাত

জোড় করে প্রণাম করে একখানা টিকে ধরাতে বসল—তার উপর এক কাঁকর ধুনো কেলে দিয়ে ধূপ দেবে।

টিকে ধরাতে ধরাতে বললে—তোমার বাবার দোষ তত নাই মা' যত দোষ যত দায় শরৎ ওস্তাদের। খোঁকাঠাকুর ওকে সেবা যত্ন ভক্তির শেষ রাখে নাই। কিন্তু ওস্তাদ তাকে এমন করত না শেষটায় যে সবার মনেই লজ্জা হত। গরু গাধা, বোকা মাথাযোটা, ডাকনাম ছিল—
মালাতী বললে—তা জানি, চাঁপা মাসীর সঙ্গে ঠাকুরের ভারী ভাব ছিল। চাঁপা মাসীকে বলেছিল ঠাকুর।

—হ্যাঁ মা। ঠাকুরের রূপদে ধামার বড় ভালের গানে কোঁক ছিল না। ওস্তাদের কোঁক ছিল বড় ভালের ওপর। ওকে শেখাবেনই। আর ঠাকুরের মন অজ্ঞ দিকে। তা ছাড়া যেমন অনেক ছেলের অঙ্কে মাথা থাকে না তেমনি উদ্দিকে মাথাও ছিল না। তার ওপর গাঁজা খেয়ে খেয়ে কেমন হয়ে গিয়েছিল ঠাকুর। বুঝেছ। ভাম হয়ে থাকত। আসল কথা মনে মনে দুঃখ হয়েছিল। সব চেয়ে দুঃখ ওস্তাদ বাবুদের ছেলেনদের গান শেখাতে যেতেন ওদের বাড়ি—ওকে চাকরের মত খাটাতেন, যা তা বলতেন। অথচ দে বাবুদের ওরা হল গুরুবংশ। ভারী লেগেছিল মনে। ওস্তাদের ছেলে বসন্ত—সে তো চড় মারত। তার ওপর কেন্দ্রীতে গিয়ে এক কাণ্ড হল। আমরা বাগা করলাম। মেলা দেখছি। ঠাকুর হারালো। দেখ দেখ কোথা গেল, দেখ! শেষে পাওয়া গেল—এক গাছতলায় এক দল বাউল বসেছে—একজন বাউল গান করছে—ঠাকুর তন্নর হয়ে শুনেছে! শরৎ ওস্তাদের ছাত্র ঋষি ছুতোর এসে খবর দিলে। ঠাকুর নইলে রান্না চাপছে না। ওকেই রাখতে হবে। শেষে ওস্তাদ-গিয়ে ওকে ধরে নিয়ে এসে যা তা গালাগাল। সে যা তা মা! ঠাকুর কিছু বললে না। রান্নাবান্নাটি করে, সবাইকে দিয়ে খুয়ে, হাত পা ধুয়ে বেরিয়ে গেল। সাংসারাত ফিরল না। পরদিন দশটা এগারটা পর্যন্ত না। শেষ অজ্ঞের ঘাট থেকে শ্রীমন্ত ধরে আনলে, তখন কাপড় গিরিরঙ করে পরেছে, কাছা দেয় নি। বলে আর্মি বাউল হয়েছি। আর ঘর যাব না। তোমরা ফিরে যাও। আমি ওই বড়ো বাউলের সঙ্গে যাব। ওর কাছে গান শিখব সাধন করব। বাস্। তখন শ্রীমন্ত লিখে নিলে।

ঢং ঢং শব্দে ভুবনেশ্বরতলার আরাতি হচ্ছে। কাঁসর ঘণ্টা বেজে উঠল। হাটের সব ক' দোকানদার ফ'ড়ে একবার উঠে দাঁড়িয়ে হাত জোড় করে প্রণাম করলে।

একজন খন্দের এসে দাঁড়াল—ভাল মশারি আছে ?

—আছে! বের করলে ধরগী দাস।

—এ না। এ তো-তীওর। ভাল, নেটের মত—

—না তা নেই। সে.নেবেন তো, গুঁইদের ঘরে নাই ?

—না। বললে গন্ধেশ্বরীতলার বাজারে যান।

—হ্যাঁ, তাহলে তাই দেখুন। তবে তার চেয়ে এতে বাতাস ঢুকত ভাল। সেই আসল নেট তো পাবেন না।

ভক্তলোক। অর্থাৎ কাপড় জামা চশমাপরা বাবুলোক। একটু ধমকে দাঁড়িয়ে ভেবে

বললে—মশারিটা কেলে এসেছি। অঙ্কের মশারিতে শুতে পারি নে। দিন তাই একটু বড় দেখে দিন। কোথায় যাব গন্ধেশ্বরীতলা। দিন।

—পছন্দ করে দেখে নেন নিজে।

—আপনি দিন। ওর আঁহার পছন্দ! দিন। একখানা দশ টাকার নোট কেলে দিয়ে বললে—যা দাম হয় নিন। বাকীটা ফেরত দিন। না শুনেই টাকাটা পকেটে কেলে মশারিটা বগলে পুরে চলে গেল।

ধরনী দাস বললে—ভাল খন্দের বাবুলোক। এজেন্টো কেজেন্টো বটে।

মালতী ও কথার কোন জবাব না দিয়ে বললে—আচ্ছা জেঠা, ঠাকুর লিখে দিলে যদি তবে বাসুদেব ভামাকওলা পুতুর নিয়ে হাঙ্গামা লাগালে কি করে? ঠাকুর কি ওকেও বিক্রি করেছিল?

—না না। সে লোক সে নয়। সে বুদ্ধিও তার ছিল না। পুতুরটা ছিল দে বাবুদের ছ'আনি তরফের। ছ'আনি তরফের বুড়ো কর্তা ঠাকুরের বাবাকে মৌখিক দান করেছিলেন। লিখে কিছু দেন নি। তখন ঠাকুরের বাবা নিত্য ঠাকুরেরও বরস বোল সত্তের বছর। বাবুদের বাড়িতে এক বড় ওস্তাদ এসেছিল। তার সঙ্গে বাজাবার গাইবার কেউ ছিল না এখানে। নিত্যঠাকুর সাহস করে এগিয়ে গিয়ে গেরেছিল। গায়ের মান রেখেছিল। বুড়ো দে কর্তা খুশী হয়ে বলেছিলেন—কি চাও বল। নিত্যঠাকুরের বুড়ো বাপ বলেছিল—কর্তা, আংনার অনেক পুতুর। ওইটে ওকে দেন। কর্তা বলেছিলেন—তাই দিলাম। সে তো এক কাল ছিল মা। তখন এই ছিল। তারপর এবার জমিদারি উঠবার পর সরকারী সেটেলমেন্ট এল। তখন দে বাবুরা খতেন দেখতে গিয়ে দেখলে পঁচিশ ছাব্বিশ সালের সেটেলমেন্টে পুতুর তাদের হয়ে আছে। তারা শ্রীমন্তকে টাকা চাইলে—দে কিছু। শ্রীমন্ত গৌয়ার—দিলে না। তখন ওই ভামাকওলা বাসুদেব এসে বললে—আমাকে দিন বাবু—হামি লিব। দিয়ে দিলে দে বাবুরা। বাসুদেব কৌজদারি করলে। মামলা হল। আদালত থেকে ইনজাংসন হল। মাছ ধরা বন্ধ রইল। কিন্তু তোমার বাবা অনেক বড় বড় মাছ করেছিল। দশ সের বারো সের। সে সহিতে পারলে না। রাজে চুরি করে ধরতে গেল জোভেনে।

(ঘ)

—যে মাছটা সে রাতে ধরেছিল সেটা বলে পনের সের ছিল। তুমি তো সঙ্গে ছিলে। নয়?

মালতী বললে—হ্যাঁ। ক'দিনই তো ধরছিল বাবা। গস্ত খুঁড়ে পুঁতে দিত রান্না করলে গন্ধ উঠবে বলে। আমি সঙ্গে রোজই থাকতাম। আমিই বরে এনেছিলাম সেদিন। মাছটা ঘাইয়ের জোরে ডাঙার পড়লেই হাতে আমার খেঁটে থাকত তাই দিয়ে মারতাম। মাছটা মরে যেত। বরে আনতাম।

মনে পড়ছে মালতীর। তখন সে মন্ত মেরে। আদালতে বিচারের সময় বরস তার পনের

বছর বলেছিল ডাক্তার। ডাক্তার পরীক্ষা করেছিল তার বয়স।

বেশ হাঁপালো মেয়ে ছিল সে। তখন থেকে এখন তিন বছর পর আর একটু বেড়েছে মাথার। তার বেশী নয়। দেহ অবশ্য অনেক ভারেছে। কিন্তু তখনও সে প্রায় যুবতী মেয়ে। মনে পড়ছে ভোরবেলার সেই গল্প খানা কাজটি তার তখনও ছিল। সে গল্পটা ছিল না। অস্ত্র গাই। গাইটার স্বভাবও সেটার মত ছিল না। কিন্তু তার বাবা—শুধু তার বাবাই বা কেন তারা সবাই গাইটাকে সেই স্বভাব তৈরী করে দিয়েছিল। সন্ধ্যাবেলা প্রথম প্রথম তারাই তাকে বাড়ি থেকে বের করে খানিকটা দূর ভাড়িয়ে দিয়ে আসত। কিন্তু প্রথম কিছুদিন সে বাড়ির পাশে পাশেই ফিরত, হাফা হাফা করে ডাকত। তারপর চুরি করে খাওয়ার স্বাদ বুঝে সেও গাইটার মত সারারাত্রি নির্বিবাদে এখানে ওখানে খেয়ে পেটটা জয়টাকের মত ফুলিয়ে কোন গাছতলায় বসে রোমন্থন করত। ভোর হলেই মালতী বের হত—এক হাতে দড়ি এক হাতে পঁচন লাঠি। গ্রামের ছেলে ছোকরারা লোভীর মত তার দিকে তাকাতে। এখন সে যথেষ্ট সুন্দর হয়েছে কিন্তু তখনও সুন্দর ছিল। আর সুন্দর হবার কতগুলো নিয়ম সে শিখেছিল। শিখিয়েছিল ওস্তাদের ছেলে বসন্ত। মাথার তেল সে কম দিত। চুলগুলো রুধু হয়ে ফুলো ফুলো হয়ে থাকলে তেলমাখা খোঁপাবীখা চুল থেকে ভালো দেখায় এ তাকে বসন্ত শিখিয়েছিল। বসন্তই তাকে ব্লাউস পরতে বলেছিল। গ্রামে ডব্রলোকের মেয়েদের মধ্যে ব্লাউস এলেও শ্রীমন্ত বলত—ক্যানেরে ? ও ক্যানেরে ? সামিঙ্গ হলেই তো হয়। কিন্তু মালতী একা শ্রীমন্তের কথাই অধীন নয়। শুধু তার শিক্ষাভেই সে চলে না। তার শিক্ষা তিনজনের কাছে। শ্রীমন্তের কাছে—চাঁপা মাসীর কাছে—বসন্তের কাছে।

সেই ভোটের সময় বসন্ত যখন ছেলেমেয়ে নিয়ে ঝাণ্ডা উড়িয়ে বেড়ায় আর জাগো নারায়ণ বলে গান করে, বক্তৃতা করে তখন থেকে বসন্তের প্রতি সে মুগ্ধ। কি বক্তৃতা সে করত। টগবগ করত রক্ত।

বসন্ত তাকে ওই গানগুলো শিখিয়েছিল। বলত—একাল কি সেকাল যে ঘরে জুজুড়ির মত বসে থাকবি ? না তেলক কেটে চূড়া বেঁধে খন্ডনি বাজিরে গান করে ভিখ মেগে বেড়াবি ? তুইও যা যে ওই দে বাবুদের মেয়েরাও তাই সে।

তখনও সে ইঞ্চুলে পড়ত। আপার প্রাইমারি ফার্স্ট ক্লাসে। এক এক ক্লাসে দু বছর করে সে থেকে থেকে ফার্স্ট ক্লাসে উঠেছিল।

সেইবার থেকেই মেয়েদের বড় ইঞ্চুল হবার কথা হল। বসন্ত শ্রীমন্তকে বলেছিল—শ্রীমন্ত মালতীকে ইঞ্চুল হলে ভক্তি করে দিতে হবে। তোমার তো এই এক মেয়ে।

শ্রীমন্তও তখন বসন্তের চেলা হয়েছে। দে বাড়ির ওরা আগে সাহেবের অছগত ছিল, তারা এখন কংগ্রেসে ঢুকি-ঢুকি করছে। চিরকালকার বেকার বাউণ্ডলে জেলখাটা গৌরীনাথ তখন কংগ্রেসী পাণ্ডা হিসেবে চাকলার মাতঙ্গর হয়েছে। শ্রীমন্ত কোন কালেন্ট কাউকে মানতে চায় না। ওহু দে বাবুদের মানিত বড়লোক বলে এবং এককালে ওদের ঘরে কাজ করেছে বলে। কিন্তু সৌরীনাথকে মানবে কেন ? সেই বা কিসে কম ? বসন্তের সঙ্গে তার

বেশ বনেছিল। বসন্ত বেশ ভাল কথা বলে। বাহাজুর ছেলে! তার উপর শরৎ ওস্তাদ তার গুরু। বসন্তের কথা শুনে শ্রীমন্ত বলেছিল—তা বেশ। দোব ভক্তি করে!

বষ্ট্র্যদের চিরকালের চিহ্নের মধ্যে তার গলার মিহি কণ্ঠি ছিল। এটা তার বাপেরও ছিল। চাঁপা মাসী ভিলকও কাটত। কণ্ঠি পরে তাকে মানাতো ভালো। আয়নার সে তা পরখ করে দেখেছিল গলাটা কেমন লম্বা আর স্কাডা দেখায়। কণ্ঠি পরলে ভালো দেখাতো।

সকালে উঠে সে যখন গরু খুঁজতে যেত তখন দে বাড়ির কটা ছোঁড়া, ক্যানেল আপিসের ক'জন ছোকরা বাবু তাকে দেখবার জন্তে রাস্তার ধারে দাঁড়িয়ে থাকত, তখন ক্যানেল হয়েচে দেশে। কেউ দাঁতন করবার অছিলার, কেউ রাস্তার ধারে দাঁড়িয়ে আনমনে সিগারেট টানবার অছিলার, কেউ বা পায়েচাৰি করবার অছিলার দাঁড়িয়ে থাকত। ও মুখ নামিয়ে খুব অল্প একটু হাসি হাসতে হাসতে চলে যেত। কখনও চোখ তুলে তাকালেই দেখত ওরা ওর দিকে তাকিয়ে আছে।

মাগতী আপন মনে যেন গরুটাকে বকত—পেলে হয়! বজ্জাত গরু, পাঁচনের বাড়ি পিঠের ছাল তুলব। আবার ড্যাবডেবে চোখে তাকিয়ে থাকে, যেন কত ভয়লোক। দোব চোখে খুঁচে! বজ্জাত গরু কোথাকার!

বলত বটে মুখে কিন্তু মনে মনে শুধু কৌতূহই নয়, একটু খুশী খুশী ভাব অল্পভব করত। চাঁপা মাসীর কাছে এ-সব সে অনেক শিখেছিল তখন। চাঁপা মাসীর বরস তার থেকে খুব বেশী নয়—বছর বেলা সতের বেশী। তখন চাঁপা মাসীকে মনে হত ভয়তি যুবতী। সে নেচে গেয়ে রঙ্গরসে দিন কাটাতে। আগে আগে বরং গন্ধাস্থানে পালাতো—কখনও নবঘীপ যেতো, কিরে এসে বাবার কাছে মার খেতো। কিন্তু ক্রমে পালানো ছেড়েছিল, ঘরেই ওই সব করে দিন কাটিয়ে দিত। ছুজনের মধ্যে বেশ সখী সখী ভাব ছিল। শ্রীমন্ত বাইরে গেলে—বিশেষ করে গ্রীষ্মের সময় ঘরে ছুজনে শুয়ে নানান রঙ্গরস করত। গোটা রাধাকৃষ্ণের প্রেমের কথা ভাল করে সে চাঁপা মাসীর কাছে শিখেছিল।

সে নিজেও এসে বলত—ওই গরুটাকে কিরিয়ে এনে এক একদিন বলত এইসব ছোকরা-দের কথা। বলত—আমি কি বললাম জান? বলে সব বলত।

চাঁপা মাসী বলত—অন্তরে বেথা লাগছে, বেথা! মনে মনে?

—ক্যানে বেথা কিসের?

চাঁপা মাসী হেসে বলত—তা হলে ভয় নাই। নিশ্চিন্তি। বেথা, বেথা লাগলেই বিপ—দ। বুঝল!

—বিপদ কিসের?

—কিসের? অ-মাঃ! বিপদ লয়? বেথা হইলেই বুঝবা সেটা বেথা নয়—প্রাণ্য! কৃষ্ণেরে কদমতলে দেইখা না শ্রীমতীর কেমন বেথা লাগল! কেমন কিছু ভাল লাগে না, বুঝটা বেথা বেথা করে! তখন বুন্দে বলছে—“রাধার কি হইল অন্তরে বেথা!” বুন্দে শুধায়—কি রকম বেথা গো শ্রীমতী? শ্রীমতী রাধা কয়—বুন্দা যেন কেমন কেমন! কিচ্ছুতে মন লাগে না। ঘরে না কামে না—বুকের ভিতরটা কাঁদি কাঁদি করে। কাঁদতি পাইলা বড়

আরাম লাগে সুখ লাগে। বুন্দে তখন কয়—তবে আর ই আর কিছু নয়—এ প্র্যাম।

মালতী খিলখিল করে হাসত। ভারী মজা লাগত। কিন্তু কারুর সামনে বললে মালতীর ভাল লাগত না। কার সামনে আর, বাবার সামনে মাসী তাকে কিছু বলত না—যা বলত বাবাকেই। তাকে কারুর সামনে বলার মধ্যে বসন্ত আর দে বাড়ির মেয়ে গোপা। গোপা তার সখীও ছিল। আর বসন্তের মিটিং টিটিংয়ে যেতো। সে তাকে বই দিতে আসত। নভেল। নভেল পড়ত তারা, বই লাইব্রেরী থেকে এনে দিত বসন্ত।

মাসী বলত—কি সব বইগুলো পড় মাসী। ছাই লাগে আমার। আঃ লিখন পঠন শিখি নাই—শিখলে কীর্তনের বই গানের বই পড়তাম। অঃ কী যে রস তার মধ্যে!

মালতী বলত—তোমার মুণ্ড!

—হার হার গ। না খাইয়াই কও আমার মুণ্ডু।

গোপা মুচকে মুচকে হাসত। বসন্তের সামনে বললে সে বলত—বেশ বেশ। শোন—আমি পড়ি। তুমিও তো না খাইয়াই কইতেছ খারাপ। শোন! বসন্ত তাকে শরৎবারুর বই পড়ে শুনিরেছিল।

বই শুনে চাঁপা মাসী কেঁদেছিল। বলেছিল—তাই তো গ বসন্তমানিকই তো ভাল। বড় ভাল লাগল।

বসন্ত তখন তার বাপকে খোকাঠাকুরের দেওয়া ওই বাড়িতেই থাকে। শরৎ ওস্তাদ এখানে একটা স্থায়ী খাড্ডা করেছে। জায়গাটা বাড়ছে। শরৎ ওস্তাদ নিজেই বলে—ভুবনেশ্বরের ভুবনপুর, দেবী গন্ধেশ্বরী, কালিতে অন্নপূর্ণার কাল গেছে—দেখ না ভুবনেশ্বর কান্দীর চেয়ে বেড়ে যাবে।

ওই খোকাঠাকুরের বাড়িতে একটা গানের ইস্কুল খুলেছিল। সপ্তাহে তিন দিন ইস্কুল হত। মেয়েদের জন্তে বিকেলে দু'ঘণ্টা—তারপর ছেলেদের জন্তে সন্ধ্যা থেকে দু'ঘণ্টা। ছেলেদের চেয়ে মেয়েরা পড়ত বেশী। সবাই এখন মেয়েদের বিয়ের জন্তে লেখাপড়া শেখাচ্ছে গান শেখাচ্ছে। শুধু লেখাপড়া হলেই বিয়ে হয় না, সব পাত্রপক্ষ এসেই মেয়ে গান জানে কি না জিজ্ঞাসা করে। শ্রীমন্ত মালতীকেও ভরতি করে দিয়েছিল। তার মাইনে লাগত না।

ওই বাড়িতে থাকত বসন্ত। তিন দিন বাবার কাছে যেতো তিনদিন রান্না করে যেতো। তখন ভোট হয়ে গেছে। ভোটে হিন্দু মহাসভার আদি চাটুজ্জে হেরেছে। বসন্তের সঙ্গে চাটুজ্জের ঝগড়াও হয়ে গেছে। বসন্ত গাল দিত—চাটুজ্জে তার মাইনে দেয় নি। হিন্দু মহাসভাতে চাটুজ্জে নাশিণ করেছে—বসন্ত হাজার টাকার হিসেব দেয় নি। বসন্ত হিন্দু মহাসভা ছেড়ে কংগ্রেসের মেবার হয়েছে। তবে গৌরীনাথ মুখুজ্জে কংগ্রেসের লীডারের সঙ্গে ঝগড়া ছিল তার। সে নিজে দল করেছিল। খানার দারোগা শিবরাম সিংয়ের সঙ্গে ভাব ছিল। এখানকার ঝগড়াতে কোঁজদারিতে যে তার কাছে আসত তাদের সাহায্য করত। তা ছাড়া মিটিং করত। গান্ধী জন্মদিন—স্বাধীনতা দিবস—গণতন্ত্র দিবস করত। শোভাযাত্রা বের করত—তারপর হাটভলার মিটিং হত।

বকুতা করত বসন্ত। খুব ভাল লাগত মালতীর। শুধু মালতীর কেন সবাইই ভাল লাগত।

মালতী আর গোপা মিটিংয়ের প্রথমেই গান গাইত। ছুখানা গান খুব ভাল করে নারান ওস্তাদই শিখিয়ে দিয়েছিল। একথানা—হও ধরমেতে বীর হও করমেতে বীর হও উন্নত শির হবে জয় আর জনগণ-মন অধিনায়ক জয় হে।

মাথায় লম্বা লম্বা চুল বসন্তের, খাঁড়ার মত নাক, বড় চোখ—দোষের মধ্যে রঙ কাঁলো আর রোগা; লম্বা টিলে পাঞ্জামা আর পাঞ্জাবি পরে যখন জমিদারদের বড়লোকদের ব্যবসাদারদের গাল দিত তখন মনে হত চোখ দিয়ে আগুন ছুটত; বলত একদিন জবাবদিহি করতে হবে তার দিন এসেছে। এই সব মানুষদের ওপর এরা হাজার হাজার বছর ধরে যে অত্যাচার করেছে তার জ্বার দিতে হবে। পায়ের তলায় এরা মানুষকে দুই পায়ে দলেছে। গোলাম করে রেখেছে। এদের অন্ন কেড়ে পেয়েছে—দুঃশাসনের মত এদের মেয়েদের ওপর অত্যাচার করেছে। এদের ঝরঝর বখন বেনারসী শাড়ি পরেছে—মুরশিদাবাদি সিন্ধ পরেছে—বিলিভী ফিনিকিনে শাড়ি পরেছে তখন সাধারণ মানুষেরা ছেঁড়া কাপড় পরেছে। বামুন যারা তারা এদের অস্পৃশ্য করে রেখেছে। মানুষ অস্পৃশ্য? কে বললে? এক ভগবানের গড়া মানুষ—সবারই দুই হাত দুই পা, সবাই মায়ের কোলে জন্মায়, এই ভগবানের পৃথিবী—ভগবানের গড়া সূর্যের আলো—ভগবানের বাতাসে নিশ্বাস নিয়ে বাচে—তারা জাতে ছোট বড় কিসে? মানুষ মানুষ। সবার উপরে মানুষ সত্য তাহার উপরে নাই। একজাতি। ভেদ নাই। এই গান্ধীজীর বাণী এই ভারতবর্ষের কবির বাণী—এই নতুন ভারতবর্ষের নতুন বিধান।

এ বক্তৃতা বসন্ত অনেকবার করেছে। কিন্তু প্রথম যোবার শোনে মালতী সেবার তার চোখে জল এসেছিল।

মিটিং থেকে প্রায়ই সে তাদের বাড়িতেই আসত। তার বাবা তার ভল্লিদার ছিল। কিনিমপত্র নিয়ে আসত শ্রীমন্ত। বসন্ত তাদের বাড়ি চা খেয়ে যেত। শুধু চা নয়, ওর বাবা ওস্তাদজী না থাকলে বসন্ত ওদের বাড়িতেই খেতো। এই বক্তৃতা যেদিন প্রথম দের সেইদিন ওদের বাড়ি এসে বসন্ত বলেছিল—শ্রীমন্ত, রাজে তোমার বাড়িতে খাব।

শ্রীমন্ত বলেছিল চাপাকে—বি আছে তো? না ফুরিয়েছে?

বসন্ত বলেছিল—বি কী হবে?

শ্রীমন্ত বলেছিল—ওই লুচি জাজবে কিসে?

—লুচি কী হবে? লুচি আমি খাই না। বড়লোকে খায়। আমি জাত খাব। তোমাদের সঙ্গে রান্না হবে।

—ভাই হয়!

—হয় কী—হবে। মিটিংএ কী বললাম শুনলে না? জাত আমি মানি না।

শ্রীমন্ত বলেছিল—তা জাত আর কে মানে বল? সবাই এখন সবার হাতেই খায়। তা হলেও চাক বাজিয়ে কেউ খায় না।

—আমি চাক বাজিয়ে খাব।

রাজে খাবার সময় শ্রীমন্ত ছিল না। রাজির প্রথম প্রহরে সে একবার পুকুরপাড়ে বেত। নিজে ছিল পাকা মেছুড়ে, সে পুকুরটির পাড়ে গিয়ে দাঁড়িয়ে শুনত কোথাও ঝুন ঝুন শব্দ

উঠছে কিনা। মানে কেউ চারা কাঠি বেঁধেছে কি না জোতানে মাছ ধরবার জঞ্জি। তারপর চারিপাশে জলের কিনারার কিনারার পা বুলিয়ে দেখত কেউ সেরেন্তা অর্থাৎ ভাগ কেলেছে কি না, মোটা স্তভো পারে ঠেকে কি না। খুব যত্ন করে মাছ লাগিয়েছে শ্রীযুক্ত।

বসন্তকে খেতে দিয়ে চাঁপা মাসী বলেছিল—মালতীকে দিমা মাছ রান্না করাইছি। সবটুকুন খাও। কেমন লাগে কও।

মাছ মুখে দিয়ে বসন্ত বলেছিল—খুব ভাল।

চাঁপা মাসী হেসে বলেছিল—এইবার তো জাতি দিগা কুল দিগা—

—জাতি কুল আমি মানি না। দেব কি ?

—ওই একই কথা গো মশর। এখন মালতীকে বিয়া কইরা লও না ক্যান ? তোমার পিছে পিছে ফিরে !

—বিয়ে—মালতীকে ? কী রে মালতী ?

মালতী যে মালতী সেও কথা বলতে পারে নি।

বসন্ত হেসে উঠেছিল। হেসে বলেছিল—বৈরাগী বউ বেশ আছে। বিয়ে কর বললেই বিয়ে হয় ?

—তবে কিসে হয় ? পরমা টাকা ?

—উহ—ভালবাসা ! ভালবাসা হয় তো হবে বিয়ে।

রাত্রে চাঁপা মাসী বলেছিল—মাসী ! প্র্যাম কর তবে !

সে বলেছিল—কী যে বল মাসী ! ওসব বল না ! কিন্তু পরদিন সকালে উঠে গরু খুঁজতে যাবার আগে বাসী কাপড় ছেড়ে কাচা কাপড় পরে গিয়ে উঠেছিল ভুবনেশ্বরতলার।

সকালবেলা হাটতলা খাঁ-খাঁ করে। চালাগুলো পড়ে থাকে—পাকা দোকান গুঁইদের অনেক কাল থেকে—তাদের একটা মুখ পুবের বারান্দায় হাটের দিকে, অল্পটা দক্ষিণ দিকে সদর রাস্তাটার দিকে, হাটের দিন পুবের বারান্দার দরজা খুলে দোকান বসে, অল্প দিন দক্ষিণ দিকের দোর খুলে দোকান বসে। বিনোদিনীর সত্যর সুরেশের মিষ্টির দোকানগুলোও তাই, ছুমুখো দোকান। কিন্তু এত সকালে তাদের দোকানও খোলে নি তখন। তারপর হাট ছাড়িয়ে রাস্তাটা চলে গেছে—তার হুঁধারে অনেক দূর পর্যন্ত বাজার। নানান ধরনের বাজার। মিষ্টি দজি মনিহারী, পান সিগারেট, মুদিখানা ; হুঁচারণানা ধানের আড়ত—একটা হোটেল আছে—ওষুধের দোকান আছে—ভূষণ পালের একবারে শেষে থাকে উরো হাড়িরা—উরো কাঠ মাছ বিক্রি করে—ক'ধর আছে তারা বাথারি থেকে জাফরি ঝড়ি কুলো তৈরী করে। তারপর হাসপাতাল। আগে ছোট দাতব্য চিকিৎসালয় ছিল—তারপর চার বেডের হাসপাতাল হয়েছিল। দিগেছিল বাবুরা। তখন অর্থাৎ যে দিন ভোরবেলা মালতী গরু খুঁজতে বেরিয়ে গিয়েছিল ভুবনেশ্বরতলার তখন সত্ত বড় কুড়ি বেডের হাসপাতাল হয়েছিল। আগে মুসলমানদের কবরখানা ছিল। তার পশ্চিম দিকে বাবা ভুবনেশ্বরের অশথ বট বেলের জঙ্গল। আগের কালে রাত্রে কেউ এদিকে আসত না। বলতো বাবার বৈষ্ণবত্যা ভূত পেতীদের সঙ্গে কবরের মামদো ভূতদের দাড়া লাগে।

সেই ভোরে রাত্তাভেও লোক ছিল না। হাটেও না। হাটে শুধু ধুলো আর পাতা। এখানে ওখানে গোটাকয়েক কুকুর। গোটাকয়েক ছাগল চরে বেড়াচ্ছিল গাছতলায়। গাছতলায় ক'খানা গাড়ি—রাত্রে ধান চাল এসে পৌছে জাঁট দিয়েছিল। গাড়োয়ানরা চাটুটাই পেড়ে ঘুমুচ্ছিল।

আর ছিল হাটের স্থায়ী বাসিন্দে, টিক্লি, টিক্লির মা। চুনারিয়া, চুনারিয়ার বুড়ো খোঁড়া আখকানা বাবা। টিক্লি তার থেকে কিছু বড়। চুনারিয়া তার বয়সী। হাটের গাছতলায় বাশের কাঠামো করে তালপাতায় ছাইয়ে এখনে আত্মীবন রয়েছে। টিক্লির মা এসেছিল যুবতী বয়সে। লোকে বলে ভালো ঘরের মেয়ে—ওকে এনেছিল গঙ্গারাম বাজিকর। সাপের ওস্তাদ, কামিখো কামরূপের বিজে জানা লোক, সেই ওকে নিয়ে হাটে এমনি খুবড়ি বেঁধেছিল। তারপর গঙ্গারাম পালাল এখানকার ওই উরোদেবর বাড়ির একটা মেয়েকে নিয়ে। টিক্লির মা থেকে গেল। ভিখ মাগতো খেতো। তারপর টিক্লি হল। টিক্লি এখন সাংস্রগোজ্ঞে। ধরনী ভেঠার দোকানে কেনা ডুরে কাপড় পরে। ও-ও ব্লাউস পরে। সন্ধ্যে হলোই চুল বেঁধে সেজেগুজে বেরিয়ে গ্রামের ভিতরের বাজার দিয়ে গন্ধেশ্বরীতলা পর্যন্ত ঘুরে আসে। চুনারিয়াও যায়। তার সাংস্রগোজ্ঞ কম। তারপর ওদের দেখা যায় বাবা ভুবনেশ্বরতলার পশ্চিম উত্তরে বট অশথ বেল গাছের অঙ্কলে। গাছের আড়ালে হারিয়ে যায়। অঙ্ককার রাত্রে তো যায়ই, জ্যোৎস্না রাত্রে মধ্যে মধ্যে গাছের ফাঁকে যে জ্যোৎস্না পড়ে তারই মধ্যে হয়তো এখনি দেখা যায় আবার পরক্ষণেই হারায়। শব্দ শোনা যায়। শিশ ওঠে। এ শিশ দেয় ও শিশ দেয়। বিস্কমিস কথা হয়। কখনও চীৎকারও ওঠে। চীৎকার করে ছুটে পালায়। কোন কোন দিন সকাল পর্যন্ত গাছতলায় পড়ে থাকে। রোদ চোখে লাগলে ঘুম ভেঙে উঠে আসে নিজের খুবড়িতে। এসেই আবার শুরু পড়ে।

টিক্লির মা গাল দেয়।—মরবি, মরবি! কোনদিন সাপে কেটে নয় কোনদিন কোন হারামজাদার হাতে মরবি। গলা টিপে মেরে দিয়ে যাবে। নয়তো গলাটা ছুঁফাঁক করে দেবে।

টিক্লি বিড়বিড় করে।

চুনারিয়াকে ওর বাপ পেটে।—খানকী কসবী কাঁহাকা। হারামজাদী।

চুনারিয়া মার খায় আর বলে—আজ আমি চলে যাবো। তু খাঁক বুড়ো—ভিখ মেঙে সংপথী হয়ে থাক। ভগোয়ান ধরম ভোর সেবা করুক। ভোর গাঁজার পরমা চাই। সন্ধ্যে-বেলা দারু ভি চাই। কাঁহাসে মিলবে দেখব আমি।

চুনারিয়ার বাবা বলে—কইকো সাদী কর, খাটনী কর—কামাই কর। তা না। হে ভগোয়ান। রাত্রে রাত্রে ফিরে এলে বুড়ো, হয় বুঝতে পারে না, নয়তো জানতে পেরেও কিছু বলে না। ভোর হলে ফিরে এলে জমাদার ব্লাকীর বুড়ী পরিবার ওকে সারাদিন খুঁটিয়ে খুঁটিয়ে কথা বলে। বলে—আর বাবা একঠো বেটা নেছি। থাকলে কেমন হত। হার হার। মিঠাই খাইতাম। দারু পিতাম। আঃ—হারে।

জমাদার ব্লাকীর তিন বেটা তিন বর, ওরা বুড়ীকে খেতে দেয় না—বুড়ীও হাটে খুবড়ি

বেঁধেছে। ছেলেদের বাঁড়ী ওই উরো হাড়িদের বাড়ির কাছে হাসপাতালের ধারে। ওদের হাটের পালা আছে। যার যেদিন পালা সে এসে হাট সকালবেলাতেই কাঁট দেয়। হাটে ওরা তোলা পায়। আর হাটে জড় হয় বে গোবর, খড় পাতা তা ফেলে একটা সারের গর্ততে। সার বিক্রি হয় অনেক টাকা। টাকায় একগাড়ি দর। হুশো আড়াইশো গাড়ি সার হয় বছরে। সেটা পায় দে বাবুর। তার একটা অংশও ওরা পায়। হাট কাঁট দিতে ওরা খুব ভোরেরই আসে। হাটের ধুলোর পরমা আনি ছু'আনি দিকি আধুলি টাকাও পড়ে থাকে। তবে খুচরোই বেশী। রাত্রে হাট ভাঙে। ভোরবেলা যার পালি তাদের দুজন তিনজন আসে। কাঁট দিয়ে যা প্রথমেই মেলে তা মেলে, তারপর জড়করা ধুলো ঘেঁটে দেখে। হাটময় ধুলোর উপর ধান-মেলার মত পা বুলিয়েও দেখে।

সেদিন ভগীরথ জমাদারের পালি ছিল। ভগীরথ বসে বিড়ি টানছিল। ওর বউ আর বেটা কাঁট দিচ্ছিল—ছোট ছোটো ছেলে ছুটে বেড়াচ্ছিল আর মধ্যে মধ্যে কখন পা বুলিয়ে কখনও হাতে ঘেঁটে হঠাৎ চোঁচিয়ে উঠছিল—আ মিলছে রে বাপ! চৌ আনি রে!

কখনও কখনও সোনার নাকচাবি কানের ঢুলও মেলে। খসে পড়ে যায়, ধাক্কাধাক্কিতে যায়। কারুর বা ছেনতাইয়ের সময় ছেনতাইকারীর হাত থেকে কসকে পড়ে যায়। ভগীরথের সামনে চার পাটি ছেঁড়া জুতো রয়েছে। একেবারে ছেঁড়া। পরে এসেছিলে, পায়ে পায়ে চাপাচাপিতে ছিঁড়ে গেছে—কেলে দিয়ে গেছে। ভগীরথ বেচে দেবে জুতো-সিলাইওরালাদের।

ভুবনেশ্বরতলার দীঘির ঘাটে থাকে ক'জন কানা খোঁড়া ভিখিরী। ওরা সব একা একা। ওদের বুবাড়িও নাই। পড়ে থাকে ঘাটের ধারে। বর্ষার সময় গাছতলার ধার। শীতের সময়েও যায়।

ভগীরথ জিজ্ঞাসা করেছিল মালতীকে—মালতীবিটিয়া, এত সোকালে কাঁহা বাবি গো মা ? কাঁ ?

মিথ্যে কথা বলতে গিয়ে পারে নি মালতী। বলেছিল—বাবার ধানে যাব—পেনাম করব।

ভগীরথের ওই বাচ্চা ছোটো মালতীকে দেখে খেপানে ছড়া গেয়ে উঠেছিল যেটা ওরা বাঙালী মেরে দেখলেই পায়।—বাংগালী বেটিয়া জুস্তি শাড়ি পিহিন করকে মেম বনাইলা!

ভগীরথ ধমক দিয়েছিল—এই! বদমাল কাঁহাকা!

মালতী হেসে হাট পার হয়ে দীঘির ঘাট পাশে রেখে পথ ধরেছিল। ঘাটের পুবদিকে বাবার ধান। বাবার ধানে প্রণাম করে পথ ধরেছিল উত্তরমুখে আমগাছের তলা দিয়ে। আমগাছতলার ইঁট বিছিরে সারি সারি চৌকির মত বসবার জায়গা আর রাশি রাশি কাটা চুল। এখানে নাগিতলা বসে। চুল কাটে। মানতেও চুল দেয় আবার হাটের লোক এমনিও কাটে। সে পার হয়ে দীঘির উত্তরপাড়ে অশথ বট বন। তার ভিতরে ভিতরে গিয়ে একটি কাটার জলগুরালা জায়গায় ধমকে দাঁড়িয়েছিল। এখানকার বটগাছটা প্রকাণ্ড। আর অসংখ্য বুরি। এত দূরে বুরিতে চেলা খুব কম লোকেই বাঁধতে আসে। ওখানেই চেলা বাঁধবে ঠিক করেছিল। কিন্তু বাঁধতে গিয়েও বাঁধে নি। চোখে পড়েছিল ওই কাটা জল

থেকে একটা কুঁচের লতা উঠেছে পাশের গাছটার। কুঁচগাছেও অনেক কাঁটা। তা হোক। ওই কুঁচলতার সঙ্গেই একটুকরো দড়ির পাড় বের করে সে একটি ঢেলা বেঁধেছিল।

বেঁধে—মনে মনে বলেছিল বসন্তের সঙ্গেই যেন তার বিয়ে হয়। হোক সে বামুন। ওকেই যেন সে পায়।

আসবার সময় আবার বাবাকে প্রণাম করে গ্রাম পার হয়ে বাইরের মাঠে মাঠে ঘুরে সেই শিমুলতলার গিয়ে উঠেছিল কিন্তু গরুটা পায় নি। গরুটা ছিল না। সেখান থেকে আরও ক'জায়গা ঘুরেও পায় নি। মনে মনে ভারী রাগ হয়েছিল। ভয় হয়েছিল। বাবার সকালে গাঁজা খাবার সময় বাড়িতে থাকবেই। কি বলবে সে ?

ভুবনেশ্বরকে ডেকেছিল—বাবা, ওকে যেন কেউ খোঁয়াড়ে দিয়ে থাকে। পোড়ারমুখী যেন বাড়ি গিয়ে না থাকে।

বাবা ভুবনেশ্বর কথা শুনেছিলেন—গাইটা খোঁয়াড়ে গিয়েছিল। শিমুলতলার বসে থেকে পোড়ারমুখী তাকে মাগতী নিতে এল না দেখে গা ঝাড়া দিয়ে উঠে বাড়ি ফিরেছিল—তখন গাইটা ছুপ দিচ্ছিল না—নতুন বিয়ানের সময় আসছিল, বাছুরের টান ছিল না, পথে ঢুকেছিল গরুবণিকদের খামারে—তারা ধরে সঙ্গে সঙ্গে খোঁয়াড়ে পাঠিয়েছিল।

(৩)

তাতেই বাবা ভুবনেশ্বরের উপর ঢেলা বাঁধার উপর বিশ্বাস হয়েছিল তার অনেক। সে বিশ্বাস তার আরও দৃঢ় হয়েছিল কিছুদিনের মধ্যেই। সেদিন মহাউল্লাসে বসন্ত তাদের বাড়ি এসে ঢুকেছিল—শ্রীমন্ত ইনকিলাব জিন্দাবাদ!

শ্রীমন্ত বাড়ি ছিল না। হাটে গিয়েছিল। হাটবার সেটা তাও মনে হয় নি বসন্তের। চাপা মাসী বলেছিল—কি ইনকিলাব হইল গো ? সে তো হাটে গেছে!

—মাগতী কই ?

—সে ঘরে ঘুমার বুকি।

—তুলে দাও। তুলে দাও। মাগতী! মাগতী!

ঘরে সত্যিই শুয়েছিল মাগতী। ডাক শুনে উঠে এসেছিল। বসন্ত বলেছিল—ইনকিলাব জিন্দাবাদ। কংগ্রেসের জয়। জমিদারি উচ্ছেদ বিল পাস! কালই প্রসেসন বার করতে হবে।

মাগতী জেলখানার গিয়ে অনেক শিখেছে। কিন্তু সেদিন তাঁর মনে হয়েছিল এ জমিদারি উচ্ছেদ হয়েছে বসন্তের বক্তৃতাতে। সে তার মুখের দিকে অবাক হয়ে তাকিয়েছিল। চাপা মাসী যে চাপা মাসী সেও সেদিন রক্তস্নান না করে বসন্তের তারিফই করেছিল, শুধু বলেছিল—হ্যাঁ মানিক তুমি একটা বাঘের মতুন মাছুর বট। করলা শেষ।

পরদিন মিছিল হয়েছিল। মিছিল নিয়ে ঝগড়া হয়েছিল কংগ্রেস পাণ্ডা গৌরীনাথের সঙ্গে বসন্তের। দে বাবুরা ভুবনেশ্বরের জমিদার। ছত্রিশ কোটি বছরব্যপ্তের মত অনেক ভাগ হলেও দে বাবুরা খুব প্রতাপ দেখাবার চেষ্টা করত। বিশেষ করে ছোট ভায়রা। মুখা, গাঁজাল

মাতাল শরিকরা খুব চেঁচাতে। তাদের খুব গ্রাঙ্ক না করলেও মোটা শরিক এবং যারা ব্যবসা করে অবস্থাপন্ন তাদের গ্রাঙ্ক করতে হত। তারা নানা ছুতোয় মামলা মকদ্দমা করে লোককে জ্বল রেখেছিল। সব জায়গাতেই তারা প্রধান ছিল। ইউনিয়ন বোর্ড থেকে সব ভোটে তারা দাঁড়াত। বসন্তের সঙ্গে এ নিয়ে ঝগড়া অনেক হয়েছে। বক্তৃতা যতই করুক বসন্ত, ভোটে তারা বসন্তকে হারিয়ে দিত। ছ'এক বছর আগে ইউনিয়ন বোর্ডে বসন্তকে এমন হারিয়েছিল যে মালতীরও খুব লজ্জা হয়েছিল। শুধু চৌদ্দটা ভোট পেয়েছিল বসন্ত আর দে বাড়ীর শিবচন্দ্র দে পেয়েছিল আশি ভোট। বসন্ত প্রেসেনসটা নিয়ে দে বাড়ির সামনে খুব ধ্বনি দিয়েছিল। ইনকিলাব জিন্দাবাদ থেকে জমিদার ধ্বংস হোক। ধ্বংস হোক। ইংরেজের কুস্তা বরবাদ। ভারতমাতা কী জয়! আরও অনেক।

সেদিন দে বাড়ীর বাড়ীর দরজা বন্ধ ছিল—কেউ বের হয় নি তারা। আবার প্রেসেনসেও খুব লোক হয় নি। বসন্ত প্রেসেনস করবে শুনে গৌরীনাথ কংগ্রেস লীডার বারণ করে পাঠিয়েছিল—প্রেসেনস না করাই উচিত। করে না।

বসন্ত শোনে নি। কিন্তু লোকও বেশী হয় নি। দে বাড়ীর ভয়েই হোক আর গৌরীনাথ বারণ করাতাই হোক, কুড়ি পঁচিশ জনের বেশী লোক ছিল না। প্রেসেনসের আগে মালতী আর গোপা দুজনে ফ্যাগ নিয়ে চলে—তার মধ্যে গোপা আসে নি।

দে পাড়ায় যখন স্লোগান দিচ্ছিল তখন গৌরীনাথ এসে বলেছিল—এসব কী হচ্ছে! এদের বাড়ির দোরে এসব কী? ছি—ছি—ছি!

বসন্ত এক কথায় বলেছিল—আপনার হুকুম আমি মানতে বাধ্য নই।

মালতীর বাবাও ছিল প্রেসেনসে। বসন্তের পিছনেই ছিল। সে বলেছিল—খুব দরদ যে তোমার হে বাপু! আমাদের কংগ্রেস বড়লোকের কংগ্রেস নয়। তোমাদের সঙ্গে কোন সম্পর্ক নাই। দোব এখান থেকে ষাড় ধরে ভাগিয়ে!

বসন্তই খামিয়েছিল। কিন্তু প্রেসেনস সে তাড়ি নাই। তবে বেশী দূর বা বেশীক্ষণও চলে নাই। তাড়াতাড়ি হাটতলায় এসে মিটিং না-করেই শেষ করেছিল।

সেদিন হাটে তখন একদল বাজিকর এসে বাজি দেখাচ্ছিল। একজন বেটাছেলে কপালের উপর একটা বাশ খাড়া করে রেখেছিল—বাশের মাথায় একটা ন-দশ বছরের রোগা মেয়ে খেলা দেখাচ্ছিল।

প্রেসেনসের সবাই ওই খেলার চারিদিকে ভিড় করে দাঁড়িয়ে খেলা দেখেছিল। সে ছিল বসন্তের পাশে দাঁড়িয়ে। বাশের ডগা থেকে মেয়েটাকে উচুতে ছুঁড়ে তুলে দিয়েছিল লোকটা। মেয়েটা উপরে উঠে ডিগবাজি খেয়ে নীচে পড়ছিল, লোকেরা চমকে উঠেছিল—পড়বে—মেয়েটা পড়বে মাটিতে আছাড় খেয়ে, মরবে এই আশঙ্কার। সে বসন্তের গা ঘেঁষে এসে তার হাত চেপে ধরেছিল। বসন্তও তার হাত চেপে ধরেছিল এবং হেসে বলেছিল—দেখ না। বসন্তের কথা সত্যি। লোকটা ছুঁই হাত মেলে মেয়েটাকে লুফে নিয়ে মাটিতে দাঁড় করিয়ে দিয়েছিল। সেদিন খেলার শেষেও সে তার হাত ধরেই বাড়ি ফিরেছিল। সদর রাস্তা দিয়ে কেরে নি। ফিরেছিল গ্রামের বাইরে বাইরে মাঠের পথ ধরে। বসন্তই

বলেছিল—চল একটু ঘুরে যাই। সেও বলেছিল—চল।

চুপচাপ চলছিল মাঠের পথে হাত ধরাধরি করে। গরুর গাড়ির মেঠো পথ। আকাশে চাঁদ ছিল জ্যোৎস্না ছিল। ভারী ভাল লাগছিল। বসন্ত যে বসন্ত সেও ওইসব কথা না বলে মাঠের দিকে আকাশের দিকে তাকিয়ে দেখে বলেছিল—বাঃ সুন্দর জ্যোৎস্না হয়েছে তো! •

সেও তাকিয়েছিল আকাশের দিকে। চাঁদ ছিল মাঝ আকাশে আর একেবারে একদিকে ছিল ধকধকে নীল একটি তারা। তার মনে পড়ে গিয়েছিল খোকাঠাকুরের মুখে শোনা সেই গানটি—নীল উজল তারাটি—।

হঠাৎ বসন্ত বলেছিল—হ্যারে মালতী!

—এঁ্যা!

—বৈরেগী বউ তোর চাঁপা মাসী একদিন বলছিল তোকে বিয়ে করতে।

মালতীর বুক টিপটিপ করে উঠেছিল। গলা শুকিয়ে গিয়েছিল।

বসন্ত বলেছিল—তুই আমাকে ভালবাসিস?

মালতীর হাত ঘেমে উঠেছিল, বলতে কিছু পারে নি। অথচ গ্রামের অস্ত্র কেউ হলে মালতী বলত—না মুখে কিছু বলত না—একটি চড় কষিয়ে দিত আগে তারপর বলত—এই নে জবাব। আজ কিন্তু হাঁও মুখে ফুটল না।

বসন্ত বলেছিল—বাসিস? বল না?

সে এবার মুহূর্তে বলেছিল—সেদিন ভুবনেশ্বরতলায়—

—কী?

—না। সে বলতে আমি পারব না।

—বলতে পারবি না? কেন?

—না।

—কী? দৈববাণী হয়েছে? না স্বপ্নটপ্প হয়েছে?

—তুমি বড় ইরে বসন্তদা। কিছু মান না তুমি।

—কিছু না, রাজা জমিদার ভগবান কিছু না। কিন্তু বল কি হয়েছে ভুবনেশ্বরতলায়?

চুপ করে রইল মালতী। কিন্তু তার হাত ঘামছে। বলতে চাচ্ছে অথচ বলতে পারছে না। বসন্ত বললে—বেশ বলিস নে। কিন্তু ভালবাসিস কিনা বল? সেদিন থেকে আমার মন মধ্যে মধ্যে তোর কথা নিয়ে খুব চঞ্চল হয়। মনে হয়—

—কী?

—ভারী ভাল লাগে তোকে!

এবার কোনক্রমে মালতী বলেছিল—বসন্তদা!

—বল? আমাকে ভাল লাগে তোর? ভালবাসিস?

মালতী প্রাণপণে বলতে চেরেও বলতে পারে নি—বাসি। সেদিন ভুবনেশ্বরতলায় টেলি বেঁধে এসেছি। গলা শুকিয়ে আটকে গিয়েছিল। কোনক্রমে বললে—সে তোমাকে কাগজে লিখে দেব।

বসন্ত থমকে দাঁড়িয়ে গিয়ে তুই হাতে তার কাঁধ ছুটো ধরে বলেছিল—তাহলে তুই ভালবাসিস। এবং সঙ্গে সঙ্গে সবলে তাকে বৃকে টেনে নিয়ে জড়িয়ে ধরেছিল।

থরথর করে কৈপে উঠে মালতী বলেছিল—বসন্তদা! বসন্তদা!

কোন বাধা মানে নি বসন্ত। সে তার মাথার চুলের উপর কপালে চুমু খেয়েছিল।

—না—না—না। বলেছিল মালতী—কিন্তু সে ‘না’ দুর্বল ‘না’—সে কঠোর স্ত্রী দুর্বল। তাঁদের আলোর সেই খোলা মাঠের মধ্যে বসন্তের বৃকে মুখ রেখে সে সেদিন আশনাকে হারিয়ে ফেলেছিল।

হঠাৎ একটা সাইকেলের ঘণ্টা বেজেছিল পিছনে। চমকে ছেড়ে দিয়েছিল বসন্ত। সে হাঁপাচ্ছিল। তবু সডয়ে কিরে দেখেছিল একটা সাইকেল আসছে কিন্তু খুব কাছে নয় একটু দূরে। সামনে একটা কৌ পড়েছে। সাদা মত দেখাচ্ছিল। একটা গরু। লোকটাকে নামতে হয়েছিল। গরুটা পথ ছাড়ে নি। তার উপর মেঠো পথ। গরুটাকে পাশ কাটিয়ে লোকটা সাইকেলে চড়েছিল। বসন্ত বলেছিল—দাঁড়িয়ে থাকিস নে, চল।

চলতে চলতে যতদূর সে সভরে জিজ্ঞাসা করেছিল—দেখেছে, নয় ?

—না বোধ হয়। তারপরই সে বেশ জোর গলায় বলতে শুরু করেছিল—জমিদারি একটা পাপ। একটা জঘন্য প্রথা। উঠে গেল—এই হল স্বাধীনতার আসল কাজ। আজ আর মানুষকে কতকগুলো পচা লোককে রাজা বলে প্রণাম করতে হবে না। বাবু মশার বলতে হবে না। এরপর বড় বড় জোঁদারগুলো যাবে।

বাইসিকেলওয়ারাণা পার হয়ে গিয়েছিল ওদের।

মালতী জিজ্ঞেস করেছিল—কে ?

—সরকারী লোক। এখন তো হরদম আসছে।

—আমাদের দেখেনি—না ?

—না। আর দেখলেই বা। আমি তো জাত ধর্ম এসব মানি না। বামুন বোষ্টুম কি হিন্দু মুসলমান এসবও মানি না। তোকে আমি বিয়ে করব। বিয়েও মানি না। তবু নিয়ম আছে বলে বিয়ে করব। তাও রেজেক্ট করে।

—রেজেক্ট করে ?

—হ্যাঁ। নইলে তো বিয়ে সিদ্ধ হবে না।

রেজেক্ট বিয়ে মালতী শুনেছে। ভাল করে না জানলেও জানে। তবু মন কেমন খুঁতখুঁত করছিল। কিন্তু জিজ্ঞাসা কিছু করতে পারে নি।

এরপর ওরা গ্রামের মুখে এসে পড়েছিল।

বসন্ত বলেছিল—বাবার অস্ত্র পারছি না—আনিস। বাবা তো গোঁড়া বামুন। তাহলে—

তারপর হঠাৎ বলেছিল—আমার সঙ্গে চলে যেতে পারবি ?

বৃক তার ধড়কড় করে উঠেছিল—চলে যেতে ?

—হ্যাঁ। লুকিয়ে রাজে উঠে—

—কোথায় যাবে ?

—কলকাতা। কিংবা অস্ত্র কোথাও।

সে চূপ করেছিল। কথাতার উত্তর দিতে পারে নি। মনের ভিতর থেকে মধ্যে মধ্যে মন বলে উঠেছিল—যাব। হ্যা-যাব। কিন্তু মুখে বলতে পারে নি। যতবার বলতে চেয়েছিল ততবার আটকে গিয়েছিল।

বাড়িতে এসে দেখেছিল সে এক বিশ্রী কাণ্ড। বাবা রুদ্রমূর্তিতে আক্ষালন করছে। যা মুখে আসছে তাই বলে গালাগালি করছে।

চাঁপা মাসী বলেছিল—দে বাবুদের সঙ্গে ঝগড়া হয়ে গেছে বাবার। হাটতলা থেকে বাবা আগেই চলে এসেছিল আবগারির দোকানে বাবার জুটে। গাঁজা ছিল না। সূর্যাস্তের পর আবগারির দোকান বন্ধ হয়। আবগারির দোকানে দে বাবুদের একজন গোমস্তা, সে আপিং খায়, আপিং কিনতে এসেছিল। সেখানে এই শোভাযাত্রা আর ওদের আক্ষালনের জুটে গোমস্তা বলেছিল ভেণ্ডারকে। বলেছিল—জান হে সাহা যদি এমন আইন হয় ভগবানের রাজ্যে যে ব্যাঙগুলো সব হাতির সমান হবে। তা হলে কী হয় বল তো ?

হেসে ভেণ্ডার বলেছিল—আপনিই বলুন।

—ব্যাঙগুলো গ্যাঙর গ্যাঙর করে চেঁচায় আর পেট কোলায়। কোলাতে কোলাতে ফটাস্। বুঝেছ !

শ্রীমন্ত রাগ সামলাতে পারে নি—বলেছিল—চোপ্, বে বেটা চোপ্,—ছুঁচোর গোলাম চামচিকে—চোপ্। হাতি নয় বেটা—ছুঁচো ছুঁচো।

এই থেকে শেষ পর্যন্ত অনেকটা এগিয়েছে। শ্রীমন্ত গোমস্তাকে ঠেলে ফেলে দিয়েছে। গোমস্তা নাকি গেছে দে বাবুদের কাছে। বাবুদের চাপরানী এসেছিল। শ্রীমন্ত তাকে হাঁকিয়ে দিয়েছে—বলেছে—ভাগ্ ভাগ্—আমি কারুর প্রজা নই গোলাম নই—আমি কারুর ভাকে বাই না।

বসন্ত শ্রীমন্তের হাত ধরে বলেছিল—এস আমার সঙ্গে। দেখি।

বসন্তের সে জুঁক মূর্তি দেখে মালতীর মনটা গৌরবে ভরে উঠেছিল। সেও তাদের সঙ্গে গিয়েছিল। তারপর যা হয়েছিল সে মালতী কল্পনা করে নি।

দে বাবুর সঙ্গে সমান জোরে ডর্ক করেছিল বসন্ত।

দে বাবু বসন্তের মুখের সঙ্গে পেরে ওঠে নি। চোখ দিয়ে তার আঙুন ঝের হচ্ছিল। সে বলছিল—অত্যাচারীর জাত আপনারা—ত্রিটিশদের গোলাম—মাহুঘের রক্ত শুবে বড়লোকই করেছেন তার কৈফিয়ত দিতে হচ্ছে আজ। আজ আপনার রক্তচক্ষুকে কেউ ভয় করে না। আরও আসছে দিন। আরও আসছে। এই বাড়ি ধর ইঁট কাঠ সব বাবে—

দে বাবু চাপরানীকে বলেছিলেন—দে—বের করে দে ঘর থেকে দে।

চাপরানী বসন্তকে ঠেলা দিয়েছিল। তারপর হাতাহাতি হয়েছিল—এরই মধ্যে বসন্ত একটা পড়ে থাকি রুল কুড়িয়ে নিয়ে মেরেছিল চাপরানীর মাথায়। সঙ্গে সঙ্গে মাথাটা ফেটে ফিনকি দিয়ে রক্ত পড়েছিল।

মালতীর ইচ্ছে হয়েছিল চীৎকার করে উঠতে—এ কি করলে বসন্তদা ? কিন্তু গলা দিয়ে

আওয়াজ বের হয় নি। বসন্ত এসে তার হাত ধরে টেনে বলেছিল—চল।—শ্রীমস্তকে ভেঙেছিল—শ্রীমস্ত।

চলে তারা এসেছিল সেদিন। এবং ফিরে এসেই বসন্ত বলেছিল—আমি চললাম শ্রীমস্ত।

শ্রীমস্ত বলেছিল—কোথায় ?

—এখন সাঁইতে যাচ্ছি। তারপর দরকার হলে কোথাও গিয়ে থাকব। তুমিও বরং ক’দিন সরে থাক গ্রাম থেকে।

শ্রীমস্তও চলে গিয়েছিল। বলে গিয়েছিল—তোদের ভয় নেই। তবে তোরা ওদের ডাকে যাগ নে। আমি কাছেরি থাকব। তেমন হলে ঠিক ফিরব।

ওদের উপর কোন কিছু জুলুম হয় নি। তবে মামলা হয়েছিল। পুলিশ বাবুদের মুখ তাকিয়ে ধর চড়াও হয়ে দাঙ্গা জাকাতি এই রকম মামলা করবার চেষ্টা করেছিল কিন্তু আদালতে তা টেকে নি। তবে বেকসুর খালাসও পায় নি শ্রীমস্ত বসন্ত। ওদের তিন মাস আর ছ’ মাস জেল হয়ে গিয়েছিল! শ্রীমস্তের তিন মাস বসন্তের ছ’ মাস। মালতীকেও আদালতে টেনেছিল। কিন্তু সে বেকসুর খালাস পেয়েছিল।

পুলিস বসন্তকে কম্যুনিষ্ট বলেছিল। কিন্তু ম্যাজিস্ট্রেট হেসে জিজ্ঞাসা করেছিলেন উকিলকে—জমিদার ধনীদেব সঙ্গে ঝগড়া করলেই সে কম্যুনিষ্ট হয় নাকি ? তা হলে তো কংগ্রেস জমিদারি উচ্ছেদ সমর্থন করে—তারার কম্যুনিষ্ট হয়ে গিয়েছে। এ ছোকরা তো সেদিন কংগ্রেস ফ্লাগ নিয়েই শোভাযাত্রা করেছিল। তাতে অবশ্য রক্ষাও পায় নি বসন্ত।

স্বপ্নে যাবার সময় বলেছিল—কংগ্রেস ছাড়লাম আজ। মালতী—খবরদার আর ওদের ডাকে যাবে না।

তা যায়নি মালতী। গৌরীবাবু ছ’ একবার ডাকে ডাকে পাঠিয়েছিল—সে বলেছিল—না।

শ্রীমস্তের দোকান মালতীই চালাতে লেগেছিল। বাপের দোকানে বাপের পাশে বসে বেচাকেনা সে দেখছিল—বাড়িতে শ্রীমস্ত না থাকলে খন্ডের এলে সে-ই জিনিস বেচত। বাপের জেল হলে সে-ই হাটে দোকান নিয়ে এসে বসত ধরনী জেঠার দোকানের আধখানাতে।

ধরনী জেঠাও বলত—বেশ করেছ মা ওসবে যাও নি। ওসব ওই গৌরীবাবুদেরই ভাল। ইউনাইন নোডের পেসিডেন—ভোট মিটিং ওয়া করে ওদেরই ভাল। শ্রীমস্তকে কতবার বলেছি—তুই ওসব করিস না। আর ওস্তাদের ছেলের কথা বাদ দাও। মহীরাবণের বেটা অহিরাবণ মাটিতে পড়ে পড়ে যুদ্ধ করে—এ মা তার চেয়েও সরস। ওস্তাদের বেটা লাটসাহেব। এই রকম ভূঁইকোড় সেকালে ছিল না মা। এই একালে হয়েছে। ছ’ পাভা ইংরেজী আর ওই বন্দেমাতরম্—বুরেচ—এতেই ওদের ডিম ফুটে শাপের ভেঁকা হয়ে অন্য। ইসব মা বলতে গেলে গাঙ্গীই করে গেল!

মালতী মনে মনে হাসত। হাসির কারণ অনেক। ইউনাইন বোড, পেসিডেন—তারপর এই ভয়—এতে ওর হাসি পেত। আবার বলত—তোমাদের সময়টা এখন ধারাপ মা!

চাঁপা মাসীও বলত—মাসী সমরটা খারাপ পইড়েছে। সাবধানে চলবা।

তবে চাঁপা ধরনী জেঠার মত নয়। বসন্ত সম্পর্কে বলত ইবার পোলাটা লীডার হইয়া গেল। জ্যালা খাটল। ইবার উট্টিক ভোট করবে। দেখিয়ে তুমি। তবে হ্যাঁ। সাহস আছে—বুকের পাটা আছে! তা আছে! ইবার আর নাগাল পাবা না। দেইখো!

মনে মনে সে বলত—দেখো তুমি।

হঠাৎ এরই মধ্যে ঘটে গেল আর একটা কাণ্ড। খোকাঠাকুরের কাছে কেনা পুকুরটা গন্ধেবরীডলার ভাষ্যকওয়ারা বাসুদেব দোবে একদিন দখল করে বলল জোর করে।

চাঁপা মালতীকে নিয়ে গিয়েছিল ছুটে।

মালতী চীৎকার করে বলেছিল—এ কি দোবে মশায় আমাদের পুকুরে জোর করে মাছ ধরাও ক্যানো? এ কি মগের মলুক না জোর যার মলুক তার এর দেশ!

বাসুদেব বলেছিল—এ পোখোর আমি কিনলাম দে বাবুর কাছে!

—পুকুর দে বাবুর নয়। পুকুর আমাদের। খোকাঠাকুরের কাছে কিনেছি আমরা।

—পুকুর খোকাঠাকুরের বাপকে দে বাবু ভোগ করতে খেতে দিয়েছিল—বিক্রি করে নাই। দান ভি করে নাই। মুখে বলিয়েছিল—তোমার পোখোর নাই—ওটাতে মাছ ফেলাও, খাও। তবে দান কি বিক্রী ই করতে কোন ক্ষমতা উকে দেয় নাই। কুনো দলিল থাকে তো দেখাও। কোটে বাও।

ধরনী জেঠার কাছে গিয়েছিল মালতী। ধরনী জেঠা বলেছিল—তাইতো মা এ তো খুব ঘোর প্যাচের কাণ্ড। দলিল তো কিছু করে দেয় নি দে বাবু। সে আমলের লোক—তাদের মুখের কথাই নাম ছিল। তা বলতে তো পারছি না। চল বরং ওই ভূতি সরকারের কাছে চল। ও আইনকানুন বোঝে। এ চাকলার জমি জেরাত বড় এসব ওর সব জানা। ও বলতে পারবে।

ভূতি সরকার বলেছিল—প্যাচের ব্যাপার বটে। জটিল ব্যাপার। গত সেটেলমেন্টে পরচার পুকুর দে বাবুদের নামে। নাথরাজ। ভারপর বাবু মুখে দান করলে। কোন দলিল করে দেয় নাই। নাথরাজের সেস দিতে হয়। তাও ঠাকুররা কখনও দেয় নাই। ওই দে বাবুরাই দিয়ে এসেছে। আর পাঁচটা নাথরাজের সঙ্গে বেমন দিত তেমনি দিয়েছে। প্রমাণ ছিল দখল; তা বাসুদেব বেদখল করে দিলে। শ্রীমন্ত জেলে। এখন দখল করে নিলে, বেদখল করা সহজ নয়। মুশকিল বটে বাপু। আসল ব্যাপার—শ্রীমন্ত বাবুদের সঙ্গে বগড়া করে এল। ওই বসন্ত ছোকরার সঙ্গে নাচল। বাবুদের রাগ হয়ে গেল। খুঁজতে খুঁজতে পেয়ে গেল ফাঁক। দলিল নাই, সেস বাবুরা দেয়, পরছা বাবুদের নামে; শ্রীমন্ত জেলে—ওরা বাসুদেবকে ভেঙে দিয়ে দিলে দুশো টাকাত্তে। বাসুদেব দোবের ব্যবসা ওই, ফৌজদারি মাফলা কেনে। মুশকিল বটে বাপু। তা থানায় একটা জায়েরী করে রাখ। ফৌজদারি করে তো আটকাতে তোমরা পারবে না। মেয়ে-ছেলে হাজার হলেও।

কথাটা শুনে মালতী বলেছিল—আমি যাব।

তার মনে পড়েছিল বসন্তের দৃষ্টান্ত। সে একদিন এখানকার ইঁদুলে ছেলেদের ইঁদুলে বেতে

বারণ করেছিল। শোভাযাত্রা বের করবে। তার জন্তে সে কতকগুলো ছেলের ইঁহুল চোকা বন্ধ করতে রাস্তার উপর শুয়ে পড়েছিল। সে তাই করবে। শুয়ে পড়বে পুকুরবাটে, যখন জাল তুলবে তখন পথ বন্ধ করে শুয়ে পড়বে।

তাই সে করেছিল। কিন্তু ফল কিছু হয় নি। বাসুদেব তাকে লোকজন সাক্ষী রেখে পীজাকোলা করে তুলে উপরে এনে শুইয়ে দিয়েছিল। মালতী রাগে কেঁদে ফেলে বাসুদেবকে গালাগাল করে নিফল হয়ে ফিরে এসেছিল।

তিন মাস পর ফিরল শ্রীমন্ত। এ শ্রীমন্ত আরও উগ্র শ্রীমন্ত। সে ফৌজদারি করবার জন্ত প্রস্তুত হল। কিন্তু বাসুদেব খানায় খবর দিয়ে আদালত থেকে শ্রীমন্তের উপর নোটিশ করালে। যেন সে পুকুর দখল করতে হাঙ্গামা করতে না যায়।

শ্রীমন্তও গেল খানায়। সেও পালটা মামলা করে নোটিশ করালে বাসুদেবের উপর। এরই মধ্যে ঘটে গেল চরম দুর্ঘটনা।

৩:। শরীরটা শিউরে ওঠে সে কথা মনে পড়লে। অন্ধকার রাগি ছিল—

হাটের আলোর ওধারেও তেমন অন্ধকার থমথম করছে। হাটটা ভাবছিল তখন। ধরনী দাস জিনিসপত্র বাঁধছে। বাঁধছে ধরনী মূটেটা। ধরনী জেঠা তহবিল মিল করছে। আলু পেরোজওয়ালারা বিক্রি না হওয়া আলু পেরোজ বস্তার পুংছে। বেগুনওয়ালারা এখনও হাঁকছে—সস্তা বেগুন—সস্তা বেগুন।

কতকগুলো ছোট ছেলে পড়ে থাকা আলু পেরোজ লকা পুঁইয়ের পাতা শাক কুড়িয়ে বেড়াচ্ছে।

খিলখিল করে কে হাসছে? চুনারিয়া? টিক্লি?

না। তারা নয়। অল্প কেউ। হাটে অনেক চুনারিয়া টিক্লি আসে। কি বলছে? কথাগুলো ভেসে এল—ও মাঃ! আমার জন্তে ভাবছ? কার সঙ্গে যাব? আমার মরা সোয়ামী ভূত হয়েছে হে। আমার সঙ্গে সঙ্গে ফেরে।

বুঝতে পারলে মালতী কোন যুবতী বিধবা বলছে কথাটা। সাহস তার খুব।

ধরনী বললে—মা এলে—তা ঝুড়িটাও খুললে না। বসেই থাকলে। এবার তো হাট ভাঙছে মা। বাড়ী যাব। তুমি বাড়ি যাও।

—হ্যাঁ জেঠা যাব। আজ আর খুললাম না। খুলতে ইচ্ছেও হল না। বসে বসে দেখলাম আর ভাবলাম। কাল থেকে নানান কথা মনে পড়ছে।

—পড়বেই মা। পড়ারই কথা। কিন্তু তুমি কি দোকান করবে মনে করছ?

মালতী বলল—করতে তো হবে কিছু। খেতে তো হবে। মাসী ভিক্ষে করে। আমি তো তা পারব না।

—হ্যাঁ চাঁপাবউ ভিক্ষে করে। আমি বলেছিলাম মা। চাঁপাবউ কাজকর্ম করে তো খেতে পার। ঝুড়ি ভেঙ্গে দিতে পার, জল তুলে দিতে পার লোকের। অনেক বাড়ি হয়েছে।

লোকেরা সকলে ঝি রাখতে পারে না, ঠিকতে জল তুলিয়ে নেয়। পাঁচ সাত বাড়ি ঠিকের কাজ করলে পয়ত্রিশ টাকা চল্লিশ টাকা হবে। তা বললে—তাও করব। কিন্তু বোষ্ট্রুমের মেয়ে গৌর বলে ভিক্ষা করে ধন্যটা রাখি। দিনে তো গৌর নাম হরির নাম হয় না—ভাসুর! দেখ তোমার ভাই বোষ্ট্রুম হয়েও নাম করত না। খেটে খাওয়ার গরবে বিষয়ের তাপে সক ভুলেছিল। কী লোভ আর কী হিংসে বল; কথা হল কেউ মাছ ধরবে না—কেউ পুকুর দখল করবে না আদালতে বিচার না হওয়া পর্যন্ত। তা সে ধৈর্য হল না। জ্যোতানে চুরি করে মাছ ধরতে গেল।

(৮)

বড় বড় মাছ অনেক যত্নে তৈরী করেছিল শ্রীমন্ত। দশ সের, বারো সের, দু'একটা পনের যোল সেরও ছিল। সেগুলো ঝই বা মিরগেল। পাঁচ সাত সের মাছ ছিল অনেক। মধ্যে মধ্যে লোকের ক্রিয়াকর্মে বিক্রি করত শ্রীমন্ত। আশী নব্বুই একশো টাকা মন।

সেই মাছগুলো সবই প্রায় ধরিয়ে নিয়েছিল বাসুদেব দোবে। গাঁয়ে বিলি করে দিয়েছিল প্রথম দিন।

বাসুদেব দোবে হিন্দুস্থানী বামন, নিজে মাছ খায় না কিন্তু ছেলোগিলেরা খায়। মাছের জন্ত বাসুদেব পুকুর কেনে নি! পুকুর কিনেছিল পুকুরের জন্ত সম্পত্তির দ্বস্ত। সস্তায় সম্পত্তি সে কিনেছে। তাই সে কেনে। বিবাদী সম্পত্তি সস্তায় কেনাই তার কাজ। মামলা মকদ্দমাও সে বোঝে। জানে।

শ্রীমন্তের আক্ষেপের সীমা ছিল না। জেদেরও অন্ত ছিল না। সে মামলার জন্তে ওস্তাদকে ধরেছিল। ওস্তাদের সঙ্গে শহরে যেত মামলা করতে। মামলার গতি শামুকের চেয়েও আস্তে। সেই গতিতেই মামলা চলছিল। শ্রীমন্তের ধৈর্য থাকতে থাকতে ভেঙ্গে গেল। আশ্বিন মাস। ভরা পুকুর। চড়া রোদের সময় মাছগুলো খাবি খায়। যখন বর্ষণের চল নামে তখন পাড়ের ধারে ধারে এসে দামদল নেড়ে বেড়ায়। বড় বড় মাছ।

একদিন গভীর রাত্রে গিয়ে সে চারাকাঠি পুঁতে এল। মাছগুলোকে জ্যোতানে ধরে খেয়ে শেষ করবে সে। কোন দিন সে এক সময়ে বের হত না। কোন দিন ছুপুর রাতে, কোন দিন শেষ রাতে, কোন দিন লোকজন শোবামাত্র সে গিয়ে চার কেলে আসত। চারাকাঠির মাথাটা এমন সুল্লর কৌশলে পুঁতেছিল যে সে ছাড়া আর কেউ ধরতে পারত না। মালতীকে সঙ্গে নিয়ে যেত। মালতী পাহারা দিত—সে চারা ফেলত জলে। নিশকে নেমে চারার ধলি বেঁধে দিয়ে আসত সাত দিন পর প্রথম মাছ ধরেছিল জ্যোতানে। মালতীর হাতে দিয়ে ছিল একটা খেঁটে। মাছটা মাটিতে আছড়ে পড়বামাত্র সে খেঁটে দিয়ে মাথায় মেয়ে মেয়ে ফেলত। তারপর মাছটা নিয়ে বাড়ি এসে গর্ত খুঁড়ে পুঁতে ফেলত। মাছ রাখা করলেই আনা জানির ভয় ছিল।

চারটে মাছ মারবার পর পাঁচ দিনের দিন।

সেদিন পড়েছিল একটা রুই মাছ। বাবো সেয় রুই। বাপ মেয়ে মাছটা বাড়ি এনে ফেলে হাঁপাচ্ছিল। চাঁপা দরজা বন্ধ করে দাঁড়িয়েছিল। শ্রীমন্ত সেদিন মাছটা পুঁতে গিয়ে পৌতে নি। বলেছিল—রুইমাছ—কেটে ফেল। মুড়োটা আর পেটিটা রাখ। বাদবাকীটা পুঁতে দেব। কাট।

মালতী মাছ কুটত ছেলেবেলা থেকে। চাঁপা বলত—ওরে বাবা—ও রক্ত দেখবারে আমি পারি না বাপু!

মালতী হাসত।

মালতী মাছ কুটছিল। বটিটা ছিল শ্রীমন্তের বরাত দিয়ে তৈরী করানো ধারালো বটি। মুণ্ডটা কেটে ফেলেছে। পেটের ভিতর থেকে নাড়ীকুঁড়িগুলো বের করছে—শ্রীমন্ত উণু হয়ে বসে সতৃষ্ণ নয়নে দেখছিল আর আক্রোশভরেই বলেছিল—শালা!

বারবার বলছিল। একবার দুবার বলে তৃপ্তি হচ্ছিল না তার। ঠিক এই সময় চাঁপা বারান্দা থেকে একটা ভয়ানক চীৎকার করে উঠেছিল—আ—।

কি হল তা বুঝবার আগেই পাঁচলের উপর থেকে সশব্দে লাফিয়ে পড়েছিল বাসুদেব দোবে।

—শালা—চোট্টা—হারামি কাঁহাকা!

শ্রীমন্ত বলশালী লোক। কিন্তু বাসুদেব আরও বলশালী; তার উপর অতর্কিতে লাফিয়ে পড়ে শ্রীমন্তকে নীচে ফেলে তার গলাটা টিপে ধরেছিল।—শালা চোট্টা!

শ্রীমন্ত আশ্চর্যের কোন সুরোঁগ পায় নি—শুধু একটা শব্দ তার গলা থেকে একটা বীভৎস গোঙানির মত বেরিয়ে এসেছিল।

সে হতভয় হয়ে বটির উপরেই বসেছিল। চাঁপা ছুটে গিয়ে বাসুদেবকে ধরে টেনেছিল পিছন থেকে—ও গ মইরা গেল—মইরা গেল—ও গ।

বাসুদেব একটা হাতের কাঁকানি দিয়েছিল তাকে। এমন সজোরে সে কাঁকানি যে চাঁপা পড়ে গিয়েছিল আছাড় থেকে। ভবুও সে চীৎকার করেছিল—মালতী!

মালতীর মাথায় খুন চেপে গিয়েছিল। রাগে তার কোন জ্ঞান ছিল না। সে বটিটা তুলে নিয়ে ছুটে এসে একটা কোণ বসিয়ে দিয়েছিল বাসুদেবের ঘাড়ে। বা কাঁধে গলার নীচে বটিটা প্রায় আধখানা বসে গিয়েছিল।

বাসুদেব একটা চীৎকার করেছিল। জঙ্কর মত। আ—। তার সঙ্গে চাঁপা সতয়ে চীৎকার করে কেঁদে উঠেছিল—ও গ—কি করলা মালা গ!

ওদিকে সদর ভেঙে ঢুকেছিল বাসুদেবের লোকেরা।

মালতীর চোখের সামনে আর কিছু ছিল না। ছিল রাতের অন্ধকারের মধ্যে যেন গাঢ় কাল রঙের অনেকটা কিছু। কিন্তু গরম। উঃ কী গরম!

শ্রীমন্ত মরে নি। মরেছিল বাসুদেব। হাসপাতালে দুজনকেই নিয়ে গিয়েছিল। শ্রীমন্তও অজ্ঞান ছিল। বাসুদেবও কিছুক্ষণের মধ্যে অজ্ঞান হয়ে গিয়েছিল কিন্তু তার আগে সে

বলেছিল—ওই মেয়েটা—ওই মালতী বটি দিয়ে কুপিয়ে দিলে আমাদের।

হাসপাতালে মরবার আগেও তার একবার জ্ঞান হয়েছিল—তখনও সে বলে গিয়েছিল একথা পুলিশের কাছে—একজন হাকিমের কাছে।

মালতীও অস্বীকার করে নি। বিহ্বলের মত হয়ে গিয়েছিল—তার মধ্যেই সে বলেছিল—
হ্যাঁ। বাবা গোড়াছিল, চাঁপা মাসী ছাড়াতে গেল—তাকে ঝটকা মেয়ে ফেলে দিলে—আমি
মাছ কুটছিলাম বটি নিয়ে—আমি বটিটা নিয়ে গিয়ে কোপ মারলাম।

* * *

সারা রাত্রি হাজতে সে উপুড় হয়ে পড়েছিল। ঘুম আসছিল কিন্তু আঁতকে ভেঙে যাচ্ছিল।
আধ ঘুমের ঘোরে সে ভয় পেয়ে কেঁদে উঠছিল। একটা আতঙ্কিত কান্না—উ—!

৬ঃ—সে কী রাত্রি!

সকালে উঠে তার দাঁড়বার ক্ষমতা ছিল না। খানার দারোগার মারা হয়েছিল। তের
চৌদ্দ বছরের মেয়ে! তাকে খাইয়েছিল স্নান করিয়েছিল। তারপর তাকে সদরে চালান
দিয়েছিল।

সে মিথ্যা কথাও বলে নি। ছোট আদালতেও না—দায়রা আদালতেও না।
চাঁপা মাসী গুস্তারকে সঙ্গে করে সদরে এসে তার সঙ্গে দেখা করেছিল। তখনও শ্রীমন্ত হাস-
পাতালে। সেও অধম কম হয় নি। গলাটা তার বসে গিয়েছিল। দায়রা আদালতে তার
বিচারের সময় শ্রীমন্ত এসেছিল। সেই শক্ত জ্বরদন্ত চেহারা তার বাবার—সে যেন ভেঙে চুরে
কী হয়ে গিয়েছিল। শুধু হাড় শুধু হাড়। চোয়ালটা উঁচু হয়েছে। কহুর হাড়গুলো উঁচু
হয়েছে। চোখ দুটো বসে গেছে। গাল তুবড়ে গেছে। ভয় করত। আর হাঁপাতো
গলাটা ধরা ধরা হয়ে গিয়েছিল।

শুধু কানতো। আদালতের মধ্যেই দেওয়ালে ঠেস দিয়ে দাঁড়িয়ে থাকত আর চোখ থেকে
জলের ধারা গড়িয়ে আসতো অনর্গল।

সে নিজে প্রথমটা বিহ্বল হয়ে গিয়েছিল। জেলখানার উঁচু পাঁচিল ওয়াল বিরাট ঘোরার
মধ্যে আর একটা ছোট ঘেরা জায়গা। সেটা মেয়েদের জেল। মেয়ে করেদী পাহারা দেয়।
একখানা বড় লম্বা ঘরে মেয়ে করেদীরা থাকে। তখন আটজন ছিল। তিনজন মুসলমানের
মেয়ে। পাঁচজন হিন্দু। একটি অন্নবরসী বামুনের বিধবা ছিল। বিধবা হওয়ার পর তার
ছেলে হয়েছিল। সেই ছেলেকে সে গলা টিপে মেরেছিল। তিনজন মেরেছে স্বামীকে।
বাকী তিনজন চোর। একজন ছিল আধবরসী। খুব পরিস্কার পরিচ্ছন্ন। খুব কথা।
সুন্দর কথা। গান গাইতো ভাল। সে বলত—আমি কিছু করি নি। কিন্তু অস্ত্রেরা বলত
—মেয়েদের ভুলিয়ে সে বাড়ি থেকে বের করে এনে বিক্রি করত। আবার বোম্বাস্তিও
করাতো। তার জন্তে জেল হয়েছে তার।

সব কথা তার ভাল মনে পড়ে না ওই সময়কার। সে যেন কেমন হয়ে গিয়েছিল।
একটা দুর্বল ভয় ছিল—খুন করলে ফাঁসি হয়। সে খুন করেছে।

জোবেদা ছিল আধবরসী মেয়ে। বড়ো যোক্তারের স্ত্রী। আশনাই ছিল তার মোক্তারের

মহরীর সঙ্গে। তার সঙ্গে ষড়যন্ত্র করে বিব দিগে মেরেছিল স্বামীকে। ছেলে হয় নি বলে বুড়ো মোক্তার আবার বিয়ে করতে বাচ্ছিল। জেল হয়েছে দশ বছর। সে মহরীর পাঁচ বছর।

জোবেদা তাকে বলেছিল—ভেবো না মেরে। ফাঁসি তোমার হবে না। আমি আইন জানি। তোমার বরস কম। তা ছাড়া তোমার বাবাকে খুন করছিল—তুমি তাকে বাঁচাতে বাঁটির কোপ মেরেছিলে রাগের মাথায়। খুন করব বলে কোপটা মার নি।

ওই আধবয়সী সুলীলা বলেছিল—ভাবিস নে ছুঁড়ী তুই বেকশুর খালাস পাবি। কচি মুখ—ঢলঢলও আছে। আদালতে ফ্যালফ্যাল করে তাকাবি। খুব ভাল মানুষ সেজে থাকবি। বুঝলি—ওই মুখ দেখেই সব ভুলবে। উকিল ফুকিল সব। যেমন এখন তাকিরে আছিস আমাদের দিকে এই তাকানি তাকালেই হবে।

সত্যই সে বিপ্লবের মতই তাকিরে থাকত। ওই উঁচু দেওয়াল—এত লম্বা একখানা ধর—উঁচু ছাদ; এক আকাশের আলো আর বাতাস ছাড়া বাইরের কোন কিছু আসত না। শব্দও না। মধ্যে মধ্যে কখনও সখনও হঠাৎ হয়তো একটা গোলমাল ভেসে আসত। জোবেদারা কৌতূহলী হয়ে উঠত—কী হল?

মেরে মেটকে জিজ্ঞাসা করত—কী হয়েছে আজ বাইরে? জান?

কখনও খবর মিলত কখনও মিলত না। ওদেরও কৌতূহল ফুরিয়ে যেত। প্রথম প্রথম ওর এই ধ্বনি শুনেও কোন কৌতূহল কোন প্রশ্ন মনে জাগত না। শুধু আলো আর রোজের মধ্যে যেন খানিকটা মনে হত এই সংসারের মধ্যেই আছে সে। এই দেওয়ালের বাইরে সেই পৃথিবী আছে যেখানে ভুবনপুরের হাট বসে। রাস্তা দিয়ে লরী যায়। গাড়ি যায়। যেখানে চাঁপা মাসী আছে। বাবা আছে।

রাজে মনে হত বসন্তের কথা। রাজে জেলখানাটাই সব পৃথিবী হয়ে উঠত। মনে হত এর বাইরে আর কিছু নাই। তখন মনে হত বসন্ত তো এখানেই আছে। প্রথম ছ' দিন তার মনে হয় নি। তৃতীয় দিনে হঠাৎ মনে পড়েছিল বসন্তকে। বসন্ত জেলে আছে। আর এই জেলেই আছে। রাজে শুয়ে ভাবত প্রশ্ন করত—কোথায় আছে বসন্ত? কি করে খবর তাকে পাঠাবে।

জোবেদাদের তখন নাচগানের আসর বসত।

ওই প্রৌঢ়া গান করত—জোবেদা বসে শুনত। নাচত হামিদা আর কমলা বলে দুজন। বামুনের বিখবাটি পিছন কিরে শুয়ে থাকত। ও মেরেটা ছিল কেমন। ও নাকি লেখাপড়া জানা মেরে।

সুলীলা অঙ্গীল গান গাইত। ওরাও অঙ্গীল ভকী করে নাচত।

মালতী ভাবত বসন্ত কোথায় আছে? কী করে দেখা হবে?

ক্রমে সে সহজ হয়ে এল। সব সরে গেল। জানালার ধারে বসে থাকত আর ওদের কথা শুনত। বেশ লাগত। রাজে নাচগান তাও দেখত শুনত।

এরই মধ্যে বিচার আরম্ভ হল। ক'দিন একজন উকিল এসেছিল! তাকে বলেছিল—

অনেক কথা বলেছিল। কিছু মনে থাকে নি। একটা কথা মনে আছে—বলেছিল—তুমি একটা কথা বলবে। আমি নির্দোষ!

প্রথম যেদিন স্ক্রল থেকে বেরিয়ে আলমেরা গাড়িতে শহরের ভিতর দিয়ে আদালতে এসেছিল সে সেদিন সারা পথটা এই জ্বাল মুখ রেখে চোখ চেয়ে দেখতে দেখতে এসেছিল।

ওঃ কত লোক। ওই রাস্তার কত লোক কেমন চলেছে। কত আলো কত কলরব। ভুবনপুরের ছাট মনে পড়েছিল।

আদালতে বাবাকে দেখেছিল। চিনতে পারে নি তাকে সে প্রথম দৃষ্টিতে। ওই রোগা চোখবসা—এ যেন সেই দুর্দান্ত সবল বাবার প্রেত। কঙ্কাল! সে কঁদেছিল। তার বাবাও কঁদেছিল।

আদালতে দাঁড়িয়ে আবার সে বিহ্বল হয়ে গেল। জজ সাহেব জুহী উকিল চাপরাসী কনস্টেবল অনেক লোক দেখে বুক তার টিপ-টিপ করতে লেগেছিল, গলা শুকিয়ে কাঠ হয়ে গিয়েছিল। মনে হয়েছিল জ্ঞানবেদা তাকে মিছে কথা বলে সান্ত্বনা দিয়েছে, প্রোটা বিরাজ তাকে ঠাট্টা করেছে। এরা সকলেই কিভাবে তার দিকে তাকিয়ে আছে। সকলের দৃষ্টিতে দেখেছিল সে ভিন্নস্বার! কেমন হয়ে গিয়েছিল সে!

একজন তাকে জিজ্ঞাসা করেছিল—তুমি দোষী না নির্দোষ?

সে বিহ্বলের মতই বলেছিল—এঁয়া?

—তোমাদের গ্রামের বাসুদেব দোবেকে তুমি ঝট্টার কোপ মেয়ে খুন করেছ? পুলিশ বলছে—

আর কিছু বলতে দেয় নি সে, সে কথার মাঝখান থেকেই বলতে আরম্ভ করেছিল, হ্যাঁ আমি মাছ কুটছিলাম ঝট্টাতে। বাসুদেব পাঁচল ভিড়িয়ে লাফিয়ে বাবার উপর পড়ে বুক বসে গলা টিপে ধরেছিল। চাপা মাসী চোঁচিয়ে কঁদে উঠল—মরে গেল। বাসুদেব তাকে হাতের ঝটকা দিয়ে কেলে দিলে—আমি উঠে ঝট্টা নিয়ে পিছন থেকে ওর ঘাড়ে কোপ মারলাম।

তার উকিল কি বলতে গিয়েছিল কিন্তু তাকে বলতে দেয় নি। জজ সাহেব বায়ণ করেছিল। আবার তাকে জিজ্ঞাসা করেছিল—তুমি তাকে মেরেছিলে সে তোমার বাবাকে মারছিল বলে? না তার ওপর তোমার রাগও ছিল?

সে বলেছিল—রাগও ছিল। আমাদের পুকুর জোর করে কেড়ে নিয়েছে সে। জোর করে মাছ ধরাচ্ছিল—আমি ঘাটে সত্যগ্রহ করে গুরেছিলাম—আমাকে কাদা মাথিরে জোর করে তুলে নিয়ে পথের উপর ফেলে দিয়েছিল।

এখন সে বুঝেছে সেদিন ওসব কথা বলতে হত না। বলতে নেই।

চাপা মাসী মধ্যে কথা বলেছিল একটু। বলেছিল বাসুদেব তাকে ঝটকা মেয়ে ফেলে দিলে তার জ্ঞান হারিয়েছিল। এখন জ্ঞান কিরে পেলে তখন দেখেছিল অনেক লোক বাড়িতে। বাসুদেব দোবে রক্তে ডানছে—পড়ে আছে, তার কাঁখে কোপের দাগ।

তিন বছর জেল হয়েছিল তার।

তিন বছর জেল তাকে খাটতে হয় নি—তু' মাসের উপর কমে গেছে। খালাস পেয়ে কাল সন্ধ্যাবেলা বাড়ী ফিরেছে।

জেলখানার সে অনেক বড় হয়ে গেছে। বরসে বেড়েছে। রূপ'তার নাকি আশ্চর্য রূপ হয়েছে। মাঝা মাঝামঝাম রঙ তার ফর্সা গৌরবর্ণে দাঁড়িয়েছে। শুধু তাই নয় চাঁপা মাসী বলেছে—কী কইব মাসী! দেইখ্যা মনে লয় যেন কোন রাজকন্তে দাঁড়াইল আইসা। আ মরি—মরি—মরি!

বাবার কথা মনে করতে করতেই সে স্টেশন থেকে নেমে একটা রিক্শা করে এসেছিল বাড়ি। স্টেশনে রিক্শা দেখে একটু অবাক হয়েছিল। এখানে রিক্শা? তারপর পিচ দেওয়া পথটা। তারপর এক জায়গায় অনেক লরী। রিক্শা ড্রাইভার বলেছিল এটা লরীর আড্ডা। স্টেশন থেকে মাল নিয়ে যায় ভুবনপুর। মিলের চাল নিয়ে এসে পৌঁছে দেয় স্টেশনে। তারপর দেখেছিল লম্বা লম্বা খুঁটির মাথায় তার। শুনেছিল ইলেকট্রিক লাইট হয়েছে। বাবা শ্রীমন্ত মারা গেছে তু'বছর। জেলেই থবর পেরেছিল। তখন সে বহরমপুর জেলে। প্রথম শোকটা খুব লেগেছিল। ক'দিন অনেক কঁদেছিল। তারপর জেলের মতই সয়ে গিয়েছিল। ওকে বলেছিল মেয়ে কয়েদী সুষমা। বেখা ছিল সে। মস্ত বড় ডাকাতের প্রেমসী ছিল। খুন করেছিল সেই ডাকাতকেই। সে ভালবেসেছিল অস্ত্র মেয়েকে। সুষমার বাড়িতে তার সঙ্গে পাওয়া গিয়েছিল ডাকাতের মাল। বারো বছর জেল হয়েছে। বরসে সে অনেক বড়। তবু ভালবাসত মালতীকে। সে মালতীকে বলেছিল—কাঁদিস নে মালতী। এখানে কাঁদতে নেই। জেলখানা না গুমখানা। গুম হয়ে থাকবি। কাঁদবি নে। কী হবে কঁদে।

তবুও সে কঁদেছিল। ধামতে পারে নি। সুষমা বলেছিল—কাঁদতে তো তুই পারছিস? কান্না তোর আছে? আমাদের তো নেই। চোখের জল বোধ হয় শুকিয়ে গেছে।

তাই গিয়েছিল ক'দিন পর। এর মাসখানেক পর চাঁপা যখন ওর সঙ্গে দেখা করতে এসেছিল, বসন্ত সঙ্গে নিয়ে এসেছিল চাঁপাকে—সেদিন চাঁপা কঁদেছিল মালতী কাঁদে নি। তার চোখ ছিল বসন্তের উপর।

বসন্তের সলেই কথা হয়েছিল তার চোখে চোখে। বারবার বিষণ্ণতাকে মুছে দিয়ে ঠোঁটের কোণে হাসি ফুটে উঠেছিল।

আজ স্টেশনে নামবার আগে বাবার কথা তার মনে পড়েছিল। সেই মনে পড়াটাকে প্রাণপণে আঁকড়ে জড়িয়ে ধরেছিল। ইচ্ছে করে চেঁচা করে অস্ত্র মাহুয অস্ত্র চিন্তাকে দূরে ঠেলে রেখেছিল। বারবার বসন্ত যেন বাবাকে মৈলে মনে আসতে চাচ্ছিল। কিন্তু সে তা দেয় নি। এখানকার নানান পরিবর্তন দেখে বিস্ময়—সেও বাবাকে তার আড়াল করে এসে দাঁড়াতে চাইছিল। চোখের সামনেকার প্রত্যক্ষ বাস্তব লরী ইলেকট্রিক পোস্ট পিচের রাস্তা গার্লস স্কুলের বাড়ী মিলের চিমনি দস্তদের নতুন মটরকার এগুলোকে তো সরানো যায় না। এরই মধ্যে দিয়ে বাড়ীর সামনে এসেও আশ্চর্যভাবে বাবা সব কিছুকে আড়াল করে দাঁড়িয়েছিল। চোখ দুটোর দৃষ্টি হয় থেকেও ছিল না নয়তো বিচিন্তভাবে ভিতরের দিকে ফিরেছিল। এ বিচিন্ত

অভিজ্ঞতা মালতী জেলখানা থেকে নিয়ে এসেছে। হরতো জেলখানাতে এ সকলেরই হয়। নানান জনের নানান হেঁচকির মধ্যে অকস্মাৎ চোখের দৃষ্টি বিচিত্রভাবে যা চোখের উপর নেই তাই দেখত। দেখত সে বসন্তকে।

বাড়ীর দরজাতেই টাপা মাসী সামনেই দাঁড়িয়েছিল। বসন্তকে প্রত্যাশা করেছিল। কিন্তু সে ছিল না। তবু তার জন্তে কিছু মনে হয় নি। অবকাশই হয় নি। বাবা—তার বাবাকেই মনে পড়ছিল। বুকের ভিতরটায় একটা আবেগ যেন কুণ্ডলী পাকিরে ঘুরপাক খাচ্ছিল।

টাপা মাসীর পরিবর্তন চোখে পড়েও পড়ে নি। কপালে তিলক নাকে রসকলি। চূড়ো করে চুল বাঁধা, গলায় মোটা তুলসীর মালা। টাপার চিঠি থেকে জানে টাপা ভিক্ষে করে ধর্মের অন্ন হিসেবে। সে ভগবান ভজ্ঞে।

মালতীর চোখ দিয়ে জল গড়িয়ে এসেছিল। মুখে সে সোচ্চারে বাবা বলে কীদতে পারে নি। টাপা তার মুখের দিকে তাকিয়ে দাঁড়িয়েছিল। অবাক হয়ে দেখছিল। হঠাৎ সে তার হাতে ধরে বলে উঠেছিল—কী কইব মাসী! দেইখ্যা মনে লয় যেন কোন রাজকন্যা দাঁড়াইল আইসা। মরি—মরি—মরি!

তার কথার সুরে আশ্চর্য অকৃত্রিম মিষ্টতা ছিল। যেন মধুর মত। মুহূর্তে বাবা মন থেকে অদৃশ্য হয়েছিল। প্রসন্ন হাসির মত একটি ভাললাগার সুর জেগেছিল মনে। লজ্জাও হয়েছিল। একটু হেসে বলেছিল—বল কী মাসী!

—কী কইব রে কন্তে। মাসী সফল ভুলতে চাইছে মন। মনে সাধ লিছে তোমারে আমার রাধা কইরা আমি হই সখী বন্দা!

.মালতী এবার আরও হেসে ফেলেছিল—বলেছিল—মরণ!

তিন

বাকী দিনটায় কোন কথা বিশেষ হয় নি। প্রতিবেশীদের ছ'টার জন দেখতে এসেছিল তাকে। তারা তাকে দেখে বিস্মিত হয়েছিল। বিস্ময় মালতীর রূপ দেখে আর তার সাজ-সজ্জার মার্জনা দেখে।

খুন করে যারা সাজা পায় তারা জেলখানা থেকে এমন সেজে-গুজে চোখ মুখ নিয়ে ফেরে কী করে।

একজন জিজ্ঞাসা করেই বসল—এই সব কাপড়-জামা তোকে দিয়েছে জেলখানায়?

মালতী বলেছিল—আজকাল জেলখানার বে ভাল খাটনির জন্তে মজুরী দেয়। টাকাতা জমা থাকে। আসবার সময় দেয়। তা থেকেই কিনেছি আমি।

—কী খাটনি তোকে খাটতে দিত? যানি ঘোরাতে হত?

হেসে উঠেছিল মালতী।—যানি? কেন যানি ঘোরাতে দেবে কেন?

মালতী আর ক্যানো বলে না—কেন বলে। তারপর বলেছিল—মেয়েদের যানি ঘোরাতে

হয় না। অল্প কাজ দেয়। কাজ শেখায়। তাঁতের কাজ, শেলাইয়ের কাজ, শতরঞ্জি বোনাও কেউ কেউ শেখে। পুতুল তৈরীর কাজ আছে। যারা ওসব পারে না করে না তাদের চাল ভাল বাছতে দেয়। বই পড়তে দেয়।

—ও মা! তা হলে তো ভাল। খাওয়ারাদিওয়ার ভাবনা নাই—দিব্যি সুন্দর রূপ হয়েছে তোর। এ রূপ তোর ঘরে থাকলে হত না।

—যাও না, গিয়ে থেকে এস না, তোমারও রূপ খুলবে।

সে কিঙ্ক গায়ে মাখল না কথাটা, হেসে বললে—তোর রূপ ছিল খুলেছে। রূপ না থাকলে খুলবে কী করে বল? আমি গিয়ে কী করব?

যালতী বলেছিল—তোমার মত তো খুলবে। কত্তার চোখ জুড়োবে।

—বরস হয়ে গিয়েছে লো। আর তোর মত কী বুকের পাটা আছে লো! যে খুন করে জেলে যাব।

আর একজন মাঝখানে পড়ে বাধা দিয়ে বলেছিল—কী সব কথা বল পাল খুড়ী—ওগুলান কী কথা নাকি? খুন কী ইচ্ছে করে করে নাকি—না করতে পারে মেয়েছেলেতে? হয়ে যায়। ওসব কথা ছাড়।

—ছাড়বে কেন বউদিদি! খুন মেয়েতেও করে; করতে পারে। আমাদের সঙ্গে প্রায় একশো-সোরাশো মেয়ে ছিল—তার মধ্যে খুন করে দশ বছর বারো বছর যাবজ্জীবন জেল খাটছে এমন মেয়ে অনেক ছিল গো।

—বলিস কী?

—হ্যাঁ গো। আর মজার কথা জান—বেশীর ভাগ খুন করেছে স্বামীকে না—হয় ভালবাসার লোককে। বিধ দিয়ে বেশী—একটা মেয়ে স্বামীর মাথাটা একটা ষোটা পাথর দিয়ে ছেঁচে দিয়েছিল।

—হেই মা গো! কী করে দিলে?

—তখিরেছিলাম। তা সে হেসে বললে—কি করব? দেওরের সঙ্গে আশনাই ছিল যে। সে আশনাই এমন হল যে স্বামী কাঁটা হয়ে উঠল। স্বামী চাকরি করত দু'কোশ দূরে বাবুদের বাড়িতে। সন্ধ্যা করে রাতে এসে ডাক দিত। দু' একদিন পেরায় ধরে ফেলেছিল। অসহ্য হল। সেদিন ছুটি নিরে বাড়ি এসেছিল। দুজনায় শুয়ে আছি। সে ঘুমোল আমার ঘুম এল না। ঘরের দরজার বিল ছিল না—একটা আধমুনে পাথর ঠেসান দিয়ে বন্ধ থাকত। আমি উঠলাম—ঘুমিয়েছে—এইবার যাব দেওরের কাছে। নড়তেই বলে—কি? দু'বার তিনবার। তারপর তখন নাক ডাকছে তার। উঠে বেরিয়ে যাব, দোর খুলতে গিয়ে পাথরটাকে আলগোছে সরিয়ে দোর খুলব—পাথরটা তুলেছি। তুলেই মনে হল—ঘুমিয়েছে নাক ডাকছে—এই সময় দিই না পাথরটা দিয়ে মাথাটা ছেঁচে। দিলাম তাই। তা এক ষায়েই ষায়েল—। গোড়াল দু'বার। আমিও আর দু'বা দিলাম। তা জান—ওই হারায়জানা দেওরই দিলে সাকী। ছাড়া পেলে তার সঙ্গে বোঝাপড়া হবে।

—ও বাবা! কী সর্বনাশ!

—কোন জাত মালতী ?

—জাত ছোট বটে তার। কিন্তু ভাল জাত যদিগে বল—বামুন কারেতও আছে। মুসলমানদের মিনা ঘরও আছে। লেখাপড়া জানাও আছে।

—লেখাপড়া জানা ? বামুন কারেত ?

—হ্যাঁ। নির্মালা দিদি বামুনের বিধবা মেয়ে যুবতী মেয়ে—আমার সঙ্গে খুব ভাব ছিল। তার সন্তান হয়ে গেল বিধবা অবস্থায়। ছেলেটাকে মেরেছিল গলা টিপে। তারপর বেশ ভাল ঘরের গিন্নী ছিল—সখবা—লেখাপড়া জানা সুরেশ্বরী দেবী—নিজের ছেলে হয় নি। সতীনপো ছিল—তাকে বিষ দিয়ে মেরেছিল। জোবেদা বিবি মোস্তার আর মিনা লোকের পরিবার। ছেলে হয় নি। স্বামী নিকে করবে ঠিক করেছিল—স্বামীকে বিষ দিয়েছিল। জোবেদা বিবি আচ্ছা মেয়ে। আইন জানে। আমাদের সব দরখাস্ত লিখে দিত। আর—

সরস শ্রুতি স্মরণের কোঁতুকে হেসে উঠে বললে—যা গল্প বলত না রাজে।—ওঃ !

—খুব ভাল গল্প জানে ?

—শুধু গল্প—নাচ—। নাচত। আর এক আধবুড়ী বেড়া ছিল—সে গাইত।

—নাচগান ? নাচগান হয় নাকি ?

—আদ্বৈক রাত। আমরা জন দশেক এক ঘরে থাকতাম—সে একেবারে যোজ় রাজে চলত। ওয়ার্ডার ধমক দিত। জেলারকে বলত। জেলার এসে মাঝে মাঝে বলত—এসব না। এসব না। এসব চলবে না। তা জোবেদা বিবি যা বলেছিল না ! হেসে উঠল মালতী। বললে—জোবেদা বিবি মুখের উপর বললে—সাহেব, আমরাও তো মানুষ গো ! তার উপর যুবতী মেয়ে। আমাদের যৌবনজালা আছে। গান গেয়ে গল্প করে দুখের স্বাদ খোলে যেটাই। তাতেও আপনারা আপত্তি করবেন ? জেলার মুখ রাঙা করে চলে গেল। জোবেদা বিবির রেমিশন কাটলে। তাতে জোবেদা বিবির বয়েই গেল।

ওরা অর্থাৎ হয়ে গেল শুনে। এবং মালতীকে দেখে।

মালতীর যেন একটা নতুন চেহারা বেরিয়ে এসেছে কখন এই কথাবার্তার অবসরে।

প্রথম জনা প্রবীণা পাগ গিন্নীর বিস্ময় চাপা পড়ে গেল, রসপ্রাবল্যের মধ্যে জিজ্ঞাসা করলে—এত সব কয়েদী তো থাকে—সব ডাকাডাক চোর খুনে—এদের সঙ্গে বিয়ে দিলেই তো পারে ? দেখা হয় না লো ? মাগোঃ ! কী করে থাকে এদের মধ্যে লো ! এঁ্যা—তেড়ে আসে না ?

নবীনা বললে—খুড়ী তুমি বাপু কিছু জান না। মেয়ে পুরুষ একসঙ্গে থাকে নাকি। জেল আলাদা আলাদা। জেলের ভেতরেই মেয়েদের জন্তে আলাদা জেল থাকে।

—বহরমপুরে একটা জেল আছে সেটা শুধু মেয়েদের জন্তে। আরে আরে। এই ছোঁড়ারা এই—।

কয়েকটা ছোঁড়া উকি মারছিল। তারা খুনে মালতীকে দেখতে এসেছে। সতরে উকি মেয়ে দেখছে। মালতী তাদেরই বললে—এই ছোঁড়ারা—এই।

তারা পালান ভয়ে।

মালতী খিলখিল করে হেসে বলল—হ্যাঁ আমি খুনে। ঝিটা এখনও আছে—নাক কেটে দেব। পালা। মধ্যে মধ্যে এখনও খুন চাপে আমার।

বলতে বলতে সে স্কোভে জুঁক হয়ে উঠেছে। কী যেন একটা ভীষণ কাঁটার মত তাকে বিদ্ধ করেছে ছেলেগুলোর ভয়ানক দৃষ্টির মধ্য দিয়ে—এই কৌতূহলী মেয়েদের কথার ভিতর দিয়ে। বিদ্ধ হয়তো করেছে অনেককক্ষ কিন্তু যন্ত্রণা অসহনীয় হয়ে তাকে খৈর্ষহারা করেছে এই মুহূর্তে। সে উঠে পড়ল। বললে—পাল দিদি আর পারছি না আমি। বাড়ী যাও তোমরা।

ওরা চলে গেলে সে চাঁপাকে বলেছিল—মাসী এক গ্রাম জল দাও। ভেট্টা পেয়েছে।

চাঁপার বিশ্বয়ের সীমা ছিল না অকস্মাৎ এক নতুন মালতীকে দেখে! কিন্তু সে কোন কথা বলে নি। নীরবে দেখছিল শুনছিল।

খাবার জল দিয়ে চাঁপা তাকে বলেছিল—মাসী এফটা কথা বলব?

—কি বল? তোমারও ভয় হচ্ছে না কি?

—না মাসী। আমারে ভুঁমি জান। ভয় আমি পাই না। তারপরেতে মাসী এই হুঃখের দিনে গৌরচাঁদে ভইজা ভয়ডর আমার কিছু নাই।

—তোমার গৌর তোমার থাক। গৌরভজা ছাড়া যা বলবে বল!

—বিয়া করবা? মালাচন্দন?

—বসন্তদা' কোথা মাসী?

—বসন্ত? আমার কপাল কস্তে। সি এখন মস্ত বড় লোক গ। শীড়ার হইছে। গোটা জিলা ঘুরে বেড়ায়। কলিকাতা যায়। মিটিং করে বক্তৃতা করে। গেরামে জ্বাশে এখন তার খাতির কত।

—এখানে থাকে না?

—থাকে। হু' দিন চার দিন। সেই খোকাঠাকুরের বাড়িটা বিক্রি কইর্যাছে মেয়ে ইন্সুলকে। সেখানে তাদের বোডিং হইছে। ওই হাটের উধারে জায়গা কিন্তা একটা বাড়ি বানাইছে। সেখানে থাকে। সে এখন ইখানকার খবর লিখে খবরের কাগজে।

—কবে আসবে জান?

—তা কি করা কই। তবে আসবে—হয়তো কাল আসবে। ঠিক তো কিছু নাই।

—আমাদের বাড়ি আসে না?

—আস্তে। হু' মাসে এক দিন তিন মাসে এক দিন।

—আমার কথা জিজ্ঞাসা করে না?

—তা করে। সি করে।

—করে? তবে সেই একবার দেখা করে আর একবারও গেল না কেন? আমি চিঠি লিখেছিলাম—তারও উত্তর পাই নাই।

—সে কইছে আমারে। বলে—মালা চিঠি দিছে। দিব আমি জবাব দিব। আর

দেখা করতে আমি গেছি, সি কাজ কাজ কইরা পাগল। যার কখন। ভারে যদি অখন দেখ
মাসী তুমি বলব না কি এই বসন্ত সেই জনা। আমি তো মাসী অরে প্রণাম করি। কি সব
কথা বলে। কিন্তু তার কথা অত কইরা জিজ্ঞাসা করছ—

—সে আমাকে কথা দিয়েছিল মাসী—বলেছিল আমাকে বিয়ে করবে তার বাবা মারা
গেলে। আমি ভুবনেশ্বরতলার ঢেলা বেঁধেছিলাম।

—মালতী!

চাপার কর্তব্যের বিষয় উৎকর্ষা যেন উপচে পড়ল।

—কেন মাসী ?

—ইটা কী কও ? সে বামুন আমরা বহুঁম—

—সে তো জাত মানে না মাসী। তা ছাড়া আমাকে কথা দিয়েছিল।

—মালা!

—মাসী!

একটু চুপ করে থেকে চাপা বলেছিল—সি তুমি ভুল্যা যাও।

হেসে মালতী বললে—ভোলা শব্দ মাসী। এই কাণ্ড ঘটবার আগে সে আমাকে বৃকে
জড়িয়ে ধরে—। সে অকৃষ্টিভাবে সেদিনের কথাগুলি বলে গেল। কোন সংকোচ তার হল
না। একবারের জ্ঞেও কথা মুখে আটকাল না।

কথাগুলি বলে বলে তার মুগ্ধ হয়ে আছে। কতবার বলেছে সে জেলখানার কত জনের
কাছে তার হিসেব নেই। নতুন মেয়ে করেদী এসেছে—তার কাছে তার কথা শুনেছে
নিজের কথা বলেছে। খুনের ঘটনাটাও বলেছে। কিন্তু তার মধ্যে এই কথাগুলিই সব
থেকে ছিল তার নিজের প্রিয় কথা—যে শুনত তার কাছেও মনে হত এই কথাটিই প্রাণে
ধরার কথা। মনে ধরার কথা।

কত রাত্রি সে মনে করেছে বদস্তকে। কোন দিন কেঁদেছে। কোন দিন জেল থেকে
বেরিয়ে বিয়ের কল্পকথা তৈরী করেছে মনে মনে।

গাইগল্পটা ডেকে উঠল। চাপা বললে—অ মা! স্মরণি আইচে। সন্ধ্যা লাগছে লাগে।

উঠল চাপা। মালতী বললে—সেই গাইটা ?

—না মাসী। তা দেহ রাখছে। ইটা তার সেই বড় বেটীটা।

—চল দেখে আসি। বিইয়েছে ?

—হাঁ। বকনা হইচে। ভাল বকনা।

—কত ছুধ দেয় ?

—তা জাড় স্তার দেয় কস্তে। আজ ভোমারে ক্ষীর কইরা দিব।

সে একটা বোগনো বের করে নিয়ে বের হল।

—ছাবেলা ছুধ দোওরাও না কি ?

—হ। ছুধ গাইটা বেশী দেয়। টেকা ছুধাইলে ছু' স্তার খুব দেয়। তা আমি ছুধাই না
মাসী। থাক অর কস্তে থাক। তাই সকালে এক স্তার মাপ দেখ্যা বোগনা তরতি হইলেই

ছেড়া দি। তা পরেতে বাচ্চাটা ধার। আমি চল্যা যাই জল ভোলায় কাজে। চাঁর পাঁচ বাড়ি কাম সেয়া ফিরে বাচ্চাটা বেখে মাটায়ে ছেড়ে দিই। বলি যাও মাঠে ঘাস খাইয়া আস। পরের বাড়ি যাইও না লক্ষী। তা অমন বজ্জাত ছিল অর মা, বেটা অমন লর। কাকর বাড়ি ঢুকে না। পেরথম পেরথম দিগদড়ি দিয়া বেখা দিতাম। দেখতাম টাইনা খুঁটা তুলেও মাঠে পুকুরধারেই চর্যা বেড়ার; কাক বাড়ি মাড়ায় না। তখন থেকে ছেড়া দি। সুরভি আমার পুকুরধারে চরে ঘাস ধার—প্যাটটা অমন কইরা ফিরে আসে ঠিক সময়টিতে। ডাকে। আমি গিয়া দুহাইয়া লই। সোকালের এক স্তার দুখ রোজদারদের ঘরে দি। ই বেলারটা গোরাকাঁদের ভোগ দি। প্রসাদ পাই। আজ ভোমার কল্যাণে গোরাকাঁদে কীর খাওয়াইব। কইব অরে তুমি বিফুপ্রিয়া কইরো না যেন। দুক দিয়ে না।

মালতী হেসে বলল—তুই আমি পাব না মাসী। ওই সাখ্যি ভোমার গোরাকাঁদের হবে না। সুখ আমি আদায় করে নেব।

—ঠাকুর দেবতারে অই কথা কয় না।

—কয় মাসী! জ্বলে বসে ওই কথা আমরা রোজ কইতাম। জ্বোবেদা বিবির তিরিশ বছরের জ্বল হয়েছিল—সঁ ইজিখি আটজিখি খালাস পাবে। ছেলে হয় নি। যুবতী লাগে। বলে এবার গিরে সুখ ঠিক খুঁজে নেব। শেষ না হয় বাড়জী হব।

শিউরে উঠে চাঁপা বললে—ও কথা কয় না মাসী। ছিঃ!

রাজিকালে দুজনে শুয়ে জ্বলখানার জীবনের কথা বলেছিল। তা থেকে এসেছিল ভবিষ্যতের কথা। চাঁপা বলেছিল—তুমি ভাইবো না মালা মাসী। আমি পাটকাম করি—ভিন্কা করি। ঘরটা আছে। গাইটা আছে। ভোমারে খাওয়াইতে আমি পারব। তারপরে ভোমার জ্বহেল তো যে কারণে হইছে—কি কারণে তুমি কোপটা মারছ সেও সকলে জানে। রূপবতী কস্তা বিয়া ভোমার হবে।

মালতী বলেছিল—সে তুমি ৩০বো না মাসী। সে আসুক।

—কে? বসন্ত?

—হ্যাঁ!

—মাসী!

—কি?

—কি আর কইব? মনে তো লয় না আমার!

—তা না নিক!

—তা হলে দেখ!

সকালে উঠে বাপের মনিহারী দোকানের পড়ে থাকা জিনিসগুলো দেখতে দেখতে বলেছিল—মাসী, আমি দোকান করব। বাবা যেমন করত।

—দোকান করবা? পারবা?

—পারব মাসী। বাবার থেকে ভাল পারব।

—বাবার থেকে ভাল পারবা? বিন্দর এবং কৌতুক দুই-ই প্রকাশ পেয়েছিল চাঁপার

মধ্যে।

—হ্যাঁ। দেখো তুমি! খন্দরের ভিড় লেগে যাবে। আমার দরে দর করলেও শেব যা বলব তাতেই নেবে। বাবা এক পরসী লাভ করত আমি চার পরসী লাভ করব। করব না?

—কি কর্যা বলব বল?

—আমি মোহিনী মস্তুর শিখে এসেছি।

—সত্যি?

—তুমি বড় বোকা মাসী। আগে তোমার বুদ্ধি ছিল। গৌর ভঞ্জে বুদ্ধি তোমার শেষ হয়ে গেছে। আমার মত সুন্দরী যুবতী দোকানদারের দোকানে ভিড় করবে না লোকে?

চাঁপা অবাক হয়ে তার মুখের দিকে তাকিয়ে রইল। এ কল্পে কয় কী?

মালতী আবার বললে—হেসে কথা কইলে যে দর বলব তাই দিয়ে জিনিস নেবে।

—মালা!

—কি?

—তোমার বাক্য শুইনা ভয় করে মাসী! এ তুমি কী হইছ গো?

মালতীর ডুক কুঁচকে ওঠে, বলে—তার মানে? কী হয়েছি?

—তুমি নিজে বুদ্ধি নার?

—কী বলছ কী?

—তুমি বুঝি পারছ না—কী কইরা বুঝাই।

মালতী বলেছিল—তোমার সঙ্গে বকতে আমি পারি নে বাপু! যাই হোক তুমি আমার জন্তে ভেবো না। ভাবতে হবে না। আমি তোমার থেকে অনেক ভাল বুদ্ধি। তোমার পাপ পুণ্য ধর্ম ও আমার জন্তে নয়। আমার মত জেলখানার থাকলে বুঝে আসতে। তোমার কিগিগি আর ভিকের পরসায় আমার পেট ভরবে হুঁমুঠো খেয়ে। তাতে আমার মন ভরবে না। যাও বকিয়ে না—নিজের কাজে যাও।

বিকেল হতে-না-হতে সে ঝুড়িতে পুরনো পড়ে থাকা মাল নিয়ে হাটে এসেছিল। ধরনী দাসের দোকানের জায়গাটা ধরনী দাস অল্প কাউকে দিয়েছে কি না সে জানে না—দিয়ে থাকলে ঝোর করে বসবার মতলব নিয়েই এসেছিল। ধরনী দাস তাকে সন্দেহে আস্থান করতেই কেমন যেন নরম হয়েছিল মনটা। তারপর হাটের দিকে তাকিয়ে পুরনো কথা মনে করে এ মালতী যেন পুরনো মালতী হয়ে গিয়েছিল। বসে বসে ভাবতে ভাবতে হাটটা শেষ হয়ে গেল।

রাজি অনেকটা হয়ে এসেছে।

ক'টা? সাড়ে সাড়টা আটটা তো হবেই।

ধরনী দাসকে বললে—আজ চলি জেঠা! আসছে হাট থেকে আমি বাবার মত এসে বলব কিছ। বাবা যা দিত তাই দেব।

ধরনী বললে—মা, তোমার বাবা প্রথমে আমাকে হুশো টাকা দিয়ে দোকানটার ভিন

ভাগের এক ভাগের অংশীদার হয়েছিল। তারপরে তোমার মামলার সময় বিক্রি করেছিল— আমি একশো টাকা ধরাট নিয়ে ভিনশো নিয়েছিলাম। তা—। একটু চূপ করে থেকে বলেছিল—দেখ আমার ইচ্ছে যেকোটাকে বাধিয়ে পাক! ধামটাম গেঁথে ভাল রকম দোকান করি। এর মধ্যে—।

—কিছুদিন তো দেন! তারপর না হয় আমি আলাদা চালা করে নেব।

—কত দিন?

—এই ছ' তিন মাস!

—ছ' তিন মাস?

—ছ' তিন মাস ভিন্ন কি করে হবে জ্যাঠামনি? আবদারের স্বরে মালতী বলে উঠল।

ভারী ভাল লাগল দাসের। মেয়েটা জেল খেটে তো বড় ভাল হয়েছে। কথাগুলি যেমন মিষ্টি তেমনি সাজানো! ক্ষীণ একটি হাসি তার মুখে দেখা দিল। সে বললে—বেশ বেশ মা। তাই বেশ। তাই হবে। তবে বুঝছো তো মা আমিও তো ছা-পোষা মানুষ! তা এমন করে বলছ। তা বেশ।

মালতী মনে মনে বললে—মরণ তোমার! দাঁড়াও না। বসি তো একবার।

দাস আবার বললে—চললে তা হলে?

—বাই। রাত তো অনেক হল।

—হ্যাঁ। তা সদর রাস্তা হয়ে বেয়ো। আলো হয়েছে। ভুবনপুর আর সে ভুবনপুর নাই মা। এই ছ' বছরে একবারে ফুলে ঢোল হয়ে উঠেছে। নানান ধরনের লোক। সুন্দরী যুবতী মেয়ে।

মালতীর মুখের ডগায় এল—ওরে বুড়ো! রসিক তো খুব তুমি!

মনে পড়ল জেলখানার ছিল গোপিনী বলে একটা মেয়ে! তার কাঁকা তাকে ভোগ করেছিল গোপিনীর ধারণা স্বভাবের সুযোগ নিয়ে। গোপিনী খুব হাসত। হেসেই বলত—ওহে সব দেখেছি। কাঁকা বাবার সহোদর—চুল পেকেছে—বিধবা মেয়ে আমি—আমি মজলুম বাড়ির চাকরের সঙ্গে। কাঁকা তারপর—।

কথাগুলো গোপিনী বলে যেত খুব রসিকতা করে। তারপর বলত—শোধ তার নিলাম—একদিন সব চুরি করে চাকরটাকে নিয়ে ভাসলাম। কপাল আমার। হারামজাদা শহরে এসে মদ ধরলে—তারপর চোর হল। চুরি করে একদিন গরনা আনলে। সেখানা পরতে সাধ হল—রেখে দিলাম। একদিন ধরা পড়ল। তারপর সকালে বাড়ি উল্লাসী। বেরিয়ে গেল গরনাখানা। শুধু গরনাটা নয় কাপড় পেলো কিছু। হয়ে গেল জেল। তারপর ঘুরে ঘুরে এই তিনবার আসা হল।

ওরে বুড়ো! মুখে সে বললে—তাই বাব জেঠা!

পথে নেমে মনে হল শিবকে প্রণাম করবে না? পরক্ষণেই মনে হল শিব না ছাই। চলতে লাগল সে গন্ধেশ্বরী বাজার হয়ে।

পথে ইলেকট্রিক লাইট। অনেক দোকানও হয়েছে। ও দোকানটা কার? বিজপদ

চন্দ্রের। হেজাক জলছে। ওঃ দোকান বাড়াই হয়েছে। এপাশে মুসলমান বোর্ডিং। তার পাশে কাটা কাপড়ের দোকানে মেশিন চলছে। তারপর ভকতের কাপড়ের দোকান। তারপর খানিকটা একটু অন্ধকার। রাস্তার আলো ছাড়া দোকানে এখানে লর্ডনের আলো। তারপর খানা। এপাশে হোটেল। এখানেও হেজাক জলছে। পথের ভিড় ক্রমশঃ বাড়ছে। বাইসিক্ল চলছে। ঘণ্টা বাজছে। বাবুদের মুখে সিগারেট জলছে। ও বাবা এ যে চায়ের দোকান হয়েছে। হেজাক জলছে। এপাশে ইলেকট্রিক লাইট। এইটেই ইলেকট্রিক সাপ্লাইয়ের আপিস। তারপর ময়রার দোকান। এপাশে ওয়ুথের দোকান। তারপরই আলোয়ালমল গন্ধেশ্বরী বাজার। এখানে গোলাদারী দোকান বেশী। ওঃ এটা কার দোকান? এত মনিহারী—এত আলো! ও মা কাপড়ও রয়েছে!

—এই—এই! এই শ্রমার! শ্রমারের বাচ্চা!—এই!

ফৌস করে মালতী ঘুরে দাঁড়াল।—এই এমন করে মেরেছেলের গা ঘেঁষে বাস। এই! —সে খানিকটা অসুস্থ করতে চেষ্টা করলে। কিন্তু পারলে না। ওর কথার চারিদিকের মানুষ থমকে দাঁড়িয়ে গেছে—হটে যাবার পথ নেই। একজন প্রশ্ন করলে—কী হল? কী ব্যাপার?

—ওই—ওই চলে গেল। ওই শ্রমারের বাচ্চা, ওই পাঁঠাটা আমার গা ঘেঁষে এমন করে গেল। হারামজাদা—

—কে রে? কে রে? ধর ধর ধর!

• রব উঠল চারিদিকে কিন্তু ধরা গেল না। সে চলে গেছে। কোন গলিপথে ঢুকে গেছে। একজন জিজ্ঞাসা করলে—তুমি কোথায় যাবে বাচ্চা?

—গায়ের ভেতর। এই গায়ের আমি। আমাকে চিনতে পারছেন না কুণ্ডু মশাই? আমি মালতী—শ্রীমন্ত দাসের মেয়ে।

বুদ্ধ বিস্ফারিত দৃষ্টিতে তার দিকে তাকিয়ে রইল কিছুক্ষণ। তারপর বললে—তাই তো! শুনছিলাম বটে তুই কিরেছিস। তোর চেহারাটা নাকি খুব সুন্দর হয়েছে। তা এত সুন্দর তা ভাবি নি রে। তা গিরেছিলি কোথায় এই রাজে?

—কোথায় যাব। হাটে গিছলাম। দোকানের জিনিসগুলো পড়ে ছিল নিয়ে গেলাম।

—দোকান? দোকান করবি নাকি?

—তাই ঠিক করেছি। করতে তো কিছু হবে।

—তা বেশ। হ্যাঁ। যা হয়ে গেল তাতে তো আর সবার মত ধর সংসার এসব হওয়া কঠিন। মানে বিয়ে-টিয়ে তো—। হ্যাঁ তার থেকে দোকান ভাল। তা জিনিস-পত্র দরকার হলে নিস। আমি তো এখন খুব বড় দোকান করেছি। তোর বাবা আমার কাছে নিড। তুইও নিস। এক নিবি এক দিবি।

হঠাৎ রাজির স্তব্ধতা ভেঙে পান বেজে উঠল। লাউতম্পীকারে গান শুরু হল কোথাও।

মনের রাখার কোন ঠিকানা কোন ভুবনের কোন ভবনে?

বলতে পারে কোন সজনী কোন স্বপনে!

কুণ্ড বলে উঠল—সিনেমা ভাঙল রে। ক্যাশ মিল কর। ষড়িতে কাটা বাজছে ?
—আটটা।

—ঠিক আছে। নে।

মালতী জিজ্ঞাসা করলে—সিনেমা বুঝি এই দিকে হয়েছে ?

—হ্যাঁ! ওই সেই গন্ধেশ্বরী বিসর্জনের বাজি পোড়ানোর ডাঙ্গাটার।

মালতী ওখান থেকেই মোড় ফিরল। এবার তাদের পাড়ার রাস্তা। অবশ্য পাড়ার
পাড়ায় কম বেতে হবে না। অপেক্ষাকৃত অন্ধকার পথ। তবু এ পথেও আলো আছে।

গানটা বেজেই চলেছে।

কোন নগরে কোন গেরামে কোন বিপিনে কোন বিজনে ?

বলতে পারে কোন সজনী কোন স্বজনে ?

বেশ গাইছে। গলাও যেমন মিষ্টি গানটিও তেমনি ভাল। বেশ গান—“মনের রাখার
কোন ঠিকানা কোন ভুবনের কোন ভবনে ?”

বাড়ি এসে ঢুকল সে, ডাকলে—মাসী !

চাপা উত্তর দিল—আস! আমি ঠাকুর শয়ান দিতিছি। বল। সে বুড়িটা নামিয়ে
খুঁটিতে ঠেস দিয়ে বসল। গানটা বাজছে—

ঘুরে দেশে দেশান্তরে

এলাম শেষে তেপান্তরে

রাখার দিশে পেলাম না রে, শুধাইলাম জনে জনে।

বলতে পারে কোন সজনী কোন স্বজনে ?

চাপা বেরিয়ে এল। বললে—এমন করে বসল মাসী ?

সে একটু শ্রান হেসে বললে—গান শুনছি !

—বেশ গানটি না মাসী ?

—হ্যাঁ ভাল গান। গলাটিও মিষ্টি !

—চা খাবা মাসী ? চা করব ?

—কর। বলে সে একটা দীর্ঘনিশ্বাস ফেললে।

বেশ গানটি, স্মরণি গানটি গলাখানি কেমন যেন মনটিকে ভিজে ভিজে করে দিয়েছে।

হায় কি তারে পাবো নাকো

ভুবন খুঁজে এই জীবনে—

মনের চকোর কঁদে মল

চাঁদ উঠেছে কোন গগনে !—

প্রাণের কথায় লেখনগুলি

লিখে লিখে রাখি তুলি,

ডাকঘরে হায় নিলে নাকো ফিরে দিলে ডাক দিয়নে।

বলতে পারে কোন সজনী কোন স্বজনে ?

মনটা কেমন হয়ে গেছে। মনে পড়ছে বসন্তকে। বসন্ত এল না! চাঁপা চা নিয়ে এল।
গেলাস ভরতি করে নামিয়ে দিয়ে বললে—খাও।

—দাও!

—মনটা খারাপ ক্যানে মাসী?

—জানি না।

চার

আট দিন পর : পরের শুক্রবারে ভুবনপুরের হাটে মালতী বেশ ভাল করে দোকান সাজিয়ে
বসল। বলতে গেলে তার কপাল খুলে গেল।

সোমবার হাটেই সে প্রথম বসেছে। কিন্তু দু' দিনে বেশ গুছিয়ে কিছু করতে পারে নি।
শনিবার দিন কুণ্ডুর দোকান থেকে আশি টাকার মাল কিনেছিল। তাই দিয়েই করেছিল
সোমবারের হাটে দোকান।

কুণ্ডু মশাই পঞ্চাশ টাকার বেশী ধার দিতে চায় নি প্রথমটা। কিন্তু মালতী বলে কয়ে
বুঝিয়ে আশি টাকার ধারই নিয়েছে। বেগ তাকে খুব বেশী পেতে হয় নি। কুণ্ডু নিজে
থেকেই শেষ পর্যন্ত অনেক বেশী ধার দিতে চেয়েছে। প্রথম ধরেছিল পঞ্চাশ। তার
বেশী নয়।

সে'বলেছিল—পঞ্চাশ টাকার কী মাল হবে বলুন! ক'টা জিনিস হবে? লাভই বা কী
করবে?

কুণ্ডু কেঠো স্নোক, সে বলেছিল—তা আর আমি কী করব বল!

—আপনারা বলবেন না তো আমি কী করি?

—বিরেটেরে করে ঘর সংসার করগে। দোকান করা কি মেয়ের কাজ?

রাগে নি মালতী। বলেছিল—আজকাল মেয়েতে সব করে। হাকিমিও করে। বলে
হেসেছিল।

—তুই তাই করগে।

—লেখাপড়া তো সামান্য জানি। জানলে করতাম। আর বিয়ে আমাদের কে করবে?

কুণ্ডু বলেছিল—তা বটে। কিন্তু তুই টাকা না দিলে আমি কী করব? কিসে নোব?
তো'র বাবা তো মামলাতেই সব ফুটিয়ে গিয়েছে। বাড়িখানা ছাড়া তো কিছু নাই!

—আমি তো আছি। আমি তো পালাচ্ছি না।

—পালালেই বা ধরে রাখবে কে? যে ইনকিলাব মিনকিলাব করিস! তার ওপর বা
চোখ মুখ হয়েছে। ঘরে তাগিদ করতে গেলে বীট নিয়ে ভেড়ে আসবি। তার ওপর সেই
বসন্ত লীডার আছে। বাবা!

মালতী বলেছিল—তবে বাই কুণ্ডু মশায়!

—যাবি?

—বাব না তো কী করব ? পঞ্চাশ টাকার মাল কী হবে ? ছুঁচো মেরে হাত গন্ধ করে কী হবে ?

—দাঁড়া দাঁড়া !

—দাঁড়াব ?

—না, বসবি। এক কাজ করিস তো খার দোব আমি।

—কি বলুন ?

—হাটে যদি মনিহারীর সঙ্গে একটা তেলভাজা চা সিগরেট শানের দোকান খুলতে পারিস তবে অনেক টাকার মাল দোব আমি।

অবাক হয়েছিল মালতী। বুড়ো বলে কী ? কী ব্যাপার ? উ—বুড়ো চেয়ে তাকে দেখছে—যেন গিলছে ! সেই সুলীলা বলত—‘দৃষ্টি দিয়ে গেলা।’ সব—সব—সব রে সব বেটাছেলে। চোখ দেখলেই বুঝতে পারবি।

বুড়ো কুণ্ড বলেছিল—শোন, ওই শ্রীমতী আগে আমার দোকানে মাল নিত। বুঝেছিল—। আমার সঙ্গে সেই সাঁতালি সম্পর্ক পাতিয়েছিল। তা এখন দোকান জমেছে, পাকা ঘর করেছে। গুমোর হয়েছে। মাল আনে এখন ওই সাঁইতে থেকে। সেখানে নিলে করে এসেছে—আমি গলা কাটি। এখানে পাঁচজনাকে বলে। মেয়ের দোকান—লোকে ভিড় করে যার। তা তুই মেয়ে—সুন্দরী মেয়ে যুবতী মেয়ে—তুই যদি দোকান করিস—ওই খাবারের দোকান তো দালান দিবি দেখবি। তোর সম্ভার হয়েছে। সে পারে খাবার তৈরী করতে। একটা হুটো ছোড়া রেখে দিবি। পারবি ?

একটু অবাক হয়েই চেয়ে রইল সে কুণ্ডর দিকে। বুড়োর মনের রাগটা গলাকাটা অপবাদের জন্তে—না শ্রীমতী সেই সম্পর্কটা ভেঙেছে বলে ঠিক বুঝতে পারলে না। কুণ্ডর এককালে এদিকে নামডাক ছিল রসিক মাহুষ বলে। মদ খেতো, মেলা করত। মনিহারীর দোকান নিয়ে যেত মেলায়—তার কলাপে অঞ্চল ছুড়ে মাসী ছিল পিসী ছিল দিদি ছিল যা ছিল—আবার সেই সাঁতালিও ছিল। ছিল অনেক।

কুণ্ড বলেছিল—কি, জবাব দে। পারবি না ? এমন চটকের চেহারা তোর !

মালতী কি ক করে হেসে বলেছিল—সই পাতাভেগ হবে না কি ?

কুণ্ড ভীষণ দৃষ্টিতে তার দিকে তাকিয়ে বলেছিল—তুই ছুঁড়ি পারবি। তা দেখ তোর বাবা আমাকে কাকা বলত। সম্পর্কে তুই নাভনী। পাতালে দোষ ছিল না। তবে সে যাক। সে সব দিন গিয়েছে। বয়স শোস্তর পেরিয়ে গিয়েছে। এ বছরটা কত তা বলতে নেই। আসছে বছর তেরাশস্তর হবে। ও থাক।

—ভন্ন করছে ?

—বড় কামিল তুই ছুঁড়ি। না রে কুণ্ডর ও ভন্ন নাই। কুণ্ড কঞ্জুস ব্যবসাদার। বুঝি। সে জলে নেমেছে, পাক কখনও মাখে নাই। তুই সে সব বুঝবি না। বোষ্ট্রুমের মেয়ে হয়ে সেই সাঁতালির রসের মর্ম তুই জানিস নে। তোরই বা দোষ কি—সে সব শুকিয়ে গেল। মখে গেল বে।

—শেখান না আমাকে ?

—তা বেশ। আগে ভোর দোকান হোক। হাটে গিয়ে হাটের ধুলো তুলে ভোর কপালে দিয়ে কাগধুলোর মত হাটধূল পাতিয়ে আসব। তা হলে ওই আজ নিয়ে যা—আনি টাকার মালই নিয়ে যা। বিক্রি করে টাকা দিবি—আর কেবল মাল যা বিক্রি হবে না মনে হবে কেবল দিবি।

সোমবার সে শুধু মনিহারী নিয়েই বসেছিল। লোকের ভিড় তার দোকানে হয়েছিল। অনেক ভিড়। মালতী বেশ ভাল করে সেজেও ছিল। সাজসজ্জা সে জেলখানাতে শিখে এসেছিল। বহরমপুরে মেয়েদের জেলখানার শতখানেক মেয়ে-কয়েদী থাকত। ভদ্র শিক্ষিত মেয়ে কম হলেও আট দশ জন ছিল। ক'জন বেজাও ছিল। তার মধ্যে ছিল নীহারদি। লেখাপড়া জানা মেয়ে। কোন ব্যবসা আপিসে চাকরি করত। টাইপ করত। ওই আপিসের একজন খদ্দের তাকে অনেক টাকা দিয়ে কি সব কাগজ চুরি করিয়েছিল। তার ভুলে নীহারদিকে আপিসের মালিকের ছেলের সঙ্গে প্রেম করতে হয়েছিল। মালিকের ছেলে বিয়ে করে নি। তার ঘরে গিয়ে তাকে মদ খাইয়ে তার ব্যাগ থেকে কাগজ বের করে নিয়েছিল—তার সঙ্গে টাকা আর হীরের দামী আংটি ছিল, তাও নিয়েছিল—লোভ সামলাতে পারে নি। ওই হীরের আংটি থেকেই ধরা পড়েছিল সে। জেল হয়েছিল আড়াই বছর। সে জেলখানাতে এমনভাবে সাজত যে সকলেই তাকে অলু করণ করত। নীহারদি কালো লম্বা মেয়ে। তার সাজের সব থেকে বাহার ছিল চুলের কাঁচদায়। চুলে সে তেল দিত না। রুখু চুলগুলি ফুলে ফেঁপে মুখখানাকে বিরে পড়ে থাকত। হাতের চাপে চাপে তাকে চেউখেলানো করে নিত। নীহারদিদি টিদিরা জন কয়েক উঁচু ক্রাসের ছিল। ফার্স্ট ক্রাস সেকেও ক্রাস কয়েদী। প্রথম প্রথম মিশত না থার্ড ক্রাসদের সঙ্গে। তারপর কিছুদিন না-যেতেই তারাও এসে ওদের সঙ্গে মিশত। হাসত গাইত। নীহারদি তো নেচেছে পর্যন্ত। নীহারদির কাছে সে পড়ত। নীহারদি তাকে কিছু পড়িয়েছিল। আর তার নাম দিয়ে সব প্রেমের নভেল আনাত। সে পড়ত তারা গুনত। শেষদিকটার নীহারদিদিই ছিল তার গুরু। তার কাছে সে অনেক শিখেছে।

সেই নীহারদি'র কাছে শেখা চুলের বাহার—রুখু চুল এলো করে পিঠে ফেলে সে দোকানে বসেছিল। ভিড় এসে জমেছিল। তার বেশীর ভাগ ছোকরা বাবুর দল। কিন্তু এক সিগারেট ছাড়া কিনবার জিনিস তারা পায় নি কিছু। দু' একজন ছেলেদের নাম করে দুটো মারবেল দুটো পেঙ্গিল কিনেছিল। ইন্ডুলের ছোকরারাও ভিড় করেছিল। ইন্ডুলের ঘেরেরাও এসেছিল। তারা বরং কুম-কুম কাঁটা ফিতে চুলের ক্লিপ কিছু কিনেছিল। একজন ছোকরা বাবু তো তাকে স্পষ্ট করেই বলেছিল—দোকানে কিনব কি গো ?

অনেক পিছন থেকে কে বলে উঠেছিল—দোকানদারনীকেই কিছন না।

—কে রে—উল্লুক ইত্তর! বক্তা বলে উঠেছিল।

মালতী রাগে নি। সে হেসে বলেছিল—হাটের কথা ধরতে নেই বাবু—ও ছেড়ে দিন।

আবার কে বলে উঠেছিল—ভুবনপুরের হাট বাবা। বাবা ? ভুবনপুরের হাট বাবা ?

বৃক্শ বেথা নিয়ে বাবা।

ছুখের বদলে সুখ পাবা।

মালতী হেসে বলে উঠেছিল—জয় বাবা ভুবনপুরের জয়!

সদে সদে সকলেই হেসে উঠেছিল। কিন্তু ভদ্র লোকটির মুখ চোখ লাল হয়ে উঠেছিল। তিনি বলেছিলেন—বড় অভদ্র সব এখানে।

মালতী বলেছিল। আপনি রাগ করছেন কেন বাবু! এখানকার হাটের এটা পুরনো ছড়া।

মন কিনলে মন বিকায়

তেতোর বদলে মিষ্টি পায়।

—অনেক বড় ছড়া। তা কিছুর না বাবু কিছু যা হোক কিছুর। কিছু লাভ করি। বরে গিয়ে হিসেব করব আপনাকে মনে করব।

ধরনী দাস অবাক হয়ে তার মুখের দিকে তাকিয়ে তার প্রগল্ভতা শুনছিল আর দেখেছিল। সেদিন যে মেয়েটিকে দেখেছিল এ তো সে নয়। এ আর একজন। এর সংকোচ নেই লজ্জা নেই একেবারে—কি বলবে?—একবারে, কথা সে খুঁজে পেলো না। পেলো খুঁজে।—এ মেয়ে সাংঘাতিক! এ মেয়ে সব পারে!

ভদ্রলোক কিনেছিলেন সব মারবেলগুলো, আর কিনেছিলেন প্র্যাস্টিকের সস্তা খোঁপার ফুল। সাঁওতাল মেয়েদের দেবেন! আর মারবেলগুলো রাতার ছেলেদের।

সে দিন সবস্বল্প টাকা দশেক বিক্রি হয়েছিল। করেক আনা কম।

ধরনী দাস হাট ভাঙবার সময় বলেছিল—তুমি পারবে মা।

মালতী হেসে বলেছিল—দেখি জেঠা। তবে মনিহারী চলবে না। এ পাড়াগাঁয়ে কিরি না করলে লাভ হবে না। অল্প কিছু করব। আপনার দোকানে বসা হবে না!

—কী করবে?

—দেখি।

হাটের বোঝাটা শুটিয়ে সে উঠছে এমন সময় ডুগডুগি বেজে উঠেছিল—লাল একটা ঝাণ্ডা উড়িয়ে তিন-চারজন ছোকরা এসে মুখে চোড়া লাগিয়ে বলে গেল—মিটিং হবে। কাল এই হাটে জিনিসপত্রের ছুমু্যাতার প্রতিবাদে সভা হবে। অবরদত্ত প্রতিরোধ গড়ে তোলবার উপায় নির্ধারণ করা হবে। কমুনিষ্ট নেতা বিমল বোস বক্তৃতা করবেন। দলে দলে ষোগ দেবার জন্তে আহ্বান করছি।

মালতী একবার খেন চমকে উঠেছিল। মিটিং হবে। সে আসবে না? সে তো কংগ্রেস ছেড়ে দিয়েছে। সে?

পরক্ষণেই সে বলেছিল—আমি একটু আসছি কাকা। বলেই সে ভাড়া হাটের ভিড়ের মধ্যে মিশে গিয়েছিল। হাট পার হয়ে ভুবনেশ্বরভলাকে ডাইনে পাশ কাটিয়ে গিয়ে ঢুকছিল সেই জমলের মধ্যে। নিবিড় জমলের মধ্যে গিয়ে দাঁড়িয়েছিল সে গাছটার কাছে। অন্ধকারে ঠাণ্ডর করতে পারে নি। হাট বুলিয়ে দেখতে চেয়েছিল কীটা আছে কি না পাতার মধ্যে

ভালের গারে। কাঁটা থাকলে সেটা কুঁচলতা হবে। অল্পবয়সী একটা অশথগাছে কুঁচের লতা উঠেছিল—তাতেই সে কাপড়ের পাড় ছিঁড়ে ঢেলা বেঁধেছিল। কাঁটা হাতে ঠেকেছিল কিন্তু ঢেলাটা আছে কি না বুঝতে পারে নি। একটা টর্চ নিয়ে এলে হত।

কিরে এসে-হাট থেকে বেরিয়ে গন্ধেশ্বরীভলা হয়ে কুণ্ডু মশায়ের সঙ্গে দেখা করে সে বলে এসেছিল—তা হলে আমি ওই দোকানই করি দাছ ?

—দাছ বলছিস ? ছলা করে না সত্যি ?

—এই দেখুন—ছলা করে কেন বলব ?

—বিশ্বাস নেই। জানিস বুড়ো বয়স হলে ছুঁড়িরা ছলাকলা করে ঠকাতে চায়। রাত্রিবেলা—চোখের নজর খাটো। ঠিক তো ধরতে পারছি না মুখ দেখে।

মালতী নিজের মুখখানার উপর ইলেকট্রিক আলোটা পুরো ফেলে বলেছিল—দেখুন।

—উঃ! তুই সহজ পাত্র নস। রাতের আলোর কালোকে গোরো লাগে। তার ওপর বুড়োর চোখে যুবতী যেরে! দাছ হব কি না আজ বলব না। কাল বলব। না কাল নয় দশ দিন পরে বলব। তবে কাল আসিস। তোর রূপে মজি নাই, তোর মায়ায় গলি নাই। আমার রাগ ওই শ্রীমতীর ওপর, বুঝলি না। বিধবা হল মেয়েটা—চটক ছিল মুখ ছিল আর দুখ ছিল না। আমার সঙ্গে ফষ্টনিষ্টি করত। বয়স আমার ছিল তখন—আর ওই ভালবাসতাম রস মসুরা। লোকে মন্দ বলত ওকে। স্বামীর সামান্য দোকান ছিল। আমার কাছে এসে বলেছিল—বেয়াই আর তো চলে না। ওকে আমি বলতাম বেয়ান ; ও বলত বেয়াই। আমি বলেছিলাম—দোকান কর ভাল করে, আমি মূলধন দিচ্ছি ধারে মাল। সেই কিনা বলে আমাকে বুড়ো! আমি গলাকাটা মহাজন! আমি খুঁজছিলাম যুবতী যেরে—মুখোল চোখোল—দোকানে বসলে বোলতার বাঁক জমবে—তা না মেনেও তার অধিক খন্দের জমবে। তোর দুই আছে। তোর বিরটিয়ে হবে না। কেউ করবে না। শেষ অটালে অপথে বাবি—তার চেয়ে দোকান কর। কাল আসিস।

এই কথাগুলি ভাল লেগেছিল মালতীর। বুড়ো হুঁশিয়ার বটে—স্পষ্টাঙ্গটি কথাও কর। সে বলেছিল—বেশ তাই হল। কাল আসব।

—কি কি লাগবে ফর্দ করে জানিস।

—তা কি আমি জানি দাছ। সে আপনি করে দেবেন।

—এই মরছে। তোকে বসতে বললে যে গলা জড়িয়ে ধরে বসতে চাস।

—বসলেও ডান দিকে বসব দাছ—বাসে বসব না।

—বলিহারি, বলিহারি। খুব বলেছিস। তা আসিস—তাই হবে।

পরের দিন সকালে কুণ্ডু কড়াই গামলা পেতলের থালা ছাঁকনা হাতা চাকা বেলন ঝিট থেকে সব কিনে দিয়েছিল। মায় একখানা ছোট বেঞ্চি একখানা বড় বেঞ্চি, তার সঙ্গে ছোট একটা টেবিল একখানা লোহার চেয়ার দুটো টুল পর্যন্ত। বড় বেঞ্চিতে রেখে ছোট বেঞ্চিতে বসে লোকে খাবে, মালতী চেয়ারে বসে টেবিলের ওপর কাঠের বাস্ব রেখে পরসা নেবে, টুলে বসে উনোনে খাবার তৈরী করবে। তা ছাড়া দুখানা কাঠের বড় পরাড খান দুই ছোট পরাডও

কিনে দিলে। নিজে হাটভাঙ্গার গিরে ছুতোয় জাকিরে বাশ কাঠ দিয়ে ফ্রেম তৈরী করিয়ে, বাড়ির থেকে টিন দিয়ে ঘিরে ছাইরে হুঁদিনের মধ্যে ঘর তৈরী করে দিলে। মেঝের উপর খুব যত্ন করে ইট বিছিয়ে জোড়গুলো সিমেন্টের পরেষ্টিং করে মেঝে দিয়ে বললে—নে এইবারে কম্পিলিট।

প্রথম দিন শ্রীমতী প্রথমটা খানিকটা ২তম্ব গাছের হয়ে গিয়েছিল। বিশেষ করে খোদ কুতুকে দেখে। তারপর ব্যাপারটা জাঁচ করে এগিয়ে এসে জিজ্ঞাসা করেছিল—এসব কি হবে ?

সেটা মঙ্গলবার দশটা নাগাদ। কুতু বলেছিল—বাঘের বাজি হবে।

—বাঘের বাজি ? অবাক হয়েছিল শ্রীমতী।

—হ্যাঁ হ্যাঁ। বাঘ না বাঘিনী। মালতীর দোকান হবে। মালতী আমার জারগাটা ভাড়া নিয়েছে। দোকান করবে।

—মনিহারী ?

—চপ কাটলেট সিগাড়া কচুরি চা—পান সিগারেট। তার সঙ্গে থাকবে দু'চারটে মনিহারী। বিস্কুট। পানুকাটি।

—হঁ। তা—। চূপ করে গিয়েছিল শ্রীমতী। তারপর নিজের দোকানে গিয়ে এক অজ্ঞাত-জনকে বাক্যবাণে জর্জরিত করবার জন্ত চোখা চোখা বাণ নিক্ষেপ শুরু করেছিল।—সেই বলে যে এলুৎ বায় না ধুলে। এই বুড়ো বরস। এষ্ট এক বছর বুড়োর পরিবার মরেছে। বাড়িতে আধবুড়ো বেটা গিন্নাবান্নী বড় নাতিপুঁতি—তার না কি আঠারোবছরী বহুঁমী সাজে ? ছি-ছি-ছি ! লজ্জার ঘাটে আর মুখ খোঁও নাই। যমের বাড়ি গিরে জবাব দেবে কি ?

কুতু বুড়ো রাগে নি। খিকখিক করে হাসতে শুরু করেছিল। —খি-খি-খি। খি-খি-খি।

কিছুক্ষণ পর চলে যাবার সময় মালতীকে বলে গিয়েছিল—কাজ করিয়ে নে পছন্দ করে। হ্যাঁ। আর খবরদার মেজাজ খারাপ করিস নে। খবরদার।

কুতুর একখানা রিকশা আছে। সেই রিকশাখানার চেপে চলে গিয়েছিল। মালতী এবার গিরেছিল এই বটগাছ-ভাঙ্গার দিকে যেখানে ঘন জঙ্গলের মধ্যে কাঁচাবয়সী অশথ-গাছটার কুঁচলতা উঠেছে। লতাটা ভরে ফাটা শুকনো ফলের মধ্যে দানার মত লাগ কুঁচ ধরে ধরে ধরে রয়েছে। অনেক পাশ ফ্যাঁকড়া বেরিয়েছে। তার মধ্যে হালের বাঁধা দু-দশটা ঢেলা ঝুলছে কিন্তু পুরনো ঢেলা কই ? পিছন দিক দিয়ে গিরে দাঁড়াল সে। এবার নজরে পড়ল—হ্যাঁ রয়েছে ; ঝুলছে পুরানো ঢেলাগুলো। তারটা ? কই তারটা ? লম্বা মত এক ঘুটিং। বেশ মাঝে খাঁজ আছে। বেছে বেছে পছন্দ করে কুড়িয়ে এনেছিল সে। যেন খসে পড়ে না যায়। কই ? দড়িটাও শক্ত দড়ি ছিল। তার শক্ত কাপড়ের পাড় ছিঁড়ে বেঁধেছিল।

ঢেলা খসে পড়ে গেলে বুঝতে হয় সে কামনা পূর্ণ হল না। বাবার ইচ্ছে নয় পূরণ করার। আর না খসলে বুঝতে হয় পূর্ণ হয়নি কিন্তু পূর্ণ হবে। পূর্ণ হলে নিজে হাতে ঢেলা খুলে দিয়ে যেতে হয়।

ঢেলাটা ঝুলছে।

খুশী মন নিয়ে ফিরে এসেছিল সে। পথে সেদিন ভুবনেশ্বরকে প্রণাম করেছিল।—বাবা ভুবনেশ্বর মনের বাঞ্ছা পূর্ণ করো! তার মনের মধ্যে ভুবনেশ্বরভলার সেই পুরানো গান গুঞ্জন করে উঠেছিল।

শ্রীমতী তখনও বাক্যবাণ বর্ষণ করে যাচ্ছে। এবার তার উপর। বেশ বলে শ্রীমতী। খাসা বলে। ওর তীরগুলো বেকে গিয়ে মাহুষকে লক্ষ্য বেধে। মাহুষ পূব দিকে থাকলে ও দক্ষিণ মুখে দাঁড়িয়ে পশ্চিম কোণ মুখে তীরটা ছাড়ে। তীরটা বেকে পাক খেয়ে পশ্চিম থেকে উত্তর, উত্তর থেকে পাক খেয়ে পূব মুখে এসে মাহুষকে বেধে। বৃকে বেধে। লাগবাণ্ডা-ওলারা মিটিং করবে ওবেলা—ভারা শ্রীমতীর চেয়ে ভাল বলতে পারবে না।

বেশ বলেছে—নব যুবতী, নব যৌবন। তাই ভাঙিয়ে খাবি তো মরতে ভুবনপুরের হাটে তেলেভাজা নিয়ে বসলি ক্যানে? যা না বাবু শহরে যা বাজারে যা। এমন রসিক বুড়ো এখানে একটা—তাও মিনসে গলাকাটা কিপুটে। সেখানে গণ্ডার গণ্ডার পাবি!

* * *

শুক্লাবার হাটের দিন সকালবেলা দোকান খুলেছিল। আমের শাখা টাঙিয়েছিল। দুটো কলসী দিয়েছিল জলভরা। তার উপরে দুটো শুকনো নারকেলও পাঠিয়ে দিয়েছিল কুণ্ড মশার। ভুবনেশ্বরের পাণ্ডাদের একজনকে ডেকে তাকেই প্রথম চা খাইয়েছিল। চায়ের প্রথম খন্দের হরেছিল কুণ্ড নিজে।

চাঁপা মাসীর এতে খুব মত ছিল না। সে বলেছিল—মালা এ তুমি কি করছ আমি বুঝি না। ভাল লাগে না আমার। কুণ্ড মশায়কে নিয়া দু দশজন য়া কইত্যাছে তা ভাল না মাসী!

—কি বলছে? কৌতুকভরে সে প্রশ্ন করেছিল। সে তা অল্পমান করতে পারে। কুণ্ড বুড়ো এইভাবে তাকে দাদনের ধারের প্যাচে ফেলে শেষ পর্যন্ত তাকেই কিনে বসবে।

চাঁপা বলেছিল—তা তুমি বুঝ না? শুন নাই শ্রীমতীর মুখে?

—শুনেছি। তা দেখি না খেলে।

—না না। ই ভাল না। অর সন্ধে খেলা যায় না।

—যায়। আমি পারব। আমি খুনে মেয়ে মাসী।

—মালা! হাতছোড় করি তোমারে।

—বেশ, তোমাকে যেতে হবে না মাসী। তুমি যা করছ তাই কর। তোমাকে টানব না আমি। কিন্তু আমি এ সুযোগ ছাড়ব না। আমি করব কি বলতে পার? হ্যাঁ। আছে। ওই শ্রীমতী বলেছিল বাজারে গিয়ে রুপ যৌবন ভাঙিয়ে খেতে। বল, তাই যাব?

—খেটে খুটে খেতে পার মাসী। এই তো কাল দে'রা কইছিল—তোমার সখী গোপার বাবা। কইছিল—কিছু শিক্স করলে পারত। হাসপাতালের কাজ, সিলাইয়ের কাজ। সরকার থেকে সিলাইয়ের কল কিনবার টাকা মিলত। এ দোকান করা—

—উঁহ মাসী। এ আমার নেদা লেগেছে। তুমি না-পার—

—আমার পারা না-পারার কথা না মাসী!

—তবে আবার কি? বইয়ের মেরের জিখ মেগে না খেলে অর্থহ্ন হবে?

—তাও না মাসী!

—তবে কী?

—ঠিক বুঝাবারে পারছি না। তুমি এই সব করবা—ধর-সংসার করবা না?

—ধর-সংসার? মানে বিয়ে? তা জানি না মাসী।

—তার আশার তুমি ধাইক না।

—না হয় থাকব না।

—না হলি?

—মাসী, পায়ের মেরেদের ইঞ্চুল হয়েছে। দেখেছ দিদিমণিদের? তারা ক'ভাবে বিয়ে করেছে?

—সে আমি ভাবি মালতী। হদিস পাই না।

—আমার হদিসও খুঁজো না মাসী।

—অন্ন বিত্তা নিয়া থাকে—

কথা কেড়ে নিয়ে মালতী বললে—খামি এই নিয়ে টাকা নিয়ে থাকব। তুমি বকো না। এখন বল—কাজ ছেড়ে দিয়ে দোকানের কাজ করবে? না লোক দেখব আমি?

—তোমার কাজই করব মাসী। তোমারে কস্তের মতন, ছোট বোনের মতন পেলেছি। ভালবাইসা কেলেছি মারের মতন। তোমার কামই করব।

বিকালবেলা হাটের লময়। ছুপুরবেলা থেকে তারা দোকানে এসে খাবার তৈরী করতে শুরু করেছিল। কুণ্ড প্রথম দিনের জন্তে একজন ঠাকুরকে পাঠিয়ে দিয়েছিল যে সিঁড়ী কচুরির কাজ জানে, তেলেভাজা ভেজিটেবল চপও করতে পারে।

শ্রীমতীও তার দোকান বেশ করে সাজিয়েছে। কতকগুলো রঙিন কাগজের মালা এনে টাঙিয়ে দিয়েছে। আর একটা করেছে—ওই আধকানা খোঁড়ার মেয়ে চুনারিয়াকে কর্গা কাপড়চোপড় পরিয়ে তার দোকানে বাহাল করেছে।

চুনারিয়ার বাবার একটা মোটা কালো দড়ির মত পৈতে চিরকাল আছে। বলে—হামি ব্রাহ্মণ। তার মেটে রঙ—চুনারিয়ার জামাটে রঙ তার কথার সাক্ষী হয়ে দাঁড়ায়। সে বামুন না বেড়ে না কি এ কথা কোন কালে কেউ প্রশ্ন করে নি। আজ সেটাকে কাজে লাগিয়েছে শ্রীমতী। চুনারিয়া রাজিকালে সেজেগুজে ঘুরে বেড়ার পথে পথে, ভুবনেশ্বরভাগার অশথ বট বেলের জমলে—এও সবাই জানে। কিন্তু ভুবনপুরের হাটে ও কথা কেউ তুলবেই না। চুনারিয়া দোকানে চা দেবে বাসন খোবে। লোককে জিজ্ঞাসা করে বেড়াবে—আর কি লিবেন বাবু? সকে সকে মুচকে হাসবে। কিন্তু শ্রীমতীর তুল। চুনারিয়া ভুবনপুরের হাটে ধুলোর সামগ্রী। ও মাল্হবের চোখে পড়েও পড়ে না। মালতীর মোহ তার থেকে অনেক বেশি।

টিকলি তাঁর কাছে এসেছিল। বলেছিল—আমাকে রাখ তুমি।

মালতী হেসে বলেছে—কী করবি? ভোর হাতে তো কেউ থাকে না।

টিক্লি বলেছিল—থাবে না। তবে লোক ডাকবে। এই দোকানে এসো। আর এঁটো বাসন খোব। লোক আসবে। বলে হেসেছিল।

মালতী তাকে নিয়েছে। বলেছে—থাক।

ভুবনপুরের হাট। এ হাটে সব বিকোয়—সব চলে।

চোরের বলে হাটের দিকে থাকিয়ে ছিল মালতী। মনে তার সত্যই একটা নেশা। হয়তো কাজের নেশা। তার সঙ্গে ভবিষ্যতের নেশাও বটে। বেশ লাগছে তার। সকাল-বেলাতেই চা সিগাড়া সিগারেট বিক্রি হয়েছে। লোক সকালবেলা থেকেই আছে। খন্দের নয় হাটুরে। গাড়ি করে যারা মাল নিয়ে আসে। ট্রেনে যারা স্টেশনে নেমে মুটে করে, ভাড়াটে গাড়ি করে মাল নিয়ে আসে তারা এসেছে। খন্দেরও কিছু কিছু এসেছে। তাদের হাট করা ছাড়াও কাজ আছে। কারুর কাজ আছে থানায়, কারুর কাজ আছে রেজেন্ট্রি আপিসে, কারুর আছে বি-ডি-ও আপিসে; কারুর আছে ইন্সুলে কারুর মেয়ে ইন্সুলে। মেয়েরা পড়ে বোড়িয়ে থাকে—তাদের সঙ্গে দেখা করবে। কেউ গ্রাম থেকে চাল বোগায় বোর্ডিংয়ে। সকালে যারা এসেছে, যারা হাটতলার সামনে দিয়ে গেছে তারাই থমকে দাঁড়িয়েছে টিনের তৈরী নতুন দোকান এবং দোকানের দোকানদারনীকে দেখে। একেবারে শহুরে মেয়ে। তারা সকলে এসে চা খেয়ে গেছে। সিগারেট খেয়ে গেছে। কুণ্ড মশায় হিসেবী লোক। সিগারেট দিয়েছে বিশ বাস। আর বেশীর ভাগ দামী সিগারেট। বলে দিয়েছে—সস্তা রাখবি নে মালতী। ভোর দোকান সস্তায় নয়। টিক্লিকে রাখছিস রাখছিস—ওকে সাজাবি নে। ও কি—ঝিয়ের মত থাক। হঁ!

সকালবেলা চল্লিশ কাপ চা বিক্রি হয়েছে। সিগারেট পুরো এক টিন। পঞ্চাশটা সিগারেট। বাস ও চার বাস। বাসের সঙ্গে টিনও কটা দিয়েছে কুণ্ড। টিন হলে ইজ্জত বাড়ে, আর খোলা খুঁচুরো সিগারেট বেশী বিক্রি হয়। হিসেবটা বুঝিয়ে দিয়েছিল কুণ্ড।

আলুওয়ালারা গাড়ি থেকে বস্তা নামিয়ে ঢেলে চুড় দিয়ে সাজাচ্ছে। তামাকওয়ালারা এসে গেছে। কাটোরার ফলওয়ালারা টবের বাসের ওপর ফল সাজাচ্ছে। কিত্তে কার ক্লিপ কিনিওয়াল এসেছে। তারা গাছতলার বলে বিড়ি খাচ্ছে। তাকাচ্ছে তার দোকানের দিকে। টিক্লি তাদের মধ্যে মধ্যে হাতছানি দিয়ে ডাকছে। স্ত্রীমতীর ওখান থেকে চুনারিয়াও ডাকছে। হাসছে। এই একদল আঁট-দশজন হাটুরে বোঝা মাথায় এসে ঢুকল। পাশের গাঁয়ের নামকরা চাষীর দল। ভুবনপুরের হাটে ওদের বেগুন মূল্যের অল্পেই বেগুন মূল্যে বিখ্যাত।

চাপা মাসী বললে—মাসী অই আকুলের মাঠের বেগুন আইল। বেগুনীর লাইগা বেগুন কিত্তা লও। লয়া গোল বেগুন। লয়া ফালি গোল চাকতি দুই ভাল হবে।

মাসীর নেশা ধরেছে। প্রথম এসে চূপচাপ কাজ করছিল। মধ্যে মধ্যে থমকে কাজ বন্ধ করে কিছু ভাবছিল। এখন সে ঘোর কেটে গেছে। কথা বলছে টিক্লিকে। বরাত করছে। কাজ করছে।

সে বললে—বাণ না। বেছে পছন্দ করে নিয়ে এস।

ওই এল চ্যাটাইওয়ালীরা। ওই ওরা মুসলমান মেয়ে খেজুর চ্যাটাই আনছে। ওই মোড়া বুদ্ধি ঢুকছে।

মাসী টাকা নিয়ে বেরিয়ে যাচ্ছিল। মালতী বললে—শোন।

—কী ?

—বাল দেখে লজ্জা এনো। আর—

—কও।

—হুখানা রঙকরা খেজুর চ্যাটাই আর মোড়া—তা সে হাটের শেষে কিনলেই হবে।

ওই আসছে মনিহারীওলা একজন। পুরনো লোক—তার বাপের আমলের। ও-ও মাছ ধরবার সরঞ্জাম বেচত। এখনও বেচে। ওই ধরনী জেঠা। ওই জামা-কাপড়ওয়ালারা ঢুকছে। ওই ঢুকছে বইওলা ছুজন। ওই রডীন পট ছবিওলা। ওর কাছে খানকরেক ভাল মেয়ের ছবিওয়ালা ক্যাশেণ্ডার কিনতে হবে। টাডিয়ে দেবে টিনের দেওয়ালের গায়ে গায়ে। ওই ঢুকছে আর একদল হাটুরে। ওই হুখানা গাড়ি লাগছে। কুমড়া লাউ বোঝাই গাড়ি—এরা সব ময়ুরাঙ্গীর ধারের। ওই বাখাকপির গাড়ি। এবার হুড়হুড় করে ঢুকছে হাটুরেরা। ঢুকবার মুখেই থমকে দাঁড়াচ্ছে—হাটের মাটিতে আঙুল ঠেকিয়ে সেই ধুলোমাখা আঙুল কপালে ঠেকিয়ে হাটে ঢুকছে। ছুটে ঢুকছে। ভাল জায়গা নখল করবে। এরা সব মুসলমান। ভাল ভাল চাষী। আর ব্যবসাতেও খুব সং। ওদের মাল অবিক্রি যায় না। প্রবাদ থাকলেও আজ আর ভুবনপুরের হাটের সে নিয়ম নেই যে অবিক্রি মাল হাটের মালিকেরা কিনে নেবে।

ওই একদল সাইকেল চড়া খন্দের এল। সব সাইকেল ধরে হাটে ঢুকছে। রাখবে ওই কাঠের দোকানের সামনের বটতলার। শেকল জড়িয়ে ভাল দিগে রেখে হাটে ঢুকছে। ওই ওরা এই দিকে তাকাচ্ছে। তাকে দেখছে। ঠোঁটের কোণে একটু হাসি ফুটল তার। একটু সরস কৌতুক মনের অমিতে ঘাসের পাতার মত গাঁজয়ে উঠল। সে উঠে দাঁড়াল। এলোচুলের রাশিটাকে একবার মাথা ঝাঁকি দিয়ে সামনেটার হাত বুলিয়ে ঠিক করে নিলে। কাঁধের কাপড়টা গুছিয়ে নিয়ে আবার বসল।

পিছন থেকে টিক্লি বললে—ওই একদল আসছে।

—দেখ চায়ের জল ঠিক ফুটছে কি না।

করলার উলুনে মস্ত একটা এ্যালুমিনিয়ামের ডেকচিতে জল ফুটছে চায়ের। টিক্লি বললে—টগবগ করে ফুটছে জল।

মালতী ঠাকুরকে জিজ্ঞাসা করলে—কড়াই চড়াবেন ঠাকুর মশায়, না যা ভাজা আছে তাই দেবেন ?

ঠাকুর বললে—ওই ঠিক আছে। কড়াই তো এই নামিয়েছি।

এক লম্বা আটজন এসে দাঁড়াল দোকানের সামনে। মালতী বললে—হাসুন।

তারি এসে বসে পড়ল বেকের উপর। বড় ঘেঁষাঘেঁষি হচ্ছে একজনের জায়গা হচ্ছে না।

মালতী নিজের চেয়ারখানা এগিয়ে দিলে। —বসুন

যেঁ দাঁড়িয়েছিল সে বললে—নতুন দোকান করলেন ?

—হ্যাঁ। আপনাদের ভরসাভেই করলাম।

ছোকরা বিগলিত হয়ে বললে—নিশ্চয়। আমরা একতরফ দাঁড়িয়ে ভাই তো বলছিলাম। পুরানো দোকানটা ওই শ্রীমতীর—ওটা নোঙরা। এখানে আর দোকান ছিল না বলেই খেতাম। মুল্লর দোকান করেছেন। বেশ পরিষ্কার।

হাসি পাচ্ছে মালতীর। সে হাসি চেপেই বললে—কী দেব ?

—চা দিন তো আগে।

—না, একটা করে সিগারেট দিন আগে। বা: ক্যাপস্টান রেখেছেন গোল্ডফ্লেক মেখেছেন। দিন একটা করে ক্যাপস্টান দিন।

—আর খাবার ? চপ আছে। দেব ?

—চপ ? বা: ! ওদের বেঙনী তেলতাজা সার। দিন দিন।

টিক্লি কিককিক করে হাসছে। একজন বললে—আরে এ কী করছে এখানে ?

—ও এঁটো বাসন খায়।

—খাবার হোঁর না তো ?

—না না। গরীব মেয়ে—

—গরীব ?

—ক্যানে গো ? আমি বড়লোক নাকি ? উঃ। টিক্লি বলে উঠল। তারপর হঠাৎ জুড়ু করে বলে উঠল—উঃ আমি ছোটলোক। টিক্লি ছোট জাত—

—এই চুপ ! বা এখন বাইরে বোস। বা !

টিক্লি বাইরে গিয়ে বসল।

হঠাৎ হাটের কলরব ছাপিয়ে গ্রামোফোন বেজে উঠল।

তুবন হাটে সওদা এনে আমার হারালো মূলধন।

তেল লবণের পৌটলা বাঁধলাম হারলাম রতন।

সখি রে—খুঁজে পাই না আমার মন।

কোথার বাজছে ? প্রমত্তরা দৃষ্টি তুলে খুঁজতে লাগল মালতী, কোথার বাজছে গ্রামোফোন ? শ্রীমতীর দোকানে ? টিক্লি ওর মুখের দিকে তাকিয়ে আঙুল বাড়িয়ে দেখিয়ে দিলে—তাই। ওখানেই বাজছে।

ও। শ্রীমতী গ্রামোফোন বাজিয়ে খন্দের টানছে। হাসলে সে।

যতই বাজাও শ্রীমতী, তোমার মূলধন হারিয়েছ সজনী ! সে কথা বলে কাঁড়রালেও লোকের মান্দা হবে না।

হাটে এসে ঘাটে বসলাম বাঁপ দিলাম জলে—

এক ডুবতে মানিক পেলাম (ভাতে) রূপ ষৈবন বলে।

কেয় ভূবে হারাল মানিক গেল রূপ যৈবন—

আমার হারাল মূলধন।

ভুবন হাটে সওদা এনে আমার হারাল মূলধন।

শুভ্র হাটে কেঁদে কেঁদে গেল রে নয়ন।

একজন বলে উঠল—সেই! মনের রাখার। নবীন বাউল।

—মনের রাখা?

—নিশ্চয়ই।

—ওর তো ‘মনের রাখা’ একখানার কথাই জানি!

—এটাও। বাজি রাখ। বেশী না—একবাক্স সিগারেট।

ওদিকে সামনে খন্দের এসে দাঁড়িয়েছে। ছোকরারা বেশ! ওঠবার নাম নেই। কথা-গুলো বলছে ওর মুখের দিকে তাকিয়ে। মালতী হাসলে। বেশ লাগে। খারাপ লাগে না। কিন্তু বেশ লাগলে তো চলবে না। সে টিক্লিকে বললে—বসে কী করছিল? গান শুনে চলবে? বাসনগুলো ধুয়ে ফেল। নতুন খন্দের এসেছে। শুনছিল!

টিক্‌লি এসে দাঁড়াল বেঞ্চির সামনে। মালতী নতুন খন্দেরদের বললে—এই যে এঁদেরও হয়ে গেছে। একটু দাঁড়ান। ওঁরা উঠুন।

বাধ্য হয়ে তারা উঠল। নতুন খন্দের এসে বসল। টিক্‌লি খাবার বেঞ্চের উপর ভাতা বুলিয়ে দিল। ওরা একটু মুখ চাওরাচাওরি করলে। বুঝলে মালতী। সে বললে—দাঁড়ান আমি একবার মুছে দি। এগিয়ে গেল সে। একজন বলে উঠল—খাক থাক এই হবে।

—হবে? দেখুন! না হয় তো আমি আর একবার মুছে দি।

একজন বলে উঠল—হ্যাঁ হ্যাঁ শহরে যারা চা দেয় দোকানে তাদের জাত কে দেখে? আর জাত গিয়েছে বাবা। সাহেবরা জাত মারা আরম্ভ করেছিল—দেশ খাধীন হয়ে খতম হল। নাও বস।

—কি দেব? খাবার কিন্তু টিক্‌লি ছোঁয় না। ওসব ঠাকুর ভৈরী করছে। আমরা দিচ্ছি।

টাপা বেগুন কালি করছিল, সে বললে—আমরা খুব শুদ্ধ করে সব করি। আর বষ্টম ব্রাহ্মণের দাস। আমাদের হাতে থাইতে দোষ কি। তা ছাড়া ই তো তাও নয়।

প্রেটে চপ সাজাতে লাগল মালতী। কড়ায় বেগুনী ভাজা হচ্ছে। ওরা বেগুনীর বরাত করলে।

ওদিকে হাটে গোলমাল উঠল। দুটো লোকের মাথার চুল ধরে টানছে চাল-খানের কারবারী বামুনদের ছেলে জগন্নাথবাবু। টেনে হাটের বাইরে নিয়ে বাবে। লোকজন সেই দিকে তাকিয়ে আছে। কড়ক লোক হাট-করা ছেড়ে ওই দিকেই চলেছে।

কি হল? মালতী তাকিয়ে রইল। খন্দেররাও ওই দিকে তাকিয়ে খেতে লাগল। টিক্‌লি দুটে বেরিয়ে গেল।

মালতী হেঁকে বললে। লিগ্‌গির ফিরবি টিক্‌লি।

দোকানের ভিতর থেকে একজন খেদের হাটের একজনকে জিজ্ঞাসা করলে—এই সুরন্দ, কি হল হে ?

সুরন্দ দোকানের সামনে দিয়েই বাচ্ছিল, সে দাঁত মেলে হেসে বললে—পিকপকেট। পকেটকাটা। হাতে হাতে ধরেছে জগন্নাথবাবু।

—মার—মার শালাদের। এল কোথা থেকে ? এখানকার ?

—না, হিন্দুস্থানী। বেটারা হাটে হাটে ঘোরে। আজ সকালে টেনে এসেছে বোধ হয়। কিতে কারওয়ালা একজন বলছিল—পরশু সাঁইতেতে দেখেছে। সাঁইতের হাটে সেদিন একজনের আশী টাকা গিয়েছে। ওই বেটারাই নিরেছিল।

মালতী চূপ করে বসে রইল। তার জেলখানার কথা মনে পড়ছে। আধবরগী ভুবন আর ছুকরী সন্ধ্যা পকেটকাটার দায়ে জেলে এসেছিল। গল্প করত তারা। জেলখানার কেউ লুকোয় না কিছু।

খুব জটলা হয়েছে লোক দুটো আর জগন্নাথবাবুকে ঘিরে। হঠাৎ কানের এপাশ থেকে ডুগডুগি বেজে উঠল। খুব জ্বোরে বাজাচ্ছে। বাজিকরদের ডুগডুগির মত। ঘাড় ফিরিয়ে দেখলে মালতী। বাজিকরই বটে। একটা ভালুক নিয়ে দাঁড়িয়ে আছে আমগাছতলায়।

—ওরে বাবা! জান মালতী দিদি! ওদের তিন রকম পোশাক পরা।

টিক্‌লি ফিরে এসেছে। খেদের একজন জিজ্ঞেস করলে—তিন রকম কি ?

টিক্‌লি বললে—ওই তো ওপরে পাজামা—তার ভিতরে হাফ পেণ্টল—তার নিচে কাপড় পরে আছে।

—কি পেলে ?

—মেলাই জিনিস পেয়েছে। পুলিশে দেবে।

—আবার পুলিশে ক্যানে রে বাবা—ভুবনেখরের দরবারে। এখানে তো নগদানগদি শোধ হল বাবা। দুখের বদলে সুখ, মনের বদলে মন। চুরির বদলে মার। সে তো পেয়ে গেল। আবার পুলিশে ক্যানে।

—তা বাই বল তুমি। ভুবনেখরের হাটের সে মাহাশ্মিত্য এখনও আছে। সেদিন সুরখো ঘোষাল কাঁদছিল যেহের বিয়ে ভেঙে গেল বলে। কেমন তো! কাল সুরখো ঘোষালের সঙ্গে দেখা। খুব ব্যস্ত হয়ে চলছে। আমি মাঠে ধান কাটা দেখছি। জিজ্ঞাসা করলাম—ঘোষাল, কোথা হে এমন হনহন করে ? বেশ ফুঁটি ফুঁটি লাগছে। তা ঘোষাল একগাল হেসে বললে—তা ফুঁটি বটে ঘোষ। যেহের বিয়ে পাকা হয়ে গেল—একবারে বাবার খানের সিঁড়র নিয়ে লগ্নপত্র করে লিখে দিয়েছে। হাতজোড় করে পেনাম করে বললে—বাবার মাহাশ্মিত্য যিথো লগ্ন ঘোষ। সেদিন হাটে গেলাম—বাবার ওখানে খুব কাতর পেনাম করে বললাম—বাবা, তোমার এখানে কল্লে দ্বারে পড়ে এসেছি তুমি উদ্ধার কর। তারপরেতে গন্ধেশ্বরীতলায় বাজারে কোঁদের দোকানে চাটুজ্জের সঙ্গে দেখা। দে মশার জানত ব্যাপারটা। সে মাঝখানে থেকে পড়ে কথা বলে দিলে পাকা করে। চাটুজ্জের ছেলে ওর এক মাস্টারনীকে দেখে মনে

মনে ক্ষেপেছিল—তাকেই বিয়ে করবে। চাটুজে আমার কাছে পেকাশ করে নাই কিন্তু বলে ফেললে দৌঁকে। দে ওর ছেলেকে ডেকে বৃষিয়ে খমক দিয়ে রাজী করে বললে—চাটুজে পাকা করে ফেল আঞ্জই। লম্বপত্র করে সই করিয়ে দিয়ে বললে—চলে যাও বাবার খানে। সিঁদুর লাগিয়ে লিয়ো। তা দে'র কাছেই যাব। এক বাকুড়ি জমি আছে আমার দে'র জমির পাশেই—সেটা বিক্রি করতে হবে বিয়ের জন্তে—তা শুঁকেই দৌব আমি। তাই চলেছি ভাই।

—তা হলে জমি মাহাত্ম্য—বাবা মাহাত্ম্য ক্যানে বলছ ?

—বলব নাই বা ক্যানে হে ? বাবা মাহাত্ম্য না থাকলে তোমার সেই বাঁধা ঢেলা খসে পড়ে যার ? বাবা তা পূরণ করবেন ক্যানে ? পরের ঘরের বিধবা কন্তে—

—এই দেখ, খবরদার ! মুখ সামলে কথা বলো ! তুমি দেখেছিলে আমার ঢেলা-বাঁধা ?

—তুমি নিজে বলেছ আমাকে ! বল নাই ?

—না। চীৎকার কবে উঠল লোকটি।

—হ্যাঁ। বলছ। এ লোকটিও সমান কোরে চীৎকার করে উঠল।

এ লোকটি উঠে পড়ল। মালতীর কাছে গসে বললে—একটা চপ এক কাপ চা। কত ? সে ফেলে দিলে একটা সিকি।

মালতী মনে মনে হাসছিল। খুচনো পরসী হাতে নিয়ে বললে—সিগারেট দৌব ?

—না। পরসী নিয়ে চলে গেল। কিছুদূর গিয়ে সে ফিরে এসে দোকানের সামনে দাঁড়িয়ে বললে—তুমি ? তুমি এ দোকানে যে চা চপ খেতে টেনে এনে ঢোকালে সে কথাটা বলব ?

এ লোকটি বললে—বল না। তুমি কেন, আমিই বলছি। বললাম দোকানটি ভাল—দোকানদারনীটি আংগু ভাল। চল মন্দর মেয়ের হাতের চা খেয়ে আসি। কি গো আমি খারাপ কথা বলেছি ? এটা খারাপ কথা চল ? তুমি কিছু মনে করলে ?

মালতীর মুখ রাঙা হয়ে উঠল। তবু সে বললে—না না। এ খারাপ কথা হবে কেন ? আমি কিছু মনে করব কেন ?

চাপা বললে—দুঃখী কন্তে বাবু—আপনারাই ভাই বন্ধু বাপ জ্যাঠা। আপনাদের ভাল লাগে সিটা ভো অর ভাগি।

—ঠিক কথা। আমি ঢেলা বাঁধতে যাচ্ছি না—

ভালুকওলা এসে সামনে দাঁড়াল দোকানের।—চা মিলবে ?

আশপাশের লোকেরা বিশেষ করে একদল মেয়ে দোকানে ঢুকে পড়ল—মা রে।

—ডর নেহি মা। কুছ বলবে না।

—তা হোক। সরাগ তুমি ! আর চা কাপে মিলবে না—তোমার কিছু আছে ? আমাদের আন্ড তাঁড় নেই।

—এই সর হে। ওহে বনকে ভালুকওয়াল। ভালুক সরাগ বাবা।

চাপা বলে উঠল—সরকার মশর। জুতি সরকার মনে লাগে ?

হ্যাঁ ভূতি সরকারই বটে। পারের নিচের দিকের কাপড় হাঁটুর কাছে তুলে গুঁজে, কতরা গায়ে দিয়ে কালো নখর চেহারা ভূতি সরকার এসে ঢুকল।—চিনতে পারিস তো মালতী ? আরে। তোকেই চিনতে কষ্ট হচ্ছে। বা বা বা—এ তুই খাশা হয়েছিল রে। রাস্তার দেখলে মনে হত শহুরে মেয়ে বুঝি। বা বা। আমি তো ছিলাম না এখানে, ছিলাম বর্ধমানে। তোর সর্বা গোপার সম্পত্তি নিয়ে গোল বেখেছে, গোপার বাবা আমাকে নিয়ে গিয়েছিল। সে অনেক হাঙ্গামা। তা আজ নেমেই শুনি তুই এসেছিল—শুধু আসা নয় হাতে কেষ্টুরেট করেছিল। আর গাঁ ভোলপাড় করে দিয়েছিল। গোপাও যে এল আমার সঙ্গে। সে বিধবা হয়েছে শুনেছিল তো ?

তা মালতী জানে। বিয়ের কিছু দিনের মধ্যেই বিধবা হয়েছে। চাঁপা বলছে। সে জানে। খুব দুঃখ সে পায় নি। সে খুশী হয়েছে—বিধবা হলেও গোপা আজ বউ—তার ঘর আছে বাড়ি আছে। চাঁপা বলছে বেশ ভাল ঘরের বউ গোপা।

গোপার ভাসুর ভোটে জিতেছে—আইন সভার সভ্য হয়েছে। তাকে জিতিয়ে দিয়েছে বসন্তদা। এই ভোটে জিতে বসন্তদার নাম হয়েছে। লীডার হয়েছে।

ভাসুরের সঙ্গে গোপার স্বামীর খুব বিবাদ ছিল। সে সব সে শুনেছে।

মালতী সরকারকে আহ্বান জানিয়ে বললে—আসুন বসুন।

চাঁপা বললে—সরকার মশরের গুণের কথা চিরকাল মনে থাকবে। তোমার সাথে তিনবার দেখা করছি জেলে, উনিই লিখে দিয়েছেন দয়খাস্ত। তিনবারই।

সরকার বললে—তা কি বেশী করেছি কিছু। বসল সরকার।

মালতী বললে—চা খাবেন তো ?

—খাব না ? তা নইলে ঢুকলাম কানে দোকানে ? দে চা দে। চপ দে। আর ও কি ভাজছে—বেগুনী ? দে ও-ও দে চারটে।

চপ ভেঙে মুখে দিয়ে বললে—বেশ হয়েছে খাশা হয়েছে। আর বেশ করেছিল এ কেষ্টুরেট করেছিল। তুই দোকানে বসলে খুব বিক্রি হবে।

তা মালতী জানে।

—বুদ্ধি তো কুতুর। খলিফা লোক। ওর সঙ্গে দলিল টলিল কিছু করেছিল নাকি ? দেখাস। ওই দেখ একদল ইঁদুলের ছেলে আসছে। ঠিক এখানে আসছে দেখিস। আমি উঠি। বেগুনী বরং ঠোঙার দে বাড়ি নিয়ে যাই।

চাঁপা জিজ্ঞাসা করলে—গোপার কি হল সরকার মশর ?

—কি হবে ? খানা পুলিস করে গোপাকে নিয়ে এলাম। মামলা দায়ের হল।

—গোপা এসেছে ? মালতী প্রশ্ন করলে।

—হ্যাঁ। সে কি সোজা ব্যাপার ? ওর ভাসুর আবার এম-এল-এ। কড়ালোক বড়লোক। তা আমিও ভূতি সরকার। মামিয়ার খেল জানি। তবে বসন্ত আমাদের বসন্ত, খুব করেছে। খুব। ভারী ভেঙ্গী ছোকরা। সে খুব করেছে, খুব বললে। খুব

করলে। বলতে গেলে পোঁপার ভাস্কর এম-এল-এ হয়েছে সে তো ওরই জোরে অনেকটা। টাকা থাকলে তো ভোট মিলে না। সে বলব পরে। ভোমাদের খন্দের এসেছে।

সত্যিই খন্দের এসেছে—দল বেঁধে ছেলেরা চুকছে। দশ বারো জন। মালতী কিন্তু চুপ করে দাঁড়িয়ে রইল। বসন্তের কথা জিজ্ঞেস করা হল না। বসন্ত? কোথায় সে? সে খুব করেছে। খুব বলেছে। সে এল না—তাকে দেখতে এল না? খন্দেররা কথা বলেছে। মালতীর খেয়াল নেই। সে সামনে হাটের দিকে তাকিয়ে আছে। অশ্রুমনক হয়ে গেছে। গোঁপা। বসন্ত। বসন্ত গোঁপা! কেমন সব ঘেন, ঘষা কাচের ওপায়ের মত দেখা যাচ্ছে না।

—মালতী!

মালতী উত্তর দিল না।

—খন্দের আসছে।

মালতী বললে—দেখ মামী কি চাই।

চাই সবই চাই। ছেলের দল; বেগুনী খাবে চপ খাবে শিঙারা খাবে, চা খাবে। ছ একজন ছাড়া সকলেই প্রায় সিগারেটও নেবে।

চাপা ঠাকুরকে বললে—আপনিও হাত লাগান ঠাকুর!

ঘষা কাচের ওপায়ের মত সব মিলিয়েই যাচ্ছে না, জেলখানার পাঁচিলের ঘেরার মধ্যে যেমন বাইরের শব্দও আসত না তেমনি শব্দও শুনছে না মালতী।

বসন্তদা। বসন্ত গোঁপা! বসন্ত গোঁপার সঙ্গে অনেক করেছে!

এরই মধ্যে শুক্রবারের হাট শেষ হয়ে গেল।

চাপা বললে—মালতী। কি হইল তোমার? উঠ।

—ও। হ্যাঁ। বাড়ি যেতে হবে। কই সেই লোকটা এসেছে? যে রাজে থাকবে?

—আসছে। ওই তো বইসা রইছে বাইরে।

—টিক্‌লি কই?

—অ—মাঃ। সি সন্ধ্যা হইতে উঠাও। উ হুকান খেক্যা চুনারিরা ইখান থেকে টিক্‌লি ছই জনই ভাগছে সেই সন্ধ্যাবেলা। ডাকিনীর মতন ঘুরছে কোথা।

—হঁ।

হাটের বাতি নিভছে।

শুধু মাঝখানে পোঁতা খুঁটিতে একটা ইলেকট্রিক লাইট জ্বলছে। এত বড় হাটের মধ্যে কেমন আবছা আবছা মনে হচ্ছে। হাটুরেরা প্রায় চলে গেছে। বাদের গাড়ি আছে তাদের গাড়ি বোঝাই হচ্ছে। ধরনী জ্যাঠার চালা অন্ধকার। চলে গেছে ধরনী জ্যাঠা। হঠাৎ তার মনে হল—তুল হয়ে গেছে, ধরনী জ্যাঠাকে চা খাওয়ারলে হত ভেকে। কিছু বেগুনী চপ তাঁতার মুড়ে দিয়ে এলে বুড়ো খুশী হত।

বসে বসে সে শুনে শুনে টাকা পরসা থাক করে সাকালে। জুড়লে কাগজে লিখে। বাট টাকা দশ আনা ডিন পরসা।

বাঁধলে সে টাকা খেলেতে পুরে ।

কিছু খাবার রাখে দোকানে শোবার লোকটিকে দিয়ে আর একটা ঠোঁড়া তার হাতে দিয়ে বললে—এটা টুকলিকে দিয়ে ।

চাঁপা বললে—মাসী !

—মাসী !

—না, চল পথে বলব ।

পথে নেমে দুজনে পথ চলতে চলতে হঠাৎ চাঁপা আবার বললে—টুকলিটারে কাল জবাব দিয়ে । আর কাজ নাই । মেয়েটা ভাল না ।

—ভাল আর মন্দ মাসী । তার সঙ্গে আমাদের কি বল ?

—তুমি কিছুর বুঝতে পার নি ?

—কি ?

—টুকলিটার বাচ্চা হবে ?

—বাচ্চা হবে ?

—হ্যাঁ । পোয়াতি মাইয়াটা । কোথা আমাদের দোকানে আঁতুড় ঘর কইরা দিবে । না ।

—হ্যাঁ । তা সত্যি । তবে মাসী ওর মায়ের বুঝি আছে গাছতলা আছে—আমাদের দোকানে আসবে কেন ?

—ছুঁত পবিত্র আছে মাসী—

হেসে উঠল মালতী । তারপর হঠাৎ সে চূপ হয়ে গেল । বললে—থাক মাসী—ভাল লাগছে না । মন তার আবার সব ঝেড়ে ফেলে দিয়ে যেন শূণ্য হয়ে যাচ্ছে ।

বসন্ত ! বসন্ত গোপা ! বসন্ত একবার এল না । বসন্ত গোপার জন্তে অনেক করেছে । সব মিথ্যে । ভুবনপুরের হাটের কথা মিথ্যে ভুবনেশ্বর মিথ্যে । দুখের বদলে সুখ ভেতোর বদলে মিষ্টি মেলা দুয়ের কথা এখানে কিছুই মেলে না । বসন্ত গোপার জন্তে অনেক করেছে । আর সে সাত দিন এসেছে—একবার এলও না ।

পাঁচ

—অনেক কিনা হিসেব করি নি । তবে ইয়া করেছি বই কি । আমার বা করা উচিত, যা পারি, তাই করেছি । বসন্ত নিজেই বললে ।

তিন দিন পর সোমবার দিন সকালেই বসন্ত এল । নিজেই এল । চাঁপা মালতী উঠে ভোরবেলা থেকেই হাটের দোকানে যাবার ব্যবস্থা করছিল । হাটবারে তাই বার ওরা । অল্প দিন দেরিতে যায় । হাটের কাছেই সাবরেজেন্সি আপিস—একটু ডকাত—লোক জন রেজেন্সি আপিসে যোজাই আসে । আপিসের সামনে সদর রাস্তার উপর চা খাবারের দোকানও

আছে। ভিড় সেখানেই জমে বেশী তবে হাটের ভিতরের দোকানেও কিছু কিছু বিক্রি হয়। মালতীর দোকানে সব থেকে বেশী হয়। হাটের দিন ভোরবেলা থেকেই জোর বিক্রি। যারা গাড়ি করে মাল আনে আগের রাজ্রে তারা সকালে উঠেই চা খায়। ভুবনেশ্বরতলার এখনও যাত্রী হয়; রোগের জন্তে আসে, মানভের জন্তে আসে—তাদের মধ্যে রোগীরা, মানভ-করিয়েরা পুজো না দিয়ে খায় না, কিন্তু সন্দের লোকজনে খায়। সোমবার এই সব লোকের জন্তে মুড়কি বাতাসা মণ্ডা বিক্রি হয়। সে সব নিয়ে সোমবার সকালে চাঁপা আলাদা বসে।

ভোরবেলা ওরা সব সাজিয়ে গুজিরে ভৈরী করছে এমন সময় দরজার ডাক উঠল—
মালতী! কই মালতী?

মালতী চমকে উঠেছিল।—কে? বুকের ভিতরটা ধড়ধড় করে উঠছিল। কার গলা?
সে—সে নয়?

—কই বষ্টমী মাসী কই?

—আরে—! বসন্ত সোনা! কি ভাগ্য কি ভাগ্য—আস আস।

মালতী বেন পাথর হয়ে যাচ্ছিল। শুধু বুকের ভিতরটার আলোড়ন বেড়েই চলেছিল। অবাক হয়ে গিয়েছিল সে। ধবধবে পাজামা পরা—লম্বা গেকরা রঙের পাঞ্জাবি গায়ে—চোখে চশমা—মাথার চুলগুলো ঝুঁ লম্বা এলোমেলো—এ বসন্ত বেন আলাদা মাছব!

বসন্তও ঘরে ঢুকে থমকে দাঁড়িয়ে গেল। অবাক হয়ে থাকিয়ে রইল মালতীর দিকে।
এই—সেই মালতী?

মালতী নিখর হয়ে দাঁড়িয়েও তা অমুত্ব করলে—তার কান দুটো মুহূর্তে গরম হয়ে উঠল। একবার চোখ তুলে তার দিকে থাকিয়ে আবার সে চোখ নামালে। চাঁপা বললে—কি দেখছ সোনা? এঁয়া?

অসংকোচেই বসন্ত বললে—মালতীকে দেখছি বষ্টমী মাসী। কি সুন্দর হয়েছে মালতী!
শুধু তো তাই নয় এ যে একবারে মজার্ন মেয়ে!

চাঁপা মালতীকে বললে—প্রণাম কর মালা!

মালতী এবার এসে তাকে প্রণাম করে উঠে দাঁড়িয়ে বললে—আর ভূমি?

—কি আমি? আমার আবার কি হল?

—একবারে সহরের লীডার—চোখ মুখ দিয়ে আলো ঠিকরে পড়ছে!

চাঁপা বললে—বস বস বসন্ত সোনা। সে একখানা আসন পেতে দিলে।

মালতী তার কাছে দাঁড়িয়ে রইল। আশ্চর্য—শক্ত মুখেরা মালতী কেমন বেন হয়ে পড়েছে
—বোবা হয়ে গেছে।

চাঁপা বললে—চা খাবা না বসন বাবা?

—খাব না? ভোমাদের বাড়ী ভাত খেয়েছি। এখন আবার চায়ের রেন্টোঁরা করেছ। চা খাব না? কাল রাজ্রে সব শুনলাম। শুনে মনে মনে তারিফ করলাম। বা মালতী! ঠিক করেছিলাম সকালে উঠে একবারে হাটে বাব—রেন্টোঁরার ঢুকে বসে-বলব—চা দিন তো! অবাক হয়ে বাবে তোমরা!

হেসে উঠল সে।

মালতী হাসলে না। বললে—গোপাদের বাড়ী উঠেছ বুঝি ?

—হ্যাঁ। আর কোথায় উঠব ? গোপার ছুঁতাপের কথা তো শুনেছ। আমি তাতে জড়িয়ে পড়েছি। এসেছিও ওদের কাছে।

—হ্যাঁ শুনেছি। সরকার মশাই বলছিল তুমি অনেক করেছ।

একটু হেসে বলল বললে—অনেক কিনা হিসেব করি নি। তবে হ্যাঁ করেছি বৈ কি। আর্মীর যা করা উচিত, আমি যা পারি, তা করেছি।

বসন্তকে বধমান্নে নিয়ে গিয়েছিল গোপা। গোপার বিয়ে হয়েছিল বধমান্ন থেকে কয়েক জোশ দূরের এক গ্রামে। দস্তদের বাড়িতে। জমিদার ব্যবসাদার দুই-ই তারা। গোপার খণ্ডর রায় সাহেব। স্বাধীনতার পরও তারা কংগ্রেসের সঙ্গে আপোস করতে পারে নি। গত ইলেকসনে জনসংঘের হয়ে দাঁড়িয়েছিলেন গোপার ভাস্কর ; তাতে হেরেছিলেন। হঠাৎ যিনি জিতেছিলেন তিনি মারা যাওয়াতে আবার ভাস্কর দাঁড়িয়েছিলেন স্বতন্ত্র প্রার্থী ইনডিপেনডেন্ট ক্যাণ্ডিডেট হয়ে। তখন গোপার সন্ত বিয়ে হয়েছে। গোপা স্বামীকে বলেছিল—ভাস্করকে বল আমাদের গাঁয়ের বসন্ত বাড়ুজ্জকে আনতে। খুব ভাল বলতে পারে। এ সব খুব বোঝে। কি যে বক্তৃতা দেয় কি বলব।

বসন্তকে সেই কথাতেই নিয়ে গিয়েছিল গোপার ভাস্কর। বসন্ত সত্যিই কাজ করে নিজের কৃতিত্ব প্রমাণ করে, ইলেকসনেই সর্বসর্বা হয় নি, গোপার ভাস্করের রাজনৈতিক পরামর্শদাতা হয়ে উঠেছিল। ইলেকসনের পরও তাঁর কাছে থাকত। একখানা সাপ্তাহিক কাগজ বের করিয়েছিল। সম্পাদক হয়েছিল বসন্ত।

তারপর হঠাৎ মারা গেল গোপার স্বামী। তার মাসখানেকের মধ্যে গোপার খণ্ডর।

গোপার সন্তান হয় নি। গোপার ভাস্কর বললেন—সব সম্পত্তি আমার। শুধু তাই নয়, স্বামী থাকতে গোপা স্বাধীনভাবে চলাফেরা করত, সে বন্ধ করে দিলেন। হুজু সিনেমা দেখা নিয়ে। বাড়ীর গাড়ি নিয়ে। তিল থেকে ভাল হল। গোপার বাবা গেল তাকে আনবার জন্য। তাকে ফিরিয়ে দিলেন।

স্বগড়া লাগল বসন্তের সঙ্গে।

বসন্ত ওই কাগজেই লিখলে—যে লঙ্কার বার সেই রাবণ হয়। যে নেতা হয় সেই দণ্ড-মুণ্ডের কর্তা হয়। সেই হিটলার হয়। সেই মাথা নিতে চায়। মাহুকের অধিকার পদনলিত করে, নারীকে শৃঙ্খলে বাঁধে। দাসী করে। তার প্রকৃষ্ট প্রমাণ আমাদের নেতা—দস্ত মহাশয়।

শুধু তাই নয়, দস্তকে মুখের উপর বলেছে—আমি প্রোরশ্চিত্ত করব আমার পাপের। আমি গ্রামে গ্রামে ঘাব—মিটি করব। বলে আসব আপনার অভ্যাচারের কথা।

দস্ত ভয় পেয়ে গোপাকে বাপের বাড়ি আসতে দিয়েছিলেন—গহনাগুলি দিয়েছেন। সম্পত্তি ব্যবসা মামলার যা হবে।

বসন্ত বললে—কতটুকু বল ? গোশার খত্তরের সম্পত্তি—তা তার তিন চার লাখ টাকা দাম। তার সে কতটুকু পেয়েছে বল ?—

একদৃষ্টে তার মুখের দিকে তাকিয়ে শুনছিল মালতী। বসন্ত খামল। সে আন্তে আন্তে বললে—আমি ? আমার অন্তে কতটুকু করেছ বল ?

হাসলে বসন্ত। বললে—তোর অন্তে কি করার ছিল বল ?

—কিছু ছিল না ?

—বল—কি ছিল ?

একটা দীর্ঘনিশ্বাস ফেলে মালতী বললে—না। কিছু ছিল না। আমারই তুল। বলে সে হঠাৎ উঠে ধরে চলে গেল।

—আরে ! মালতী !—মালতী !

তাকে অনুসরণ করে ধরে গিয়ে ঢুকল বসন্ত। মালতী গিয়ে ওদিকের জানালাটা ধরে দাঁড়িয়েছে। বাইরে তাকিয়ে আছে।

—মালতী ! আবার তাকলে বসন্ত।

—মালতী ! বসন্ত তার পিঠে হাত দিয়ে তাকলে।—মালতী !

মালতী ঘুরে তাকাল। সে কাঁদছে। দুই চোখ থেকে জল গড়িয়ে নামছে।

—তুই কাঁদছিল !

স্থির দৃষ্টিতে মালতী তার দিকে তাকিয়ে আছে। অজুত সে দৃষ্টি। বিস্মিত হল বসন্ত সে দৃষ্টি দেখে। স্থির নিশ্চলক।

—বসন্ত চা এনেছি !

চীপা ঘরে ঢুকেছে চা হাতে নিয়ে। কিন্তু তাতেও তার সযকোচ নেই চাকল্য নেই। মালতীর দৃষ্টি দেখে সে শঙ্কিত হয়ে তাকলে—মালতী ! মালা !

মালতীর দৃষ্টি যেন দপ্ করে জলে উঠল—সে চীৎকার করে উঠল—মা—সী !

—মালতী !

মালতী ছুটে এল তার দিকে হিংস্র ভক্তর মত—যাও—যাও বলছি !

সত্বরে পিছিয়ে গেল চীপা। অক্ষুট কর্তে বললে—মালা !

—মেরে কেগব তোমাকে। যাও !

চীপা চলে গেল। দরজাটা ভেজিয়ে দিয়ে মালতী কিরল বসন্তের দিকে। তার চোখ এখনও জলছে। চোখের জলের নিচে দৃষ্টির সেই আগুন যেন অনেক রঙ ফুটিয়ে তুলছে কপে কপে।

বসন্ত দেখছে। সে চকল হয় নি। স্থির হয়ে দাঁড়িয়ে আছে। একটু হাসি বয়ং ফুটে উঠেছে তার মুখে। মালতী বললে—ওই মাঠের পথে একদিন—। মনে আছে ?

—মনে আছে তোর সে কথা ? বসন্তের মুখের একপাশে হাসিটা বেশী করে ফুটে

।

—তুমি আমাকে বিয়ে করবে বলেছিলে। আমাকে জড়িয়ে ধরে—। এবার ভেঙে

পড়ল মালতী! ঝরঝর করে কঁদে ফেললে। বসন্ত এসে তার মাথাটা বৃকে টেনে নিলে।
মালতী বললে—জেলখানায় ষাড়াই বছর আমি শুধু তোমাকে ভেবেছি। তোমাকে স্বপ্ন দেখেছি।

বসন্ত তাকে ছেড়ে দিয়ে বললে—বল মালতী। সে কথা আমি ভুলি নি। আমার মনে আছে।

—না না—নেই। তবে তুমি আস নি কেন এতদিন?

—কাজে—

—কাজ! গোপার কাজ!

—না। কাজ, কাজ! আমার কাজ। আমার এখন অনেক কাজ।

—জানি। তুমি এখন মস্ত বড় লোক। অনেক নাম তোমার।

—তবু আমি তোকে ভুলি নি। তোকে আজও ভালবাসি।

মালতী দুই হাত বাড়িয়ে তার গলা জড়িয়ে ধরে তার মুখে মুখ রেখে বললে—তোমাকে নইলে আমি বাঁচব না। না—না—না! আবার সে কঁদে উঠল।

—বসন্ত! বসন্ত!

বাইরে থেকে চাপা ডাকছে।

শিশুর মত জুড়ু দৃষ্টি নিয়ে ঘাড় ঘুরিয়ে তাঁকালে সে দরজার দিকে। চীৎকার করে বলতে গেল—না! কিন্তু তার মুখে হাত চাপা দিয়ে বসন্ত বললে—একটু পরে বস্টম বউ।

—তোমারে ডাকত্যাছে। দশ বারো জন লোক আসছে। বাইরে দাঁড়িয়ে আছে।

—কি বিপদ! ছাড় মালতী! দেখি। আমি তোকে আজও ভালবাসি মালতী। ছাড়।

মালতী ছেড়ে দিল তাকে। আশ্চর্য—সলজ্জ হানি ফুটে উঠল তার মুহূর্ত-পূর্বের হিংস্র-ক্ষুব্ধ মুখে। বললে—বড় লোক হওয়ার বিপদ! যাও।

বসন্ত বেরিয়ে গেল।

মালতী চোখ মুছেলে।

কয়েক মুহূর্ত শুক হয়ে দাঁড়িয়ে রইল। বাইরে বের হতে যেন লজ্জা হচ্ছে তার। চাপা মাসীর কাছে লজ্জার যেন শেব নাই। একটা অপরাধবোধ তাকে বেন মুইয়ে ফেলছে। ছি-ছি-ছি! পাগলের মত কি করলে সে। কয়েক মুহূর্ত পর নিজেকে সামলে নিয়ে বাইরে এল সে। ডাকলে—মাসী!

চাপা উপু হয়ে মাথার হাত দিয়ে ভাবছে মাটির দিকে তাকিয়ে। জিনিসপত্র সাজানো পড়ে রয়েছে। দোকানের লোকটা বসে আছে উঠোনে। চাপা একটু হেসে বললে—কও মাসী কি বলছ?

—রাগ করেছ?

—রাগ? হাসলে চাপা। না। ঘাড় নাড়লে।

—আমার মাথার ঠিক ছিল না মাসী!

—ও কথা থাক মাগতী!

—ও আমার শ্রাম মাসী!

—মালা! তেমনি ভজতে পারবা কত্না?

—পারব মাসী!

—শ্রামে বিশ্বাস কর মালা?

—না—তা করি না!

—তবে? তা নইলি হয় না মাসী!

—দেখো!

লোকটি বসে বিড়ি টানছিল। বিড়িটা ফেলে দিয়ে বললে—দেরি যে অ্যানেক হয়ে গেল গো! হাটের দিন! চলেন!

—ওঠ মাসী!

—চল।

হাট জমেছে কলরব উঠছে। আজ হাট জমাট বেশী। আজ অনেক কাঠের গাড়ি এসেছে, শালের গদি—তৈরী দরজা বোঝাই গাড়ি এসে আট দিবেছে অশথ বট জঙ্গলের মধ্যে। ওরা যাচ্ছে বৈরিগীতলার মেলায়। বাংলাদেশের মধ্যে সবচেয়ে বড় মেলা। তার উপর সামনে শ্রীপঞ্চমী শীতলাষষ্ঠী। ইন্সুলের ছেলের দল, বালিকা বিজ্ঞানঘরের মেয়ের দল ভেঙেছে সরস্বতী পূজার হাট করতে; গৃহস্থেরা এসেছে ষষ্ঠীর হাট করতে। ভাঁটা এনেছে আজ গাড়ি বোঝাই করে। ষষ্ঠীতে ভাঁটা বিশেষ করে কাটোরার আলমপুরের ভাঁটার আজ খুব চাহিদা। মটর কলাই বেগুন শিম এও এসেছে প্রচুর। মটর সেক্কা শিম বেগুনের তরকারি আর ভাঁটা পোস্তর তরকারি শীতলাষষ্ঠীর অনিবার্য অঙ্গ। চাই-ই। ওপাশে কাঠের দোকানের বটতলার পাশে পাইকারেরা ধানী এনেছে অনেকগুলো। সরস্বতী পূজার জন্তে ছেলেরা মেয়েরা কিনবে—ষষ্ঠীর দিনে বাবুরা দিনে বাসী খেয়ে রাত্রে বাইরের বাড়িতে ইঁটের উনোন করে মাংস খিচুড়ি খাবে। শীত আর ক'দিন। ওদিকে কুমোরেরা বিক্রির জন্তে ছোট ছোট সরস্বতী এনেছে। দু'চারখানা মাঝারি প্রতিমাও আছে। আজকালকার কলকাতার ফ্যাশনের সরস্বতী।

একজন কারওয়ালা ফিরি করে বেড়াচ্ছে—বাসন্তী রঙ বাসন্তী রঙ। আজ কার ফিতের সঙ্গেও লোকটা বাসন্তী রঙ এনেছে। মেয়েরা বাসন্তী রঙে কাপড় ছুপিয়ে পরবে।

মালতীর দোকানেও আজ খন্দের বেশী।

মালতী আজ যেন ফুটে ওঠা পদ্মের মত চলচল করছে। জীবনে আনন্দের ঘোড়ের বলক পড়ে যেন সব কটি দল মেলে ফুটে উঠেছে।

জীবনের কামনা সহস্র ধারার স্বরে পড়ে লজ্জা সংকোচ সংস্কার সব কিছুকে ঐরাবতের মত ভাসিয়ে দিয়েছে। যে যা বলবে বলুক। যা হবে হোক। তার ভাবনা নাই চিন্তা নাই আশঙ্কা নাই। সে নির্ভর। বলন্ত তাকে ভালবাসে। মধ্যে মধ্যে সে খিলখিল করে হাসছে।

শ্রীমতীর দোকানে গান বাজছে ঐমোকোনে—

মিলনমধু মাধুরীভরা স্বপন রাতি ফুরায়ো না ।

এ সুখ মম শেকালী সম স্বরায়ো না । ওগো স্বরায়ো না

ভারী ভাল লাগছে । মাঝে মাঝে পারিপার্শ্বিক ভুলে গিয়ে গুনগুন করে স্বরেশ্বর মেলাতে চেষ্টা করছে ।

ভার দৃষ্টি আর আর কথা কাচের মত কিছু দিয়ে ঢাকা নয় কিন্তু সব বেন একদিক থেকে আর একদিক পর্যন্ত মিলে মিশে একাকার হয়ে যাচ্ছে । লোক লোক আর লোক—কালো মাথা—ঘোমটা দেওয়া মেয়েদের মাথা । ভারই হাথার মুখ, চকিভের মত একটা মুখ চোখে পড়ছে—চকিতে মিলিয়ে যাচ্ছে—সে হেঁট হয়ে জিনিস কিনছে কিংবা পিছন ফিরছে । কিংবা এদিক থেকে কতকগুলো মাথার পিছন দিক তাকে ঢেকে দিচ্ছে । সব অর্ধহীন ভবু ভারী ভাল লাগছে ।

বনবন শব্দ উঠল । চাঁপা আপসোস করে বলে উঠল—ভাঙলি !

ফিরে ডাকালে মালতী । খুঁজে গিয়ে ক'খানা ভিস দুটো কাপ ভেঙে ফেললে টিক্‌লি । অপ্রস্তুত হয়ে দাঁড়িয়ে গেছে সে । মালতী রাগ করতে পারলে না । হেসে বললে—ভাঙা টুকরোগুলো হুড়িয়ে ওই ময়লা কেলা টিনটার মধ্যে ফেলে দে । চল আমি বাসনগুলো ধুয়ে দি ।

কোমরে কাপড় জড়িয়ে সে এগিয়ে গেল ।

'টিনের দেওয়ালের ওপাশে দাঁড়িয়ে কে বৃহুবরে বলছে—মেরেটা কিন্তু চমৎকার দেখতে ভাই ।

—হাসি দেখেছিল ?

মালতীর ওনেই হাসি পেয়ে গেল । খুক খুক করে হাসতে লাগল ।

বাসনগুলো ধুয়ে সে চাঁপার সামনে নামিয়ে দিয়ে তৈরী চায়ের কাপগুলো তুলে তুলে খেদেরদের সামনে ধরে দিতে লাগল ।

—কাপড় রাখবেন ? কাপড় । ডুরে রঙীন কাপড় ।

কাপড়ওলা এসে দাঁড়িয়েছে ।

—খুব রসিক তুমি । কাপড় রাখবার সময় বটে ।

কাপড়গুলার পিছন থেকে কে বললে—এই সর না হে ! এই ।

বুখানা ধরক করে উঠল মালতীর । বসন্তের গলার আওরাজ । ভরাট গলা—গুধু ভরাটই নয় গঁড়ীরও বটে । মাঝারি মাথার মাহুব—কাপড়গুলার পিঠের বোঝার ওদিকে গুধু চুল দেখা যাচ্ছে । কাপড়গুলোটা লম্বা ।

—ভনছ ।

কাপড়ওলা সরে দাঁড়াল । বৃহু বৃহু হাসছিল বসন্ত । হেসে বললে—চা খেতে এসেছি । বসন্তের সঙ্গে কাঁটি ইকুলের ছেলে ।

সেই মুহুর্তে শীতের দিনেও বেন ঘাম ফুটে উঠলে মালতীর কপালে । সে হেসে বললে—

আসুন। এস বলতে পারলে না।

বসন্ত ঢুকল দোকানে। চারিদিকে তাকিয়ে দেখে বললে—আরম্ভ ভাল হয়েছে। কিন্তু ঘর পাকা করতে হবে। ইলেকট্রিক লাইট নিজে হবে।

তারপর ছেলেদের দিকে তাকিয়ে বললে—ও-সব দেশের কথা হাটে হয় না ভাই। অল্প সময় আমার কাছে এস।

ছেলেরা বললে—কোথায় যাব? কখন যাব?

—যেয়ো না। কাল বিকেলে—এই মালতীর বাড়ি চেন? ওদের বাড়ি যেয়ো! ওখানে থাকব।

মালতী খুশী হয়ে উঠল। নিজের চেয়ারখানা তুলে তাকে দিয়ে বললে—বসুন।

—বসলাম। খুব ভাল করে চা তৈরী কর। সিগারেট রয়েছে দেখছি—দাঁও আমাকে এক বাস্স দাঁও।

সিগারেট দিয়ে এগিয়ে গেল মালতী। চাঁপা চায়ের জল নামিয়েছিল তার কাছে গিয়ে বললে—সর মাসী আমি তৈরী করি।

চাঁপা জিজ্ঞাসা করলে—চপ দিব?

—না থাক।

বসন্ত বললে—সে গুনতে পেরেছিল কথাটা—বললে—চপ না, বেগুনী ভেজে দাঁও দেখি! বেশ ভাল করে ভাজ।

মালতীর বড় ভাল লাগছে। বসন্ত এসেছে দোকানে। সে তা হলে দোকান করাকে ধারণ ভাবে নি! ভারী ভাল লাগছে। চিনি একটু বেশী দেবে কিনা ভাবছে!

—বসন্ত। ভাল ভাল ভাগ্য ভাল। দেখা পেলাম।

—কি—কি খবর?

—হাট করতে এসেছি।

ফিরে তাকালে মালতী। বেশ কাপড়জামা-পরা বয়স্ক উদ্রলোক। লোকটি ভিতরে এসে বলল।

বসন্ত বললে—তু কাপ চা কর।

লোকটি বললে—চা আমি খাব না। একটা কথা জিজ্ঞাসা করব তোমাকে?

—বলুন।

—এই কাণ্ডটি তুমি কেন করলে?

—কাণ্ড আমি অনেক করি। আপনি কোন্ কাণ্ডটির কথা বলছেন! বলুন আগে!

—আমার ভায়ের বিয়ে কায়স্থের মেয়ের সঙ্গে দিলে কেন? জাতি মারলে কেন? তুমিই তাকে প্ররোচিত করেছ।

—প্ররোচিত সে হয়েই ছিল! বললে বিয়ে করব ওকে! আমি দোষের কিছু দেখি নি। বললাম—কর।

—দোষের কিছু নেই? আশ্বপের ছেলে—কায়স্থের মেয়ে—

বাধা দিয়ে বসন্ত বললে—না। কিছু দোষের নেই।

—তুমি হিন্দুস্তান—

—আমি কোন স্তান লোক নই। আমার মত আমার। আমি স্বতন্ত্র! হিন্দু কারখতে বিয়ে কি—আমি ও বিয়েরই প্রয়োজন মনে করি নে। ওটা সমাজের একটা চাপার্টানো নিয়মের নামে অনিয়ম। ভালবাসা হয় পুরুষে নারীতে—ভালবাসা হলে তারা একসঙ্গে বাস করবে। এর মধ্যে আবার বিয়ের ঘটনা কেন?

—তুমি অতি পাষণ্ড!

—আপনারা ভণ্ড। ধর্মের বণ্ড!

—বসন্ত!

—ধমকাচ্ছেন কাকে? হাসলে বসন্ত।

আশ্চর্য! বসন্ত হাসতে হাসতেই কথা বলছে। একটা সিগারেট শেষ করে আর একটা ধরাচ্ছে। মাগতী চারের কাপ হাতে বসেই আছে। উঠে দেবে কি না বুঝতে পারছে না। বসন্ত লক্ষ্য করে বললে—চা দাও মাগতী!

মাগতী চারের কাপ এবার গিরে নামিয়ে দিলে।

লোকটি এতক্ষণ স্তব্ধ হয়ে ছিল এবার অকস্মাৎ যেন বলে উঠল—নিজ্ঞে? নিজ্ঞে কি করবে?

—আমি? আমার অনেক কাজ মুখুঞ্জেশ্বরশাই। বিয়ে করবার ফুরসত নেই। আর ইচ্ছেও নেই। বিয়ে আমি করব না। হাসলে বসন্ত।

—ব্রহ্মচারী হবে? এদিকে তো মদ ধরেছ শুনেছি।

—মিথ্যে শোনেন নি! তা ধরেছি। রাতে খাই স্বাস্থ্যের জন্তে। আর ব্রহ্মচারী থাকব তাও বলি নে। যদি কাউকে ভালবেসে ফেলি তবে তাকে বলব—এস আমরা দুজনে ধর বাধি। বাধে ভাল। না বাধে, যে এইভাবে বাধতে চাইবে তাকে খুঁজব।

চারের কাপে চুমুক দিয়ে বসন্ত বললে—খাসা চা করেছ! দাও দাও মুখুঞ্জেশ্বরশারকে এক কাপ দাও। খান! খেয়ে মেজাজ ঠাণ্ডা করুন।

লোকটি বিনা বাক্যব্যয়ে উঠে চলে গেল। বসন্ত হা-হা করে হেসে উঠল। চার পাঁচজন খন্দের এসে ঢুকল।

—কই, দুটো করে চপ আর চা।

বসে পড়ল তারা বেঞ্চের উপর। বসন্ত উঠল।—চললাম। দাম নিবি নে?

শুধুভাবে তাকাল মাগতী। বললে—না।

বসন্ত হাসতে হাসতে দোকানের বাইরে গিরে দাঁড়াল—সমস্ত হাটটা ভাল করে দেখে বললে—ওঃ আজ লোক যে খুব। ওঃ।

চাপা মাসী বললে—হবে না? তুমি শহরে থাকো সব ভুলে গেছ সিরা। হইছ—

—কেন ভাঙে কি হল? কি ভুললাম?

—আজ হাটটা কিসের মনে করতি পার ?

—ও। হ্যাঁ হ্যাঁ। সরস্বতী পুজোর হাট। তাই এত ইকুলের ছেলে বালিকা বিজ্ঞানরের
মিষ্টিমণিদের ভিড়।

—শুধু অদের। সরকারী আপিসের বাবুদের আছে। ছুটা আছে। কেলাবের আছে।
ইন্টিশানের আছে। সেদিন ক'টা গোনলাম মালতী ? দশখানা না ? হাটের একখানা
—হ্যাঁ।

—হাটেও সরস্বতী ? কি সরস্বতী—শাভবিত্তের সরস্বতী ?

—সে যা বল। তোমরা পণ্ডিত লোক। লীডার মনিষ্টি। শুধু সরস্বতী পূজা না।
পরদিন অরুদন—বাসী খাওন। শীতলাবতীর হাট।

—টিক্লি ! ডাকলে বসন্ত। টিক্লি তাকাল তার দিকে।

বসন্ত বললে—যা তো দেখে আর তো মুরগীর নয় কি রকম ? সরস্বতী পুজো শেতলা-
বতী—লোকে মুরগীটা খাবে না। যা। মা সরস্বতীর জরজরকার হোক।

—তুমি খাবে ? সবিন্মরে জিজ্ঞাসা করলে চাঁপা।

—ও তুমি বুঝি জান না ? মা সরস্বতী মুরগী খুব ভালবাসে। তা নইলে লোকে এত
বিধান হয়।

চাঁপা হেসে উঠল। মালতী বললে—খন্দের কি চাচ্ছে দেখ মাসী !

একদলে পাঁচজন খন্দের এসে ঢুকল—বাঃ বেশ দোকান হয়েছে। অরুদনে—
হাটের মাঝে পরম কৌতুকভরে হরি—বো—ল ধনি দিয়ে উঠল লোকেরা। তার মধ্যে
থেকে ভিড় ঠেলে ছুজন লোক পর পর বেরিয়ে এল।

—আর ! আর—আর।

—চল—চল।

—হ্যাঁ আর !

—হ্যাঁরে চল ! চল না।

—আয়। আমি বাবার সামনে কেলে দোব পরশা। তোকে কুড়িয়ে নিতে হবে।

—নিশ্চয় নোব। বাবার মাথায় দে না তু।

—হুঠ হবে।

—তুই শালায় যে হয়েছে। শালা আমার বন্ধু। হাটখুল। জোচ্চার কোথাকার !

বলতে বলতে দোকানের সামনে দিয়েই চলে গেল তারা ভুবনেশ্বরজলার দিকে।

ঠাকুর বললে—তুই মিতনে স্বপড়া লাগল। তরকারিওলা মিতন পাল আর বোড়িয়ে
চালের বোগানদার মিতন পাল। আজব ব্যাপার।

মালতীও জানে ওদের। বাপের আমলে ওদের দেখেছে। বাবার কাছে ধরনী জেঠার
কাছে শুনেছে, তখন বলত—দশ বছর আগে ওরা হাটে হাটখুল পাতিয়েছিল। দুজনেই
স্বত্বাধার পাল ; তরকারিওলা মিতন পালের জমি-জেরাত ছিল না—তরকারি কিনে হাটে
আনত। চাল কিনত বাজারে। চালওলা মিতন চাল বেচে হাট করে নিয়ে যেত। দুজনের

এক নাম শুনে বন্ধু হইয়াছিল। সে বন্ধু প্রগাঢ় বন্ধু। চাল বেচে কিছুটা চাল—কোন দিন এক সের কোনদিন দেড় সের চাল চালওয়ালা মিতন তরকারিওয়ালা মিতনকে দিত খাবার জন্তে।—পায়েরস'করে খেয়ে। বাসওয়ালা চাল। তরকারিওয়ালা মিতন কোনদিন কচি লাউ দিত পায়েরস করে খাবার জন্তে। কোনদিন দিত ভাল বেগুন—পুড়িয়ে খেয়ে হাটধূল। একেবারে মাখনের মত। তখনকার দশ বছর তারপর আড়াই বছর বারো বছরের উপরের ছুই হাটধূলের বিবাদ—এমন বিবাদ দেখে দেখে তারও বিশ্বয় লাগল।

মালতীর দোকানের একজন খন্দের হঠাৎ দাঁড়িয়ে উঠে হাত তুলে চীৎকার করে উঠল—এ—খা—নে! চাটুজ্জে এখানে—। ঘো—ষ।

এবার কানে ধরা পড়ল হাটের কোলাহল ছাপিরে যে কয়েকটা চীৎকার উঠছে তার মধ্যে একটা ডাক—চাটুজ্জে—চাটুজ্জে!

কারওলা হাঁকছে মধ্যে মধ্যে—এই কা—র।

কেউ হাঁকছে—মালমপুরের ডাঁটা। ফু—রিরে গেল।

কেউ হাঁকছে—বেগুন!

—ধা—খা—ক—পি! তার মধ্যে একজন হাঁকছে চা—টু—জ্জে!

দোকানের লোকটি সাজা দিলে উঠে দাঁড়িয়ে হাত তুলে—শুধু সাজা পেলে চলবে না দেখতে পাওয়া চাই। হাটে এখন শুধু মাধাই দেখা যাচ্ছে। কালো চুল। মেয়েদের ঘোমটার সাদা কাপড়গুলো তার মধ্যে ছিটফোটোর সৃষ্টি করেছে। মধ্যে মধ্যে রঙিন কাপড়ও আছে। সেগুলো সাদা কাপড়ের ঘোমটার মত চোখে ঠিক পড়ে না।—চাটুজ্জে—এই যে! ঘো—ষ!

ঘোষ এলে দাঁড়াল, বললে—বেশ যা হোক। চা খেতে বসে গিয়েছেন?

—ভারী ভেটী পেয়েছিল। সেই রাত থাকতে বেরিয়েছি। বস, খাও এক কাপ চা খাও। দুটো চপ খাও। পেট ঠাণ্ডা করে হাট করবে।

—নতুন দোকান!

—হ্যাঁ। ভাল দোকান!

—দোকানদারনী আরও ভাল!

মালতীর তুর্ক কুচকে উঠল।

চাঁপা বললে—আপনারা ভাল কইলেই আমরা ভাল। নইলে মন্দ!

মালতী এবার হেসে বললে—আপনাদের ভরসাতেই তো দোকান। আপনারা ভাল করে খান। তবে ভো!

—ভা হলে আরও দুটো করে চপ দাও।

—দাও মাসী।

—কোখার বাড়ি তোমার? কোথেকে এলে গো? পূর্ববঙ্গের রেফুকী বুঝি। তোমরাই এসব পার। আমাদের দেশের মেয়েদের এ সাখ্যি নাই!

—আমি এখানকার মেয়ে।

—এখানকার ? কার মেয়ে গো ?

—আমার বাবার নাম ছিল শ্রীমন্ত দাস ।

লোকটি হাঁ করে তার মুখের দিকে তাকিয়ে রইল । মালতী বুঝলে সে চিনেছে তাকে ! লোকটার হাঁ কি বিশী ! সামনের ক'টা দাঁত নেই । বাকী ক'টা কাল হয়ে গেছে । তুমি পেরেছে নাকি ? হাসি পাচ্ছে তার । তবু সে বললে—শ্রীমন্ত দাস এখানে মনিহারীর দোকান করত । তার মেয়ে বাসুদেব দোবেকে কেটেছিল মাছ কোটা বীট দিয়ে—

—হ্যাঁ ।

মুখ থেকে খানিকটা চপ পড়ে গেল চপের ডিসের উপর ।

মালতী অল্প দিকে মুখ ফেরালে । অল্প সব দিকেই হাট । হাটটার এখন কোলাহল কেমন মৌমাছির চাকের গুনগুনানি গানের মত একটানা নুরে চলছে । লোক দুটি কিসকিস করে কি বলছে । ইচ্ছে হচ্ছে তাকাতে কিন্তু পারছে না । তাকালেই হেসে ফেলবে সে । বসন্ত চলে গেছে । ওই মুরগীর দর বরছে । পাইকার ওকে বার বার সেলাম করে কথা বলছে ।

—পরসা । পরসা নাও গো ।

সেই লোক দুজনের একজন—ইনি চাটুজ্জে । একখানা পাঁচ টাকার নোট ফেলে দিলে । তারপর বললে—খাবার তোমার ভাল । বেশ চপ করেছ ।

—আপনার দশ আনা হয়েছে । চারটে—

—ঠিক আছে—কেটে নাও । এক বাস সিগারেট দাও । জুড়ে নাও ওর সঙ্গে ।

—হু' বাস নাও ।

—হু' বাস ?

—বুঝেওসর্গের হাট—তাতে হু' বাস সিগারেট । বেশী হল ?

—তবে হু' বাসই দাও । আর একটা কথা ।

—বলুন ।

—তোমাদের দোকানের এই পাশে টিনের দেওয়ালের গায়ে আমাদের হাটের জিনিস রাখব । কিছু মাটির বাসন ভেঙে রাখব, নইলে ভেঙে দেবে ।

ঠাকুর জিজ্ঞাসা করলে—সরস্বতী পূজো ? কোথাকার গো ?

—না না । শ্রদ্ধ । যাও ঘোষ এইখানে কপিগুলো চালতে বল । যাও ।

ঘোষ চলে গেল ।

ঠাকুর জিজ্ঞাসা করলে—কার শ্রদ্ধ ? কে মারা গেলেন ?

—শ্রদ্ধ নয় সপিন্ডিকরণ । বর্ষার সময়—দশ দিনে সব হয়ে ওঠে নি । এখন হচ্ছে । অগণপুরের হে । মানববাবুর শিভার শ্রদ্ধ । জীবনবাবুর । ঙ্গদের তো নিরম আছে । তুম্বনো—শৈতে—বিরে—শ্রদ্ধ—এই দশকর্মের হাটবাজার ভুবনপুরের হাট ছাড়া হবে না !

অগণপুরের বাবুদের উন্নতি এই হাট থেকে । তিন পুরুষের আগের পুরুষ নাম ছিল নরপতি চাটুজ্জে । মানববাবুর বাবা জীবনবাবু—তার বাবা গণেশবাবু—তার বাবা নরপতি

চাটুজ্জে। নরপতি গরীব ব্রাহ্মণ। ভুবনপুরের দে বাড়িতে খাতা লিখতেন—মাইনে ছিল—
খাওরাদাওরাদা আর পাঁচ টাকা মাইনে। খাতা লেখা ছাড়া ব্রাহ্মণ অতিথ এলে রান্না করেও
দিতে হত। দে বাড়িতে তখন রাঁধুনী বামুন কি ঠাকরুন থাকত না। দে মশায়দের অনেক
ব্যবসা ছিল! ধান চাল কলাইয়ের বাঁধি কারবার—তেল খি ছন মশায়র গদি—কাপড়—
সব রকম ব্যবসাই ছিল। নরপতি চাটুজ্জের মালিক এর সঙ্গে খুলেছিলেন তুলোর কারবার।
শিমুল তুলো পাড়িয়ে চালান দিতেন। আট ক্রোশ দূরে বিখ্যাত ঋশানঘাট। সেখান থেকে
ঋশানের তৌশক বালিশের তুলো কিনে তাও চালান দিতেন কলকাতায়। ঋশানের তুলো
চণ্ডালেরা কাপড় ছিঁড়ে ফেলে গাদা করে হুড়ি দিয়ে বেঁধে দিত। একবার নরপতি একটা
ছোট গাঁট কিনেছিলেন—সে গাঁটটা দে মশায়রা নেন নি তার দুর্গন্ধের জন্ত। সেটা ছুঁ
টাকার কিনেছিলেন নরপতি বিছানা তৈরি করাবেন বলে। দুর্গন্ধ দূর করবার জন্ত খুলে
ছাড়িয়ে রোদ্দুরে দিতে গিয়ে তার মধ্যে একটা নোটের বাণ্ডিল পেয়েছিলেন। সেই টাকার
মূলধন করে ব্যবসা ফেঁদে জগৎপুরের চাটুজ্জে বাড়ি ধনী। নরপতি লক্ষপতি হরেছিলেন—
কলকাতাতেও গদি খুলেছিলেন বড়বাজারে। কিন্তু ক্রিমাকর্মেয় হাট ভুবনপুরের হাট ছাড়া
হবে না এই আদেশ তিনি উইলে বেধে গেছেন। এমন কি এখনকার মালিক মানববাবুর
বিয়ে হরেছিল কলকাতায় কিন্তু তরীর হাট এখন থেকে গিয়েছিল।

ছু'গাড়ি বাঁধাকপি—সে ছোট একটা টিবির মত জড়ো হয়ে উঠল। তার পাশে আলু।
বড় বড় নৈনীতাল আলু। ভুবনপুরের হাটে নৈনীতাল আলুও আসে। ভাল খাস নৈনীতাল।
মটরগুঁটি ছু' বস্তা। মস্ত ক্রিমা হবে—সপ্তগ্রামী নেমতর।

মালতীর দোকানের ভিতরে এক কোণে মাটির গেলাস জড়ো করছে একজন লোক।
চাটুজ্জে বাড়ির রাখাল বাগাল মান্দর বা মুনিষ জন কেউ হবে। তা হলেও লোকটি ভারী
সুন্দর দেখতে। সুন্দর গড়ন সুন্দর মুখশ্রী।

—হাঁ মা, ওই কি? দোকানে কি ভাজছে—চপ না কি বলছে—কত দাম?

মালতী কিরে তাকাল। কালো একটা মেয়ে। অন্নবয়সী। হাতে পরসা নিয়ে নাড়ছে
এবং চপের দাম জিজ্ঞাসা করতেও খুব সংকুচিত হয়ে উঠেছে।

টিকুলি জিজ্ঞাসা করলে—কি লো চপ খাবি? খুব ভাল—খা।

মালতী বললে—ছু' আনা একটা।

মেয়েটি একধার জবাব দিলে না—হঠাৎ বৌ করে ঘুরে হনহন করে হাটের ভিড়ের ভিড়র
মিশে গেল।

মালতী ডাকলে—শোন শোন।

কিন্তু সে কিয়ল না।

টিকুলি বললে—এত পরসা কোথা পাবে?

মালতী বললে—তুই চিনিস?

—হ্যা, হাটে আসে।

—কোথায় বাড়ি?

—ওই কোমরপুর। স্বামীর ঘর করে না, বাপের ঘরে থাকে। বলি লেভা করিস না ক্যানে—তো বলে মন।

—খারাপ মেয়ে ?

—তা লাগে না। খেটেখুটে খায়। হাটের বায়ে খুঁটে নিয়ে আসে গাঁয়ে বাজারে বিক্রি করে।

মালতীর ভাল লাগল, বললে—ওকে বলিস না আমাদের খুঁটে দেবে। যা—দেখে ডেকে নিয়ে আর। একটা চপ দেব।

টিক্লি চলে গেল। ঠাকুর বললে—আরে বাসন ক'টা ধুয়ে দিবে যা।

মালতী বললে—কি কর কি মাসী! রাখ। কে কত জন আসছে—বামুন কারেত তো না। নানান জাত।

—এখনই এক মিন্না খাইয়া গেল। আমি চিনি।

মালতী হেসে উঠল, বললে—জ্বলে জ্বাবেটা বিবির বাসন ধুয়েছি মাসী।

—সি জ্বেহলে পোষ নাই। জ্বেহলে বৃহৎকাঠে বিছাতে—ইসবের কথা পৃথক!

মালতী বললে—চা খাবারের দোকানও পৃথক মাসী। তাছাড়া এটা তো হাট গো। ভুবনপুরের হাট। এখানে মুসলমানেরাও মানত করে ঢেলা বাঁধে। আগের কালে ওই অশখ বটের জমলে মোরগ ছেড়ে দিয়ে যেত।

—হ—রি—বো—ল!

কোমরভাঙা এক ভিথিরী এসে সামনে বলল। ভিথিরী আসে হাটে। কানা খোঁড়া কুঠরোগী—আবার বাউল আসে। আলুর দোকানে একটা দুটো আলু, লক্ষাওয়ারা দুটো লক্ষা, বেগুনওয়ারা কখনও একটা পোকা-মাগা বেগুন দেয়, পঁয়াজ দেয়, বাকী যারা বড় জিনিসের কারবারী তারা কানা খোঁড়া কুঠরোগীদের এক একটা পয়সা দেয়—বাকী লোকে ডাগিয়ে দেয়। তবে আলখানাপরা বাউল বা গেকরাপরা তৈরব তৈরবী এদের কেয়ার না। এবং প্রত্যেক হাটে আসেও না।

কোমরভাঙা খোঁড়া বসে বসে হাটে। সে আবার হাঁকলে—হ—রি—বো—ল!

মালতী বাসন ধুতে ধুতেই বললে—এ খোঁড়া কতদিন এসেছে? কোথেকে এল? সে বুড়ো খোঁড়া কোথায় গেল?

খোঁড়া বললে—মেদিনীপুর থেকে এসেছি মা। তুমি দোকান করেছ। তা তোমার ভাল বিক্রি হবে। খুব ভাল হবে। ও বুড়ীর দোকানে কেউ যাবে না দেখো।

চাপা দুটো বেগুনী দিলে—এই নিয়া যাও।

—একটা কি নতুন করেছ দিবে না? লোকে বলছে ভাল খেতে।

মালতী একটা ভাঙা চপ তার হাতে দিল। সে সেটা মুখে পুরে খেতে খেতে বসে-হেঁটে এগিয়ে গেল।

টিক্লি কিরে এল, বললে—পেলায় না তাকে। একজন বললে সে দুটতে দুটতে পালিয়েছে।

মালতীর মনে পড়ছিল পুরনো কালের খোঁড়াকে। এ ক' হাটের মধ্যে তার কথা মনে হয় নি, আজ এই খোঁড়াকে দেখে মনে পড়েছে। বললে—সে বুড়ো খোঁড়ার কি হল মাগী ?

—সে মাগী ছাই রাখছে। আহা জলে ডুবায় মরেছে গ!

—জলে ডুবে ?

—ই গ। রাস্তিরে পড়ে গেছিল একটা ডোবার।

খোঁড়াটা মরেছে। খালাস পেয়েছে। কিন্তু ভূবনভঙ্গার হাটে তার স্থান খালি পড়ে নেই, ঠিক আর একটা খোঁড়া এসেছে।

ধরণী জেঠা দোকানের সামনে দিয়ে বলতে বলতে যাচ্ছিল—ভূবনগুরুর হাট—আজ জুড়লে কালকে ফাট। যাঃ বাবা—দশ পনের বছরের পিরীত—গেল! থমকে দাঁড়াল ধরণী। হেসে বললে, বাঃ এতো জোর চলছে তোমার মা!

মালতী বললে—চা খান।

—তা বেশ, খেয়ে বাই। তুমি দোকান করেছ! ভিতরে ঢুকল ধরণী। একজন খদ্দের বললে—কি হল দাস? মিটল? পারলে মেটাতে।

—নাঃ। ওই আর মেটে? এমনি করে চড় কি ল ঘুঘির পর? কেসু হয়ে গেল। দুজনেই গেল খানার।

ওই চালওলা মেতন আর তরকারিওলা মেতন। দুজনেই গেছে খানার।

ধরণী বললে—দোষ দুজনারই। আগে এ ওর কাছে ছাড়া তরকারি কিনত না—এ ওর কাছে ছাড়া চাল কিনত না। এখন তরকারি মেতনের অবস্থা কিরেকে—জমি কিনেছে, ধান হয়। চাল কম কেনে। চাল মেতন ক্রমে এর-ওর কাছে তরকারি কেনে। আজ চাল মেতন দাঁড়কার লালাটাদের কাছে পাঁচ মন আলু কিনছিল। এই তরকারি মেতনের রাগ। এসে বলে—তুমি তো খুব ভদ্রনোক হে বাপু। চৌদ্দ আনা পরস্য তোমার কাছে কিছু লয়। তুমি বড়নোক, আমার কাছে অনেক। চলো মেতন বলে—কিসের পরস্য। কি বলছ তুমি? তরী মেতন বলে—তুমি আমার কাছে কুমড়ো নিয়ে গিরেছ মনে নাই? কুমড়ো চলো মেতন নিয়েছিল। দি আমি জানি। আমার দোকানে চলো মেতন গামছা কিনতে এসেছিল কুমড়ো ষাড়ে করে। বাহারের কুমড়ো। আমি শুধিরেছিলাম, মেতন এ কুমড়ো আচ্ছা কুমড়ো। কোথা কিনলে হে? আমাকে বলেছিল—আমি আবার কোথা কিনব? হাটখুল এনেছিল আমার সঙ্গে। লোকে দেড় টাকাও দিতে চেরেছিল। দেয় নাই। আমি বললাম—এমনি তা হলে? তা বললে—না, চৌদ্দ আনা কেনা দাম—ওই দামে দিলে। তা নগদ না ধার তা আমি শুধুই নাই। এখন তরী মেতন বলছে—দেয় নাই। চলো মেতন বলছে—দিয়েছি। তাই নিয়ে ভকাতকি। আমাকে সাক্ষী মানলে। বা জানি বললাম। কুমড়ো নেওয়াও বটে দামও চৌদ্দ আনা বটে। এখন ধার কি নগদ কি করে বলব? তখন চলো মেতন বললে—কুঠ হবে। কুঠ হবে—তোয়। বাস, তরী মেতন ঠাস করে যেরে দিলে চড়। এমনি চলো লাগালে ষাড়ে ধরে কিল। শেষ দুজনেই গেল খানার। লাও এখন কোজদারী

মামলায় লাকী দাও। হাটের প্রেম তাই বটে। সত্তা দাও মিথে—না দিলেই ধারণা লোক। আজ তুমি সত্তা দাও তুমি মিথে—কাল আর একজন দিলে সেই মিথে। দেওয়া খোওয়ার ব্যাপার। একটা কথা আছে—ভুবনপুরের হাট আজ জুড়লে কালকে কাট। সে সব হাটেই।

মালতী শুনছিল বসে। তার ভালই লাগছিল। কথা সত্যিই বলেছে ধরনী জেঠা। মিছে বলে নি। ধরনী দাস উঠে বললে—বেশ চা মা। ভাল চা! লাও পরসা লাও।

—না। আপনার কাছে পরসা নিতে পারব না আমি।

—না না মা, ও করে না। লোকসান হবে। তোমার এটা ব্যবসা।

—যে ব্যবসাতে ঝেঠার কাছে খাইয়ে দাম নেয় সে ব্যবসা আমি করি না।

ধরনী দাস কি বলতে যাচ্ছিল কিন্তু বলা হল না, জগৎপুরের চাটুজ্ঞে তাকে ঠেলে সরিয়ে দিয়ে বললে—আমার সেই লোকটা কোথায় গেল? ওই যে মাটির বাসন সাঁজাচ্ছিল?

মালতী ঘরের কোণের দিকে ভাকালে। সত্যিই তো সে লোকটা নেই। মাটির গেলান কপুটেগুলো সেই আধসাজানো হয়ে পড়ে আছে। সে কই?

মালতী বললে—তা তো জানি নে! কোথাও গিয়ে থাকবে!

—কোথা গেল?

—তা কি করে জানব বলুন? বলে তো যায় নি। এত লোকের, ভিড়ের মধ্যে দেখি নি তো।

—লক্ষী! ওরে ও লক্ষী! লখা—আ—লখা—আ। কি বিপদ! ঢাল—কুমড়াগুলো ঢাল ওই বাইরে।

বস্তা বস্তা কুমড়া এনেছে। ঢালতে লাগল।

মালী কুমড়াগুলো দেখে হঠাৎ বলে উঠল—আ: একটা বিলাতী কুমড়ার জন্ত! আর এত বিলাতী কুমড়া! আ:! গড়াগড়ি যায়! এঁ্যা!

চাঁপার আপসোস হচ্ছে—একটা বিলাতী কুমড়োর জন্তে দুই মেতনের এত বড় বগড়াটা হয়ে গেল।

মালতী হাসলে। চাঁপা মালী বেশ!

আবার বসন্ত এল। পিছনে একটা লোক একটা হেজাক বাতি জ্বলে হাতে ঝুলিয়ে নিয়ে এল। বসন্ত বললে—এই নে এটা রাখ। জ্বলেই নিয়ে এলাম। রাখ রে রাখ।

মালতীর মুখ প্রদীপ্ত হয়ে উঠল একবার, পরক্ষণেই সে দীপ্তি রইল না। বললে—কোথেকে আনলে?

—আনলাম। এত খবরে তোর দরকার কি? পেলি—দোকানে টাঙিয়ে দে। শুনলাম, গত হাটে শ্রীমতী হেজাক জ্বলেছিল। ধর। হাসলে বসন্ত।

বসন্ত দোকানে ঢুকে বসল—বললে—আর এক কাপ চা দে।

চাঁপা বললে—নতুন দেখি বসন্ত মানিক!

—হ্যা নতুন।

মালতী চাঁপার কাপ এনে সামনে নামিয়ে দিলে। প্রথম তার মনে উঠেছিল কিন্তু চারজন

খন্দের বসে থাকে । জিজ্ঞাসা করা হল না ।

বসন্ত আলোটা টাঙাবার জন্তে তার বেধে আংটা তৈরী করে এনেছে । ঠাকুর টিকলি সকলেই খুশী হয়ে উঠেছে আলো দেখে । ঠাকুর আলোটা টিনের চালের বাঁশে ভারের আংটা লাগিয়ে ঝুলিয়ে দিয়ে বললে—বাঃ !

বসন্ত চা শেষ করে উঠে যাবার সময় মালতী বললে—বসন্তদা ।

বসন্ত ঘুরে দাঁড়াল ।

—আলোটার কত দাম নিলে ?

—কেন ?

—দামটা দিতে হবে তো ।

বসন্ত তার মুখের দিকে তাকিয়ে রইল । তারপর বললে—ওটা তোকে আমি দিলাম ।

—দিলে ?

—হ্যাঁ । সে আর দাঁড়াল না চলে গেল । মালতী তাকিয়ে রইল আলোটার দিকে । দিনের আলো শেষ হয়েছে কিন্তু রাত্রির অন্ধকার এখনও ফোটে নি । আলোর দীপ্তি এখনও ম্লান নিশ্চত হয়ে রয়েছে । মালতীর মনটায় যেন কেমন একটা অস্থিতি হচ্ছে । বসন্ত যেন দিনের আলোর মধ্যে ওই হেজ্জাক আলোটার নিশ্চত দীপ্তির মত নিশ্চত হয়ে গেছে হঠাৎ । আজ প্রথম হাটের সময় যে-কথাগুলো সে ওই লোকটাকে বলেছে সেই কথাগুলো তার মনে ঘুরছে । বসন্ত যেন তার অচেনা মাহুস হয়ে গেছে । বুঝতে পারছে না । জ্যোবেদা বিবি বলল—শুনে রাখ তুই ছুঁড়ি কচি ; শুনে রাখ তোর কাজে লাগবে—

হঠাৎ সামনে এসে দাঁড়াল শ্রীমতী । কাল মোটা শ্রীমতীর পরনে হাতিপাঞ্জা শাড়ি, হাতে দুগাছা সোনার রুলি ; মাথার চুল টেনে বাঁধা, ছোট্ট একটা ঝুঁটি । কানে দুটো ফুল—নাকে নাকচাবি, গালে পান । শ্রীমতী মোটা বিলী কিন্তু চোখ দুটো বড় বড় । এখনও তার বাহার আছে । শ্রীমতী দুই হাত কোমরে রেখে বেশ ভঙ্গি করে দাঁড়াল । মালতী প্রশ্ন করলে—

কি পিসী ?

কটা কটা কথায় শ্রীমতী বললে—কি আবার ! দেখতে এলাম ।

—কি ?

—আলো !

চাঁপা বললে—নতুন এল ।

—হঁ বসন্ত ঠাকুর দিয়ে গেল । শুনেছি । তাই দেখতে এলাম । বলি হেজ্জাক আলো তো দেখেছি । তা প্রেমমার্কী হেজ্জাক আলোর আলো কেমন খুলেছে তাই দেখতে এলাম ।

মালতী বললে—তোমার হেজ্জাকটা বুঝি এখন বিরহ-মার্কী হয়ে গেছে পিসী !

—কি ? কি বললি বেহারী ছুঁড়ি—

—যা বলেছি তুমি শুনেছ ।

—মালতী !—চীৎকার করে উঠল শ্রীমতী ।

মালতী চট করে একথানা হাঁকনা হাতে নিয়ে বললে—শোন পিসী । এর পর বেশী

চোঁচাবে তো এই ছাঁকনার ধারে মুখটা ভোমার ছেঁচে দেব।

শ্রীমতী পিছিরে গেল সভরে। মালতী চীৎকার করে উঠল—হ্যাঁ জেলেছি—প্রেরমার্কী হেজাকই জেলেছি। বেশ করেছি। আমি বেহারা—আমি জেলখাটা মেয়ে পিসী—তুমি যাও। তুমি যাও।

চাঁপা এসে তাকে জড়িয়ে ধরে ডাকলে—মাসী! মালতী! কস্তে!

মালতী যেন পাগল হয়ে গেছে অকস্মাৎ। সে ধরধর করে কাঁপছে। দেখতে দেখতে লোক জমে গেছে। হাটের লোকেরা যারা সামনের ফাটল পথ ধরে যাচ্ছিল তারা ধমকে দাঁড়িয়ে গেছে, যারা দূরে ছিল তারা ছুটে এসেছে। আরও আসছে। শ্রীমতী ভিড়ের মধ্যে মিশে নিজের দোকানে চলে গেল। ভুবনেখরতলার কাঁসর ঘণ্টা বেজে উঠল। অক্ষয় কণে কণে গাঢ় হয়ে উঠছে। হেজাক আলোটার আলো ক্রমশঃ স্তম্ভ দীপ্তিতে ঝলমল করে উঠছে।

মালতীর এককণে যেন সংবিল ফিরল। সে ছাঁকনাখানা ফেলে দিয়ে বললে—দোকানে একটু ধুনো দাও মাসী! সামনে ভিড় করবেন না। সন্মন। আর তো কিছু নাই—। সে বসল তার চেয়ারে।

ভিড় সরতে লাগল। একজন কে বললে—লে বাবা: আজ হাটে নারদ এসেছে!

জগৎপুরের চাটুজ্জে এসে ঢুকল দোকানে—সঙ্গে ঘোষ। শুধু ঘোষ নয় আরও তিনজন লোক। তাদের বললে—নে সব তুলে গাড়িতে বোঝাই কর। আগে মাটির বাসনগুলো নে বাবা। দোকান জুড়ে আছে। নে। দেন গো আমাদের চা দেন দেখি। চপ খানকতক ভেজে ঠোঙায় মুড়ে দেন।

চাটুজ্জে বসল। ঘোষ বললে—দেখো বোভল না ভাঙে। চপ নেওয়া মিছে হবে।

মালতী নিজে হাতে ওদের চায়ের কাপ নামিয়ে দিলে। আবার সে শান্ত হয়ে গেছে। বললে—শিঙাড়া কচুরি?

—ভিম দাও দুটো করে। বেশী নয়। হ্যাঁ আর শিঙাড়া গোটাকতক দাও তো ঠোঙায় করে গাড়োরানদের জস্তে।

মালতী কিরে তাকাল যে বাসন তুলছিল তার দিকে। তার মনে পড়ে গেল সেই ছোকরার কথা। প্রিয়দর্শন সেই লখার কথা। হঠাৎ কোথায় চলে গিয়েছিল সে। সে প্রশ্ন করলে—তাকে পেলেন? সেই লখাই আপনাদের?

হেসে উঠল চাটুজ্জে—বলবেন না আর তার কথা। বেটার খসুরবাড়ি কাছেই। অবিশ্বিত বাবার কথা বলে এসেছিল। বলেছিল হাটের কাজ সেরে খসুরবাড়ি যাবে। কাল ফিরবে। তা বেটার আর ভর সন্ন নাই—বেটা সেই চারটের সময়ই ভেগেছে।

একটা বড় চঙ শব্দ করে ভুবনেখরতলার কাঁসর ঘণ্টা ধামল। ধনি উঠল অনেক লোকের মিলিত কণ্ঠে—জয় বাবা ভুবনেখর!

“বাবা ভুবনেখরো মনের বাছা পূরণ করো।” হাটুয়েরা দাঁড়িয়ে উঠে প্রণাম করছে।

ছয়

চাঁপা বাড়িতে জ্বিনিসপত্র সামলে গা ধুয়ে মালতীর অপেক্ষায় বসেছিল। মালতী হাটের দোকান বন্ধ করে ভুবনেশ্বরতলার প্রণাম করে আসছে। চাঁপা তার সঙ্গে থাকতে চেয়েছিল, ঘুবতী মেরেকে রাজিকালে একলা ভুবনেশ্বরতলার আর ভাড়া হাটে কি করে রেখে আসবে। মালতী হঠাৎ রেগে উঠেছিল। মালতীর যেন আজ কি হয়েছে। বলেছিল—আমার পাশে সে রাজে পাড়িয়ে থেকে বাস্বেদব দোবেকে কোপ মারা বন্ধ করতে পেরেছিলে? আমাকে তুমি রাগিয়ে না মাসী। তুমি বাড়ি যাও। তুমি থাকলে হবে না আমার। যাও।

চাঁপা করুণভাবে তার দিকে তাকিয়ে বলেছিল—আজ তুমি এমন কেন করছ মাসা?

মালতী বলেছিল—মাসী পারে পড়ি তুমি যাও।

পরক্ষণেই বলেছিল—এই টিক্লি তো থাকল আমার সঙ্গে। ও বাড়ি পর্যন্ত পৌঁছে দিয়ে আসবে।

—টিক্লি! মাসা—

—বুঝেছি মাসী। টিক্লি সঙ্গে থাকলে লোকে বেশী মন্দ বলবে। বলুক মাসী—বলতে দাও। লোকে যা বলবে আমি তাই। যাও তুমি, ভয় নেই।

চাঁপা অগত্যা একলাই বাড়ি এসে গা ধুয়ে কাপড় ছেড়ে বসে আছে। মালতী এলে সে গৌরান্দকে শয়ন দিয়ে জপ করবে। এর মধ্যে উনোনে কাঠকুটো দিয়েছে। ধোঁয়াছে। জ্বলেই ছুটো ভাতেভাত চড়িয়ে দেবে। দাঁওয়ার হেজাক বাতিটা জ্বলেছে। মালতী এসে নিস্কুবে।

—বৈয়েগী বউ! মালতী!

তাক শুনে সচকিত হয়ে উঠল চাঁপা। বসন্ত তাকছে। বসন্ত এসেছে। মালতীর জন্ত সে শঙ্কিত হল, উৎকণ্ঠিত হল। বসন্ত এসে যদি শোনে মালতী এখনও হাটতলার ঘুরছে, আসে নি, একা ঘুরছে তা হলে সে রাগ করবে—নিশ্চয় করবে। পূর্ববেশা করে। কি করবে সে? একজেরী রাগী মেরেটা নিজের সর্বনাশ একবার করেছিল, আবার করবে।

—মালতী! মালতী!

চাঁপা অগত্যা দরজা খুলে দিল।

বসন্ত বললে—কি গো? এর মধ্যে ঘুমিয়ে পড়েছিলে না কি?

—ঘুমাইব? সেই কপাল গরীবের? লীডার মাছ এই কথা কইলা কি করে? নাও—বস। সে একথানা আসন পেতে দিল।

বসন্ত বসে বললে—মালতী কই?

—সে!—একটু থেমে ভেবে নিয়ে বললে—কি যে তার আজ হইছে সেই জানে বসন। সে আজ যেন কেইপা গিয়া—সে কি মুক্তি মা! যেন রণরঙ্গিনী।

—শ্রীমতীর সঙ্গে তো?

—তুমি শুভ্যাছ ?

—শুনি নাই ? শুনেছি। হাটের গোল !

—বড় ভেজী কতটা—কি যে কপালে আছে ওর—

—ভালই আছে। ভেবো না। আমি শুনে কি খুশী যে হয়েছি। সেই ভঞ্জে তো এলাম।

—বল কি ? সত্যি খুশী হইছ ?

—নিশ্চয় সত্যি।

একটু চুপ করে থেকে চাঁপা বললে—তুমি অরে ভালবাস বসন্তসোনা—কতটাও ভালবাসে। হাটের মাঝে কইল কি—হাঁ হাঁ—ও আলো আমার প্র্যামের আলোই বটে। তা—। আবার একটু থেমে বললে—তুমি ওরে বিয়া কর বসন। তুমি নিজে জাতি মান না। লীডারও বটে। জাশে নামও হবে। ধর্মও হবে বসন।

হাসলে বসন্ত। বললে—কি দরকার। ওবেলা তো বলেছি। মালতী যদি সত্যিই ভালবাসে তবে না হয় তোমাদের রাখার মত কলঙ্কিনীই হবে। মাথার করে নেবে।

—কি বল বসন। রাখা কি মাছবের কত্যা হতে পারে ?

—হয়। হতে পারলেই হয়।

মালতী ঠিক এই মুহূর্তে বাড়ির বাইরের দরজার ঢুক খমকে দাঁড়াল। বললে—
বসন্তদা ?

—হ্যাঁ রে ? এসেছিল। ভাল হয়েছে—জিজ্ঞেস কর চাঁপা বউ। ওকেই জিজ্ঞাসা কর।

—কি ? মালতী রাখা হতে পারে কি না ?

—হ্যাঁ। তুই শুনেছিল ? বাইরে দাঁড়িয়ে শুনছিলি বুঝি ?

—শুনছিলাম।

—ভা হলে, বল—শুনিরে দে মাসীকে। তুই শ্রীমতীকে বলেছিল হাটে, তা ওর বিশ্বাস হয় নি।

মালতী তার মুখের দিকে তাকিয়ে বললে—রাগলে আমার জ্ঞান থাকে না বসন্তদা। কথাটা তখন রেগেই বলেছি। নইলে মাসী ঠিক বলেছে। মাছবের মেয়ে রাখা হয় কি হয় না জানি না তবে আমার কান্নাকাটি পোষাবে না। ও-বেলাতেও অনেক দিন পর তোমার সঙ্গে প্রথম দেখা যখন হয়েছিল তখনও মাথার ঠিক ছিল না। কি বলতে কি বলেছি। জোবেদা বিবির কথাটা মনে পড়ে নি। জোবেদা বিবি বলেছিল—কেতাবের কথা, গানের কথা মিছে কথা রে মালতী। মরদগুলা হল শরতান বদমাশের জাত। ওরা মরদ কোকিলের মত, ডাকে ভাল কিন্তু বাসা বাধে না। ছুঁদিন পাশে পাশে থাকে—ওড়ে এক সঙ্গে। তারপর ছেড়ে পালার। কোকিলের মেয়ে কাঁদে না। কাকের বাসায় ভিম পেড়ে খালস। মাছবের মেয়েরা তা পারে না—কাঁদে। বলেছিল—মালতী, শাদি না করে মহকতি যদি কোন মাছবের মেয়ে করে তবে সে বেন গলার দড়ি দেয়, নয় তো—

চুপ করে গেল মালতী।

বসন্ত তার মুখের দিকে ডাকিয়েই ছিল। বিচিত্র চরিত্র বসন্ত একালের বিচিত্র নবভাবের মাহুৎস—সে কৌতুক অল্পভব করছিল মালতীর কথা শুনে। মালতী চুপ করতেই সে বললে—
নয় তো—কি ?

—সে ধারণা কথা। জেলখানায় কথাটা বেরুতো, আটকাতো না। এখানে কেমন আটকে যাচ্ছে জিভে। নিজেরই আশ্চর্য লাগছে।

—বুঝেছি কোবেলা বিবি হয়তো বলেছে বেঞ্চা হয়! হয়তো ঠিকই বলেছে। কিন্তু আমি তো তেমন ভালবাসার কথা বলি নি রে। আমার ইচ্ছে তুই এ যুগে এখানে একটা আশ্চর্য মেয়ে হয়ে উঠবি। পড়বি। চিরদিন কেন দোকান করবি? পড়ে কাজ করবি আমার সঙ্গে। কত মেয়ে একালে লীজার হচ্ছে। বিয়ে করছে না—সারাজীবন দেশের কাজ করছে।

—না। বিচিত্র হেসে মালতী বললে—না। ও আমার পোষাবে না। সাধও নাই। তুমি বরং অস্ত্র মেয়ে-চ্যালা দেখো।

—তুই পারতিস মালতী।

মালতী বললে—না পারতাম না। আমার বড্ড মাথা ধরেছে বসন্তদা—আমি শুচ্ছি গিয়ে। বাবার সময় ওই আলোটা নিয়ে যেয়ে।

পরের দিন সকালে চাঁপা আর মালতী দোকান খুলে চারের জল চড়িয়ে দিয়ে বসতে না বসতে খন্দের এল। শ্রীমতীর দোকান এখনও খোলে নি। ঠাকুর এখনও আসেনি। টিক্লি বসে আছে। টিক্লি বললে—ঠাকুর হয়তো আসবে না দিদি।

—আসবে না? কে বললে?

—কাল ঠাকুর বলছিল।

—কি বলছিল?

—বলছিল—এত খাটুনি। আমি পারব না। মাইনে কম।

—মাইনে তো আমি ঠিক করিনি। কুণ্ডমশাই ঠিক করে দিয়েছে।

—তা জানি না।

—তুই একবার দেখে আয় না।

টিক্লি দেখতে গেল। ঠাকুর থাকে ধানিকটা দূরে গন্ধেশ্বরী বাজারের কাছে। বাহুনের ছেলে ঠাকুর। প্রৌঢ়বরসে কেলেঙ্কারী করে ফেলেছে। একটা ছোটজাতের মেয়েকে নিয়ে ঘর করছে। রান্না খুব ভালই জানে। এককালে দে বাবুদের কলিকাতার গদিতে কাজ করত। সেখানে রান্নাবান্না শিখেছিল ভাল। তারপর সেখানেও ওই একটা ধারণা মেয়ের পাল্লায় পড়ে। বহুকষ্টে সেখান থেকে মুক্ত হয়ে দেশে এসে আবার ওই কাণ্ড করে দেশের সমাজে পতিত হয়েছে। লোকে কেউ বাড়িতে ওকে রাখে না। সামাজিক ষাণ্ডাঘাতওরাত্তেও ওর স্থান নেই। এতদিন এখানে ওখানে ফিফিটিফিফিতে রান্না করে দিত। আর কুণ্ডর দোকানে বসে থাকত। কুণ্ডর প্রিয়পাত্র। কুণ্ড গাঁজা খায়—সেই গাঁজা ভৈরী করত ঠাকুর।

কুতুই দোকানে গুকে একটা কাজ দিবেছিল—সেটা প্রায় চাকরের কাজ। মাগতীকে দোকান করে দিবে কুতুই তাকে পাঠিয়েছে। সমাজে না চলুক, ঘরে না চলুক, চা চপের দোকানে কথা উঠবে না এটা কুতুই জানে। লোকটি মন্দ নয়। ভালই। হঠাৎ তার মাথার মাইনের পোকা উঠেছে। একালের ধর্মই এই।

এদিকে খন্দের এসেছে। এরা হাটে হাটের যাত্রী। যানে রাজে সড়ক ধরে গরুর গাড়ি করে যাচ্ছিল—পথে ভুবনপুরের হাটে গাড়ি নামিয়ে বিজ্ঞান করছে। সকালবেলা প্রাতঃকৃত্য করে আবার রওনা হবে। কিংবা হয়তো গজ্জেশ্বরী বাজারেই বেচাকেনা করবে। হাটে গাড়ি রেখে ঘুমিয়েছে। সারাদিন এখানে বেচাকেনার কাজ সেয়ে রওনা দেবে। কিংবা রেজিস্ট্রি আপিসে এসেছে। দলিল রেজিস্ট্রি হবে। দূরে বাড়ি। রাজে এসে প্রথম আপিসেই কাজ সেয়ে কিরবে।

ভুবনপুরের রেজিস্ট্রি আপিস প্রায় হাটের সামনে—সড়ক রাস্তার ওপাশেই, রাস্তার উপরে। বলতে গেলে রেজিস্ট্রি আপিসও হাটের সামিল। কেবল ওদের লাইনটা আলাদা। হাটের ওদিকটার রাস্তার উপরে পাঁচ সাতখানা ঘরে রেজিস্ট্রি আপিসের দালালরা কাজ করে। দলিল লেখে। সনাক্ত দেয়। তবে দলিলের মাথার শ্রীজুর্গা সহায়ের পানে ভুবনেশ্বর সহায় লেখে। অনেকে ভুবনেশ্বরতলায় এসে প্রণাম করে বলে—বাবা সাকী, খুশী হয়ে বেচলাম—ছেলেপিলে নিয়ে ভোগ কর। আর একজন বলে—বাবার দয়ায় এই বিক্রির নামেই তোমার কাজ স্নেহ হোক। দুঃখ থাকলে ঘুচুক। অভাব থাকলে মিটুক। তারপর প্রসাদী মণ্ডা খেয়ে দীঘির ঘাটে জল পান করে বাড়ি যায়। আজকাল একটা কুরো হয়েছে। দীঘির জল দূষিত হয়। সে জল খায় না। তবে স্পর্শ করে।

নিজেই চা তৈরি করলে মাগতী। খন্দের চারজন। চার কাপ চা সামনে নামিয়ে দিবে বললে—বিছুট দোব? ভাল বিছুট আছে।

—বিছুট? তা দাঁও খান চার করে। শিঙাড়া হয় নি?

—না। বাসী গরম করে আয়রা দিই না। এই সব তৈরী হবে। ঘণ্টাখানেকের মধ্যে হয়ে যাবে।

কিরে এসে সে মাসীর সঙ্গেই লাগল। শিঙাড়া নিমকির বিক্রি বেশী সকালবেলা, ওগুলো ভাঙাভাঙি সেয়ে ফেলতে হবে। শরীর ভাল নেই। কাল রাজে তার ঘুম হয়নি। জেগেই ছিল প্রায় শেষ রাত্রি পর্যন্ত। ভোর রাজে একটু উজ্জ্বা এসেছিল কিন্তু সে উজ্জ্বাই। এলোমেলো স্বপ্নে ভরা।

কাল রাজে সে বলন্তকে কথাগুলো বলে ঘরে গিয়ে দরজা বন্ধ করে বিছানার শুয়ে পড়েছিল। মনটা তার কেমন হয়ে গিয়েছিল। এখনই রাগ হচ্ছিল—তারপরই তার মন যেন কান্নার ছয়ে পড়ছিল। আবার কিছুক্ষণ পর মন কিরছিল দোকানের কাজের দিকে। তখন কান্না রাগ দুই খেড়ে ফেলে দিতে চাচ্ছিল সে। আবার কিছুক্ষণ পরেই আপনাপনাপনি মন উদ্বাস হয়ে পড়ছিল।

—ভূমি নিজে লেগে পড়েছ যে গো?

মালতী ময়দার জল দিয়ে নিমকির ময়দা মাখছিল। সে মুখ তুলে ডাকলে। ঠাকুর বলছে। ঠাকুর এসেছে। তার ভুরু কুঁচকে উঠল। কাগকের মনের সেই অবস্থা যেন এখনও রয়েছে। ঠাকুরই কথা। হঠাৎ রাগ হয়ে যাচ্ছে। ভুরু কুঁচকেই সে বললে—খুঁদের এসেছে। টিক্‌লি বললে—তুমি আজ আসবে না—মাইনে—।

খেমে গেল সে। যেন হল খুঁদেরদের সামনে মাইনের কথা তুলে ঝগড়া না করাই ভাল।

চাঁপা বললে—খাক না মালা। ওই কথাগুলি হবে এখন। নাও এখন কামে লাগ বাবাধন। এত বেলা করে মানিক।

ঠাকুর গায়ের কাপড় খুলে দড়ির আলনার খুলিয়ে দিতে দিতে বললে—মাইনের কথা আমি বলি নাই। ও টিক্‌লি ভুল শুনেছে। গা জর জর করছে কাল রাত থেকে। তাই বললাম—কাল তো মজলবার, হাট নাই, কাল হয়তো—। নাও সর।

মালতী ছেড়ে দিয়ে এসে তার জায়গায় বসল। একটা দীর্ঘনিশ্বাস কেলে সে। মনটা তার আবার উদাস হয়ে উঠেছে। কাল রাজে বসন্ত তাকে তারপরও ডেকেছিল।

—মালতী! শোন।

সে জবাব দিয়েছিল—না বসন্তনা ওই সব কথা আমি শুনেতে পারব না। লীতার হতে আমি পারব না। তোমার ওই ভালবাসা আমার সহ হবে না। আমি সামান্য মেয়ে—তার উপর জেলফেরত। তুমি মস্ত লীতার মাল্লব। তুমি ফিরে যাও আণোটা নিয়ে যাও। আর বললাম তো শরীর আমার ভাল নাই।

বসন্ত এরপর চলে গিয়েছিল। কিছুক্ষণ পর চাঁপা তাকে ডেকেছিল।

—কত হল আমাদের ?

—চার কাপ চা, ষোলখানা বিছুট। আট আনা।

—বিছুট এক পরসা করে ?

—হ্যাঁ।

এক টাকার নোট কেলে দিয়ে লোকটি বললে—বিড়ি দু' বাণ্ডল।

দাম কেটে নিয়ে পরসাগুলি নামিয়ে দিলে মালতী। লোকটি বললে—সুপুরি মসলা কিছু নাই ?

—এই যে। সুপুরির ভিসটা বের করতে তুলে গেছে মালতী। মন তার এখনও কাগকের কথার ঘুরছে। কাগকের কথাই তো নয় সে কথা আজকের কথাও বটে। শুধু আজকেরই বা কেন? আসছে কালের কথাও বটে। পরশুর কথাও বটে। সে জেলখানার প্রথম থাকার সামলাবার পর থেকে বসন্তর কথাই ভেবে এসেছে। মধ্যে মধ্যে জোবেলা তাকে বলত—মালতী, জেল থেকে খালাস পেয়ে খুব হিসেব করে চলবি। খবরদার—অনেকে তুলাবে তোকে। ভয় দেখাবে। খুন করে জেল হয়েছে তোমার। খুব শক্ত হবি। শাদি করিস্ যদি আটঘাট বেধে শাদি করবি, খাটি শাদি। যেন তুয়া শাদি না হয়। আর

দেহটা যদি বেচেতে হয় তবে গাঁয়ে থাকিস্ না শহরে বাস। প্রেমের ভুলে ভুলিস্ না। খবরদার। সে হাসত। বলত—আমার শাদি ঠিক হয়ে আছে। সেও জেলখাটা লোক জোবেদা দিদি। জোবেদা বিবি তার গল্প শুনেছিল। জানত। সে সন্দেহ প্রকাশ করে বলেছিল—সেই একদিন মাঠের মধ্যে তোকে বৃকে নিয়েছিল বলে বলছিস্? ছোকরা বলছিস্ বামুন। বক্তৃতা করে। একটু থেমে হেসে বলেছিল—তোরা জেল আর তার জেল এক নর গাল্‌তী। সে জেল থেকে বাহিরে আসলে তার কালোরঙ গোরা হবে। খাতির বাড়বে। সে শাদি করবে এ আমার মনে নেয় না রে। তার রাগ হত। সে শুধু বলত—তুমি তাকে জান না জোবেদা দিদি! জোবেদা জবাব দেয় নি এর। সে রাতে শুয়ে কল্পনা করত বসন্ত তাকে দেখবামাত্র ছুঁ হাত বাড়িয়ে তাকে বৃকে টেনে নেবে। তারপর বলবে—তোরা অস্ত্র আমি বসে আছি। চল সদরে গিয়ে রেজেষ্ট্রি করে আস। তারপর জেলখানার উঁচু ছাদ আর মোটা দেওয়ালের মধ্যে সে নানান কল্পনা করত। বিয়ের পর কি করবে? কল্পনা তার শীড়ারী করারই ছিল। কিন্তু সে কল্পনার সঙ্গে বিচিত্রভাবে মিশত জোবেদা বিবি নীহারদিদির নানান কল্পনার গল্প। বাধাবন্ধ পাপ-পুণ্য জ্ঞান-অজ্ঞান সমস্ত চুরমার করে ভেঙে দেওয়া সে এক কামনা-বাসনার রাজ্য বল রাজ্য, সংসার বল সংসার।

জোবেদা বিবি ছিল সব থেকে সমঝদার—সব থেকে বেশী জানা মেয়ে। আইন জানত—মাল্‌ম্বের মন বুঝত। বিচার করত পণ্ডিতের মত। তর্ক করত উকিলের মত। বসন্তের চেয়েও ভাল। যেবার সেই বড়লোকের দ্বিতীয় পক্ষের স্ত্রী সতীনপোকে বিব দিয়ে যেরে জেলে এল সেইবার তাকেই বলেছিল জোবেদা বিবি। জোবেদা বিবি সন্ধ্যার পর জমিয়ে বসে খারাপ গল্প বলছিল—সেই বড়লোকের স্ত্রী দূরে বসে ছিল। সে হঠাৎ উঠে এসে বলেছিল—তুমি কি? এই সব গল্প এই সব কথা বলছ?

জোবেদা তার মুখের দিকে তাকিয়ে একটুক্ষণ অবাক হয়ে গিয়েছিল, তারপর তার চোখ জলে উঠেছিল।—তুমি কখনও ভাব নি? না? মনে মনে?

—না।

—মিছে কথা। দ্বিতীয় পক্ষের পরিবার, সতীনপোকে বিব দিয়ে মারে যে সে এসব ভাবে নি? সতী আমার! পুণ্যবতী আমার! তুই জপ করিস। তোরা ইষ্টদেবতা আছে—বল্ তাকে সাক্ষী করে বল্—ভাবিস নি?

—না—না—না! সে আমার দিকে খারাপ চোখে চাইত তাই—

—মিছে কথা মিছে কথা! তুই চাইতিস—সে চাইত না—হরতো বাপকে বলে দেব বলেছিল তাই তুই তাকে বিব দিয়ে মেরেছিল। দেখ্ আমি স্বামীকে মেরেছি আর একজনকে ভালবাসতাম বলে। তুই আমার চেয়েও পাপী, ভালবাসার লোককে পেলিনে বলে বিব দিয়ে মেরেছিল।

সে বড়লোকের মেয়ে কেমন হয়ে গিয়েছিল। এক কোণে তার খাটে গিয়ে উপুড় হয়ে মুখ গুঁজে শুয়েছিল।

জোবেদা বলেছিল—পাপ। পুণ্য। কিসের পাপ পুণ্য! তারপর সে মাল্‌ম্বের ঘরের
জা. র. ১৮—১৯

যে চেহারার কথা বলেছিল তা শুনে সবাই শিউরে উঠেছিল কি না জানে না মালতী। তবে সবাই চুপ করে শুনেছিল, অনেকে মুচকে মুচকে হেসেছিল কিন্তু মালতী মনে মনে শিউরে উঠেছিল। আবার অবাকও হয়েছিল। যেন সত্যিই বলছে জ্যোবেদা।

পরে জ্যোবেদাকে সে এ কথা বলেছিল। এক শাস্ত অবসরে, নিভুতে। জ্যোবেদা হেসে বলেছিল—তোমার মনটা ক'টা রে মালতী। বড় বাচ্চা আছিস তুই! মামুষের মন রে—সে সুখ নইলে বাঁচে না। সুখের পথে পাপ পুণ্য বাছাবাছি তার নাই। বাছতে সে চায় না। এ হল ছুনিয়ার নিয়ম। মামুষ পাপ পুণ্য বেছেছে তৈরি করেছে। দুঃখ সয়ে পুণ্য করে কেঁদে বারা সুখ পায় তাদিকে সেলাম। পাপ করে লজ্জার ভয়ে বিষ খায় গলায় দড়ি দেয়, আবার পুণ্য করার দুঃখ সহিতে না পেরে গলায় দড়ি দেয় বিষ খায়। এও যেমন ঝুট সেও তেমনি ঝুট। দেখ্—আমি নিজের সুখের অস্ত্র স্বামীকে বিষ দিয়েছি। ওই বড়লোকের বউটা আরও পাপী। তুই পাপী নস। বাপকে বাঁচাতে হঠাৎ খুন করে ফেলেছিস। আমি জঙ্গ হলে তোকে খালাস দিতাম। তবু তুই দাগী হয়ে গেলি। বাইরে গিয়ে শুধু এই মনে রাখিস—দুঃখ কাউকে দিস না। দুঃখ করে সুখও খুঁজিস না। আবার সুখের লেগে পাপগল হয়ে সুখ খুঁজিস না।

আড়াই বছরে আকর্ষ কামনার তৃষ্ণা নিয়ে সে কিরেছিল। দেহের রোম কুপে কুপে তার কামনা। কিন্তু বসন্ত তার জন্তে ব্যাকুল হয়ে প্রতীক্ষা করেছে এই আশাও তার ছিল অক্ষরন্ত। সব আশ্চর্যভাবে যেন গোলমাল হয়ে গেল। বেরিয়ে এসে সাত আট দিন—ষত দিন বসন্ত আসে নি তত দিনও তার স্বপ্ন আশা সব ঠিক ছিল; তার জেলখানার বাতাসে জলে তৈরী বাসনার রাজ্যের সঙ্গেও কোন বিরোধ ছিল না। ভুবনপুর ঢুকে সে আশ্চর্য হয়েছিল—কিছুই চেনা যায় না। সব বদল হয়ে গেছে। বদল ঠিক নয় সব যেন উজ্জল ঝকঝকে ঝলমলে হয়ে উঠেছে। তার আশাও আরও উজ্জল হয়েছিল। বসন্ত উজ্জলতর হয়েছে মাসী তাকে বলেছিল। কাল সকালে বসন্ত যখন বিয়ে না-করে ভালবাসার কথা বলছিল তাতেও সে নেশার ঘোরে সায় দিয়েছিল। কিন্তু কাল বিকেলে হাটের সময় বসন্ত ওই একটি লোককে যে সব কথা হাসতে হাসতে বললে তাতে তার একটা আতঙ্ক হয়ে গেল, যে আশা তার উজ্জলতর হয়ে উঠেছিল সে আশা কালো হয়ে গেল। বসন্ত হয়তো দেবতা। না হয়তো খুব ধারাপ। দু'দিক দিয়েই হাত বাড়ানো তার নাগালের বাইরে।

—“বিয়ে আমি করব না।” এ কথাটার সেই মাঠের কথাটা মনে পড়েছিল।—“আমি তোকে ভালবাসি। জাত মানি না। বাবা মরণেই তোকে আমি বিয়ে করব।”

খচ করে বৃকে যেন একটা খোঁচা বিঁধেছিল।

যেমন একটা নিষ্ঠুর কোপের মত আঘাত সে অল্পতব্ব করেছিল—বাসুদেব দোবেকে কোপাবার পর তার রক্তাক্ত দেহ দেখে—তেমনি নিষ্ঠুর আঘাত। জেলে ঢুকবার সময় যেমন স্তর হয়েছিল তেমনি ভয়। আদালতে রায়ের সময় যেমন সে অসাড় হয়ে গিয়েছিল তেমনি অসাড় হয়ে গিয়েছিল সে।

তাই রাতে হাটের পর মাসীকে বাড়ী পাঠিয়ে গে গিয়েছিল ভুবনেশ্বরভাষার ওই কুঁচলতা

জড়ানো অশথগাছটার দিকে। একটা টর্চ নিয়ে গিয়েছিল। আর একটা ছাঁকনা। সেই ছাঁকনার আঘাতে সে সেই বাঁধা ঘুটিকে কেটে কেটে ফেলে দিয়ে বাড়ী ফিরেছিল।

ভুবনপুরের হাটে কতজননের বাঁধা ঢেলা খসে পড়ে যায়। ভুবনেশ্বর বলেন 'পূরণ' হবে না। ঢেলাগুলো মাটির তলার খুলোর মধ্যে হারিয়ে যায়। লাভের আশায় এসে কতজন লোকসান করে ফিরে যায়। তার ঢেলাটাও যাক!

বাড়ি ফিরে বসন্তকে ফিরিয়ে দিয়েও সে নিশ্চিন্ত হতে পারে নি। ভাবছিল। কখনও কখনও ইচ্ছে হচ্ছিল, কিন্তু কখনোই। কখনও কখনও দারুণ ক্রোধ হচ্ছিল—সেও সে সামলাচ্ছিল। কখনও ইচ্ছে হচ্ছিল সে নিজেই মরে। কিন্তু তাও যেন পারা যায় না। থমকে দাঁড়াতে হয়। ভয় করে।

মাসী এসে তাকে ডেকেছিল। দরজা খুলে দিয়ে সে ফিরে এসে আবার গুরেছিল বিছানার। মাসী মাথার শিররে বসে কপালে হাত বুলিয়ে দিতে দিতে বলেছিল—মালা!

মালাতী উত্তর দেয় নি।

মাসী বলেছিল—লেখাপড়া শিখা—বসন্ত যা কইল—নীডার হতে পারবা না?

—না!

আবার কিছুক্ষণ পর মাসী বলেছিল—এর থেক্যা চল মাসী আমরা নব্বীপ যাই। মাসী বুনঝি—মা বেটা—

মধ্যপথেই মালাতী বাঁধা দিয়ে বলেছিল—না!

আবার কিছুক্ষণ পর মাসী বলেছিল—কি করবা?

—যা করছি। ভুবনপুরের হাটে বেচাকেনা করেই চলবে মাসী!

—সারাজীবন মালা—

—হ্যাঁ মাসী। অনেক লাভ করব। পয়সা করব। হাসব খেলব—কেটে যাবে।

মাসী আর কথা বলেনি।

মালাতী বলেছিল—আলোটা নিয়ে গেছে মাসী?

—হঁ।

—চল মাসী ভাত খাইগে। ক্ষিদে পেয়েছে। কাল একটা হেজাক বাতি কিনব।

নিমকি শিঙাড়া ভাজার গন্ধ উঠছে। দালদার গন্ধ। শক উঠছে—দালদা ফুটেছে কড়াইরে।

ছজন লোক হাটের সীমানার ঢুকছে। এখনও ওপাশের দোকানগুলো খোলেনি। এখনও সকাল রয়েছে। খাঁ-খাঁ করছে হাটতলাটা। জমাদার বসে বসে আছে। হাটের দিন জমাদারেরা আকর্ষণ মদ খায়। গুঁইদের দোকানে কাঁট পড়েছে। আশ্চর্য আজ শ্রীমতীর দোকান এখনও খোলে নি। কতকগুলো হুয়মান লাফালাফি করছে খেলা করছে গুঁইদের ছাদে। গাছের উপর বসে গোদাটা মধ্যে মধ্যে চোঁচাচ্ছে।

মাসী বললে—তুলু চৌধুরী আসে, সঙ্গে মকেল যেন শাঁসালো! ঠাকুর চেন না কি?

ঠাকুর দেখে বললে—না। বাইরের লোক।

—বেশ শাদালো লাগে না ?

—হ্যাঁ।

—এই দিক পানে আসে।

—চা খাবে। ওই তো আঙুল দেখাচ্ছে। টুকলি বেঞ্চিটা মোছ। ভাল করে।

মালতী তাকিয়ে দেখল। ইয়া টুলু চৌধুরী গো। এসে অবধি ওরক দেখে নি মালতী। টুলু চৌধুরী রেজেক্ট্রি আপিসে দলিল লেখে। এখানকার জায়গা জমির খবর খতিয়ান দাগ নব্বর সব ওর হাতে। আবার মামলা মকদ্দমার তদ্বির করেও বেড়ায়। বরস হয়েছে অনেক। বসন্ত থেকে বলত—টুলু পাণ্ডা। একালের আসল পাণ্ডা। ভুবনেশ্বরের পাণ্ডা। আর টুলু হল বিষয়েশ্বরের পাণ্ডা। রেজেক্ট্রি আপিসটা হল বিষয়েশ্বরের মন্দির। ভুবনেশ্বর আদর কম হওয়ার একালে বিষয়েশ্বর হয়ে বসেছেন। ভূক্তি সরকারকেও তাই বলত।

ভূক্তি এবং টুলুর সামনেই বলত।

টুলু বলত—খাম রে বাবা খাম। নবুঠাকুরের ভিটেতে বসে লীভারির আপিস করেছিল। ওই ভিটের দলিল কেন্দ্রলীর মেলায় এই পাণ্ডা ছিল বলেই হয়েছিল। আমি লিখেছি দলিল। খডেন দাগ নব্বর সব আমার ঠোঁটস্থ—তোর বাবা হাতে ধরে বললে লিখে দিলাম। শ্রীমন্ত দুটো টাকা দিয়েছিল তার দলিলের অঙ্ক। তোর বাবার কাছে পরসানিই নি! আজ বলবি বইকি পাণ্ডা।

হঠাৎ খোকাঠাকুরকে মনে পড়ে গেল। তার গান করা মনে পড়ল। তার বাবার সঙ্গে গাঁজা খাওয়া মনে পড়ল। তারপরই মনে পড়ল ধরনী জেঠার কথা।—মা এককথার দলিলে সই করে দিয়ে চলে গেল।

বসন্ত বলত—পাগলা! একটা উল্লুক!

ওস্তাদ বলত একটা গর্দভ! মাথায় গোবর পোরা আছে!

টুলু চৌধুরী আর সেই ভদ্রলোকটি এসে দোকানে ঢুকল। টুলু বলল—বেশ ভাল চায়ের দোকান হয়েছে তোমার মালতী। আমাকে চিনতে পারছ তো?

মালতীকে উদাসীনতার মধ্যেও সচেতন হতে হয় খদ্দের এলে। এ কদিনেই তা একটু একটু করে অভ্যাস হয়ে আসছে। সে একটু হেসে বললে—চিনতে পারব না কেন? আপনি টুলুকালা!

—ঠিক চিনেছ। দাও আমাদের চা দাও। আর খাবার কি হয়েছে? নিমকি শিঙাড়া। তাই দাও। ঠাকুরও ভাল পেয়েছ। ঠাকুর, ইনি শহরের লোক। খাস-বখমানের। ভাল করে ভাজ। বুঝলে!

মালতী নিজে উঠে এসে বেঞ্চিটা পরিষ্কার করে দিলে। এবং চায়ের জায়গায় এগিয়ে গেল। টুলু চৌধুরী আর বখমানের ভদ্রলোকটি যুহুস্বরে কথা বলতে লাগল। হঠাৎ টুলু বললে—মালতী ওই ভাল সিগারেট কি আছে দাও দেখি।

ভদ্রলোকটি বললে—গোন্ডফ্লেক। টিন রয়েছে—খোলা না গোটা আছে?

—গোটাও আছে। মালতী চারে দুধ মেশাতে মেশাতে বললে। চা ছু' কাপ এনে

নামিয়ে দিয়ে সিগারেটের টিন এনে দিলে। টুলু বললে—মালতী ইনি বসন্তের খোঁজে এসেছেন। বসন্ত তোমার বাড়িতে আছে না কি ?

মালতী চকিত হয়ে তার দিকে তাকালেন। খপ্প করে রাগ হয়ে গেল তার। ভুরু কুঁচকে বললে—আমার বাড়িতে ?

—হ্যাঁ। উনি ট্রেন থেকে নেমে গিয়েছিলেন গোপার বাবার ওখানে। তা ওরা বললে এখানে নেই, কোথা তারা জানে না। তা বসন্ত একখানা বাড়ি করেছে—সেখানে গিয়েছিলেন—সেখানেও আসে নি। ওইখানে শ্রীমতী বললে তোমার বাড়িতে উঠেছে।

বেশ কঠিন কণ্ঠে মালতী বললে—না। আমার বাড়িতে কেন উঠবেন তিনি ? তবে কাল এসেছিলেন।

—হ্যাঁ সেই তো ! কাল দোকানে এসেছিল। শ্রীমতী বললে নতুন হেজ্বাক বাতি কিনে দিয়ে গিয়েছে। তারপর—

—হ্যাঁ সন্ধ্যার পরও একবার গিয়েছিলেন। তা আমার বাড়িতে উঠবেন কেন ?

—তুমি রাগ করছ ক্যানে ! আগে তো বসন্তের তোমাদের বাড়িতে আড্ডা ছিল। তোমাদের বাড়িতে ভাত পর্যন্ত খেতো।

শুভিত হয়ে গেল মালতী। কি বলতে চায় টুলু চৌধুরী ?

টুলু বললে—খেতো না ?

মালতী বললে—খেতো। থাকত। আড্ডা ছিল আমাদের বাড়িতে !

—তাই তো বলছি।

—তখন তার ভাল লাগত—আমাদেরও ভাল লাগত—

—ভাল লাগত ?

—বেশ ভালবাসতাম। আগত থাকত খেতো। এখন ভাল লাগে না ভালবাসি না। কাল এসেছিলেন—চলে গেছেন। কিন্তু আপনি চান কি ? বলুন তো !

ভদ্রলোকটি বললে—তুমি মিছে চটছ বাপু। সে কোথায় উঠেছে তাই জানতে চাচ্ছি।

—তা আমি জানি না।

—তোমাকে বলে নি ?

ঝট করে মনে পড়ে গেল বসন্ত বলেছিল সে গোপাদের বাড়িতে উঠেছে। তবু সে বললে—না।

টুলু বললে—ভালবাসা চটল কি করে মালতী ? কাল তো তোমার দোকানে নতুন হেজ্বাক কিনে টাঙিয়ে দিয়ে গিয়েছে সুনলাম।

—আপনাদের হল ?

—ঠাহুর আর দুটো শিঙাড়া আর দুটো নিমকি দাঁও।

ভদ্রলোকটি বললে—তুমি তাকে বলে দিয়ো বধমানের—

মাঝপথে বাধা দিয়ে মালতী বললে—মাপ করবেন—আমি কাউকে কিছু বলতে পারব না।

—তাতে তার ভাল হবে—

—তার ভাল সে দেখবে। তার ভাল মন্দর সঙ্গে আমার কোন সম্বন্ধ নেই।

বিশ্বভুবন যেন তেতো হয়ে গেল এই সকালবেলায়।

তেতো মন নিয়েই বসে ছিল। খন্দের আসছে যাচ্ছে। বেশীর ভাগ আজ রেজেক্ট্রি আপিসের খন্দের। মালতী চূপ করে বসেই ছিল। এর মধ্যে একটা বিদ্রী কাণ্ড ঘটে গেল। হুম্মানগুলো খেলা করছিল জুইদের ছাদে এবং তার পাশের আমগাছে। দুটো বাচ্চা হুম্মান লাফালাফি করতে করতে ইলেকট্রিকের তার লাফিয়ে ধরে আর্তনাদ করে চেঁচিয়ে উঠল। তারপর ধপ করে পড়ে গেল মাটিতে। মরে গেল। মা-টা ছুটে এল—এসে তার সে কি আকৃতি! নেড়ে চেড়ে তেকে—সে আকৃতি দেখে মালতীর চোখে জল এল। মা শেষ পর্যন্ত মরা বাচ্চাটাকেই বুকে তুলে এক হাতে ধরে গাছের উপর উঠে গেল।

বসে থাকতে থাকতে তার মকস্মাৎ মনে হল সেও ঠিক এমনি করে মরা ভালবাসা বুকে জড়িয়ে ধরে বসে আছে!

—সেই চপ না কি বলে—আছে? একটা তরুণ আর একটা তরুণী। বিশ্বয়ের সীমা রইল না মালতীর। কালকের সেই লখাই আর সেই কালো মেয়েটি যে চপ কিনতে এসে দাম শুনে পালিয়েছিল।

—তুমি তো লখাই?

—হ্যাঁ।

—তুমি তো কাল চপ কিনতে এসেছিলে। দাম শুনে পালিয়ে গেলে?

লখাই বললে—না। উ কাল আমাকে দেখে পালিয়েছিল।

—তোমাকে দেখে? কেন?

—উ আমার বউ। আগ করে তিন মাস বাপের বাড়ী পালিয়ে আইচে। চপ খেতে মন হয়েছিল। কিনতে এসে আমাকে দেখে—

একটু হেসে চূপ করে লখাই।

মালতী বললে—তাই তুমিও বুঝি পিছন পিছন ছুটেছিলে!

—হাঁ। এখন বাড়ী চললাম ওকে নিয়ে। তা বলি—খা চপ খা। কাল তো খেতে এসে খেতে পাস নাই!

প্রসন্ন কৌতূকের আনন্দে মুহূর্তে মালতীর মুখ হাসিতে ভরে উঠল। সে একা নয়, চাঁপা হেসে উঠল, ঠাকুর হেসে উঠল, টিক্লি খিলখিল করে হেসে উঠল। মেয়েটা লজ্জার ঘোমটা টেনে পিছন করে ঘুরে দাঁড়িয়ে চাঁপা গলায় বললে—খাব না আমি চপ। তুমি চল!

মালতী বললে—না—না—না। বস তোমরা দুজনে বস। ভেতরে এসে বস। ঠাকুর চপ তৈরি করে দাও। সব ছেড়ে চপ ভাজ। সব তো ওবেলার অন্তে তৈরী করাই আছে?

—দশ মিনিট। এখন দোব।

মেয়েটি কিন্তু কিছুতেই ভেতরে এল না। দোকানের একপাশের খুঁটি ধরে দাঁড়িয়ে রইল। হাসিমুখে চেয়ে রইল মালতী গুলোভরা বে-ছাটবারের হাটের দিকে। চোখ এক-

বারও পড়ছে না যেখানটার হুয়মানটার বাচ্চাটা পড়ে য়েছিল সেখানটার দিকে ।

হাটতলার রোদ ঝলঝল করছে । সকালবেলা পুবদিকের ক'টা বড় বটগাছের ছায়া পড়ে । সূর্য গাছগুলোর মাথায় উঠেছে । অল্প অল্প গরম হয়ে রোদ মিষ্টিও হয়েছে । মালতীর মনের মধ্যেও খুশিতে ভরে গিয়েছে । বসন্ত না, টুলু চৌধুরী না—কোন কিছু নেই সেখানে । মনের এক কোণে ওর বাসুদেবের মাথাটা পড়ে থাকে—সেটা আছেই, পচে না । ভুবনেশ্বরতলার বাঁধা ঢেলা পড়ে গিয়ে হারিয়ে গেছে লাখে লাখে কিন্তু বাসুদেবের মাথাটা মনের মধ্যে পচেও না হারায়ও না । সেটা আশ্চর্যভাবে যখন তখন মনের চোখে পড়ে । বেশী করে খুশীর সময় । গোল মাথাটা যেন তালে গড়িয়ে এসে মাঝখানে থামে । সেটাও আসছে না ।

ভুবনপুরের হাটমাহাত্ম্য সত্যি । এই সুখ এই দুখ, এই দুখ এই সুখ । আজ লাভ কাল লোকসান, কাল লোকসান পরশু লাভ । আজ জুড়লে কালকে ফাট এই হল ভুবনপুরের হাট । আজ ফাটলে কালকে জোড়া যার হয় না তার কপাল পোড়া ।

চমকে উঠল মালতী ।

গৌ গৌ শব্দে প্রবল গর্জন করে খান তিনেক জীপ গাড়ি রাস্তা থেকে বেকে হাটের ঢালে বট অশথের বেরিয়ে থাকা শিকড়গুলোর উপর দিয়ে লাফাতে লাফাতে ঢুকে পড়ল হাটে । সামনের জীপে একজন হাত বাড়িয়ে পথ দেখাচ্ছে । বেতে যেতে থামল জীপখানা । সঙ্গে সঙ্গে পিছনের গুলো ।

টপ টপ করে নেমে পড়ল হাওয়ারই সার্ট পেণ্টলুন পরা দেশী সায়েব । আট দশ জন ।

—দেখ—চা দেখ । জলদি করতে বল ।

একজন ব্যস্ত হয়ে এসে বললে—ভাল কাপ ডিস আছে তো ? দেখি !

মালতী ব্যস্ত হয়ে বললে—নতুন আছে আর, বের করে দিচ্ছি ।

আর সে জেলখানার শিখে এসেছে । পোশাক দেখে রকম দেখে বুঝেছে এরা সরকারী কর্মচারী ।

চারের কাপ কেনা ছিল । থাকে দোকানে । চারের কাপ ডিস ভাঙছেই ভাঙছেই । সব কাপ ডিস বের করে ও নিজেই ধুতে বসে গেল ।

একজন কর্মচারী জিজ্ঞেস করলে—ওইটে তো বট অশথতলা ভুবনেশ্বরের ?

ঠাকুর বললে—আজ্ঞে হ্যাঁ ।

কাপ ডিস ধুয়ে এনে সাজালে মালতী টেবিলের উপর । জলটা এখনও ঠিক ফোটে নি । সে এগিয়ে এসে বললে—বিক্ৰট আছে ভাল । দোব আর ?

সকলেই তার দিকে বিম্বিত হয়ে চেয়ে রয়েছে । মালতী রাঙা হয়ে উঠল একটু । সুখ নামিয়ে বললে—দোব আর ?

—কি বিক্ৰট ?

—খিন অ্যারাকট—সার্কাস—

—বাঃ ! দাও চারখানা করে দাও ।

মালতী বয়াম খুলে বিছুট বার করতে লাগল। শুনতে শেলে একজন বলছেন—ভক্ত-লোকের মেয়ে মনে হচ্ছে। চায়ের দোকান করছে। দোকানের মালিকের আইডিয়া আছে!

মনে মনে প্রচুর কৌতুক অনুভব করলে মালতী। চাঁপা অর্থাৎ হরে গেছে মালতীর কথা-বার্তা বলবার রকম দেখে। এতটুকু ভয় নেই। তা মালতীর নেই। জেলে জেলার জেল-সুপারদের সে দেখেছে—মধ্যে মধ্যে জেলা ম্যাজিস্ট্রেট এসেছেন। তাদের সঙ্গে কথা বলারও অভ্যাস আছে। বিছুট বের করে সে ঠাকুরকে বললে—ঠাকুর বেঞ্চি ছুখানা বের করে দাও। সাহেবরা বসুন।

এর মধ্যে লোক দাঁড়িয়ে গেছে। টুলু চৌধুরীও আছে।

সাহেবরা চা খেয়ে খুশী হয়ে দাম দিয়ে বসলেন—বেশ তোমাদের সব পরিষ্কার পরিচ্ছন্ন। ওপারে আমাদের সেটেলমেন্টের ক্যাম্প পড়ছে। দোকান ভাল করে কর।

জীপ হাঁকিয়ে চলে গেল সাহেবরা ওই অশথ বট বনের ওদিকে। দোকানের সামনে দিয়ে—ভুবনদীঘির হাটের উপর দিয়ে—চুলকাটার জায়গাগুলো মাড়িয়ে মড় মড় করে গৌঁ গৌঁ করে চলে গেল।

মালতী খুশী হয়ে গেছে খুব। সাহেবরা সব খুশী হয়েছে। এতটুকু ভুল করে নি। এতটুকু ভয় করে নি।

ঠাকুর বললে—মাসী এবার আরও লোক রাখ। খন্দের ভিড় খুব হবে।

মালতী ভাবছিল চেয়ার টেবিল হলে ভাল হয়। আরও জায়গা হলে ভাল হয়।

টিক্‌লি ছিল না—সে ওই লখাই আর তার বউয়ের সঙ্গে কথা বলতে বলতে চলে গিয়েছিল। সে কিরে এল। বললে—মজার খবর মালতীদিদি! চিমতী দোকান খোলে নাই ক্যানে জান? সে, তার কে হয়—বিপবা অন্নবরপী মেয়ে, তাকে আনতে যেয়েছে! দোকানে বসাবে!

মালতী হাসলে। কিন্তু সে নিজে মনে তার কোন চঞ্চলতা এল না। দোকানের কথা ভাবছিল। ভাল সুন্দর দোকান।

সাত

ছ'বছর পর। ভুবনপুরের হাটে সোমবারের হাটের সকালবেলা। হাট বিকেলে বসে কিন্তু সকাল থেকেই যেন হাট বসে গেছে। অনেক মানুষ এসে জমেছে হাটভলার। অন্ততঃ একশো দেড়শো। দোকানও এসে বসে গেছে। তবে তরকারির কাঁচা বাজার নয়। ভাল-পাতার চ্যাটাই কুলো ভাল আসে নি। তবে মোড়া এসেছে—খেজুর চ্যাটাই এসেছে। খাসী মুর্গা আসে নি তবে একটা গাছতলার ডালে কাটা পাঁঠা বুলছে। কার কিতে ফেরিওলা এখনও আসে নি। খাবারের দোকান খুলেছে, চায়ের দোকানে লোকের ভীড়ের শেষ নেই। ধরণী দাস প্রভৃতির কাপড়ের দোকান খুলে বসেছে। পান বিড়ি সিগারেটের

দোকান বসেছে—টবের বাক্স নিয়ে ফলওয়ালা দোকান তুলেছে।

হাটের চেহারাও পালটে গেছে। হাটের মাঝখানের জায়গাটা ঘিরে চারিপাশেই কারেমী দোকানঘর গড়ে উঠেছে। পাকা হাটের দেওয়াল পাকা ছাদ। পাক দেওয়াল টিনের চাল। মাটির দেওয়াল টিনের চাল খড়ের চাল। একখানা দুখানা নয়।

টুলু চৌধুরীই গুনছিল, গুনে হরিপুরের বিশিষ্ট সম্পত্তিশালী এককালের জমিদার পাটু চক্রবর্তীকে বললে—তের নয় বারো। ওই যে ফলওয়ালার আর তরকারি পরোটার দোকান ওটা একখানাই। মাঝখানে পাঁচিল থাকলেও চাল একটা। মালিক একজন। ভাড়াটে দুজন। আমাদের হরি মিশ্রি পাণ্ডা ছিল—তার পরিবারের গহনটহনা বেচে ঘরটা করলে, প্রভুল ঠিকানা ঠিক এক মাসে তুলে দিলে। ওই ঘর করে ভাড়া দিয়ে বিধবা বেঁচে গেল। দুটো দোকানে তিরিশ টাকা ভাড়া। প্লট একটা—ভূবনপুর মৌজার তিনশো চার খত্তনের হাজার পরজিহ নম্বর প্লট।

পাটু চক্রবর্তী বসেছিল গাছতলায় একটা মোড়ার উপর। নতুন মোড়া। একখানা খেজুর চাটাইয়ে তার কর্মচারীরা বসে আছে। দাঁড়িয়ে আছে টুলু চৌধুরী।

সব সেটেলমেন্ট আপিসের যামলায় এসেছে। কারও উপর নোটিশ হয়েছে—কাগজ দেখাতে হবে। কেউ এসেছে ডিসপিউট দিতে। তার জমি অপরের নামে রেকর্ড হয়েছে। কিছু নিরীহ মাহুষ কিছু জটিল চরিত্র বিষয়ী লোক। নিরীহদের জমি তাদের নামে ওঠে নি। কুটিল চরিত্রের বিষয়ীরা এসেছে সম্পত্তি বেনাম করে রেকর্ড করতে, অপর একজন বিষয়ীর সঙ্গে এক জমি নিয়ে জটিল জট পাকিরে। এখন থেকেই তারা সাবধান হচ্ছে। জমিদারি গিয়েছে—জমিও নাকি পঁচিশ তিরিশ একরের বেশী থাকবে না, সেগুলি এখন থেকেই তারা দলিল করে ছেলে বউয়েরে নাতিদের নামে আলাদা আলাদা নামে রেকর্ড করছে। জমিদারেরা জমিদারির খাস পণ্ডিত বা জমিদারির স্বত্বের সঙ্গে জড়ানো—পণ্ডিত জমি, মাঠের পুকুর, বিল, খাল সেগুলিকে যা পাচ্ছে সেলামী নিয়ে বন্দোবস্ত করে দিচ্ছে। নইলে জমিদারির সঙ্গে ওগুলিও চলে যাবে সরকারের হাতে। পুরনো আমলের চেক কেটে পুরনো ন্যাম্প ডেমিতে লিখে দিচ্ছে। চাষীরা বুভুক্ষুর মত গিলছে। চাষীদের বাদের জোতজমা আছে তাদের অবস্থা এখন ভাল। ধানের দর দশ টাকার নীচে নামে না। আষাঢ় মাস থেকে উঠতে উঠতে বোল সড়ের আঠারোতে ঠেকছে। তাদের জমির ক্ষধা আশ্চর্য। ডাঙ্গা বাছে না, খাল বাছে না, বিল বাছে না—নিরীহ যাচ্ছে। তারাও আইন জানে। জমিদারের থেকে কম বোঝে না। তাদেরও সমস্তা আছে পঁচিশ একর তিরিশ একরের—তারাও এসেছে সেটেলমেন্ট আপিসে। এদের চোখে ক্ষুধা, মূখের কথায় কোঁড়ক। ঠোঁটে হাসি। তারা নিরীহ তাদের চোখ মুখ দেখলেই ধরা যায়। শক্তি ব্রহ্ম দৃষ্টি। সর্বদে একটি অসহায় অক্ষমতার ক্লাস্তি। এরা আজ ছ'বছর হাঁটছে এখানে। প্রথম প্রথম কম ছিল—এখন বত দিন বাছে তত বেশী লোক আসছে, পাঁচ দিন সাত দিন অন্তর আসছে। দিনের পর দিন পড়ছে। অনেকে দিন না থাকলেও আসছে। সেটেলমেন্টের কর্মচারীরা বলছে—কাজ পাহাড়ের মত—সে হাত ঠেলে কতটুকু ঠেলব। আমরা ভো হাতী নই।

আনোয়ার নই—মাহুদ।

লোকে বলছে ঘুঘর প্যাচ।

হুই-ই সত্যি। এই হুই সত্যের টানা পোড়েনে ভুবনপুরের হাটে নিত্য হাটের মত ভিড়। এই ভিড়ের পায়ে পায়ে চারিপাশে আর ঘাসের চিহ্ন নেই। হাটের মাঝখানটা খাল হয়ে যাচ্ছিল বলে ইট বিছিরে জোড়ের মুখে মুখে সিমেন্টের পরেরটিং হয়েছে। দোকানীরা বাদেই জমি নিজের ছিল তারা কারেনী ঘর করেছে। পাওয়ার দে বাড়ীর শরিকেরা আপন আপন আরগায় ঘর তুলে ঘর ভাড়া দিয়েছে। তার মধ্যে দোকান বসে গেছে। মোড়াওয়ালা খেজুর চ্যাটাইওয়ালারা এখন রোজ আসে। রোজই পাঁচটা-দশটা মোড়া বিক্রি হয়। খেজুর চ্যাটাই কেনে লোকে বসবার জন্তে। কাঠওয়ালার দোকানে চেয়ার টুল বিক্রিও হয়, ভাড়াও মেলে।

পাটু চক্রবর্তীর মোড়াটা কিন্তু বাড়ী থেকে আনা। চামড়া দিয়ে বাঁধানো। শান্তি-নিকেতনী মোড়া। টুল চৌধুরীরও এখন খুব চলতি, বলতে গেলে সেটেলমেন্ট আদালতে উকিল মোক্তারের কার্ট কাটে। হাটের মধ্যে নতুন আপিস করছে। রেজিস্ট্রি আপিসের কাছের জন্তে পুরনো আপিসটা ঠিক আছে—সেটা গর ছেলে চালায়। পাটু চক্রবর্তী টুল চৌধুরীর মজ্জগ। পাটু চক্রবর্তী এই প্রথম আসছে বলতে গেলে। এবার সত্বের একটা জটিল প্যাচ। তবে এর আগে রেজিস্ট্রি আপিসে এসেছে বছর দেড়েক আগে।

চক্রবর্তী দেড় বছর আগের সঙ্গে এখনকার হাটের চেহারা দেখে বিস্ময় প্রকাশ ঠিক না করলেও তারিক করছিল। কারেনী ঘরের সংখ্যা গুনতে গিয়ে তার হল তেরখানা—টুল চৌধুরী সংশোধন করে বললে—বারোখানা। টুল চৌধুরীর একটু বেশী কথা বলা অভ্যাস, না বললে তার চলেও না; খতন নম্বর প্রট নম্বর আপনি বেরিয়ে আসে মুখে।

চক্রবর্তী চারিদিক ডাকিয়ে দেখে বললে—মালতী রেস্টুরেন্টটা কিন্তু আচ্ছা হয়েছে। অল্প আরগার উপর সুন্দর করেছে। দেড় বছর আগেও টিনের চাল টিনের দেওয়াল ছিল। একে-বারে পাকা দালান বানিয়ে ফেললে। ইলেকট্রিক লাইট।

টুল বললে—গর কথা বাদ দেন। খুনে মেয়ে—জেল খাটা মেয়ে—পাখোয়াজ মেয়ে। তার ওপর জেলে ঘাবার আগে শাগরেদ ছিল বলন্ত বাঁড়ুজ্জর। গান গেয়ে মিটিং করে বেড়াও।

—অকর্ম কিছু নাই—না ?

—তুনি তো। কুতুকে শুধে নিলে। কুতুর আরগাতেই তো ঘর। কুতু লিখে দিয়ে গিয়েছে, একতলায় ওই দোকান-ঘর আর একখানা ঘর পে-ই করেও দিয়েছে। ওপরতলাটা ও নিজে করেছে।

—ওনেছি বটে। বুড়ো বয়সে কুতুর মস্তিভ্রম হয়েছিল। পঙ্গু হয়ে গিয়েছিল। প্যারা-লিসিস।

—হ্যাঁ। তখন মেয়েটা সেবা করেছে গর। তা করেছে। ও এক আশ্চর্য মেয়ে মশাই। প্রথম বললাম না বসন্তের মেয়ে-চেলি ছিল। তখনই বসন্তের সঙ্গে খারাপ হয়েছিল। ও আর

গোপা। বসন্ত তো কেই ঠাকুর। হাজার গোপিনী। সব নাকি ওর বান্ধবী। প্রথম প্রথম বলত বিয়ে করবে না। ক্রমচারী থাকবে, লীডারি করবে। এ মেয়েটা মানে মালতী এখন জেল থেকে ক্রিয়ল তখন বসন্ত গোপার সঙ্গে জড়িয়েছে। এটা কি করবে? ও কুণ্ডকে ধরলে! তা বসন্তও শুছিয়েছে গোপাকে বিয়ে করে। এও শুছিয়েছে!

একজন কর্মচারী ছুটে এল—বাবু, সারের ডাকছে। খুব চটেছে।

চক্রবর্তী বিষয়কর্মে ধীর মাহুয, বিচলিত সহজে হয় না, সে বললে—ক্যানে হে? খিদে লেগেছে সারের, সবুর সহিছে না?

তুলু বললে—বলছি আপনাকে লোকটা রগচটা। টাকাটা আগে থেকে দিয়ে রাখলে ঠাণ্ডা থাকত।

—তুমিই তো দেখি করলে। কথায় মজে গেলে। তা মজার কথায় মজে সবাই। তুমিও মজেছ আমিও মজেছি। নাও--টাকা নিয়ে যাও।

কর্মচারী বললে—আপনাকে যেতে হবে। ডাকছে।

—আমাকে যেতে হবে?

—আজ্ঞে হ্যাঁ।

তুলু বললে—চলুন না। কি হবে! একবার তো হাজারে দ্বিগুণেই হবে!

উঠল চক্রবর্তী বাবু। মোটা মাহুয, তার উপরে মাহুযের ছোঁরাচ বাঁচিয়ে চলা অভ্যাস। ভুবু চলতে হচ্ছে দারৈ পড়ে একে পাশ কাটিয়ে ওকে এড়িয়ে। হাটের প্রাঙ্গণটার এখনও সকালের রোদ উঠতে দেখি আছে। উঠলে আরও একটু আরাম হবে। অগ্রহারণের শেষ। শীতও এবার ঘন। হাটের দোকানে কেনা বেচা চলছে। বেশীর ভাগ ধারার পান বিড়ির দোকানে। চায়ের দোকানে বেশী ভিড়। মালতী রেস্টুরেন্টে ছবানা টেবিলে ছাঙ্কিশ সাতাশখানা লোহার চেয়ারের একটাও খালি নেই। শ্রীমতীর দোকানেও ভিড়। শ্রীমতীর দোকানও বেড়েছে। মাটির ঘরে পাকা ধামের উপর টিনের চালের বারান্দা ছিল—সেটা ছাদ হয়েছে। পাশে একখানা ঘর বেড়েছে। উপরে কোঠা হয়েছে। তুলুর আপিস শ্রীমতীর কোঠার। সে বললে—ঈড়ান আমি জামাটা পালটে আসি। জামাটার ধামের গন্ধ। অকিসারটা চটে ধামের গন্ধে।

শ্রীমতীর দোকানেও সামনে চেয়ারে বসে আছে একটি যুবতী বিধবা মেয়ে। সন্দরীও ষটে যুবতীও বটে, হাসেও খুব। কিন্তু একটু বেশীরকমের হালকা—অশালীন।

শ্রীমতী চক্রবর্তীকে চেনে। সে হেসে বললে—বাবু যে গো!

—হ্যাঁ চিনতে পারছ?

—আপনাকে চিনতে পারব না?

—না। বুড়ো হয়েছি তো।

—আমি হই নাই না কি? তা চা খান!

—না। ডাক পড়েছে। সারের নাকি কামড়ার দেখি হলে!

হেসে উঠল শ্রীমতী। তারপর বললে—ওঃ নাকে দড়ি দিয়ে ধোরাজে গো!

—কালের মহিমে ! তা ইটি কে ?

হেসে শ্রীমতী বললে—আমার সম্পকে বুনঝি ! তা কি করি বলুন । হরকল্লা ছুকারি এসে পাশে দোকান করলে । আমার দোকান কানা পড়ল । বূড়ীর দোকানে খাবে না কেউ । তাই ছুঁড়ীই আনলাম । নমস্কার কর না গো সাবি— !

সাবি হেসে ফেলিই নমস্কার করলে—নমস্কার বাবু ! আসবেন—এখানেই চা খাবেন যেন ।

টুলু চৌধুরী এসে পড়ল ।—চলুন ।

শ্রীমতীর দোকান ছাড়িয়ে মালতীর দোকান । অনেক ভিড় । ভিতরে চারটে বাচ্চা ছেলে খাটছে । ঠাকুর ছুজন । পুরনো ঠাকুরের সঙ্গে এখানকার আর একজন ছোঁরা কাজ করে । আগে ঠাকুরের কাজ করে বেড়াতে—হারাধন নন্দী । টাণা নেই । টাণা নবদীপ চলে গেছে ।

কুণ্ডুর বাড়িতে মালতী যাওয়া আসা শুরু করতেই সে একদিন বলেছিল—মাসী এবার আমার বিদেয় দাও ।

মুখের দিকে তাকিয়ে মালতী বলেছিল—ভাল লাগছে না মাসী ?

সে বলেছিল—না !

মালতী বলেছিল—তা হলে যাও । মাসে মাসে আমি টাকা পাঠাব কিছু করে ।

—না । দরকার নেই !

মালতী বলেছিল—বেশ !

কথা তার মনে অনেক এসেছিল কিন্তু সে জিজ্ঞাসা করে নি ।

*

*

*

আজও মালতী টাণার কথা ভাবছে । টাণা মাসীর চিঠি এসেছে । অন্তর্বে পড়েছে টাণা মাসী । কিছু টাকা চেয়ে পাঠিয়েছে । চূপ করে ভাবছে আর সামনের দিকে তাকিয়ে আছে । ভুবনপুরের হাটে এমনি করেই চেয়ে রইল সে । যে চেয়ে থাকার মধ্যে দেখা কিছুই হয় না । মনের মধ্যে হিসেব করে আর স্মরণ করেই বেলা কাটে । অভ্যেস হয়ে গেছে । কচিং কখনও হঠাৎ কিছু কিছু শোরগোল তুলে ঘটলে সেটা দেখা হয়ে যায় ।

সে ভাবছিল টাণা মাসীকে সে নিয়ে আসবে ।

একবার মনে হচ্ছিল আনবে—খুব করে সেবা করবে । তারপর বুনঝিরে বলবে—মাসী আমি পাপ থাকে বল তা করি নি । করি নি । করি নি । যাকে পাপ বল মাসী তা দুয়ের কথা মনও দিই নি । তবে খেলা করাকে যদি পাপ বল আমি পাপী ! আমার মন দেওয়া ভালবাসাটুকু সেই হুমুমানের বাচ্চাটার মত মরে গিয়েছিল ; কিছুদিন মরা বাচ্চাটার মত মরা ভালবাসা বুকে ধরে বসেছিলাম । মিথ্যে বলব না । বলবই বা কেন মাসী ! আমার আশা নাই—আমি আমার নিজের হাতের বাঁধা চেলাটা খুলে দিবে এসেছি । মিছে বলব না— সাধ হয় । সাধ আছে । না থাকলে তো চলে বেতাম শহরে বাজারে গো ! তাতে আর কত বলক হত ? যে বলক মাথার চাপছে একটার পর একটা তার চেয়ে কি সে বেশী ভারী

হত ? হত না। আমার সাথটা যে কিছুতেই ছাড়তে পারছি না গো! আমার সাথ ভ বসন্তকে বিরে নয় মাসী। যে দিবি্য করতে বল করতে পারি। তোমাকে ছুঁয়ে বলতে পারি। বসন্তকে নিরে সাথ করেছিলাম—বসন্তের দোষ দোষ না—দোষ আমার হিসাবের তুলের। বসন্তের পাণ-পুণ্যও নাই। ও যে কি তা আমি জানি না। ওর ভয়ও নাই ভাল-বাসাও নাই। ওর কাজ আছে আর মেয়েদের মন নিরে খেলা আছে। গোপা আমাকে নিজে বলেছে ওর বিধবা হওয়ার পর যখন ভাসুরের সঙ্গে মামলা বাধে, তখন বসন্ত ওর ভাসুরেরই একখানা সাপ্তাহিক চালাতো। তার চাকর। তবু সে তার মনিবের প্রতিবাদ করেছিল—খগড়া করেছিল—ভাসুরের কাগজেই ভাসুরের কীতি প্রকাশ করে দিয়েছিল। সেই যে যেদিন গোপা ভুবনপুরে এল পরদিন এল বসন্ত। সেই যে গো যেদিন আলো নিয়ে কাণ্ড—যেদিন চমকানাম বসন্তের কথা শুনে—যেদিন তার সঙ্গে চুকিবে দিলাম। বললাম—আলোটা নিরে যাও ; বিরে না করে মন দিরে ভালবাসা—ও আমার সাথি নাই! পরদিন এল টুলু চৌধুরী বর্ধমানের বাবুটিকে নিরে। সেদিন কি হয়েছিল জান ? বসন্ত কাগজের দলিল চিঠি সব সরিয়ে নিরে চলে এসেছিল—তাতে ছিল গোপার ভাসুরের মৃত্যুবাণ। ওরা পুলিশে খবর দিরেছিল।

—চার কাপ চা—চারটে চপ—আটখানা নিমকি !

নড়ে উঠল মালতী। চোখ তুললে। একসঙ্গে খন্দের এসে দাঁড়িয়েছে। যে চাকরটা ওকে খাবার দিরেছে সে যা দিরেছে তা বলে। মালতীকে হিসেব করে দাম নিতে হবে।

মালতী হাসলে একটু। হেসে কথা বলতে হবেই। বললে—এক টাকা চার আনা।

দেড়টা টাকা দিরে ভদ্রলোক বললে—বাকীটা সিগারেট। উইল্‌স।

মালতী সিগারেট বের করে হাতে হাত ঠেকিয়েই দিলে সিগারেটগুলি।

তারপর মসলার প্লেট বাড়িয়ে ধরলে।

চলে গেল ভদ্রলোক।

তারপর মাসী আবার একদিন টুলু চৌধুরীর সঙ্গে দেখা হয়েছিল। সেদিন ভোমার পৌরাদের ঝুলন ছিল—তুমি দোকানে এস নি ; তখন আমার সঙ্গে বসন্তের ছাড়াছাড়ির কথা রটেছে। কথা কি করে রটে তা তুমি জান, তার উপর ভুবনপুরের কথা। কথায় আছে ‘হাটের মাঝে পড়ল কথা এক নিমিষে যথা ওথা।’ তার উপর ভুবনপুরের হাট। টুলু চৌধুরী বলেছিল—টিক্‌লি বলেছে। তা হবে। টুলু বলেছিল—আমি যদি লিখে দি যে চৌদ্দ পনের বছরে জেলে যাবার আগে বসন্তের চেলাগিরি যখন করতাম তখন থেকে গোপা আমি দুজনই তাকে ভালবাসতাম। সেও আমাদের দুজনকে ভালবাসত। আমাকে বলেছিল—বিরে করব। ও জাভ মানে না—কিছুই মানে না। তারপর জেল থেকে বেরিয়ে এসে দেখি সে আমাকে বিরে করতে চাচ্ছে না। তার কারণ গোপাকে সে ভালবাসে। তার সঙ্গে তার গোপন আসক্তি হয়েছে।

বলেছিল—এ তো মিথ্যে বলা হবে না। ও গোপাকে ভালবাসে। না হলে তোমাকে কথা দিয়ে এখন না বলছে কেন? আর তুমি তো হাটে বলেছ ওকে ভালবাসার কথা। কথাগুলো লিখে দিলে তোমাকে গোপার ভাস্কর এক হাজার টাকা দেবে। আর ওকে তোমাকে বিয়ে করতে বাধ্য করবে।

আমি বলেছিলাম—না। তবে গোপাকে ও যে ভালবাসে তার প্রমাণ পেরেছিলাম, বুঝতে দেরি হয় নি। তোমাকে বলি নি। হুম্মান মা-টার মত মরা ভালবাসা বুকে করে বড় কষ্ট পেরেছিলাম।

ভালবাসা ভুবনপুরে কেন তিনভুবনেও বোধ হয় নেই। হয়তো থাকে—তা যেমন জন্মায় তেমনি মরে। মন দিয়ে মন পাওয়া যায়—মন আর মানুষ দুটো পাওয়া যায় না। মানুষ নিজেকে দিয়ে আর একটা মানুষকে পায়, সেখানে মানুষের সঙ্গে মন থাকে না। মন মানুষ দুই দিয়ে দুই পেলেও হয় কি জান—আপন আপন মন ঘুরে নেয়। গোপার বেলাতেও তাই হয়েছে মাসী। আমার মনও আমার আছে—আমার আমিও আমার মাসী—কাউকে দিইনি। দিয়েছি—হাসি দিয়েছি—কথা দিয়েছি। পেরেছি পরসী টাকা। সুখ—হ্যাঁ সুখও বটে বইকি।

—পাঁচ কাপ চা দশখানা বিস্কুট। একবাক্স সিগারেট ক্যাপস্টেন।

এক দল খন্দের এসে দাঁড়িয়েছে, পরসী দেবে।

—আমার এক কাপ চা শুধু।

—একটু দাঁড়ান। এঁরটা নিই। মিষ্টি হাসে মাগতী। —একটু। একে একে। আমি তো একা মানুষ।

দশটা শিঙাড়া বারোখানা নিমকি, দুটো বড় রসগোল্লা এনে দিয়েছি।

মোটরের হর্ন বাজছে। সেটেলমেন্ট ক্যাম্পের জীপ বেরিয়ে যাচ্ছে কোথাও।

গাছ থেকে একটা চিল ছোঁ মেরেছে একজনের হাতের ঠোঙার, সে ঠোঙার মিষ্টি নিয়ে যাচ্ছিল।

বেলা একটা বাজছে। এখন চায়ের দোকানে ভিড় কমেছে। তবে শিঙাড়া কচুরি বিক্রি চলছে। মালতী উঠল। স্থান করবে থাকে। তারপর এসে আবার বসবে। ঠাকুরেরা চাকরেরা পালা করে উঠে যাবে স্থান করবে। সেটেলমেন্টের মক্কেলরা খেতে যাচ্ছে। এখন হোটেলের ভিড়। তিনটে হোটেল হয়েছে। খুব চলতি তাদের। দীঘির ঘাটে স্থান করছে। অনেকে কুরোতলার মাথা ধুচ্ছে। হাটের আঙিনা খালি করে মক্কেলরা সব উঠে হাটের বাইরে গাছতলার ভেদা পাতছে। সোমবারের হাট। হাট বসবে। ভুবনেশ্বরতলার পাণ্ডারা এসে জমেছে। এখন তাদের চলতি খুব। হাটের আমদানি এরই মধ্যে এসে ঢুকতে শুরু করেছে। শীতের মরশুম এখন উন্নয়নের সময়, তার উপর এবার উন্নয়ন জন্মেছে ভাল। এবং ভুবনপুরের হাটের পাশে সেটেলমেন্ট ক্যাম্প বসার হাটে আমদানি হচ্ছে দুর্দ্বারান্তর থেকে। সেটেলমেন্ট ক্যাম্প এখন নামেই ক্যাম্প—আপিস হিসেবে ক্যাম্প বলা চলে। নইলে আপিসের জন্ত বাড়ি করে দিয়েছে পাণ্ডাদের অবস্থাপন শরিক দেবেন মিশ্র। ওই

অশথ বট বেলতলার ডাঙা পাণ্ডাদের। সেবাইত স্ত্রী দখল করে ওরা।

আরও বাড়ী তৈরী হচ্ছে। অল্প পাণ্ডারাও দেখাদেখি তৈরী করাচ্ছে। মামলাও চলছে ডাঙা নিয়ে। পাণ্ডাদের সঙ্গে পাণ্ডাদের।

বাড়ীতে কুরো আছে মালতীর। ছোট্ট উঠোন। এল্ শেপের খানিকটা বারান্দা। রেস্টুরেন্ট ঘরখানা ছাড়া দুখানা ঘর। ঘর দুখানা মালতী ইকুলের দিদিমণিদের ভাড়া দিগেছিল। কিন্তু দিদিমণিরা উঠে গেছে। মালতীর এখানে দুর্নাম অনেক। ইকুলের ম্যানেজিং কমিটি আপত্তি করেছিল। কিছুদিন সেটেলমেন্টের বাবুদের দিগেছিল। তাতেও কাদের নামে দরখাস্ত হয়েছে। একটা বেঞ্চা শ্রেণীর মেয়ের বাড়ীতে ভাড়া আছে সরকারী কর্মচারীরা। তারাও উঠে গেছে। তাতে লোকসান খুব হয় নি মালতীর। বাইরের দিকে দরজাওয়ারা ঘরখানাকে ভাড়া দিয়ে বাকী ঘরখানা থাকতে দিগেছে বুড়ো ঠাকুরকে। বুড়ো ঠাকুরের আশ্রিতা মেয়েটাও থাকে। সে মালতীর কাজ করে দেয়। বাচ্চা চারটের একটা সেও এখানে থাকে।

স্নান সেরে উনোনে ভাত চড়িয়ে দিগে মালতী জানালার ধারে বসেছিল। দোতলার থাকে সে। ঘরদোরগুলি বেশ গোছানো সাজানো। বাড়ীখানা সত্যিই তাকে কুণ্ড করে দিগে গেছে। ওই বর্ধমানের বাবুটি যেদিন এসেছিল তার মাস ডিনেকের মধ্যে কুণ্ডর অসুখ হল। অসুখ হল প্যারালিসিস। ছেলেরা বউরা তাকে নিয়ে বিব্রত হল। তারা বললে নার্স রাখতে। কিন্তু তা রাখলে না কুণ্ড। সে বাড়ীর একটা একপাশের ঘরে থাকতে লাগল। মোটা টাকা দিগে চাকর রাখলে। হাসপাতালে মরতে যাবে সে? সে নিজে গড়েছে এত বড় ব্যবসা এত ভাগ্য—মেলায় মেলায় ঘুরেছে। এতকাল পর শেষ কাল সবারই আসে সবারই আসবে কিন্তু এতকাল ঘুরে সে ঘরে মরবে না? মালতী কুণ্ডর উপকার ভোলেনি। বরং তার দহরম-মহরম একটু বেশীই হয়েছিল।

ওই হেজ্রাক আলোর কথাটার সে হাতেই শ্রীমতীকে চেঁচিয়ে যা বলেছিল তাতে গী কেন চাকলার গোলগোলাট হয়েছিল কথা অনেক রঙচঙ মেখে। আর বসন্ত নিজেই কুণ্ডর দোকানে আলোটা কিনবার সময় বলে এসেছিল—কি টাকা আপনি দিগেছেন কুণ্ডমশাই হিসেব করে রাখবেন—ওটা আমি দিগে দোব। তারপর মিষ্টি মিষ্টি অথচ খুব ধারালো—যাকে মিছরীর ছুরি বলে তাই দিগে আঘাত করেছিল কুণ্ডকে। একটা আঠারো বছরের মেয়ে—আর আপনার বয়স কত? সোত্তর? আপনার বড় নাভনীর ক’টি ছেলে হয়েছে কুণ্ডমশাই!

কুণ্ড অদ্ভুত চরিত্রের লোক—সে খুব হেসেছিল। বলেছিল—তা বেশ তো বসন্তবাবু। আপনার বাবা শরণ ওস্তাদের আমি ভক্ত ছিলাম; কত খানাপিনা করেছি স্নানন্দ করেছি। ওস্তাদ আমাকে তবলা শেখাতে চেয়েছিল—তা একতালার কাওয়ারালীতে ঠেকে গেল তালে। বলেছিলাম—আমার বাজিরে কাজ নাই ওস্তাদ আমার শোনাই ভাল। সে বলেছিল—সেই ভাল কাঁকা। আমাকে কাঁকা বলত। তা সে সখর আপনার সঙ্গে ধরে কাজ নাই, আপনি লীডার মাহুদ। তা বেশ তো—আপনার বয়স চব্বিশ পঁচিশ। নতুন কালের মাহুদ—লীডার।

ওকে নিয়েই আপনি যা হয় করুন।

বসন্ত বলেছিল—আপনারা জাল কেলে মাহুধ ধরেন। ওটা ওটরে তুলে নিতে হবে। আমি দিয়ে দোব ওটা। বুঝেছেন।

পরদিন তখন বসন্ত বর্ধমানের ওই বাবুটি আমার খবর পেয়ে সাইকেলে করে সাইতে হুয়ে চলে গেছে কোথায়। সাপ্তাহিক কাগজের আপিসের কাগজপত্র সে সরিয়ে নিয়ে এখানে এসেছিল। সেদিন পড়ন্ত বিকেলবেলা কুণ্ডু নিজে এসেছিল মালতীর দোকানে। বে-হাটবার মজলবার ছিল। মালতীর মন তখনও ওই সপ্ত মরা বাচ্চা দুকে-করা হুয়ান-মাটীর মত। অবুধ কাগজর ভরে আছে। ডাকলে সাড়া দেয় না নড়ে না। লাকালফি করে বেড়ায় না। অথচ তার কল্পনার আর সে তখন বসন্তকে নিয়ে ভবিষ্যৎ রচনা করতে পারছে না। চূপ করে বসে আছে।

কুণ্ডু এসে হেসে বলেছিল—হ্যারে আমি যে একবার এলাম। একটা কথা তোকে বলতে এলাম।

মালতী বলেছিল—বলুন।

—বলছিলাম তুই কি দোকান করবি না ?

—কেন ? এ কথা বলছেন কেন ?

—বসন্তবাবু কাল হেজাক আলো কিনে আনলে আর বললে সে তো অনেক কথা। তবে বুঝলাম তুই দোকান বোধ হয় করবি না।

ঠিক সেই সময়েই একটা হ্যারিকেন লর্ঠন জেলে নিয়ে এল ঠাকুর। টিনের চালের বাঁশে টাঙিয়ে দেবে। কুণ্ডু বলেছিল—এ কি ? লর্ঠন ক্যানে রে ? হেজাক কি হল ?

মালতী বলেছিল—সে আমি কিরে দিয়েছি কুণ্ডুমশাই—সে যার জিনিস সে নিয়ে গিয়েছে।

—নিয়ে গিয়েছে ? সে কি ?

—আমি কিরে দিয়েছি, বললাম তো।

—কিরে দিয়েছিল ? বাজারে হেটেরে অস্তে ? দূর দূর দূর।

—বাজারে হেটেরে কি হবে আমার কুণ্ডুমশাই ? আমি ৫ লখাটা মেরে।

—তবে ?

—সে অনেক কথা।

—বলা যায় না ?

—খুব যায়। তার সঙ্গে কি আমার পোষার কুণ্ডুমশাই ! সে এক মাহুধ আমি আর এক মাহুধ।

কুণ্ডু কিছুক্ষণ চূপ করে বসে থেকে বলেছিল—দেখ, ওই শ্রীমতীর আমি অনেক করেছি। মেরেটা সে আমলে বড় তুফানী মেরে ছিল। কথা কইত বড় ভাল—হাসত ভাল, চলত ভাল। আমার সেকলে মুখ রে—থারাপ কথা ঝেরিয়ে যেতে চাচ্ছে। ওকে ভাল লাগত। আমার বাড়ী যেত। আমার পরিবারের সঙ্গে ভাব ছিল। তার কাছে গান গাইত নাচত। হয়কলা

মেয়ে ছিল। খারাপও ছিল। আমাদের পাকড়বার ওর তাক ছিল। তা কুণ্ডু মাহ ধরত বলে নামত না। হানিমকরা—বড়জোর হাত টানাটানি। কিছু মনে করিস না।

মালতীর মন মাহুবের মন। সে মন কথার কথার মরা বাচ্চাটার কথা ভুলে গিয়েছিল; বুক থেকে নামিয়ে কখন পাশে রেখেছিল খেয়াল নেই। সে কুণ্ডুর কথার চেসেই বলেছিল—আমিও জেলে আড়াইবছর ছিলাম। বলুন আপনি।

কুণ্ডু বলেছিল যা জোবেলা বলত। বলেছিল—জেল যে সংসারটাই জেল রে। মনে মনে যা হয় যা বলি। তা থাক। যা বলছিলাম। শ্রীমতী অনেক বন্ধাটে অনেকবার পড়েছে। ওর স্বামী ওকে ছেড়েছিল। আমিই তাকে ডেকে বুঝিয়ে বলেছিলাম ঘরের পাগল ছেড়ে দিলেই পথে জ্বাংটে হবে। ধরে নাও। ঘরে রাখ। টাকা দিয়ে ব্যবসা করে দিয়েছিলাম, টাকা ওরা দিয়েছে^১ দেয় নাই তা বলছি না। বেশই সস্তাবে ছিল। এক নিচ্ছিল এক নিচ্ছিল স্বামী মরল। ওই হাটের জায়গা আমারই। সস্তা দামে দিলাম। হাট তখন জমছে। একতাল ভাড়ার বাড়ীতে দোকান করত। হাটে দোকান করে কাঁপল। গাঁঠি লাগল আমার ছাঁস আগে, পরিবার এখন মরল তখন। পরিবার ভুগে মরেছিল। গ্রহণী রোগ। দিন রাত্রি বিছানা কাপড় মরলা করত। গায়ে গন্ধ ঘরে গন্ধ। বউরা করে। কিন্তু দারে পড়ে। শিরে একা আমি। যেদিন মারা যার সেদিন ঘরে আর কেউ থাকতে পারে না। ও আসত, বাইরে দাঁড়িয়ে দেখে যেত। সেদিন আমি বলেছিলাম—শ্রীমতী আজ রাতটা তুই থাকবি? তা আমি পারব না—বলে পাগিয়ে এল। ছুটে পালাল—যেন আমি ধরে বেঁধেই ফেলব। তারপর সেই রাত্রে সে মরল। আমি গায়ের, গায়ের কেন চাকলার একজন বড় মহাজন ব্যবসাদার—লোক এল—পুরুষ মেয়ে তত্ত্ব করে গেল। কিন্তু ও এল না। উপরন্তু কানে এল সেদিন যাবার সময় আমাদের গাল দিতে দিতে গিয়েছে। বলে গিয়েছে—তোর দোকান ধারে নি—আমি তোর খাতক, তাই বললি ওই নরকে রুগীর নরক ষাঁটতে। যা তোর দোকানে আর নোব না। মহাজন। গলাকাটা মহাজন। তারপরও এসেছিল দোকানে মাল নিতে, আমি দিই নি। সাঁইতেতে গিয়ে আমার নামে যা তা বলে এসেছে। বলেছে—আমি বলেছি তুই থাক রাত্রে শ্রীমতী, মরা আগলে বসে আছি রক্তরসে সময়টা কাটবে ভাল। তা বলুক। বুঝলি ওতে আমার ছাঁকা লাগে না। দাগ লাগে না। আমি বলি নাই। যদি বলতামও তাতেও লজ্জা পেতাম না। কিন্তু বলে এসেছে আমি গলাকাটা জোচ্চোর ব্যবসাদার! ও আমার সহ্য হয় না। আমাদের শূল বেঁধে। কাঁকড়া বিছের কামড়ের চেয়েও জালা করে। সাঁইতেতে মাল নামিয়ে এখান পর্যন্ত এনে আমি সাঁইতের দরে মাল দি। আমার এত নাম। কখনও খদ্দেরের ওপর নালিশ করি না। যা হোক তা হোক করে শোধ নি। আমার রাগ সেইখানে। এ আমার মনসার রাগ। বুঝলি। তাই তোকে দেখে তোর চেহারা দেখে আর ব্যবসা করবি শুনে রাত্রে মনে হল তোকে যদি পাশে ওই দোকান করে বসিয়ে দি তা হলে ওকে মারতে পারব। তাই তোকে বললাম—তুই রাজী হলি—বসিয়ে দিলাম। তুই না করিস তো আমি দোকান তুলব না, আর এক জনকে এনে বসাব।

মালতী বলেছিল—আমি দোকান করব কুণ্ডুমশাই। বললাম তো তার সঙ্গে আমার

হয়ে গিয়েছে।

কুণ্ড উঠে পড়েছিল। বলেছিল—তা হলে আমি যাই। একটা আলো এখনি জেলে পাঠিয়ে দিচ্ছি। ওরা আলো জ্বলেছে হোকোও আলোতে হবে। কাল একটা গ্রামোকোনের ব্যবস্থা করব। বুঝলি। পারিস তো কাল বাস একবার।

বিশ মিনিটের মধ্যে একটা আলো জ্বলে নিয়ে এসেছিল। এ আলোটা বসন্তের আলো থেকে বড়, দামী, দেখতেও ভাল।

শ্রীমতী দোকানে ছিল না। সকালে টিক্লি বলেছিল ওর কোন বোনঝিকে আনতে গেছে।

সেদিন দোকান থেকে ফেরার পথেই মালতী গিয়েছিল কুণ্ডর বাড়ী। কুণ্ডর বাড়ী পাঁকা বাড়ী, কিন্তু নিজেকে থাকে মাটির দেওয়াল খঁড়ো চালের বাংলাবাড়ীতে। নিজের চাকর আছে। খঁড়ো ঘর হলেও ইলেকট্রিক আলো পাঁখা আছে।

কুণ্ড হেসে বলেছিল—মরতে রাত্রে এলি ক্যানে ?

—রাত্রেই এলাম!

—আমার বদনামের শেষ নাই, ভোরও হবে। মরবি।

—আমি জ্বলখাটা ঘেরে আমার ভয় নাই। আপনি সব কথা বলে এলেন—আমার সব কথা বলে যাই।

—ভাল ভাল ভাল। রাখার বুলে ছিল। ভোর আমি। মনের কথা বলবার তো লোক চাই!

—না। রাখা আমি নই—হব না।

—ক্যানে ?

—রাখার মতন আমি কাঁদি না। কাঁদতে আমি পারি না।

—সাবাস, সাবাস, সাবাস! কিছু খাবি ?

—না। বৃত্তান্তটা বলে চলে যাব। আপনি মহাজন আমি খাতক। আপনি বেচে ডেকে বসিয়েছেন দোকানে। সবটা না বললে চলবে না। জীবনের প্রায় সব কথাই সে বলেছিল। বলে বলেছিল—জুবনপুরের হাটে মন দিয়ে মন পাওয়া যায় বলে। আমি তেলা বেঁধেছিলাম খুলে দিয়েছি কালকে। মন দিয়ে মন নিয়ে আমার কাজ নেই। ওর মত মিছে কথা আর হয় না। মন মানুষ মিললে তবে মেলে। মানুষ নিজেকে দিয়ে মানুষকে পায়—তাতে মন পায় না এ হয়। আবার পায় এও হয়। কিন্তু মন দিয়ে মন মানুষ বাদ দিয়ে এ হয় না।

—ওরে! চোখ দুটি বিস্কারিত হয়ে উঠেছিল কুণ্ডর। অথাক হয়ে শুনছিল সে মালতীর কথা। কথা শেষ হতেই চোখ বিস্কারিত করে বলেছিল—ওরে! তুই এত কথা জানিস!

—নিখেছি জেলে, জোবেদা বিবির কাছে।

—সেটা কে রে ?

মালতী জোবেদার গল্প বলেছিল তাকে। কুণ্ড হাত ঝোড় করে নমস্কার করে বলেছিল

—ওরে বাপরে! কালী তারা বলব না কিন্তু এ যে তাকিনী বোসিনী রে!

তং করে ঘড়িতে আধ ঘণ্টা বেজেছিল। চশমা চোখে দিয়ে ঘড়ির দিকে তাকিয়ে কুণ্ড বলেছিল—ও বাবা সাড়ে এগারটা! দেখ দেখি ক্যান্সাদ!

—কি ক্যান্সাদ?

—এই রাতে বাড়ী যাবি।

—আরি চলে যাব দিবা।

—না। আলো নিয়ে দিয়ে আশুক তোকে। কলককে তোর ভয় নাই। হোক কলক! তবে একটা কথা শুনে যা।

—কি?

—গোপাকে নিয়ে বসন্ত জড়িয়েছে। বর্ধমানের লোক আমার কাছেও এসেছিল। বসন্ত লুকিয়েছে।

বসন্ত লোকের নি ঠিক। বসন্ত বিচিত্র মাহুয। ও একজারগায় থাকে নি, চারিদিকে ঘুরেছে আর গোপার ভাসুরের সঙ্গে লড়েছে। শুধু লড়া নয় লড়ে কিতেছে। বসন্তের হাতে এমন কাগজ কিছু ছিল যার ডরে গোপার ভাসুর গোপার সঙ্গে মিটমাট করতে বাধ্য হয়েছিল। পঁচিশ হাজার টাকা নগদ, গোপার স্বামীর জিনিসপত্র, বর্ধমানে একখানা বাড়ি দিয়ে মিটেছিল মকদ্দমা। তা ছাড়া নিজের গরনাগাটি তো ছিলই। গোপা গিয়েছিল বর্ধমানে মামলা মিটমাটের জন্তে। মামলা মিটবার পর সে বসন্তের হাত ধরে গিয়েছিল বিয়ের রেজেষ্ট্রি আপিসে। তারা বিয়ে করেছিল।

ভুবনপুরে কথাটা আসতে দেরি হয় নি। শুধু কথাই নয়, বসন্তও এসেছিল। এনে তার দোকানেও এসেছিল। চা খেয়েছিল কিনে।

যাবার সময় তাকে বলেছিল—ভুল—একটু ভুল আঁখার হয়ে গেল মালতী—কথাটা ঠিক রাখতে পারলাম না। তবে তার জন্তে দারী গোপা—না থাক—দারী তাকে করে লাভ কি? ভবুও সংশোধন করবার চেষ্টা করেছে। কিন্তু উপায় ছিল না। গোপার সম্মান হবে।

মালতী অবার হয়ে ওনেছিল।

এখনও মধ্যে মধ্যে আসে। মিটিং এখনও করছে। হাতেই মিটিং করে। একদিন মিটিংয়ে কে জিজ্ঞাসা করেছিল—নিজের কৈফিয়তটা দিন তো আগে! দে'দের বিধবা মেয়েকে বিয়ে করলেন কেন? গোপাকে?

গর্জে উঠেছিল বসন্ত।—বিধবা বিবাহ আইনসংগত বলে, বিধবা বিবাহ ধর্মসংগত বলে। গোপা আমাকে ভালবাসত—আমি গোপাকে ভালবাসতাম বলে। আর জাতিভেদ? জাতিভেদ পাপ। জাতিভেদ অজ্ঞার। জাতিভেদ আমি মানি না!

আশ্চর্য, এক কথার চূপ হয়ে গিয়েছিল লকলে।

বসন্ত সেদিনও এসেছিল। এখনও প্রায় আসছে। একটা গোলমালে পড়েছে। পড়েছে সেটেলমেণ্টের পাকে। ভুবনপুরের মাটিতেও বটে। ভুবনপুরের মাটিতে ওর পা বসে গেছে।

বাড়ী তৈরি করছে বসন্ত গোপার টাকায়। বর্ধমানের বাড়ী বিক্রি করে এখানে করবে। কিন্তু গোল বেধেছে জায়গাটা নিয়ে। ওই দেখা যাচ্ছে জায়গাটা—ভুবনেশ্বরের পাণ্ডাদের জায়গার মধ্যে দশ কাঠা জায়গা। জায়গাটার ইট চুন বালি ঢালার পর পাণ্ডারা আপত্তি দিয়ে বন্ধ করেছে। জায়গাটা ছিল খোকাঠাকুরের। খোকাঠাকুর শরৎ ওস্তাদকে একটা স্ট্যাম্পে বসতবাড়ী লিখে দিয়ে গিয়েছে—বলে গিয়েছে নেবেন আপনি আমার ষা আছে সব। কিন্তু দলিলের মধ্যে দাগ নম্বর দিয়ে এ জায়গাটা লেখা নেই। তখন এ জায়গাটা ছিল হাটের মাল্লবের ময়লামাটির জায়গা। এখন পাণ্ডারা আপত্তি করেছে—এ জায়গার মালিক তারা নিরুদ্দেশ খোকাঠাকুরের জ্ঞাতি হিসাবে।

গোপার কাছে বসন্ত টাকা নিয়েছে—প্রেস কিনবে কাগজ করবে। এখানেই করবে। গোপার সন্তান হয়েছিল মারা গেছে।

হুজনে হুজনকে ঝাঁকড়ে ধরে ওরা মিটিং নিয়ে মেতে আছে। গোপা নাকি ভোটে দাঁড়াবে। গোপা তাকে বেশ হাসতে হাসতেই বলেছে কেমন ওরা মিটিং করে বেড়িয়ে ঘরে নিজে নিজে করে নিয়ে থাকে।

মালতী জিজ্ঞাসা করেছিল—বেশ সুখে আছিস গোপা ?

—সুখ অসুখ বৃষ্টি না—বেশ আছি। ও মদ খায় আমি সিনেমা দেখি। ও বান্ধবী নিয়ে থাকে। আমারও বন্ধু আছে।

ভারপর কানে কানে বলেছিল—জানিস আমিও মধ্যে মধ্যে খাই।

—কি ?

—মদ! পার্টি-টার্টিতে খাই তো। বাড়িতেও মধ্যে মধ্যে খাই। এ তো আজকালকার ক্যাশন।

হুনিয়াতেই নিত্যা নতুন। ভুবনপুরেও তাই। হাটে তার মেলা বসে। সে পারলে না। সে চিরকালে খেলা খেলে গেল। ভুবনপুরের হাটে আজ মন দিয়ে মন নিয়ে আজকাল কালপরও ফেরত-ঘোরত হচ্ছে।

ভাতটা ধরল না কি ?

ভাতাভাড়া উঠে সে একটু জল দিয়ে নেড়ে দেখলে—হ্যাঁ ধরেই গেছে। আজ ভাগ্যে পোড়া ভাত। নামিয়ে ফেললে ভাতটা।

প্রায়ই হয়—নতুন নয়। সংসারে সেই বৃষ্টি পুরনো থেকে গেল। নতুন হতে-হতে হতে পারলে না। মধ্যে মধ্যে ভাবে যদি সে গোপার মত ধরতে পারত বাঁধতে পারত বসন্তকে তবে সেও গোপার মত সুখ অসুখ না বুঝেই বেশ থাকত। মিটিং করত। বসন্ত মদ খেত, ও সিনেমা দেখত। পার্টিতে মদ খেত।

না তা সে পারত না। তার মধ্যে একটা আশ্চর্য তৃষ্ণা আছে।

সুধু মন নয় শুধু মাল্লব নয়, মন মাল্লব ছুঁই নিয়েও হয়তো তার তৃষ্ণা মিটবে না। কিন্তু সে আর পারছে না জীবনকে টানতে! অধচ কলঙ্কের শেষ নেই।

ওঃ! প্রথম কলক কুতুকে নিয়ে।

কলক হল—মাসী চলে গেল। তার মন বললে—যাও।

কুতুর প্যারালিসিস হল। একলা একরকম পড়ে থাকত সেই বাংলাতে। সে গিরে দেখে তার মাথার কাছে বসে বললে—মরদোর যে বড় নোংরা হয়ে রয়েছে কুতুমশাই!

হেসে কুতু বলেছিল—কে করবে কাকে বলব? ছেলেরা বলে হাসপাতাল যাও। সে আমি যাব না। মরবার সময় আমার মাথার গোড়ার তুলসীগাছ দেবে, মুখে দুধ গন্ধাজল দেবে। আমি হাসপাতালে যাব?

—একটা নার্স রাখুন।

—নার্স? দূর দূর দূর!

—বেশ তো আমাকে রাখুন।

—তুই? তুই থাকবি?

—থাকব। ছুঁবেলা পরিকার করে দিয়ে যাব।

—উছ—থাকতে পারবি?

—তা—। একটু ভেবে হেসে বলেছিল—পারব। রাখুন।

পাশের কামরার আরগা করে দিয়েছিল কুতু। টি টি পড়েছিল ভুবনপুরে। কুতুর ছেলেমেয়েরা বিয়ক্ত হল। তারা আপত্তি করলে। —কলকের কথাটা শুনছেন না?

কুতু বললে—না!

মাস দুয়েক সেবার পর স্নহ হল কুতু। একটু একটু করে হাঁটছিল লাঠি ধরে।

ওদিকে দোকান দু'মাস লোকসান খাচ্ছিল। শ্রীমতী তার বোনবিকে নিয়ে ব্যবসা জমিয়ে তুলেছিল। মালতী দোকানে আসছিল না কুতুকে ফেলে। কুতু শুনে বলেছিল—তা হবে না। চল রিক্সা করে নিজে যাব আমি।

দোকানে এসে ঠিকেদার ডেকে বলেছিল—তিন মাসের মধ্যে পাকা বাড়ী একতলা হওয়া চাই। করে দাও। নয় বেশী দেব।

চার মাস লেগেছিল। ততদিন টিনের দোকানটা খানিকটা সরিয়ে চড়া ভাড়ার আরগাঘ করিয়েছিল কুতু। চার মাস পর কুতু নিজে এসেছিল এই বাড়ীতে বাস করতে। দানপত্র করে দিয়েছিল বাড়ীটা মালতীকে।

দোকান সাজিয়ে কুতুই দিয়ে গিয়েছে।

মালতী দোকান করত—মধ্যে মধ্যে উঠে যেত। কুতুকে দেখে আসত। বাইরে খেদের আসত ভিড় করে। সে হাসতে হাসতে এসে চেয়ারে বসত।

তারপর কুতু মারা গেল। এই বাড়াতেই মারা গেল।

মাথার শিররে সে তুলসীগাছ দিয়েছিল। ছেলে বউদের ডেকে এনেছিল। তারা দুধ গন্ধাজল দিয়েছিল।

তারপর একে একে কতজনের সঙ্গে কলক হল। হিসেব নেই।

মন কখনও কখনও চকল হয়েছে। সেটেলমেন্ট আপিসের একটি অন্নবরসী বাবু। বেশ

লাগত তাকে। সে মালতীকে চেয়েছিল। মালতী চঞ্চল হয়েছিল। কিন্তু শুনেছিল বাবুটির বউ আছে। সে তারপর থেকে রসিকতাই করেছে। তার বেশী নয়।

আরও কতজনের সঙ্গে। কিন্তু এ তার অসহ্য হয়েছে। আর পারে না। মধ্যে মধ্যে পালা শেষ করতে মনে হচ্ছে। তার কামনা বাসনা যেন মধ্যে মধ্যে নদীর বান তাকার মত তাকে যায়।

ভগবানকেও ডাকতে পারে না। ভগবানেও তো তার বিশ্বাস নেই। থাকলে, মালতী, মালতী তোমার কাছেই যেত!

শ্রীমতীর দোকানে গ্রামোফোন বেজে উঠল। নাচের গান বাজছে হাট শুরু হল। না। এখনও দেরি আছে, দেড়টা বাজছে। ঠাকুর এসে দাঁড়াল। তরকারি এনেছে। আলুভাজা কপির তরকারি মাছের অঙ্কল। আবার ওটা কি?

ঠাকুর বললে—জিমের ডালনা।

মালতী বললে—বাংপরে এত কেন?

—খাও মা। পৃথিবীতে খাবে না তো করবে কি?

দশ করে রাগ হয়ে গেল। ছুড়ে কেলে দিতে ইচ্ছে হচ্ছে কিন্তু আত্মসংবরণ করলে, বললে—না। নিয়ে যাও। ওটা নিয়ে যাও।

—খাবে না?

—না! বেশ চীৎকার করে উঠল।

ঠাকুর নিয়ে চলে গেল ডালনার বাটি। খেতে বসল সে। অকস্মাৎ কী হল তার সব ছুড়ে কেলে দিয়ে একখানা দা নিয়ে বাসদেবকে যেমন কেটেছিল তেমনি কাটতে ইচ্ছে করছে নিজেকে।

গ্রামোফোনে বেজে উঠল এবার আর একখানা গান।

মন অঞ্চল বিজনে.....

কিতে কারওয়ারা হাঁকছে তার জানালায় নীচেই—কিতে কার। কার কিতে। জামাই বাঁধলে খুলবে না—

সে উঠে পড়ল। জানালা দিয়ে উকি মেয়ে দেখলে হাট বসে গেছে। আজ সকালে সকালে বসে গেল হাট। তবে বেলা দুপুর গড়াচ্ছে। এখন চায়ের খন্দের কম। সিগারেট বিড়ি বিক্রি হবে।

সে হাত ধুয়ে একটু শুয়ে পড়ল। তন্দ্রা এসেছিল। হঠাৎ ঘুম ভাঙল—ঠাকুর ডাকছে।

—মা—মা।

—কি?

—বসন্তবাবু গোপা এঁরা এসেছেন—ডাকছেন—

—বসন্ত গোপা? কেন?

—বসন্তবন একটু।

বিরক্তিতরে উঠল মালতী। দরজা খুলে বেরিয়ে এল। উঠোনে দাঁড়িয়ে আছে গোপা।

বাইরের দরজার বসন্ত রিক্‌শার ভাড়া যেটাচ্ছে। তার সঙ্গে একজন কে। একজন নর দুজন। একজনের বিচিত্র পোশাক, গেরুরা আলখাল্লার মত লম্বা জামা। পরনের কাপড়টা সাদা। মাথায় একটা গেরুরা পাগড়ি, চোখে নীল চশমা, লম্বা চুল। মুখে বসন্তের দাগ। একজনের হাত ধরে ধরে ঢুকছে। অন্ধ না কি? কে? কাকে নিয়ে এল বসন্ত!

সম্ভবতঃ মিটিং করবে। এও একজন পাণ্ডা। বিরক্ত হল সে।

ডরাট গলার বললে—এই বাড়ী?

বসন্ত বললে—হ্যাঁ।

লোকটি অন্ধই বটে। খুব সাবধানে ঠাণ্ডর করে পা ফেলছে। সে ডাকলে—মালতী!

—কে? বিস্মিত হল মালতী।

বসন্ত ডাকলে—মালতী!

মালতী সিঁড়ি বেয়ে নেমে এল।

ওদিকে গ্রামোফোনে আবার বাজছে—এবার বাজছে তার রেকর্ডে—বাজছে সেই গানটা—

প্রাণের রাখার কোন ঠিকানা কোন ভুবনের কোন ভবনে!

মালতী বারান্দার নামল। নীরসকণ্ঠেই বললে—এস। কিন্তু তার সে ডাক কেউ শুনতে পেলো না। নীল চশমা-পরা পাগড়িধারী লোকটি বলে উঠল—হায় হায় হায়! তারপরই সে সঙ্গীর হাত ছাড়িয়ে নিয়ে সামনে হাত মেলে দিয়ে গেরে উঠল—

বলতে পারে কোন সজনী কোন স্বজনে!

ওরে—

ওরে কোন গেরামে কোন নগরে কোন বিপিনে কোন বিজনে!

ও আমার প্রাণের রাখার—

তারপরে হঠাৎ গান ছেড়ে দিয়ে বললে—গাবগুবাগুবটা কই—আমার গাবগুবাগুব।

বসন্ত তার গারে হাত দিয়ে বললে—হবে, পরে হবে।

—পরে হবে? কেন?

—ওই দেখ মালতী দাঁড়িয়ে।

—এ্যাঁ! মালতী! বলিহারি বলিহারি বলিহারি। কই রে? তুই মেয়ে কই রে? বীর মেয়েটা কই রে? বাপকে বাঁচাতে বাসুদেবের মত পালায়ান, অম্মুর রে একটা, তাকে কেটে জেল খাটলি—বীর মেয়ে তুই। কই রে তুই? আমি অন্ধ রে। তুই কই?

মালতী বললে—কে? তার বিশ্বয়ের সীমা নেই। গ্রামোফোন রেকর্ডের গানের গলা আর এর গলা এক!

বসন্ত বললে—চিনতে পারছ না?

—চিনতে পারছে না! হা-হা করে হেসে উঠল লোকটি। তারপর গান ধরে দিলে—ওই নীল উজল তারটি—!

ধোকাঠাকুর? নবু ঠাকুর? কিন্তু একি চেহারা হয়েছে! মুখে বসন্তের দাগে ডরা।

সে রঙ যেন থেকেও নেই। লম্বা—রোগী। চোখ নীল চশমার ঢাকা। বলছে অন্ধ হয়ে গেছে। সেই ছুটি চোখ! কী চোখ! আঃ—! মনের মধ্যে নিঃশব্দে উচ্চারিত হল একটি আঃ আর সঙ্গে সঙ্গে এ কী হল? চোখ জ্বালা করে উঠল—ঠিক জ্বালা করার মত—সঙ্গে সঙ্গে অহুতব করলে চোখে তার জল এসেছে। তার মনের মধ্যে ভাসছে খোকাঠাকুরের সেই রূপ সেই কান্তি। মাসী বলত—সোনারঠাকুর! আঃ! জল বৃষ্টি গড়িয়ে আসছে। সে ভাড়াভাড়ি মুছে ফেললে চোখের জল। তারপর এগিয়ে এসে তার পা ছুঁয়ে প্রণাম করলে।

—মালতী! বাঃ বাঃ—! প্রণাম করছিল। সে হেঁট হয়ে তার মাথার চুলে হাত দিলে। মালতী উঠে দাঁড়াল। তার মাথার হাত বুলিয়ে সে বললে—দাঁড়া দাঁড়া। দেখি দেখি কেমন হয়েছিল তুই! হাত দুখানি মাথার চুল থেকে কপালে তারপর বার কয়েক বুলিয়ে দেখে বললে—বা—বা—বা—এ যে তুই খুব স্নন্দর হয়েছিল রে! খুব স্নন্দর!

মালতী বুঝতে পারলে পাগলই হয়েছে খোকাঠাকুর। সে কথাটাকে ফিরিয়ে দিয়ে বললে—তোমার একি চেহারা হয়েছে ঠাকুর?

—কি হয়েছে?

মালতীর মুখ থেকে বেরিয়ে গেল—দেখতে পাও না?

চোখের চশমা খুলে ফেললে খোকাঠাকুর।—কি করে দেখব?

ওঃ চোখ দুটো গলে গেছে! আঃ! আবার চোখে জল আসছে।

বসন্ত বললে—চল্ আর উঠোনে দাঁড়িয়ে নয়। একটু বসবার জায়গা দে! সকালে ট্রেনে চেপেছি হাওড়ার। কি স্থান করবে তো?

—ওরে বাপরে! নইলে তো মরে যাব গো! কিন্তু সে পরে। আগে তোমার কাজ। ই্যা বা করতে আস। বুঝেছ! ওরে বাপরে, শুনে অবধি শান্তি নাই। দস্তাপহারী। বাপরে বাপরে! দলিলে না থাকলে কি হবে! আমি তো ওস্তাদকে বলে গিয়েছিলাম, যা আছে সব নিরো তুমি। গুরুদক্ষিণে দিলাম। টুল সরকার সাক্ষী, ধরনী দাস আছে সাক্ষী, শ্রীমন্ত মরে গিয়েছে।

মালতী ধরে জায়গা করে ওদের নিয়ে গেল। বসিয়ে একটা টেবিল ফ্যান লাগিয়ে খুলে দিয়ে বললে—একটু জল খাও বসন্তদা।

বসন্তদা বললে—চা দে!

খোকাঠাকুর—একটু জল, আমাকে একটু জল। আর আমার চেলাকে চা-টা দে। কি কি খাবে মনা?

মনা অল্পবয়সী ছেলে। সে বললে—চা-ই খাব।

মালতী চলে বাচ্ছিল। খোকাঠাকুর বললে—তোর লোকজনকে বল, তুই বস। তুই বস।

ঠাকুর বললে—মাসী চলে গিয়েছে নব্বীপ। তোর সঙ্গে বনল না। তুই খুব ভাল মোকান করেছিল। পাকাবাড়ি হয়েছে। ইলেকটিক লাইট হয়েছে। খুব লাভ। বাহবা বাহবা। তা চাকরদের বল। তুই বস। কুতুর তুই খুব সেবা করেছিল। শেষকালটার। আমি বলি—বা বা বা।

মালতীর মন মুহূর্তে কঠিন হয়ে উঠল। কিন্তু আত্মসংবরণ করলে। বললে—একটু পর বসছি ঠাকুর। চাকরে কি পারে এসব? কতদিন পর এলে। ভোমাদেবের ঘড়টয় করি! বসন্তদা লীভার মাল্লুধ। পান থেকে চুন খসলে মিটিংয়ে বলে দেবে কোন দিন। গোপা চান করবে ব্যবস্থা করে দি।

খোকাঠাকুর বলে উঠল—ঠিক ঠিক ঠিক! ঠিক বলেছিল। যা যা বা!

মালতী চলে গেল—গুনতে পেলে ঠাকুর গুনগুন করছে। প্রথমেই গোপাকে নিয়ে গেল কুরোতলায়; আন করবে গোপা। গোপা তাকে বললে—খোকাঠাকুর এখন বিখ্যাত লোক রে। গ্রামোফোন রেকর্ডে ওর গান ওঠে। ওই যে 'কোন সঙ্গী কোন স্বপ্নে' ও ভো ওরই গান। বেশ ভাল টাকা পায়। কালচারাল ফাংশনে পরমা দিয়ে নিয়ে যায়।

অবাক হবার শক্তিও নাই মালতীর। কেমন নির্বাক হয়ে গেছে ভিতরটা। যে কথাগুলো বলে এল সেগুলো যেমন সে দোকানে বসে ভাবতে ভাবতেও হেসে খন্দেরের সঙ্গে কথা বলে—নাম নেয়, তেমনি ভাবেই বলেছে। আপনার মনের মধ্যে সে ভাবছে সেই খোকাঠাকুরকে সোনাঠাকুরকে আর এই শীর্ণ অন্ধ মলিন দেহবর্ণ লোকটিকে। কিছুতেই মিলছে না। শুধু মিলছে কথায় মনে—সেই মাল্লুধটিই সেখানে।

অনেক নাম খোকাঠাকুরের অনেক আর খোকাঠাকুরের। সে কথাটা তার মনে যেন ঢুকল না।

সে একটু হেসে চলে গেল। কিছুক্ষণ পর ফিরে এল চাকরের হাতে ট্রেতে চা চপ শিঙাড়া সাজিয়ে; নিজে হাতে নিয়ে এল শরবতের গ্লাস। আর একটিন গোল্ডফ্লেক সিগারেট। ঠাকুরের বিড়ি খাওয়া গাঁজা খাওয়া মনে পড়ল। ঠাকুর ধরে বসে তখনও গুনগুন করছে। বসন্ত ব্যাগ থেকে কাগজপত্র বের করে দেখছে।

সে শরবতট ঠাকুরের হাতে ধরিয়ে দিয়ে বললে—খাও।

—এয়ে মিষ্টি গন্ধ উঠছে রে। রোজ সিরাপ বুকি। বা বা বা। তুই বড় ভাল হয়েছিল মালতী। বড় ভাল। আনিস চোখ গিরেছে আজ পাঁচ ছ বছর। বসন্ত হয়ে গেল। তারপর থেকে একটা জিনিস বুঝতে পারলাম। আমি পারি। মুখে হাত বুলিয়ে বুঝতে পারি রূপ কেমন। আর গায়ের গন্ধে বুঝতে পারি মন কেমন। ওসব সাবান ভেলের গন্ধ নয় রে! একটা গন্ধ আমি পাই। তোর গায়ের গন্ধ আমি পেয়েছি।

—খাও, শরবতটা খেয়ে নাও।

শরবতটুকু খেয়ে গ্লাসটা রাখতে বাচ্ছিল ইশারার ইশারার। মালতী তার হাত থেকে গ্লাসটা নিলে।—নাও। দিতে গিরে হাতে হাত ঠেকল।

—দাঁড়া—দাঁড়া।

হাতের উপর হাত বুলিয়ে বললে—দেখি। ভারী নয়ম হাত। ভারী মিষ্টি।

—ছাড়। নাও। সে সিগারেটের টিন এবং দেশলাই তার হাতে দিলে।—খাও। যে বিড়ি টানতে—তার উপর—

হা হা করে হেসে উঠল খোকাঠাকুর।—মনে আছে? হা—হা—হা—হা! একটানে

একটা বিড়ি টেনে শেষ করে দিতাম। আর সেই মাস্টারের কান ধরা। হা—হা—হা—হা—
 ধরখানা কাঁপছে হাসিতে! হঠাৎ হাসি থামিয়ে বললে—কিন্তু আমি তো আর এসব
 ধাই না রে।

—খাও না? এবার বিশ্বয় লাগল মালতীর।

বসন্ত হাত বাড়িয়ে সিগারেট দেশলাইটা নিয়ে বললে—আমাকে দাও। গোম্বুলেক!
 বাঃ!

—তা ঠাকুর যে এখন বিখ্যাত লোক—অনেক রোজগার—গোম্বুলেক ছাড়া দিতে পারি?
 তা তুমিও বিখ্যাত লোক—তুমিই নাও!

বসন্ত বললে—হ্যাঁ। নবীন বাউল মস্ত লোক। বিখ্যাত লোক! আচ্ছা, আমি ক্যাম্প
 থেকে ঘুরেই আসি। তুমি বস নবু।

গোপা স্নান করছে। খোকাঠাকুরের সন্দের ছেলেটি হাট দেখতে গেল। চলে গেল
 বসন্ত। বসে রইল মালতী আর খোকাঠাকুর। মালতী বললে—তুমি এসব ছেড়ে দিয়েছ?
 আঁবাক লাগছে!

খোকাঠাকুর হেসে বললে—গলা বসে যেতে লাগল। কিছুতেই সারে না। কোম্পানি
 বললে ডাক্তার দেখাও। ডাক্তার বললে ক্যান্সার হয়ে যাবে শেষ পর্যন্ত। আমি বললাম—
 তা হোক গলাটা সারিয়ে দেন। ব্যাস তা হলেই হল। তা বললে সিগারেট বিড়ি গাঁজা
 খেলে গলা দিন দিন বসবে। ক্যান্সারও হবে। বুঝলি—কি করব? গান গাইতে পারব
 না? গুরে বাপরে বাপরে! দিলাম ছেড়ে।

—ক্যান্সার! এবার কেঁদে কেলেল মালতী। বললে—চিকিৎসা করাও নাই?

—করিবোছি। পরীক্ষা-টরীক্ষা করলে। গলার মাংস-টাংস দেখলে। বললে, না
 ক্যান্সার হয় নি। তবে সিগারেট গাঁজা খেলে হবে। ক্যান্সার হলে গলাও বসে যাবে।
 গলা সারল। সেরে গিয়েছে। বলেই সে হাত বাড়িয়ে আ—বলে সুর ধরে গেয়ে উঠল—

কুল আর কলঙ্ক দুয়ের কারে রাখি বলবে কে সে?

কুল আমার সোনার শয্যে কলঙ্ক মোর কালো কেশে।

কুল রাখি না শ্রাম রাখি হার—

কুল রাখিলে শ্রাম যে হারার—

কুল হারালে অকুল পাথার—তল নাই তার ডুবি শেষে।

কুল গিয়েছে শ্রাম গিয়েছে—

সোনার রাখা লুটাইছে—

তবু রাখা কলঙ্কিনী নাম রটেছে দেশে দেশে।

মালতীর চোখের জল আর বাধা মানল না। গড়িয়ে পড়ল গাল বেয়ে। এ বেন তাকে
 নিয়েই গান। এ যে সেই। কুলও গেছে তার শ্রামকেও পারনি। শুধু কলঙ্কের বোঝা বয়ে
 ভুবনপুরের হাটে সওদা করে চলেছে। জীবনে তার আকর্ষণ তৃষ্ণা। এক মাহুঘের কাছে
 তার নিজের মন নিজেকে দিয়ে তাকে পায় নি, পেলে না। ভুবনপুরের হাটে শুধু পয়সার

জিনিসে বিকিকিনি। তা ছাড়া সব মিথো।

গানটা ধামিরে ধোকাঠাকুর বললে—গলার আমার কিছু নেই। গলা আমার ভাল হয়েছে। আরও খুলেছে। বুঝলি। এ গানেরও খুব কদর। খুব। গানও আমার। আমার। আমি লিখেছি। কি চুপ করে রয়েছিস যে। তারিক করলি না? মালতী—
চলে গেলি?

মালতী সরে গেল। ধোকাঠাকুর হাত বাড়াচ্ছে তার মুখের দিকে। দেখছে আছে কি না।

ধোকাঠাকুর আবার ডাকলে—মালতী! তোর গন্ধ পাচ্ছি তো। চলে তো বাস নি!

মালতী উঠে দাঁড়াল। চোখ মুছে বললে—কি ধাবে বল তো? মাছ টাছ ধাও তো?

—ধাই। বুঝলি—মাংস একটু মাংস চাই।

—মাংস ধাও?

—খেতে হবে। ডাক্তার বলেছে। জানিস মালতী ক্যান্সার তো হল না। হল কিছু টি-বি। দেখছিস না রোগী হয়ে গিয়েছি।

—টি-বি?

—হ্যাঁ। জর হতে লাগল। তারপর মূখ দিয়ে গরুরে রক্ত বেরুল। ভাবলাম গান গেয়ে গলা কেটেছে। তা আবার ডাক্তার দেখালাম। ওরা কটো টটো তুললে বুকের। বললে টি-বি। বলে হাসপাতালে ধাও। আমি বলি—না। গান বন্ধ হবে। সিটিং হবে না। মরব—গান গেয়েই মরব। মরবার সময়ের জন্তে একটা গান লিখব। একটা লিখেছি সেটা ঠিক মরবার সময়ের নয় একটু আগের। শুনবি—

সবে ধরে দিলে গান—আ—!

মালতীর কর্ণধর রুদ্ধ হয়ে গেছে। সে বলতে পারলে না—না থাক!

ধোকাঠাকুর গান ধরে দিয়েছে।—

হাটের বেলা ফুরিয়ে গেল ঘাটের খেয়ার ঐ ইশারা।

মাধার বোঝা রাখব কোথায় পাখার নদী নাই কিনারা।

কই নয়দী আপন জনা—

কে নেবে মোর মাধার সোনা—

মন মানে না ফেলতে জলে পাওনা আমার বড্ডে গোনা।

ধেমে গেল হঠাৎ, বললে—তুই কান্দছিস আমি বুঝতে পারছি। থাক!

মালতী চোখ মুছে বললে—তুমি কোথায় এসেছ এখানে? ওই জারগা তুমি বসন্তকে দিয়েছ তাই বলতে সেটেলমেন্ট আদালতে?

—হ্যাঁ রে। বসন্ত বাহাদুর খুব বাহাদুর—খুঁজে ঠিক বার করেছে। বুঝলি। বললে—
আমি এসেছি—তুমি কিছু টাকা নাও। নিয়ে একটা লিখে দাও আমাকে। তোমার তো অভাব নাই।—তা নাই। তা আমি এখন ভাল পাই। তা পাই চাই নাই পাই, গুরুকে
মুখে দিয়েছি—লিখতেই তুল হয়েছে তা বলে টাকা নিতে পারি। তা ছাড়া বসন্ত বাহাদুর—

ভাল লোক—বৃকের পাটাওলা মরদ। গোপাকে বিয়ে করেছে তো। চোর জোঁজোরের কাজ করে নি তো। লীড়ার লোক। উক্তি করি। এমন লোককে উক্তি করি। বললাম—টাকা কেন লাগবে গো। টাকা কিসের। চল চল—বলে দিয়ে আসি। আমি দান করেছি। গুরুকে দিয়েছি—বসন্ত আমার গুরুপুত্র। চলে এলাম। বলে দোব—কাজ হবে যাবে। কাল চলে যাব। তোদের দেখা হল। ভুবনেশ্বরকে প্রণাম করে এসেছি। যাবার সময় আর একবার করব।

বাইরে হাট চলেছে। একটা বিরাট চাকে মাল্লু মৌমাছি ডনডন গুনগুন করেছে। মধ্যে মধ্যে ছুঁচরটে খুব উঁচু গলায় চীৎকার উঠছে।

হয় ঝগড়া বাদামুবাদ—নইলে কেউ কাউকে ডাকছে। নইলে কেউ উঁচুগলায় নিজের জিনিসের নাম করে চোঁচাচ্ছে। কিন্তু মালতীর মনে হল সমস্ত ভুবনপুর মধ্যরাত্রির মত স্তব্ধ নিস্তব্ধ। কোথাও কেউ জেগে নেই। তার মধ্যে সে হারিয়ে যাচ্ছে। কথা ফুরিয়ে গেছে—ভাবনা হারিয়ে গেছে—জীবনটাই বুলি ফুরিয়ে যাবে।

* * *

বিচিত্র খোকাঠাকুর। নবীন বাউলের নাম শুনে সেটেলমেণ্ট আপিসের সায়েব বললে—গান শোনাতো হবে।

খোকাঠাকুর খুব খুলী, বললে—নিশ্চয়। ওই হাটভলার কিন্তু।

হাটভলার কোরালো ইলেকট্রিক লাইট জেলে আসর বসল। লোক খুব হরেছিল। গোটা ভুবনপুরের লোক।

মালতী বারণ করলে—না। এ কি করছ?

সবের ছেলেটি নিজে বারণ করতে পারে নি, মালতীকে বলেছিল বারণ করতে। কিন্তু খোকাঠাকুর হা হা করে হেসে উঠল।

মালতী বললে—তুমি হেসো না ঠাকুর, নিজের ভালমন্দ বোঝ না।

অন্ধ খোকাঠাকুর পারে ঘুড়ুর বাঁধতে বাঁধতে বললে—ওরে ভুবনপুরের হাটে গান গেয়ে বাই আমার প্রাণের বুলি উজাড় করে! বলেই উঠল—এ যে পদ হয়ে গেল রে! বাঃ বাঃ—

ওরে ভুবনপুরের হাটে আমার গান গেয়ে বাই
আমার প্রাণের বুলি উজাড় করে।
আমার ছুঁখের বোঝা নামিয়ে দিয়ে সুখ নিয়ে বাই—
প্রাণের রসে ভেট্টা মেটাই কর্ত্ত ভাই।
ভুবনহাটের ধুলোর ভলার
হারিয়ে যাওয়া মানত ডেলার
কোন আহুতে করলে মানিক পরব রে গলায়—
কামনারই শোনার স্তোত্র পেঁখে পরে বাই।

এ সুখ আমি রাখব কোথা করে দেব' রে ।
আমার প্রাণের খুলি উজাড় করে !

অবাক হয়ে গেল মালতী । তার মুখে কথা সরল না । হাতে ধরে আসরে নামিয়ে দিলে, দেখতে দেখতে নব্বঠাকুর আলাদা মাল্লুব হয়ে গেল । হাটের আসরে আলখাল্লা পরে মাতো-রারা হয়ে গান ধরলে—প্রথমেই ওই গান । তারপর গানের পর গান । সবে সবে ঘুড়ুর পায়ে নাচলে । লোকে মন্ত্রমুগ্ধ হয়ে গিয়েছিল । বাহবা দিলে ও নিজেই । হায় হায় হায় করে সরস বাহবা নিজেই দিলে । কখনও বললে—আহা—হা ।

সাড়ে দশটা বাজবার পর ভাঙল আসর । তারপরও তার রেহাই হল না । মালতী কেবিনের সামনে চেয়ার পেতে সেটেলমেন্টের সারেরব বলল—মাঝখানে বসালে খোকা-ঠাকুরকে । বললে—এবার আপনার কথা শুনব ।

নব্বঠাকুর হেসে খুন ।—কথা আবার কি ।

—আপনার গল্প । এখান থেকে চলে গিয়েছিলেন বাউল হয়ে ।

নব্বঠাকুর হঠাৎ পতীর হয়ে গেল । তারপর হঠাৎ হেসে উঠে বললে—মাল্লুবের মন দেখুন । রাগ হয়ে গেল । দূর দূর দূর ! মানে তখন মনে খুব দুঃখ ছিল । বুঝেছেন । গুরু মন্দ বলত, লোকে মন্দ বলত । গাঁজা খেতাম । হঠাৎ জরদেবের মেলার এক বাউলের গান শুনে খুব ভাল লাগল । তাকে ধরলাম ! আমাকে শেখাবে ? বললে—পারবি ? বললে—তবে শোনা একপদ কেমন গান শুনি ! তাকে তারই গান গেয়ে শুনিতে দিলাম । সে খুশী হল । বললে—চল । কষ্ট কিন্তু অনেক । ওস্তাদ ছিল মেলার, শ্রীমন্ত ছিল । শ্রীমন্তকে পুঁকুর দিলাম । আঃ ! ওই দেখুন । মুখের কথার দান—বাবু'র কথা কিরিরে কী কাঙটা করলে দেখুন । মালতী মেরেটা ভারী ভাল মেরে । ভারী ভাল লাগত ! আমার গান শুনবার অস্ত্রে ছাঁকছাঁক করে বেড়াত । তার কি হল দেখুন !

একটু চুপ করে থেকে বললে—তা বা হয়েছে তাই হয়েছে—ভুবনপুরের হাটে নিত্য কৌজদারি । ও মাল্লুবের স্বভাব । মারে—মার খায় । দণ্ড ভোগে । তুগেও কিন্তু মেরেটা জিতেছে । কী ব্যাপার করেছে দেখুন !

কে বললে—আপনার কথা বলুন ।

—আমার কথা ? এও তো আমার কথা । মালতীকে দেখে যে কী আনন্দ হল ! কী বলব । তেমনি আনন্দ বসন্তকে দেখে ! বাহবা বেটাছেলে । তা আমিও বাহবা । বুঝেছেন । আমারও বাহবা আছে । কিছুদিন—দু'বছর ঘুরতে ঘুরতে বসন্ত হল । বুঝলেন । ভয়ানক বসন্ত প্রথম হল গুরুর । গুরু গেলেন—আমার হল । কি করে বাঁচলাম জানি না । বাঁচলাম—চোখ দুটি গেল । তারপর ঘুরি পথে পথে । গুরু বলেছিল যা ডোকে দিলাম—তু নিজে অভ্যাস করিস—পথে পথে গেয়ে বেড়াস—লোকে শুনবে—তোমরও অভ্যাস হবে । ওতেই বা পাবি তাতেই পেট ভরবে । বা তাববি মনে তাববি । বুঝলি—মনে রাখবি পাপ নাই—পুণ্যও নাই । বাতে সুখ নাই তাতে পুণ্য নাই—বাতে দুখ তাতেই পাপ । তবে

হিসেব। ওই হিসেব করে সুখ কোথা খোঁজ। খুঁজতে খুঁজতে কষ্ট পাবি—আবার আনন্দ পাবি—মনের ওই ভাব ছেঁদে গাঁথবি,—পদ হবে। গেয়ে গেয়ে বেড়াবি। তাই বেড়াচ্ছিলাম। একদিন এক জায়গার নদীর ধারে অনেক গোলমাল। চোখে তো দেখি না। লাঠি ধরে হাতড়ে চলি। একজনকে বললাম—কি ভাই? না ছবি তুলছে। বারকোপ। তখন সিনেমা ফিলিম জানতাম না। এখন অনেক শিখছি। অনেক। এখন বই পড়তে হয় লেখাপড়া করি। তা আমিও দাঁড়িয়ে গেলাম। কথা শুনে বুঝছি কিছু কিছু। এমন সময় ওদের একজন লোক আমার পোশাক দেখে বললে—কি? তুমি কি দেখছ?

—বললাম—শুনছি বাবা। শুনে বুঝছি।

—বাউলের পোশাক। গাইতে পার নাকি?

—তা পারি। শুনবেন? শোনানোই আমার কাজ বাবা।

বললে—বস তা হলে।

কিছুক্ষণ পর ওরা খেতে বসল। আমাকে বললে—খাবে? বললাম—দাও। বললে—মুরগী। বললাম যা দেবে বাবা তাই খেতে গুরুর গাদেশ। তবে মুরগী খাই নাই—মাংসটা দিয়ে না—বাকী সব দাও।

খুব হাসি ওদের। তারপর গান শোনালাম। ওই গানটা—বুঝেছেন—প্রাণের রাখার কোন ঠিকানা; শুনে ওরা খুব খুশী। খুব। বললে—পূর্ণর থেকে কম যায় না। পূর্ণর গান উঁধন শুনি নাই পরে শুনেছি। ভাল ভাল খুব ভাল। সে যাক—ওরা তুলে নিলে গান—আমাকে কুড়িটা টাকা দিলে। একজন ওরই মধ্যে আমাকে বললে—আমার সঙ্গে কলকাতা চল। ভাল হবে। নাম হবে। রেকর্ডে উঠবে গান। তা চলে এলাম। এই ছ'বছর আগের কথা। লোকে বলে তিনি ঠকিয়েছেন আমাকে। আমার গান রেকর্ড করিয়ে আমাকে একশো টাকা দিয়ে রয়ালটি তিনি নেন। তাঁর কাছ থেকে এলাম আর একজনের কাছে। তারপরে চ্যালা জুটল। বাসা হল। এখন খুব খাতির করে লোক। তবে লোকে বলে আমাকে ঠকার। আমি জানি। ছ'তিন জন মেয়ে ধরেছিল। সঙ্গে সঙ্গে ঘুরতে লাগল। ভাবি কি বিপদ! কেউ টাকা নিয়ে সরে। কেউ সুর শিখে সরে। কেউ বলে বিয়ে কর। তা বুঝলেন। বিয়ে কাকে করব। ওখানে আমার গুরুর হিসেব। যে মেয়ে আমার সব হবে। যে মেয়ে আমার মধ্যে ডুববে সে ছাড়া কাকে বিয়ে করব। তা গুরু জ্ঞান করলেন—যেই শুনলে আমার টি-বি হয়েছে অমনি সব ভাগল। আমি বলি টি-বি নয়। গুরুর আশীর্বাদ। জয় গুরু। বুঝলেন। একবার হাজার টাকা রাখলাম বালিশের নীচে—একটা মেয়ে দেখেছিল নিয়ে ভাগল। তারপরে বলে টাকা ধার চাই বাড়ীতে অত্যাঁব। পরিজ্ঞান পেয়েছি। এখন আমাকে কুত্তের মত ভয় করে।—

বলে হা হা করে হেসে উঠল।

তারপর বললে—আমার বসন্তদানী গুরুপুত্র—আমার বা করলে তা গুরুপুত্র ছাড়া কে করবে? কুবনপুরে নিয়ে এল। মাটির বীধন ছুঁচিরে দিলে। কুবনপুরের হাটে বলেই সুরে

গাইলে—আহা—

ভুবনপুরের হাটে আমার গান গেয়ে বাই ।

বুলেন—এটা আজই বাঁধলাম ।

মালতী নিজের চেয়ারটিতে বসে শুনছিল ।

ঘুম এসেছিল বোধ হয় ! টেবিলে মাথা রেখে যেন শুয়েছিল ।

আসন্ন ভাঙল—তখন রাজি বারোটা ।

ঘরে বিছানার বসেছিল নবুঠাকুর । তার শুয়ে ঘুম হয় নি—ছেলেবেলার কথা মনে পড়েছে । ছবির পর ছবি ভেসে যাচ্ছে মনে !

মধ্যে মধ্যে মনে হচ্ছে কোথার একজন কেউ জেগে আছে— বাকী সব নিশুন্স । রাজি বোধ হয় তিনটে ।

হঠাৎ যেন দরজা খুলে গেল ।

নবু বললে—কে ? তারপরই সে বললে—মালতী ? গায়ের গন্ধ পেয়েছে সে ।

মালতী বললে—হ্যাঁ !

—কি রে ?

অসংকুচিত কণ্ঠে মালতী বললে—তোমার কাল সকালে বাঁধা হবে না । যেতে পারে না ।

—কেন রে ?

—শুধু কাল নয় বরাবরের জন্তে । আমি তোমার সেবা করব ।

—মালতী! মালতী! কাছে আর—শোন ।

মালতী এসে কাছে বসল তার । নবুঠাকুর তার মাথার মুখে হাত বুলিয়ে বললে—আমার সেবা করবি ? তুই আমার সেবা করবি ?

—তোমার সেবা করব । তোমার চিকিৎসা করাব, তোমাকে বাঁচাব । ঠাকুর তোমার টাকা আমি চুরি করব না—ধার চাইব না । সুরগু শিখব না । যদি পার তোমার নিজেকে আমার দিয়ে ।

—তুই কীদছিস ? চোখের জল পায়ে পড়ছে । মালতী তুই আমার নিবি ?

মালতী তার পায়ে মুখ ঝুঁকে উপুড় হয়ে পড়ে বললে—আমি আর পারছি না । তুমি আমাকে নাও ।

নবু বললে—চল । আমার হাত ধরে নিয়ে চল—ভুবনেখরতলার বাবাকে সাক্ষী রেখে তোকে নিয়ে আদি । নে হাত ধর ।

পথে কে কাউরাছিল জন্মের মত । একটা মেয়ে । ও টিকলির বোন । পূর্ণগর্ভা ছিল । তার সন্তান হচ্ছে ।

নবু বললে—কে ? কি ?

ওদিকে কে কীদছে । ও চুনারিরা কীদছে । তার বাবার অস্থখ ছিল ।

সে বললে—কিছু নয় । চল ।

ওরা ভুবনেখরতলার গিরে উঠল ।